

近代中國史料叢刊第八輯

沈雲龍主編

近代名人小傳

費行簡著

文海出版社印行

說 明

當代名人小傳，共分上下兩卷，四川費行簡著，別署沃邱仲子。此書爲談人物傳記者所取資，久已膾炙人口。本社經多方搜求，僅獲近代名人小傳，先付影印。其當代名人小傳，容俟覓得，再行付印。如荷海內藏書家協助，設法惠借，尤所感盼。

惟近代名人小傳，間有未諦之處，訛字亦不少。如董恂，字韞卿，江蘇甘泉人，誤爲富陽董誥之孫；誥諡文恭，誤爲文恪。又袁保恆，諡文誠，誤爲袁葆恆，諡文勤；又曾紀澤，字劼剛，誤爲誥剛，而其襲侯爵亦非由拔貢；又楊崇伊，字莘伯，誤爲萃伯。類此小疵，殊爲美中不足。他若僅憑傳說，厚誣賢者，徒逞文人筆鋒，容或別有所感，祈讀者細心辨識是幸。

近代名人小傳凡例

一斷自清同治初。迄乎今日。凡已歿者。稱近代名人。生存者。稱當代名人。釐爲上下兩卷。

一上卷分儒林。一行親貴。官吏將士。忠烈。文苑。貨殖。藝術。任俠。民黨。十一門。下卷分元首。官僚。武人。政客。文人。教育家。實業家。清室逸臣。宗教家。民黨。伶人。十門。義取隨時也。

一近代名人事蹟。或已見諸紀載。據所聞世例。祇記其軼事。當代名人則據所見世例。臚舉較詳。

一是非根乎事實。事實既詳。是非自在其中。閱者以意逆之。誰毀誰譽。思過半矣。

一列女。孝義釋道諸門。當續纂輯。苟有以事略見示者。曷勝企忭。

一歐陽永叔五代史一行傳所載皆隱逸也。然泉壑之徒。名不聞於朝市。欲求其行狀。豈不甚難。况近世逸老。仕已靡常。孰爲大隱。今茲所列。皆至性畸行。隱不則非所計。

一舊稿燬於兵燹。客中追錄。難免遺忘。行篋無書。補輯匪易。罅漏或什七矣。大雅不棄。示我周折。俾不越規矩。何幸如之。

一袁世凱獨變例列諸當代者。則以其選元首在孫文後。一則以其事實多有關於今日諸人也。而已自慚體例之弗嚴已。

一五代史傳伶官。以譏時君。今歐美人謂戲劇足補教育所不及。世漸重視伶人。故兼爲伶人傳。

近代名人小傳叙

吾十有五度嶠函越中條以北經乎井陘以至於京師則見熙攘往來於朝市者日以億萬計私謂若而人者非有史氏紀載百年以降或不能舉其姓字矣明年乃習太公書冠而二十四史畢知人之能稱諸沒世者特萬千中之一二耳而是一二者是非率見於官書欲其無曲筆衡說吾誠未之敢信自是飢驅南朔或撰杖乎耆碩之側事必問問必記三十年中所得積四十卷都百三十萬言雖見聞詳略有差而毀譽不謬於聖人視世之以諛墓文爲事略者少不侔矣敝廬當凌雲山麓據江濟之勝阿閣兩重胥以皮書其所撰錄附乎其中友生見存者曰是亦名山之藏矣丙午夏五滇師一炬萬卷皆燼倉卒奔徙達乎海濱古謂作史者恆蒙奇禍故丘明滅明司馬中腐

刑吾之所遭。或與之齊。雖然。魏收以降。傳世信史。類奉勅撰。秉筆者皆達官。鉅卿。初不聞其招損蒙害。是則湘綺先生。所謂官書譽倍於毀。務爲庸庸宜其多厚福矣。吾誠譴陋而狷傲。未嘗以虛譽奉人。若世官書固所羞爲。然三十年之所聞見。紀載終不欲其盡佚。於是追思補錄。凡三閱月。乃始成書。而視曩作。僅及什一。嗚呼。姓氏得存。名稱能舉。是亦足矣。而所紀或鄰於稗官。或無關宏旨。故命名小傳。今方以史館附國大學。延世之魁儒雋士。編纂文獻。吾書視之。若溝瀆之於江漢。坏壤之於岱華。以云小不誠當哉。沃丘仲子

近代名人小傳總目

●儒林

王闓運	何紹基	俞樾	陳澧	朱次琦
桂元燦	馮桂芬	王熙震	成蓉鏡	王筠
苗夔	張裕釗	吳汝綸	戴望	黃以周
錢葆唐	孔廣銘	鄭珍	莫友芝	柳逢辰
岳森	劉子雄	胡從簡	戴光	劉嶽雲
宋書升	孫葆田	龍澤厚	楊守敬	羅光烈
孫貽讓	皮錫瑞			

●一行

近代名人小傳總目

金汝庸

劉庸

崔

郭崑燾

楊高望

姜詩

通州二老

孫汝綺

孔昭祺

田浩

京師卜者

張孝子

裴槐廬

裕彬

姚念祖

王晟

上清宮道士

劉棠卿

岑熾

密昌墀

留壩賣餅者

江慕純

翟彥衡

張約束

戴溶

◎親貴

綿愉

奕訢

奕諒

奕譞

奕詳附奕詒

載澂

奕謨

世鐸

奕劻

增伯納謨祐

◎官吏

郝雋藻

翁心存

倭仁

肅順

賈楨

李棠階

王慶雲

沈兆霖

曹毓瑛

譚廷襄

鹿傳霖	張百熙	崇綺	張蔭桓	潘祖蔭	孫毓汶	張之萬	趙光	福錕	毛昶熙	瑞麟
孫家鼐	立山	剛毅	李端棻	錢應溥	徐樹銘	恩承	周祖培	崑崗	畢道遠	寶璽
張之洞	裕德	趙舒翹	榮祿	廖壽衡	陳學芬	額勒和布	賀壽慈	麟書	皂保	文祥
戴鴻慈	崇禮	徐會灃	徐桐	薛允升	敬信	閻敬銘	黃宗漢	沈桂芬	董恂	龐鍾璐
廷杰	懷塔布	吳廷芬	啓秀	翁同龢	李鴻藻	許廣身	黃卓	官文	桂良	單懋謙

陸寶忠	陳彝	游百川	師曾	崇光
王文韶	徐邨	瞿鴻禨	陸潤庠	黃體芳
夏同善	孫詒經	薛煥	寶廷	汪鳴鑾
長萃	劉恩溥	李端遇	王文錦	嵩澐
李文田	袁昶	許景澄	聯沅	張亨嘉
張英麟	徐致祥	朱道然	袁葆恆	龍湛霖
吳樹梅	郭嵩燾	曾紀澤	洪鈞	何如璋
黎庶昌	楊儒	裕庚	楊樞	崔國因
蔡鈞	汪鳳藻	梁誠	薛福成	薛福保
陳蘭彬	龔照瑗	劉瑞芬	李鳳苞	顧肇新
許珏	張佩綸	鄧承脩	何金壽	安維峻

鍾德祥	楊崇伊	管廷獻	陳秉和	謝嵩杭
吳可讀	謝維藩	李慈銘	吳嘉有	王先謙
樊恭煦	尹琳基	鄭溥元	陳康祺	王懿榮
盛昱	朱一新	王鵬運	陳琇瑩	丁仁長
于式枚	黃紹基	黃紹第	文廷式	蒯光典
江標	黃思永	姚丙然	姚文焯	費念慈
葉熾昌	準良	貽穀	高慶恩	譚宗浚
王仁堪	李希聖	高燮曾	張仲忻	沈恩嘉
王汝楫	甘大璋	楊銳	劉光第	譚嗣同
林旭	李雲麟	徐致靖	徐仁鑾	王照
劉長佑	曾國藩	李鴻章	裕祿	楊士驥

余蔭霖	張煦	李秉衡	恩澤	恭鏜	劉嶽昭	吳棗	德壽	涂宗瀛	魏光燾	端方
丁日昌	倪文蔚	張汝梅	長順	色楞額	岑毓瑛	丁寶楨	卞寶第	張樹聲	李興銳	沈葆楨
吳元炳	李鶴年	毓賢	銘安	金順	岑毓寶	劉秉璋	邊寶泉	毛鴻賓	周馥	李宗羲
陸元鼎	劉樹棠	文格	陳士杰	長庚	丁振鐸	趙爾豐	何璟	譚鍾麟	張人駿	曾國荃
恩壽	裕長	胡聘之	張曜	歧元	崇實	崧蕃	駱秉章	陶模	李瀚章	劉坤一

譚鈞培	劉邨膏	沈秉成	王之春	鄧華熙
恩銘	喬松年	德馨	馮汝駉	彭祖賢
譚繼洵	嚴樹森	吳大徵	陳葆箴	俞廉三
劉崑	王凱泰	張兆棟	劉銘傳	邵友濂
唐景崧	蔣益澧	馬丕瑤	許振禕	張聯桂
潘鼎新	柯逢時	葉栢蔭	蔣志章	張凱嵩
杜瑞聯	徐之銘	裕祥	黃槐森	曾蘇
曾璧光	黎培敬	韓超	王毓藻	嵩崑
潘霽	饒應祺	劉錦棠	袁大化	聯魁
馬新貽	游智開	崧駿	譚世臨	劉岑
易佩紳	方濬益	馮煥光	孫衣言	蒯德模

李 榕	李鴻裔	金國琛	梅啓照	劉連捷
席寶田	江忠濬	劉 典	袁甲三	松 椿
勝 保	王德榜	李有棻	湯壽銘	黃彭年
劉春霖	張紹華	胡橘芬	誠 勛	聶緝槩
文 海	安 成	慶 善	裕 綱	杜嘎爾
鳳 全	史念祖	恭 壽	綽哈布	穆圖善
希 賢	魁 玉	富明阿	都興阿	清 銳
唐 炯	汪 鑑	文 悌	陶大均	吳熏來
陳兆棠	閻迺珏	許鼎霖	羅 廣	王培佑
劉心源	段 起	長 庚	徐慶陞	張汝熙
興 祿	瑞 洵	陳昭常	瑞 澂	盛宣懷

●將士

劉松山	李成謀	多隆阿	鮑超	陳國瑞
李世忠	胡中和	周達武	唐友暉	田興恕
蔡標	馬如龍	僧格林沁	熊登武	朱鴻章
成大吉	譚碧理	黃翼升	陳際清	鄧榮陞
楊歧珍	宋慶	董福祥	張俊	王心安
明耀光	方耀	何長清	周盛波	丁汝昌
衛汝貴	葉志超	黃仕琳	呂本元	章高元
王孝祺	馮子材	劉永福	夏辛酉	馬玉崑
曹克忠	婁雲慶	宋國永	陳湜	余虎恩
楊金龍	吳長靖	馬維騏	白金柱	蘇元春

伊克唐阿 孫開華 馬德昭 雷正綰 唐定奎

歐陽利見 吳祿貞 鍾麟同 王英楷 劉永慶

周國祥 良弼

◎忠烈

楊玉科 左寶貴 鄧世昌 戴宗騫 聶士成

壽富 康廣仁 唐才常 羅榮光 王廷相

志鈞 壽山 段國英 祝書 葛爾濟旺

◎文苑

鄧輔綸 高心湄 吳嘉賓 吳敏樹 周壽昌

汪維恕 黃燮清 譚瑩 蔣鹿潭 薛時雨

譚昭咏 歐陽兆熊 譚獻綸 廖廷相 楊峴

沈燕 火神廟道士

◎貨殖

何棫 黃寬 胡光墉 唐廷樞 華村五

王余照 曹憲 王熾 李正華 鄒靜齋

王存善 張恆澄 葉亮卿 喬世傑 林維垣

唐廣峯 曾少卿 夏粹芳 馮霖沛 馬義源

田子興 溫恆益 章丘孟氏 京師四恆 南洋及美洲諸商

◎任俠

張大烈 周培之 蕭仲侯 楊郁文 大刀王五

錫嘏 石玉田 馬聯海

◎民黨

趙之謙 陸心源 施菊華 施山 張肅

曹馴 毛翰豐 孔廣翼 王韜 江開

趙經畬 邱逢甲 陳觀濤 徐錫祉 陳澹然

孫雄 鄭崇敬 范當世

◎藝術

李善蘭 華衡芳 蕭開泰 馬文植 薛福成

李德元 李仲元 陳蓮舫 賴嵩蘭 石康

陳獻之 張熊祥 費丹旭 任渭 周棠

胡石查 鍾肇立 顧子遠 吳讓之 彭聚星

僧明基 范金鏞 張祖翼 謝晉涵 榮綢

徐汝舟 譚衡 曾昭吉 羅毓珉 朱鶴年

熊成基	趙聲	史堅如
王鐘聲	宋教仁	鄒鎔
□□□	張振武	吳樾
武昌三烈	黃興	徐錫麟
黃花崗諸忠	張榕	楊正鴻

近代名人小傳總目

近代名人小傳

沃丘仲子著

儒林

漢以前儒者治經術。宋以後儒者治性理。故宋史創道學。而身心性命之旨。彼周程朱張之所闡者。或不若道德華嚴之詳也。其自外於儒林也。宜矣。余羸鯁。虛靈之說。非所習。弗通六藝者。弗敢以儒奉之。作儒林傳。

王闓運	何紹基	俞樾	陳澧	朱次琦	陸文燦	馮桂芬
王熙震	成蓉鏡	王筠	苗夔	張裕釗	吳汝綸	戴望
黃以周	錢葆唐	孔廣銘	鄭珍	莫友芝	柳逢良	岳森
劉子雄	胡從簡	戴光	劉嶽雲	宋書升	孫葆田	龍澤厚
楊守敬	羅光烈	孫貽讓	皮錫瑞			

王闓運

字壬父。湘潭人。就學三年。日誦不能及百言。已雖其成誦。而猶弗得其解。塾之人皆蚩之。師曰。學而蚩於人。是可羞也。蚩於人而不奮。寧不學也。聞而泣。退而刻責。乃免。強乎學。問所習者。不成誦。不食。夕所誦者。不得解。不寢。於是年十有五。明訓。故二十而通。章句二十四而言禮考。三代之制度。詳品物之所用。二十八而達春秋微言。張公羊申何學。時則學者習注疏。文章皆法鄭孔。有解釋無紀述。重考證。略論辨。讀者竟十行輒引。几臥慨然曰。文者聖之所託。禮之所寄。史賴之以信。後世人賴之以爲語言詞。不修則意不達。意不達則藝文廢。俗且反乎混沌。况乎孳乳所積。皆仰觀俯察之所得。字曰文。言其若在天之星象。在地鳥獸。蹏迹之跡。必其燦然者也。今若此文之道。幾乎息矣。遂溯莊列探賈董。發爲文章。其儷體則揖顏庾。詩歌則抗阮左。記事

之體。一取裁於龍門。爲尙書箋。禮經箋。小戴記箋。春秋公羊箋。春秋例表。論語箋。湘軍志。注墨子。列子。正諸史藝文。纂春秋遺傳。諸門弟子輯其文詩書問爲集。凡若干卷。先生咸豐癸丑舉人。以貧就食四方。嘗館山東巡撫崇恩。大學士肅順所順奉之。若師保。軍事多以諮之。左宗棠之獄。因以得解。已而參會國藩戎幕。國藩先生通家也。其初起屏儀節。延納士人。重法以繩吏胥。嚴刑以殛姦宄。皆納先生議。迨喪歸。再出變節。爲巽順。雖功成勳業冠清代。而先生笑其避事。國藩且不自信也。知事成之由。命毀譽之無真。乃退息。無復用世之志。唯出所學以開教授。丁寶楨欽其賢。延爲成都尊經書院院長。至之日。進諸生而告曰。治經於易。必先知易字。含數義。不當虛衍卦名。於書必先斷句。讀於詩。必先知男女贈答之辭。不足以頌學官。傳後世。一洗三陋。乃可言禮。禮明然後治春秋。又曰。說經以識字爲貴。而非識說文解字之字。

爲貴。又曰文不取裁於古。則亡。法。文而畢摹乎古。則亡。意常清世蜀學晦塞。有劉沅者。自謂通三教。取俗所傳文昌陰騭文教士。號文昌教。其子適官翰林。蜀人靡然從之。幾無通士。聞先生說。乃幡然改習。注疏諸史文選之屬。院生日。有記。月有課。暇則習禮。若鄉飲投壺之類。三年而彬彬進乎禮樂。其後廖平治公羊穀梁春秋小戴記。戴光治書。胡從簡治禮。劉子雄岳森通緒經。皆有家法。未嘗封於阮氏經解視詁經南菁學海之徒。曰經解者。蓋不可同日語。蜀學成。還主長沙校經書院。繼移衡州船山書院。而所得士少遜於蜀矣。岑春煇撫湘上所著書。賜翰林院檢討。鄉試重逢。晉侍讀。入民國。袁世凱聘修國史。方發凡起例。遽卒。年八十八。子代豐。女棻。皆治禮。能傳家學。而胥早卒。餘諸子亦能文。先生少負奇志。嘗說胡林翼以湘鄂自立。徐平髮捻。逐清。建夏林翼謝不敏。又說國藩曰南洋諸埠土皆我辟。而英荷據之。且假道。

窺我。今士猶知兵。敵方初強。曷略南洋。以蔽閩粵。國藩亦謝不敏。後又說寶楨曰。印英仇也。而從之。實勢是屈。今方閒暇。先營衛藏。爲印後掇。可乎。寶楨大稱善。檄黃楸才先至探道里。未及設施。竟歿。先生曰。丁之歿。吾志之不行也。自是不復談大略。所爲湘軍志。是非之公。爲唐後良史第一。而驕將惡其筆伐。有欲得而甘心者。避之京師。弈訢素慕先生名。屬徐樹銘爲介。造問政。先生曰。國之治也。有人存焉。今少荃之洋務。佩蘅之政事。人才可睹矣。何治之足圖乎。訢曰。是處士之徒。爲大言者。遂不復請謁。先生行已。臨文一秉經訓。晚歲以行役。挈周媪。從俗士。不讀禮。播爲異談。烏乎。斯其陋矣。是非吾學者之羞乎。壬午間。予以幼學。莫知所從。違及讀先生巫山神女廟碑。謂巫古官氏。殷人重之。王宮有巫官。以之示是非。決吉凶。蓋婦人好卜。特以巫規之。而巫蟲之禍。弗作矣。託言神女。瑤姬者。實況后也。是知巫山得名。非虛而神。

女云云。則藉以告王是非。予驚嘆以爲漢以後無斯文。遂納贄請業。踰年。先生反湘。踰二十四年。再見於漢上。故同時摠衣諸子。余學爲最。讓而先主。尙許其近古也。先生儀容爽偉。音吐清越。唐以後書雖讀之。而臨文不隸。其一事蒙其一詞。故終身論學。未嘗及宋明儒者。異同。

何紹基

紹基書名滿天下。或知其能爲詞章。若經術則世鮮稱之者矣。予嘗於湘陰柳氏。見其攷證禮經二百餘條。多據大戴記。而貫通制度。言皆精切。又說文說若干首。探其源流。攷定部居。雖不足擬段玉裁。而亦苗夔莫友芝之倫。皆柳氏作而斬其批削者也。又蜀人李氏藏所爲水經注刊誤。則試士書院程作也。亦瞻博明哲。紹基尙書凌漢子。字子貞。晚號媛叟。以編修督四川學。數言事。文宗惡其激切。罷歸。貧不能自存。則以鬻字以爲食。而性狷傲。好詆諆。

人。郭崑燾進四體書。乞教。笑曰。若市肆闕書帳籍者。君其選矣。謁左宗棠。以其敝衣冠門者。弗爲通。舉所持。蓋擊之。流血被面。乃已。詩類黃庭堅。書法顏真卿。篆隸亦工。當官廉峻。其試武童。以墨塗鏡。加眼上。曰。此無益。吾何觀焉。

俞樾

宇蔭甫。晚號曲園老人。道光末進士。援編修。督河南學政。御史曹維澤劾其命題割裂。褫職歸。主蘇州紫陽。杭州詒經諸校。以會試重逢。復原官。卒年九十。樾爲學。推本訓故。而尤重段。借若高郵王氏之所爲。成羣經平義。諸子平義。若干卷。雖攷據精核。而皆單詞隻字。罕言制度名物。義例尤非所及。後成古書疑義舉例。則博綜條貫。卓然成家矣。工書。詩亦和雅。而不能文。著書五十餘種。中多小說雜家之言。類信手編成。體例殊無取裁。年時往來蘇杭。暇則著書自娛。教授至怠。弟子能傳其學者。特二三人。嘗觀其書院試士集。皆

淺薄不足言學。晚好請託。大吏苦之。劉樹棠嘗告泮綺先生。謂曲園日爲屬吏。乞差缺。似非儒者所有事。又曰。園可曲而學不可曲。譏之甚矣。樾會試出曾國藩門。李鴻章爲其同年生。彭玉麟爲姻媾。故朝官爭親之。而亦自喜若袁枚。唯謹飭不敢法枚恣縱也。子某官直隸同知。早卒。孫陞雲。以一甲進士授編修。亦守家學。

陳澧

字蘭甫。番禺人。著東塾讀書記。學者稱東塾先生。以舉人官教職。進書加國子監典籍銜。主粵雅學海諸校。幾二十年。薦晉五品卿銜。澧操履純篤。端雅愛士。四六文古近體詩詞曲皆工。論史攷據未足。躋錢大昕而論事詳允。或過於王鳴盛。初慕亭林。船山有經世之志。已而著書談道。不復求進。瑞麟素貪庸。而其督粵日。值晏客。澧在座。不敢以雜伎進。嘗告人曰。陳山長道貌巍。

然不可犯也。其見重於人若此，而澧實和厚，未嘗立崖岸。治經兼綜，訓詁名物雖淹洽而未足名家。義主溝通漢宋，謂漢學以鄭康成爲大宗，宋學以朱元晦爲大宗。二人皆兼攷據性理，未可偏廢。是論人非治經清季經學多如此。固爲君子所弗取也。通樂經爲律呂正義。

朱次琦

康有爲謂所學出次琦。動稱九江先生。九江次琦所居地也。以山西襄平縣知縣乞休歸。講學九江。有名於粵。次琦踐履敦厚。天資穎敏。於書無所不窺。初亦孳求訓故。中歲乃治宋儒書。由程朱而王陸。由王陸而漸近釋氏。有爲記其言頗多。而不必皆儒家言。第與陳澧皆通樂律。雖所學不逮澧。而能紹二千年絕學。如次琦者。清代數人而已。亦粵人。

桂文燦

文燦肄業學海堂。通天算輿地名物訓詁之學。以知縣進所著書蒙上賞。勗以爲鄭康成。雖後起而精博有家法。非澧所及。所著經學叢書四種。未嘗少雜宋以後空言。黃體芳謂阮元立學海堂課士。末乃得文燦。爲不負其堂云。

馮桂芬

字林一。一字敬亭。吳人。以一甲進士。少遷中允。乞疾歸。遂不復出。桂芬幼而苦溺於學。弱冠治周官禮。及管子書。皆有箋釋。自通籍後。博攷中外利病。歷朝掌故。知清代尊奉例案。上下權皆操於吏胥。而行政徒徇虛名。以自欺欺人。必不足圖治。乃爲校邠廬抗議二卷。皆指摘時弊。欲更張法制。曾國藩謂其若陳同甫葉水心。而桂芬學本經術。豈葉陳所能望。中歲兼治費氏易。毛氏詩。其論周官禮與禮經有出入。謂當周代禮經猶會典。周官則事例也。事例多。後增固不能盡同。會典今謂周官僞造者非也。又論詩。謂齊魯多同。唯

韓獨異。然其與毛氏異。同半無關。大旨然則。僞毛詩者亦非也。又疑韓詩多異字。如周南之魏。焜。蹇。召南之剗。霽。概。或不一見於他籍。或爲世俗書。若此者。頗多。則尤不足躋毛也。桂芬峻整。清嚴嫉惡。如仇。敬隱逸。薄顯官。吳人仕京朝者。素柔和。桂芬獨激昂。慷慨有幽并問氣。當世不多覩也。

王熙震

字曉嵐。一字惕齋。閬中人。道光丁酉拔貢。壬寅副榜。以小京官歷戶部主事。遷員外郎。郎中外任宜昌府知府。以治獄迕上官旨。開缺歸。爲錦屏書院院長。卒年八十。少貧。父爲雞販。十歲尙逐父走村市。未嘗讀書。里人孔廣。細奇其狀貌。令就學。已塾。雖不甚慧。而讀書必得解。乃已。嘗讀大雅。至迺立冢土。叩其義。師曰。冢土大社也。叩何爲大社。師弗能答。自是每誦一書。必釋其義。每釋一義。必參稽他經。務求多證。學日通博。及官京師。對人默默。未嘗騁馳。

議論世無知其能學者。一日偶共祁雋藻論篆籀變遷多補浚長所未逮。雋藻大驚曰。初以君特習帖括。不謂淹雅出時流上。遂傾心交之。然熙震日究典籍。皆有笱記。卒未以示同列。羣從勸毋秘所學。曰。吾學尙不足希古。何用乎。秘特朝士。好假學問。通聲氣。以揣摹求進。故世不置學官。而賴私家爲提倡。則京師非講學地也。衆服其論。及罷歸。益覃稽羣籍。爲大戴禮記注四十卷。後漢書義證若干卷。惕齋讀書志若干卷。文集若干卷。子式曾。官戶部員外郎。侈靡慕貴族。竟貧困死。並父書亦弗獲刊行。

成蓉鏡

字芙卿。寶應人。少讀書。揚州安定書院。博通載籍。嘗曰。司馬班范之流。皆通經術。故其書實與經傳相表裏。若後世史。其良者足別目錄。考文章而已。次者。至藝文。亦弗可稽。故其學穿穴史漢。以治書詩周禮。左氏。多考輿地。成禹

貢班義述。以班書證禹域家法。釐然考定之精。爲唐以後釋禹貢者所未有。嘗入曾國藩幕。後官知縣。

王筠

字菴友。安丘人。時棲霞郝懿行疏爾雅。樸學冠齊魯。筠出攻小學。尤勦。嘗推六書義例。篆籀源流。發叔重箸書之意。爲說文釋例。又補段氏所未逮。爲說文句讀二書。出許書無遺義矣。筠以貢生官國子監學正。游祁嶺藻門。然學非嶺藻所及。性迂訥。持議不爲人下。嘗集嶺藻齋中。翁心存論轉注例。頗詆許氏。筠起爭。而座客皆附心存。憤甚。不辭去。嶺藻自追之。牽其衣。筠絕裾行。嶺藻竟仆。時傳以爲笑。然筠敦內行。重然諾。鄉里服其信義。宛平李坦宰安丘。愛民重儒。以拯糴得罪上官。褫職而虧公帑多。不得行。筠乃集父老議助之。先自鬻田三十畝爲倡。有阻之者曰。君田祇此。盡鬻何以爲活。筠竟不顧。

後坦復官。累擢山東鹽運使。每招筠。卒亦弗至。

苗夔

夔以清才樸學。甘死。畝。狷介高潔。蓋古隱逸之流。特其被服儒雅。博綜羣籍。實足稱此經師。故特列之。儒林云。夔字先麓。順德人。少通六書。達訓詁。聲音之奧。中歲治齊韓魯三家詩。爾雅。又廣王念孫疏證。爲廣雅補疏。晚益攷據金石。兼及陶器。皆識其字畫。用以證諸經文。而金石間出。前人臆造不盡。足據故金石學者。特小學之一門。而不得謂其足盡小學也。夔貧甚。而居處甚潔。客至。滌茗供蔬。論訓。故聲均。亶亶不已。俗士不得登其堂。五十後。不履都市。能刻畫奏刀。奇簡古味。盎然。卒後。賴曾國藩恤其家。

張裕釗

字濂卿。武昌人。少好爲文章。曾國藩一見器之。授以文選。曰。徒摹唐宋文。而

不及文選。則訓詁弗確。不能幾於古。後益習史記前後漢書。以司馬善紀言。簡略。皆中。不亞左國班范。非其倫。而班范擅長詞賦。故其論贊敘述之言。率警鍊。范則排比爲齊梁先趨。要皆文章之宗也。爲文論三十首。時曾氏弟子皆工文。而上者習韓歐。次者大都俯仰於方姚之間。獨裕釗脫桐城派。最早其文亦最宏肆。視國藩未多讓也。官內閣中書主武昌心經書院。凡八年初至院。自以經術非所長。乃益究訓故。考訂國語國策。爲左氏服賈注考證。今文尙書考證。其學專主音義。猶之高郵王氏。而弟子罕能傳其學者。裕釗端重樸厚。不假雕飾。嘗從曾國藩軍中。一小屋而共處者五人。比屋居者凡三十餘人。國藩興則治文檄者。治文檄讀書者。讀書國藩寢而誦聲輟。有出與人賭酒者。有共爲戲謔者。有引被臥者。唯裕釗自有常課。未嘗視國藩寢興爲作輟。晚年向學益勤。夏日以一瓷磴汲井泉灌其中。坐而讀書。謂可驅煩。

暑云。工書整齊。道麗而意致穆然。弟子劉心源得其做佛。

吳汝綸

字摯甫。桐城人。少承父學。摹其鄉方姚文。曾國藩延其父授子弟書。召汝綸與偕讀。復時以文章義法授之。以舉人爲內閣中書。改官直隸。入李鴻章幕。除冀州直隸州知州。後張百熙奏聘爲大學總教。堅請乃就。奉旨加五品卿銜。自以新學非所習。遂先至日本考察學校制度。教授程序。至之日。適學生攻擊使臣蔡鈞。而迂汝綸者衆且怵。方思調停。鈞遽認其通革黨。密上諸榮祿。祿以讓百熙。知不可留。遂乞病罷行。卒。其治書左傳。與裕釗同。爲文。晚益堅。蒼詩尤奧。博深穩。上希子。美國藩門人之有張吳若孔門之有顏閔矣。汝綸和厚。無城府。好賢重儒。從鴻章久。故頗稱誦其忠。袁世凱蒞直。以耆宿禮之。而其官地方行政猶俗吏。民未嘗受其賜也。

戴望

德清俞氏之學專攻訓詁而尤孜孜於段借其弟子亦僅通音訓惟望由音訓而漸及乎微言大義法西漢諸儒精深堅確突過其師以諸生初肄業詁經精舍避寇亂之上海乃師事樾已而入曾國藩幕爲江南官書局編校初治周官禮小戴禮記後習論語少參以春秋若宋翔鳳及居書局並校周秦諸子益知古學派之異同而獨心折清初顏李之學嘗纂其遺書望性堅僻家居與妻子不相能初事樾已而漸薄其學國藩幕客皆能文章而望第治樸學視張吳輩若程不識不值一錢故復不得於師友竟困頓以終樾同縣人字子高。

黃以周

定海人亦詁經精舍上舍生學宗儀徵阮元初治訓詁已益汎濫羣籍博通

算數律呂。習禮經。周官禮。毛氏詩。嘗補王引之太歲考。爲律呂經訓條解。周禮正義考異。皆精密。以諸生官教職。左宗棠薦其學行。加內閣中書銜。

錢葆唐

字鐵江。嘉興人。以拔貢舉人。官什方縣知縣。卒於官。當吳棠張之洞。初置尊經書院於成都。聘俞樾弗至。卽延之攝教習。以注疏課士。蜀人乃知有經學。葆唐淹博。初法王應麟頗編補舊籍。或搜定佚訓。已而耆煙以博稽爲苦。乃專治周官經。爲補注。補疏。正義刊誤。各若干條。簡而得要。余嘗助其成。晚歲深思而弗好學。束書不觀。而一燈對談。輒有精義。名言足正先儒之失。由其穎悟絕人。故思之所至。蔑弗通者。工儷體。疎秀若庾肩吾。時蜀士制舉文庸。濫惡俗。而每鄉試。葆唐必爲同考。榜首恆出其門。所取文皆古博。不類制藝。余笑之。葆唐曰。士無不習八比文者。今以古博爲鵠。則習八服者。亦漸親典。

籍使十科內吾皆預試。蜀學必丕變勝於湘綺。主講八年而皆士僅踰十人也。雖大言而實通論已。

孔廣銘

字文箴。曲阜人。父官甘肅。歿於官。時回亂熾。關隴皆被兵。流徙兵間者凡十年。後避地至漢中。黃鼎適督漢南軍防。值於廢寺中。見所爲書。若柳公權。異之。叩所學。則誦史漢莊騷。滔滔滾滾。更欽其博。遂延入幕。以功授州判。發蜀及鼎陣歿。乃之官。駐蒙大臣崇綱調司文檄。歷薦擢同治。踰四年還蜀。竟卒。尙未赴朝謁也。學無師承。皆冥心獨造。初從俗師學所知者。若五徑。備旨之類而已。後於舊肆得說文解字。易書詩三經注疏。其義皆夙所未聞。少少習之。而苦不得解。一日復得江藩所爲經學入門。驚喜過望。循其序進。然亦未全渙然。及入秦州館張氏灌園。藏書之富冠洮隴。居五年。遂博通諸書。而未

遑著述也。及去西藏文書甚簡。則發其心得。爲公羊釋例三十卷。孟子義疏二十八卷。五經異義疏證二十卷。莊子義訓。前漢書考證。皆未成書。諸書義證。賅洽而家。法不紊。雖公羊學。亞於湘綺。而附益何學。引申精暢。間亦有湘綺所未逮者。廣銘弱小。若不勝衣。而展轉兵間。從事邊遠。學乃大成。蓋心猶止水。於學外無一者。每對客喃喃。有所誦。雖驚霆大風。作於空。美姝異寶。當其前。亦若無所睹者。吾嘗謂以此制心。或非宋儒所能躋矣。能飲醉後益溫克。文摹范曄。而失之繁複。瀕歿。吾往問疾。相見。唯言族人廣森爲公羊通義。間雜庸俗。故爲釋例以補正其失。是書必付梓。時予將隨家大人入寧遠。明年還。則書已爲其僚壻陳某者挈之去。今不知歸何所。負吾老友者至矣。

鄭珍

清代黔學不昌。及咸豐末。乃有鄭莫。鄭謂珍。莫謂友芝也。然珍學精純。猶在

友芝。上字子珍。遵義人。以進士授知縣。自乞就教職。復被薦擢。稱病不出。主其鄉校。歿於家。其學於經宗先後鄭文宗。列子及柳宗元。詩宗孟郊。爲巢經巢經說詩文集若干卷。珍清癯澹雅。對客恆默默。而和煦之氣溢於眉宇。獎掖後進。唯恐不至。曾國藩胡林翼皆慕其賢。交聘不起。然鄉居數治。團練衛里禦寇有功。幹濟固亦所長。特恬退不樂勢位。故安貧自樂。詩刻削堅楚。自謂足傳孟郊。然非正宗也。嘗策蹇訪莫友芝於獨山。中道阻水。宿僧寺兩夕。讀妙蓮花經七卷。皆成誦。不遺一字。而性殊不好佛。蓋居處不能自逸。讀經亦所以收放心。至其記憶之強。更弗可及已。

莫友芝

字侶亭。獨山人。以拔貢授州判。曾國藩薦擢知縣。發江蘇。管江南書局。初友鄭珍。嘗館貴陽花氏。藏籍頗富。因爲校勘之學。頻考證經史文字異同。繼治

訓詁服膺段玉裁得唐本說文木部以校今本則段所改適合許氏原文遂刊行世而人頗疑其僞託終莫能明也後亦搜羅金石文字以證古籍而往往不求經訓之安則其失也晚治易宗虞氏友芝和易近人好爲滑稽每談四坐輒噴飯。

柳逢良

字翼雲一字蒙齋籍湘陰後爲陽朔人辟寇亂居京師咸豐甲寅順天鄉試舉人成進士爲禮部主事母喪服闋未幾卒初治禮經說文時以所作求正何紹基紹基嘗其淺薄恆削抹之乃築室盤山博稽載籍其室居僧寺東隅徑曲若盤蛇槐榆外蔽苔草蒙茸過者不知有人營屋其中也若是三年乃還京師既喪母治喪葬竟仍之盤山號所居曰愈愚堂爲費氏易考今文尙書句讀愈愚堂經解三國志補隋書經籍攷證荀子釋義無子歿後葬盤山

余甲午入京師。始讀易考。已往訪其墓。則木拱草封。碑碣不可復識矣。嘗於姻婭黎氏所。見其尙書句讀。荀子釋義兩書。藁本皆精博。文尤明皙。弗取晦奧。解書證地理。詳審亦不亞成蓉鏡。費氏易考。三國志補。皆有刊本。

岳森 劉子雄

森字林宗。南江人。子雄字孟雄。德陽人。皆湘綺弟子也。皆通羣經。攻文史。皆中年死。森著考工記考證。說文舉例。蜀漢地志。子雄著古文尙書考。禮經表。宮室考補。穀梁凡例。森書皆刊行。子雄書唯刊宮室考補。二人汲古考文。足繼師說。雖深造弗逮。廖平而通博過之。森拔貢。景山官學教習。未及叙官。子雄舉人。

胡從簡 戴光

二人亦湘綺弟子。從簡治禮。光治書。皆自成家。從簡字敬亭。新津人。少貧困。

編履得錢爲活。年十九始讀書。刻苦自勵。三十爲邑庠生。肄業錦江書院。遍讀藏書。遂通經訓。張之洞督學時。試周禮社制考。拔第一。選爲尊經書院上舍生。其爲學融貫禮經。周禮大小戴禮記並注疏皆成。誦湘綺初至試玄端冠端所用羣士多雜纂阮氏經解。獨從簡取證。經記曲折旁通。拔爲齋長。後成進士。用知縣。乞病歸。家居考禮。竟不復出。所著書若禮經考。禮經釋例。周禮句讀。大戴禮記箋。讀禮管窺。累六百餘萬言。蔚若繼曲臺之後。張皋文程瑤田所不能望。以夜分恆就燈下纂錄。五十而瞽。從子念祖傳其學。光字子光。合州人。經術不逮從簡。而文詞瓌麗。追琢漢魏。則非從簡所及。治許慎說文。尙書注疏。史記。著書古文考。書補疏。以進士官江蘇知縣。歷宰六合清河上元。恩壽撫蘇。通其從兄妾中。毒穢聲頗著。光爲詩譏之。壽聞大怒。劾其離經畔道。欺世盜名。革職永不叙用。歸而園居著書自娛。家固富於資。後張之

洞端方等數薦之。終不出。

劉嶽雲

字莠青。寶應人。以進士授主事。歷官郎中。外任浙江紹興府知府。國變後。卒於家。嶽雲學。非甚博而深思。有得。通周禮。精算術。常爲周禮解三百十七篇。釋甄鸞九經算術。作史漢算術。皆詳審。王懿榮聘其授國子諸生數學。鹿傳霖聘其主尊經書院。皆以爭禮數不合去。蓋亦矜重不屈人也。

宋書升

字晉之。濰縣人。光緒壬辰進士。選庶吉士。以養親弗就散館試。嘗與修山東省志。兼書院院長。楊士驥薦其學行。加五品卿銜。年七十餘。卒於家。書升早歲爲詞章。富於采藻。及成進士歸。博涉羣書。爲論語義證。左傳分類考。二十四史正譌。皆博洽。幼歲自謂能知前世事。讀書皆默誦。未嘗聞聲。晚歲曠達。

不持威儀。嘗乘三等車之濟南。偶下車就食。與諸傭工雜坐。衆勸之飲。亦殊不辭。蓋草冠麻履。人無知其爲鄉薦紳者。

孫葆田

葆田宰合肥。李氏子犯法。自往捕治之。聲震遠邇。而竟坐是罷歸。李秉衡聘主歷下書院。以學行薦。晉五品卿銜。錫良撫汴。延主大學堂。旋辭去。葆田持躬介持。當官嫉惡若仇。愛民如子。爲光緒中江南良吏第一。學約而純。爲文取明。意旨戒爲游衍。於經通公羊春秋。有笱記。皆紀傳義例。予於己亥春識之。李秉衡座中。客有謂德宗不應納康有爲議。謀禁孝欽。爲乖倫理。秉衡笑曰。此有爲臆造。不足信。葆田曰。傳曰。不以家事辭國事。太后果干政。上禁之。亦是也。滿座失色。獨余心折其議。自是數過從。始知其通經術。然未嘗輕爲人言。

龍澤厚

字積之。桂林人。光緒戊子優貢。朝考一等。以知縣分四川。養親乞歸。固康有爲弟子。政變後嘗從有爲游。遂不復出。澤厚世家子。其父教之嚴。故幼卽向學。博學圖籍。弱冠治周禮。及學於有爲。以周禮僞書。乃棄之。治詩。小戴禮記。其論詩多考風雅正變。及制度史文。乃爲詩譜說。詩史文考。詩禮考。已而疑毛詩僞。以鄭譜宗毛不足信。改譜說爲諸詩次第說。是數書得屬予。檢得失。甲午還鄉。明年書告予。方補劉逢祿公羊學。自是箋啓不達。亦未知其成書否。澤厚見義勇爲。而短於知計。官蜀日。筦東門保甲。有富室婦曹者。多穢行。姑在日恆居母家。姑乃爲子取妾。及姑歿。婦返。夫固駭。竟逐妾。聞之。徵服蒞妾所。勸其訴於理。且爲擬訴稿。已復以揭上臬司文光。數曹罪狀。而事機不密。人皆知妾訴詞出澤厚手。曹乃賄上下。造爲蜚語。劉秉璋作督。聞而大怒。

召澤厚叱之曰。汝官而訟棍。誠罕聞。劾之必矣。澤厚不屈。秉璋以醜語詈之。忿而退。泣不可仰。爲文明事始末。將投錦江死。予聞乃商羅度亟資之歸。後從其師。顛賴以卒。

楊守敬

守敬。雅飭淵懿。爲鄂學靈光者垂二十年。然僅通訓詁。頗考證金石文字。不足上躋張裕釗也。官教職。被薦加中書銜。入民國。黎元洪敬以殊禮。袁世凱亦重之。及歿。贈飭優越。其學通博。解經不持家法。而好改字。工儷體文。爲箴銘之屬。尤古奧。聳拔能書。摹鐘鼎尤精。鄂人字惺吾。

羅光烈

字揚庭。什方人。少從錢葆唐學。成光緒丙戌進士。授編修。以國史纂修。晉侍講銜。喪歸。主尊經書院行卒。光烈好求古訓。凡唐以前經說。爲疏家所未引。

者。皆輯之。富於余。蕭客古。經解鈎沈。通小學。主尊經日。少少治公羊學。以蜀士多通公羊也。精算數。著幾何學發微。

孫貽讓

字仲容。瑞安人。進士。授主事。乞病歸。貽讓精學。注疏。治周禮尤勤。訓釋頗守鄭氏家法。而能補所未備。通說文解字。嘗補輯籀文。其釋許書。不盡如段玉裁。而專精處。實足抗顏。文字樸拙。猶乾嘉時經生。間言時政。著周禮政要。而條舉尙不若宋育仁。今釋之備。聞其人。誠篤而剛。不諧俗。則古儒者矣。

皮錫瑞

字鹿門。善化舉人。初治易。推爻辰義例。治書。釋禹貢。詩解。四家異字。後治公羊春秋。而第言改制。亦未觀其通也。錫瑞頗考郡國利病。有經世之志。丁戊間。陳寶楨撫湘江。標徐仁鑄相繼督學。置時務學堂。俾學者究心當世之務。

贊之甚力。而葉德輝等流蜚語詆錫瑞附異端悖正學。乃爲文自明所學。其言友道尤沈痛。殆亦絕交論已。

一行

范蔚宗之傳隱逸。有曰。蟬蛻囂埃之中。自致寰區之外。又曰。高棲違行。疾物矯情。豈不以其皜潔自異。匪塵庸所能躋耶。而近代囂濁。有假泉壑而釣名居朝市。以爲隱者。隱逸之名。蔑得而稱矣。今茲所舉。雖不必皆委體淵沙。鳴絃揆日。而其畸行至性。或甘心吠畝之中。憔悴江湖之上。或陸沈金馬。早謝印署。或騎龍弄鳳。翔嬉雲間。要皆獨行。足以風世。爲一行傳。

余汝庸 劉庸 崔鴻墀 郭崑燾 楊高望 姜詩 通州二老 孫

汝綺 孔昭祺 田浩 京師卜者 張孝子 裴槐廬 裕彬 姚念

祖 王晟 上清宮道士 劉棠卿 岑熾 密昌墀 留壩賣餅者

江慕純 翟彥衡 張約東 戴溶

余汝庸

字啓愚。德清人。父文琛。習刑家言。咸豐間。館於直隸總督瑞常。汝庸納資爲員外郎。分戶部。江西司行走。母死。葬滿城。守墓不出。同治初。奔訴慕其賢。欲薦爲軍機章京。招之。避於臨榆山中。兄汝諧。因官平定。牧歿於官。無子。以汝庸子恆嗣。汝諧官山西久。嘗除絳州。積資至十萬。至是。界二萬。恆曰。爾以是奉祀瞻家。終爾身。餘則盡以振兵災。時直隸晉魯回捻交侵。所過焚掠。汝庸隱姓名。易道士裝。展轉四省。遍歷村市。振其極貧者。凡五年。資罄。還滿城。墓廬。光緒初。晉豫大祲。乃盡鬻產。仍前法行之。未七月。資亦罄。時災民莫不知有北京道士者。蓋汝庸操京音。人有叩其姓字者。曰。我北京道士。固無姓名也。而兩振家。因以匱。走保定。將仰食於恆。恆婦章者。固不淑。諷之曰。使翁前

者不取八萬金。振諸不識姓名之人。則兒家養翁有餘資矣。汝庸曰。吾其真爲道士矣。遂之京西白雲觀爲道士。已而厭其囂。去均州武當山。終於紫清宮。少習顧亭林黃黎州言。有用世之志。既入戶部。嘗叩同官以額賦多寡。直省度支經費若干。皆謝不知。乃爲財用論三篇。凡十萬言。皆指當世會計之弊。上之堂官。尙書花沙納不解所謂。却之。退而嘆曰。任官若此。材政其綱乎。適丁母喪。遂不復起。然傾資拯災。亦足少酬其康濟之志矣。

劉庸

字愚夫。南城人。以諸生從黃子春軍。授州判。入蜀。道定遠。爲伏賊所乘。矢盡。乃以身衛子春。敵槍傷其髀。不能行。子春竟及於難。事聞。藩司劉蓉曰。文人能此。大不易。雖無功。而不可不一旌之。遂召庸與語。盡兩日夜。蓉曰。吾觀子剛堅而縝密。持理而通情。從政之才。或優於治軍。蜀方凋敝。宜有賢有司。以

拊之。乃爲納資。得知縣。分川試用。時東南淪喪。仕者弗能之官。唯蜀官多於
鯽。捷足者皆資緣。要津代蓉爲固始。王德固政尤以賄成。庸請謁。詰之曰。公
知庸何官耶。德固曰。君試用知縣也。曰。然則已五年。何弗試而弗用耶。德固
語塞。更正色責其納賄。敗官常。時同謁者煩有徒。德固不能堪。譖於崇實。劾
罷之。已而實知狀。悔屬某告庸曰。今知子賢。當假他功復子官。庸曰。功而可
假也。非所敢承。苦必昭雪。自有原案在某。曰。彼必不能自平反。君官終不可
復矣。庸曰。官豈人生所必有。不復何害。丁寶楨督蜀。欲聘參戎。幕辭不起。而
草治蜀議。上下篇復之。其稱寶楨曰。治世子。自稱避世子。不視爲長官也。光
緒中卒。庸長身。彪形。鰲面。重頤。眸子光暴。露頰。爲衆所憚。見人行不當。恆面
責之。而事過未嘗有後言。一子不肖。後竟鬻所藏書行博。困頓死。

崔鴻墀 附子黼康

海鹽崔氏固世族。自明季忠烈公文榮出。其姓蓋顯。鴻墀字補山。文榮七世孫也。邑庠生。工詩古文。精醫。旁通堪輿術。嘗賀於姻婭某氏。私告客曰。某其衰乎。客謂其爲形家言也。叩之曰。座客無寒素者。其交道可知。慕勢位。希富厚。欲其不敗能乎。未幾。某果衰。洪楊軍據海鹽。有大酋病。聞鴻墀善醫。屬爲治之。叱曰。若所至城市丘墓。皆墟。焚掠無人道。吾恨無尺寸不足討。若尙能爲若治疾耶。酋怒。囚之。竟不食死。清室旌焉。時張廷濟以書名。鴻墀其友也。貽書戒之曰。名者實之賓。然實德之賊。實不修則主亡。德不修則本失。而唯賊之是矜。吾不知其可。故鴻墀詩文皆不傳。予於其孫宗武所見其詩數章。精博淵茂。直躋漢魏。世所鮮覩矣。子黼康。字芾齋。工詩。亦善醫。亦不求聞達。躬行敦篤。以孝友式其族。

郭崑燾

郭氏昆弟三人。咸同間皆參軍事。嵩燾領疆寄。崑燾官監司。唯崑燾雖以運籌功授京曹官。而終身弗任。時總師干膺專城者。非其姻媾。則僚友也。聘問交至。中唯一贊曾國藩於江西。以踐宿諾。餘皆謝不行。佐本省戎幕久。名最著。官文胡林翼駱秉章將交。章薦爲湖北藩司。乃假權避之衡陽。光緒中歿。自來。辭黼黻樂巖壑者。流恆清。矯剛峻。崑燾獨不然。生平未嘗有疾言遽色。與人語。若恐傷之內行。端厚。非嵩燾所及。文詞簡澹。古潔。塵不能侵。時黃冕假官力。營。澁。湘籍。要人無不納。其饋餽。崑燾獨却之。羣從有爲詩紀其事者。喻之曰。此友朋投贈。納弗納。都不足異。何紀爲其守。誼遠。名同輩。咸不能望矣。

楊高望

字仰山。太和人。咸豐間。初應鄉試。卽首選。及試禮部。以文踰千言。黜。憤曰。吾

文博。非腹儉者所能。何犯乎功令。吾其終身弗入此門矣。既歸。母病。刲股進。疾卒。弗起。哀泣。左目遂瞽。人有稱其孝者。輒赧顏謝之。曰。小子果孝。母或不早死矣。回渠杜文秀距大理。稱尊號。徵之爲國師。不從。強之至。方坐殿。陞間。談遽於衣底。出乾脯自啖。且奉文秀。文秀以爲牛也。食之。則豬出而嘔之。以爲侮己。呼縛之。馬雲從解之。曰。是有心疾者。庸足責。乃釋歸。雞足山中。及岑毓英克大理。書幣以聘。高望至。談讌甚豪。而不及軍事。頻日責酒食。頗苛。五餐皆須精饌。否則詈。從者不少。貨衆不堪。其擾言於毓英。毓英詣謝之。曰。軍中不克備物。他日還會垣。當以大烹享君。拂衣起對曰。此亦遁可期。以歲月耶。况我本舖餒徒。而公必強之來。既來。又靳吾食。吾卽枵腹死。此乎。遂掉臂去。妻死。竟不寧家。莫知所終。光緒初。有觀劇臨安者。見其冠白氍冠。衣灰布。巨袍。方爲伶人。擊鼓。版就與語。第頷之。越日至。其居處。則夜分行矣。或曰。是

唐寅之流然其節行豈寅媿哉。

姜詩

黃縣人。獨客武昌。同治初年已七十矣。無名字。以能詩。人稱之爲姜詩。云長身類鶴。銀鬚欺霜。目若綫。長踰寸。不恆啓。及啓。光爛爛。照人人。莫敢逼視。就曇華林居。每晨興。則蹠躩長街。值乞食者。必資之一飽。或問此輩。過午乃夥。博施濟衆。奚必在晨。曰。彼能早興。蓋勤而失業者。吾故振之。他皆甘心爲丐者。安有資以濟其遊惰耶。至是衆皆知詩非常人。或曰。俠客也。而擬之爲神仙者。尤多。官文妾病。遍召湘漢諸醫。不能治。從弁啓文。是疾非凡醫克起。姜詩仙人。何靳其來耶。乃迓以輿馬。侍以材官。詩果至。文迎候甚恭。及入妾室。則孔翠嵌壁。文窗垂綺。帳貂地錦。直擬天家。詩指之曰。吾聞若妾固竈下婢。而若事之若所生。歲取鹽茶課鉅萬。皆以奉之。吾猶弗信。今觀所居處。雖宮

掖。何。以。加。之。人。言。信。矣。若。索。民。膏。脂。以。養。一。賤。婢。方。爲。若。羞。吾。果。廬。扁。亦。且。袖。手。况。豎。非。所。習。耶。時。詩。音。叱。若。霆。須。髯。戟。張。目。光。耿耿。四。射。文。駭。極。噤。不。能。聲。迨。神。定。詩。已。出。矣。追。之。不。可。得。後。有。人。見。於。廬。山。中。予。聞。於。黃。毓。恩。及。觀。其。題。壁。詩。則。溫。婉。諷。喻。若。李。義。山。是。可。異。已。

通州二老

二老而皆隱者乎。則不當居郊圻。二老而非隱者乎。則不當諱姓名。吾聞南宮溫。夢錫言。二老者。蓋今之傷心人也。居順天通州南郊僧寺。二人共一布被。書數束。筆研數事。他無長物。日食則以米合水。羹爲糜。飲少許卽已。相對恆默默。偶有人憐其衰貧。濟以資。則市粉粢爲食。市油然燈。就燈下作書。手不停揮。年事皆踰六十。雖顛顛而眉目秀異。一頤者神宇尤雋爽。其居通州。當同治七八年間。通之人無知其姓名者。叩之。則捏詞對。昨張而今李。莫能。

得其實。時漢軍董潤爲坐糧廳。聞而異之。頻助以資。一日一老忽至潤所。泣告其友死矣。蓋卽頌者也。潤爲買棺殮之。未幾復至潤所道別。謂將去山西。潤治具餞之。酒酣叩其身世。曰。身世君可無問。而旨趣不容不告。乃就衣底出數紙示潤。皆記明清之際。迄道光後。佚事咸秘。爲人所弗知者。語多犯忌。諱潤咋舌。勸其無以文字買禍其人。垂涕謝之。明日迹之去矣。能繪事。嘗爲村童畫署木二人。或曰木增二畫。蓋朱也。

孫汝綺

字少甫。歸安人。少孤。奉母入陝西。就所親習刑家言。嗣至四川。數從軍征滇黔。以功授知州。藩司蔣志章。延治度支。凡八年。積資二萬。志章歿於陝。撫任虧軍帑。以貧弗能完。卽傾所積贖之。志章乃蒙贈卹。賜諡。巡撫曾璧光。提督唐友耕。總兵明耀光。微時皆受汝綺資助。後三人胥擁高牙。勸其赴官。弗應。

性純孝。年五十。猶親司其母服食。夫妻相敬若賓。生一子不能人。妻勸取妾。曰。有子而嗣續不繼。天意可知。何妾爲。嘗館眉州。適寇大至。州牧李者。駭絕。不省人事。餘官皆逃。而城垣適有闕壞。汝綺乃集薦紳儀訪戰。以兵法部勒市人。登陴固守。復以人越出賊中。約耀光夾擊之。大破賊。而賊數萬。汝綺及耀光所部。蓋不逮千人也。客來謁。必勸其出。汝綺必稱病以解。然要足矯健。少壯不如。或問託疾何爲。曰。以吾性情。今當居深山。友麋鹿。乃處城市。已非所宜。况冠蓋紛華之場。耶。能詩。工書。精篆。刊藏研甚多。

孔昭祺

字介福。閩中諸生。富於資。以助拯當得官。辭勿叙。提督周達武禦陝寇。禽其渠邑人。將爲建碑。扞頌。方集議。昭祺曰。達武兵亦焚掠。猶之賊耳。逐且不暇。安用頌。時周部營於閩。人莫不畏憚其威。昭祺語出。衆皆咋舌。語少少聞於

達武曰。吾不齒於孔君。不如死。遂申軍紀。一竟大安。昭祺固魁儒。廣樞從子。少端重。慈惠有令名。劉蓉治川北軍。紆道往訪之。堅斬其出。謝不敏。蓉乃歷舉其鄉羅左諸人。皆起下士。建功名。昭祺曰。殺人以為功。獵官以為名。吾弗為也。媿怍退蓉。

田浩

字子敬。長安人。通諸史。能文章。時其鄉路德方以制舉文鳴於時。弟子遍關隴。日講求八比試律。浩嘆曰。因科第而學。孰若不學。自是弗與試。遍歷國內。窮山川。討風俗。為今郡國利病書一百卷。晚為衣肆賈以終。

京師卜者

卜者不知何許人。操南音。布席京師天橋。日足百錢。則卷席去。庚申英法軍陷都門。卜者投南下窪。為人救起。得不死去。保定寇退。復至。卜如故。又二

年歿於廢寺中。遺詩曰：腥膻滿宙合，節義淪泥塗。悲憤填胸臆，乃始遜江湖。苦心世弗識，稱曰石隱徒。梅福未可攀，君平愧不如。從此完吾真，免爲小人儒。

張孝子

宜陽人。以孝弟有司聞於朝。命旌其廬。以享盛額。官役舁之。鼓吹前導。至孝子驚問。故父老曰。子負親。避寇走千里。復奉親歸。讓產諸昆而已。以負販養母。至四十年。薦紳欽子所爲。乞官請旌。凡以彰孝行也。孝子駭曰。是亦可求名耶。吾親且羞之。避去營茅屋。母墓側樵以爲食。終其身不還故廬。

裴槐廬

穎上人。名均。字槐廬。以字行。少備書軍中。交周馥龔照瑗。李鴻章克蘇州。誘殺降酋八槐廬曰。翻覆若此。尙可一朝居耶。遂舍去。授徒其鄉。已而不能自

給。乃走清江浦。爲漕運船家司帳籍。偶經天津。飲酒肆中。有鳴騶過其前者。蓋馥也。時方爲津海關道。睹槐廬。遣介招其過從。瞠目答曰。我非裴氏。亦素不識。長官弗敢冒。應命而共飲者。咸曰。是實穎上裴先生。周价不能別白。識其船泊所。歸告馥。越日馥屬其從弟往訪之。舟人曰。夜來已不復返。吾舟且行矣。

裕彬

滿州人。肅順戚也。當咸豐間。仕爲筆帖式。順欲援之。謝無遠志。而順竟假城防功薦擢主事。遂入西山避之。貽以書曰。不才而膺仕。是負君也。無功而蒙薦。是辱友也。居危而不去。是亡知也。負君者鄙。辱友者鈍。亡知者愚。彬守先訓。弗敢蹈三者。願從此辭。順誅死。彬哭其尸。奕訢壯其高誼。召之曰。行拔子樞密。彬絕之曰。順厚我者也。我可假順死。以求進乎。遂隱於霸州。光緒初卒。

姚念祖

字幼平。南充人。少爲商之四方。壯而還。歎曰。俗偷其不可爲矣。商爲尤賤乎。或問故。對曰。人無信不立。吾足跡半天下。言而信者。百中一二。人以是知俗之衰。若商賈。則尤習虛誕。並百中之一二。而無之。不更可賤乎。乃出資啓肆。四物皆標其值。戒肆人不得欺來者。越三年。資亡。肆皆閉。儂薄者爭挪揄之。念祖弗悔也。或曰。至今商人相戒。不以誠語對客。或鑒於念祖所爲乎。

王晟

字改山。平江人。父官貴州。爲晟納資。得縣主博。分浙江。楊昌濬檄爲巡捕。居二日辭去。曰。是官而僕廝也。志士爲之乎。歸共李氏子行。齏積萬金。李沒。以五千畀之。李妻謂其欺。訴諸官。官平其枉。退召李妻曰。微若夫。吾無以至今。日若欲多得錢者。盍早言。遂傾所有予之。衆高其義。彭玉麟方巡江。聞之。辟

爲從官。歷擢至同知。改發鄂。至之日。謁總督李鴻章。闈者索門包。弗給。不爲通。如是三日。乃以履歷張其堂下。且附以言曰。尊官仰食於卑官。猶丐者仰食於衆人。倡婦仰食於狎客。綠林仰食於行旅。吾謹避之。竟棄官去。

上清宮道士

光緒初崇實督奉天。圖治銳欲求正於有道。或曰。上清宮有道士。隱君子也。宜諮之。以材官召之。弗至。乃屏騶從。造其居處。諮以治道。道士曰。民愚不可。悚以刑。刑重則民懦。盜強不可。誤於撫。撫行則盜多。政多門。官媮。軍多將。士玩地。弗闢農。蹙實曰。善。乞示姓名。不答。歸而遺弁。資幣投之。司宮者曰。已去遼陽千山。亟至。遼訪之。曰。未至。竟不知所歸。

劉棠卿

字甘侯。良鄉諸生。好飲茗。癖於潔。蓄金石畫冊甚富。端方官郎中。造其廬訪

之既相見。棠卿曰：公貴官，吾下士，不可爲友。乞後勿再蒞，語已拱立送客。方慙沮去，其妻曰：絕人不已甚乎？棠卿曰：是日垂而齒露者，宵人也。悔不拒不見，何甚乎？庚子攜家避廣平，棠卿孝友敦內行，而惡勢位。偶居京師椿壽寺，尙書良保與閣學景其溶赴之，竟踰垣逃。

岑熾

字盛卿，紹興人。官陝西長安縣縣丞。爲陶模幕客，模薦於岑春萱。春萱以師禮事之，其治秦晉蜀粵皆奉以行。欲薦其賢，堅却之。人叩既不欲仕，何並原官辭之曰：道不合，吾且去。縣丞雖卑官，而五斗足以贍吾，吾之不棄原，官猶農之不棄其產也。熾長身高顴，深目狀貌微似西洋人，操行堅潔，志慮忠純。佐春萱日數諍其過失，多所匡正，其劾奕助不附袁世凱，皆熾主持。春萱稱爲盛老，熾多材藝，並烹調縫紉皆能之，尤善歌。每春萱飲客，酒酣熾輒高歌。

其聲宏足震梁塵。

密昌墀

字丹階。夏口人。進士。山西知縣。當官饒饒。初試。令徐溝。去之日。民哭送之。錫良持疏薦。召入見。極言兩宮不睦之害。謂榮祿典兵。剛毅理財。國亡無日。孝欽怒其戇。弗納。已而除徐溝。拳亂作。毓賢適撫晉。主滅洋。甚力。藩司李廷簫固昌墀鄉人。薦其剛勁。可任。檄至省。廷簫曰。將屈子治陽曲。對曰。若欲職任首邑者。願先假尙方三尺便宜行事。廷簫笑曰。子欲手刃洋人乎。對曰。否否。特假是殺縱匪。拳誤國家者耳。廷簫大沮喪。遣之歸。直隸義和團入晉。過其境。飾關壯繆狀。坐堂上。屬出叩。謁昌墀。立縛而重笞之。其人泣求恕。乃釋去。兩宮西狩。岑春煊爲前導。以草料闕。厲聲叱責。昌墀亦厲聲報之。方喧擾。鹿傳霖至。兩解之。又奄人索品物頗煩苛。昌墀指之曰。爾以我爲戲劇中之耶。

鄔縣爲易欺乎。將牽之叩閣。奏事處辛監至。謝罪。且叱是奄退。乃已。及召見。昌墀奏太后亦記微臣前年語乎。后帝泣。昌墀亦泣。後以破富有票擢直州牧。權平定。春萱撫晉挾前嫌。假事劾之。革職永不叙用。遂歸。授徒自給。趙爾巽其座主也。昌墀以爲晚節改行。遠之。錫良數薦調。皆不出。嘗爲鄂代表。爭鐵路權於郵傳部。適徐世昌爲尙書。昌墀醜詆之。世昌無如何也。工制舉文。善爲楹聯。公牘尤擅長。雖數迂。權貴而接不如己者。則和怵諧謔。好爲博奕。人幾忘其剛介也。

留壩賣餅者

光緒間。余屢經關中。必道出留壩。至留壩必謁賣餅者。其人菲薄。儒術行崎。言高。殆關尹漆園之流亞也。短軀。幹面赤頂無髮。年當踰五十。而步履矯捷。目光四射。知其內養之深。嘗謂余言。儒以名爲訓。率天下人而爭名。故孝子。

思。以。孝。名。忠。臣。思。以。忠。名。無。論。其。行。之。真。偽。而。心。先。已。不。可。問。又。曰。有。朝。廷。以。賊。當。世。有。聖。哲。以。賊。後。人。殆。天。之。酷。也。其。言。有。類。於。今。之。社。會。黨。朝。邑。閭。迺。王。爲。介。予。始。識。之。

江慕純

粵人。買於天津。積千金。壬辰順直災。傾資爲拯。人高其誼。譽日起。懼曰。人將謂吾以千金爲餌矣。是不可居。遂去之營口。其人樸訥。好讀書。尤嗜詩經。自謂讀至二百回而不厭。間得解異於前人。頗饒奇趣。

翟彥衡

桂林人。字邦鈞。從馮子材禦法人於安南。以功擢都司。子材提督雲南。隨入滇。爲防營長。駐騰越邊境。故俗守邊者。恆交諸土司。蓋利其資。彥衡獨持體統。然以其慈祥。番人亦戴之。論戍邊勞。歷遷參將。庚子聯軍寇京師。子材以

逃洋人移黔彥衡泣累五日。聲竭目腫。曰：國將亡矣。我武夫既不能殺敵，尙忍食人祿哉。去爲僧子材，追之弗返。卒於四川凌雲山大佛寺。

張約東 戴溶

約東，棲霞人。溶，掖人。皆行墾吉林，富致鉅萬。己亥，俄人踞東省，時登萊人商海參崴，有入俄籍自雄者，曰吉豐台。方從俄軍，說二人曰：以若雄於資，苟投俄，必爲是方長。二人皆峻拒之。約東曰：不去禍且作，乃挈家歸。產遂半爲人所侵。後壬寅至東，設肆遼陽。日俄戰作，其鄉人華玄輝爲日軍官，又稱其賢，令治巡警，更避之至天津。家竟中落，第逐小負販，自活終身，無愠色。

親貴

清之興也，贊廟謨，總師干者，皆厥宗人。枝葉之榮，儼然成周。迨其既衰，而世鐸奔動之流，作焉。國之隆替，豈不繫於其人。乃作親貴傳。

綿愉 弈訢 弈諒 弈讓 弈詳 弈齡 戴澂 弈謨 世鐸 弈
勛 附伯納彥謨祐

綿愉

仁宗少子。初封惠郡王。晉親王。咸豐初。以尊長。免入朝。跪拜。詔書爵而不名。髮捻亂。熾。畿輔瀕危。乃授奉命大將軍。將京旂兵禦寇。而性恇怯。且不習兵事。次良鄉。弗敢進。寇亦漸西。因得無過。同治御極。以其爲帝叔祖。尊禮彌隆。及歿。賜內帑治喪。帝親臨奠池。諡之曰端愉和易。不持威儀。而苟諾必踐。生平未嘗食言。骨董商沙怡齋。素出入其邸。賴以起家。後病歸通州。死已三年矣。愉突憶嘗購一水。注負其白金三兩。立遣使贖。歸諸其家。硜硜類如此。端華等假文宗遺命。屬景壽作書。召之至灤陽。愉知其僞。不赴。然亦弗以壽書上。孝欽壽得不死。時論咸稱其長厚云。

奔訴

宣宗第六子。生而穎敏。冠諸昆。就傅日授千言。少讀卽成誦。帝鍾愛之。欲使繼體。嘗於晏居。從容示意。訴跽謝。謂文宗長當立。卽才武德量。亦非已所敢望。帝嘉其讓。遂罷前論。且屬之曰。爾兄少褊急。爾後當輔之。爲令辟庶母。負予意。而訴退。未以告人。宣宗大漸執訴。手謂文宗曰。是嘗讓位於爾者。爾視之。當異諸弟。至是人始知前事。再封爲恭親王。賜予輒超諸王上。奔諛忌之。而訴怡怡。無矜色。文宗愈重之。大事多令參議。庚申英法寇京師。帝狩熱河。訴獨留守。乃與外人議和締約。三輔得安。明年帝崩。行在端華等承遺命輔政。而訴夙嫉肅順。孝欽復以議政王餌之。遂附后謀。垂簾端肅諸人之死。訴與有力焉。旣總政。頗引私親。納賄賂。蓋曹毓瑛動以小德不嫌。出入故頗易。初守後以諸功。予世襲罔替。食雙俸。屢辭不得請。乙丑因安得海濬罷政事。

孝貞念其賢未幾仍令贊密勿。唯議政王號自此除。訢初頗持大體重公論。后前時有諍諫及被譖再出。遂巽順承旨。風節日卑。唯對羣奄未嘗假辭色。羣奄亦少少憚之。辛未其子載澂侍穆宗讀弘德殿。一日訢入。則帝澂方共演秦劇。關王廟狀至狎穢。訢怒詈其子。詞連帝。帝近侍故激帝。帝憤將手刃之。李鴻藻諫始止。然仍如命奪其父子爵秩。已而事內聞兩宮始復其恩禮。訢自是益退讓。光緒初領樞府如故。訢素服膺李鴻章軍務外交。諮而後行。然鴻章徒能議和。殊無他長。法人侵越南。總督劉長佑出使大臣曾紀澤。交言於朝。鴻章以其多事。訢遂置不問。迨法人攻我戍軍。略我諒山。朝論大譁。孝欽納奔讓議。決戰。後馮子材大挫法軍於桂邊。而張佩綸劉銘傳承鴻章旨。戒備不嚴。閩臺被躪。訢鴻章以危詞動后。遂仍結和。羣情益怒。孝欽適厭樞臣憤憤。竟并罷之。自是閉門思過。不入內廷者幾十年。甲午朝日戰作。乃起。

爲軍機大臣。領總理各國事務衙門。然以李蓮英譖。復令其勿頻侍內廷。越三年。歿。后帝親臨奠。特諡曰忠。陪享太廟。以其事蹟。風示百揆。是出贊政。凡三年。頗阻撓變法。爲德宗所弗喜。獨能灑故習。屏餽遺。蓋亦晚節之小補矣。訢廣。穎秀眉目。舉止安詳。儀表清超。對人無多語。而輒中覈要。勤學能文。魏源。海國圖志等書。胥能成誦。書法率更。詩學晚唐。其罷政時感事詩。有手拍闌干。思往事。祇愁春去。不分明。又灤陽道中詩。有觚稜回望。知何許。秋水秋山路。萬重皆不媿。風人尤精鑒別。書畫骨董。以屋十五楹盛之。咸真品。端州石硯尤富。凡石中硯材。與否。訢一望知之。肆商所弗逮也。能琴。間亦倚聲。

奕諒

宣宗第五子。生而狀貌羸拙。及長。動止率略。失帝驩。封賞遜諸於弟。嘗於母喪中生子。幾得罪。賴綿愉爲解免之。由是寵益衰。文宗卽位。奕訢已晉親王。

諒猶郡王班位竟居弟下。嘗論事御前。語雜市井。帝以茶盃擲之。傷其額。同治初。晉敦親王。訢復具疏讓班次。旨報可。諒始得前立。然性伎。對昆弟亦然。屢於孝欽前。譖訢。諒后浸厭之。故弗昇以權要。其領宗人府時。以議推班。涉及內廷行走者。諒不能堪。劾其攬權。后雖兩解之。而心弗直諫也。光緒間。以廷議。諒爲德宗生父。宜遷居盛京。后震怒。經年不召。及歿。飾終典禮。若諸王。諒曰。定謀儀節甚簡。嘗夏日衣蠶葛。持巨蒲葵扇。箕踞坐。十剎海上納涼。又好招諸肆商。或負販者。語故京師人。莫不知有老五爺者。

奕譞

宣宗第七子。德宗本生父也。儀表俊偉。工騎射。負氣敢任事。聰穎弗逮其兄。訴而勁爽過之。其妻孝欽女弟也。后頗親之。辛酉八月。赴灤陽謁文宗梓宮。后卽以拳問端華等。密旨昇之。當其欲入。厲聲叱端華。阻問諸親。華忸怩不

能辨。訥所弗敢也。初封醇郡王。同治中晉親王。以好武。屢詔令其督京師旂
綠各營兵操。然旂兵皆游惰。饜亦薄。嘗校操。一馬甲墜。騎折服。問何勿嫻騎。
對我。打磨廠貨。臭豆腐者。今受僱來作替。是安能騎。又一弁後時至。呼鞭之。
衣甫解。而雕佩玉玩數十事。墜地。蓋以鑲微不足供家食。則兼貨骨董。是日
適值廟會也。知振飭非易。欲謝軍事。后不聽。然寇亦未逼京師。遂得無事。穆
宗崩時。讓獨值內廷。承旨召諸臣。翌日入對。比聞懿旨。則以其子載滸嗣文。
宗入承大統也。驚懼失措。縱聲哭。后令退。弗能起。訥乃揮奄掖之。出歸。遂具
疏。謂突值大行皇帝之喪。復聞新命。悲慄不知所爲。觸發舊疾。步履幾廢。乞
罷諸職守。苟盡餘生。爲宣宗養一頑鈍無才之子。云云。詞頗悲楚。得旨准開。
各差使。以親王世襲。罔替。然讓夫婦皆知后慘刻。天性涼薄。己子稱帝。非福。
自是。百年餘。閉門不接賓客。亦可痛矣。後德宗就學。令其監督。頗欲帝爲經。

世之學而翁同龢難之。左宗棠入覲，禮部尙書延煦假萬壽節行禮遲悞，劾之。晉以宗棠戡亂新疆爲國勞，臣乃疏論煦非是人服，其不私旂誼公忠持大體，法越戰作，訢等罷。孝欽命其總樞機臺諫交言其不便，讓亦自上書乞收成命。后乃諭諸臣謂特使醇親王參贊要政，並非令其頻日入值，何礙體制。自是世鐸等日奔走讓邸，取進止，勢雖赫奕而勵廉隅，包苴不入。李鴻章以各關羨餘鑛船空股餽要人，訢亦染指獨讓，勿納操行爲諸王冠，然以削置海軍。阿后旨挪縫軍費築頤和園，其遇諸奄亦優厚。世以此亦多遺議，後以責李蓮英通外納賄爲所中傷。入問孝欽疾，后曰爾太上皇矣，何顧我爲。讓悚懼退，其妻嘗侍后，博蓮英妹笑其拙，歸爲讓述之，憤曰若何人者敢侮上。生母後若此，勿少寬假。未幾后萬壽，入賀酒後欲起更衣，李女謂其如紅樓夢中之劉老老適醉逕前批之，后怒收其金黃與飾歸而憤鬱，疾作，讓亦

病。竟。先。死。后。念。頤。和。園。版。築。功。各。國。亦。致。電。弔。唁。遂。親。臨。奠。令。帝。赴。邸。成。服。持。服。期。年。輟。朝。如。喪。貴。太。妃。朝。官。縞。素。赴。弔。持。建。園。寢。以。官。守。之。謚。曰。賢。讓。雖。自。負。而。好。材。藝。重。事。功。素。傾。服。李。鴻。章。獨。議。和。戰。與。之。異。趣。不。喜。文。人。而。禮。重。潘。祖。蔭。謂。其。真。易。不。欺。有。古。人。風。每。入。朝。遇。之。必。趨。降。執。手。問。起。居。一。日。祖。蔭。方。爲。李。鴻。藻。言。頤。和。園。耗。帑。事。讓。適。至。其。前。聞。之。不。以。爲。迂。且。謝。不。能。匡。諫。過。若。讓。者。其。剛。而。不。愎。者。與。

奕詳 奕詒

二人皆宣宗少子詳封孚郡王。詳封惠郡王。當同治中歿。詒光緒初歿。皆在弱和謹。雖值內廷。未嘗有過失。並能書。詳法董其昌。尤綿麗。吾聞閩文介謂。戊寅賑竣。覲京師。詒詢晉災文。介舉。當日流離困餓狀。告之。詒淚下襟前。盡濕。蓋亦仁人也。

載激

弈訢子。初封鎮國公。再晉爲貝勒。警敏。豁達。一如其父。而佻薄。初就讀上書房。授書者爲侍講林天齡。閩人也。不克。盡蠲其鄉音。戲習之。踰月。而肖其時。內黃張葆成。亦值上書房。固短於視。激恆戲擲瓜皮地上。觀其傾跌。以爲樂。訢憂其好弄。及穆宗入學。遂斬於后。召令侍帝讀。蓋訢方照料弘德殿。冀可自監之也。然穆宗亦童年。好嬉游。得激導。爲諸戲。恨相從。晚訢屢戒弗能悛。嗣以共帝演藝劇。促之歸。幽諸別墅。無何。帝忘前事。仍召入侍。遂偕微服出。且作冶游。穆宗既致穢疾崩。徵後亦歿於惡瘡。皆縱慾宿倡家所罹患也。激無子。繼溥偉爲嗣。襲恭親王爵。吾嘗演激所爲詩。壯麗若唐玄宗。明官宗匪福。薄者所能爲。而竟天死。何耶。相傳其貌娟好若婦人。而工射。每發輒中。蒙古侍衛中善射者無以踰也。

奕謨

綿愉子。屢封爲貝子。幼受書於外祖母完顏氏。五歲能誦詩國風。及長益向學。初就學上書房。繼侍讀弘德殿。雖未及冠。而出入內廷。進止有節。帝雖重之。弗與親也。及父歿。治喪竟稱疾家居。踰年授廂藍旗漢軍都統。兼管火器營。遂不復入侍。嘗遭穆宗微行。垂涕極諫。帝敬謝之。誓親政。後絕狎邪。謨稱宗社幸事。而帝疾已深。踰年殂矣。光緒初授右宗令。其任宗人府。凡十六年。遇親貴不修行檢飭。府處分者輒重議上之。宗人多惡其嚴。然操行端介。亦無能指摘之者。光緒中歿。謨身不踰中人而度態沈靜。穆然若有道者。能飲百觥弗醉。容益皎潔。時尙書孫毓汶稱大戶。一日世鐸治具。召二人飲。取酒盈甕。陳其前。各以杯自取吸之。復令奄持籌侍側。每盡一觥。投一籌。毓汶盡五十五。觥起出。嘔之。再就席飲。至百六。觥醉不復能起。謨盡百十四。觥殊無

醉狀蓋已罄。幾有半矣。

世鐸

禮親王者。清初八王之一。世襲罔替者也。世鐸襲爵。當咸豐中。以輩行高。令掌宗人府。同治初。以承志襲鄭親王爵。載敬襲怡親王爵。皆以旁宗入繼。鐸持之。各致賄萬金。乃報可。京師人形諸歌咏。然接人謙穆。終身無疾言厲色。對內侍尤恭謹。李蓮英向之。屈膝亦屈膝。報之。諸王以敵體儀待。諸奄前此所未有也。甲甲。奔訴罷政。后以左右爭譽其賢。遂令預機務。而以奔讓家居。遙總其成。鐸日走議。所取進止。不以僕僕爲苦。而益務求賄。贖二百金者。以門弟子畜之。殺至五十金。亦可乞其薦牘。達諸疆吏。時有非禮不動之嘲言。非禮物不受。屬託也。讓歿。孫毓汶主政。亦降心從之。毓汶逐而奔訴。復入值。以懿親元輔。勢過出其上。更拱手聽令。訖歿。未幾政變。榮祿用事。尤弗能與。

抗庚子拳亂。知敵師且逼。屢乞病不入值。孝欽薄之。竟罷政事。計領軍機十七年。而實未嘗一日自操魁柄。以其取賂細大不蠲。復於遼瀋間多墾荒曠。地以此寧甲。諸王入民國後始歿。子某性暴戾。毆其妻子幾死。日食毒蛇螫蟲之屬。以銀鐺拴之。繫幽室中。凡五年乃死。嘗對客太息。福山王懿榮作而言曰。王太和易近人。故天特生世子之乖僻。以濟之以是。推之。或王集財而世子散財。未可知也。鐸默然不能對。

奕劻

劻本罪宗永璇裔。少爲四品閒散宗室。工書翰。習繪事。而貧甚。幾不能自存。嘗假旂人明昌所授徒。繼承綿準嗣。襲貝子。舊嘗共孝欽。外家居輒代。照祥爲書。達后及垂簾。遂漸嚮用。而所執皆例差缺。若正紅旂滿州都統。管理神機火器烏槍等營是也。穆宗大昏。充納米正使。親政。晉貝勒。爲總理各國事。

務大臣。光緒御極。晉郡王銜。後晉郡王。領譯署事。甲午。后六秩壽慶典。封親王。非近支。無軍功。循封。卽至親王。清室數人而已。庚子。偕李鴻章爲全權大臣。議和約。辛丑。約定回鑾。以親王世襲罔替。恩禮駸駸。視奕訢矣。以外務部筭理大臣。兼值軍機。至宣統三年。改授內閣總理大臣。迄國亡。猶爲弼德大臣。秉政。凡十一年。日以納賄爲事。言官彈劾報章譏嘲。謗書可以充棟。卽宗人亦多詆其貪。冒而劾。初不爲意。劾之者愈衆。其貪亦愈甚。唯慮失孝欽旨。則進其寡女爲內侍。通消息。自呼李蓮英爲弟。月餽以三千金。嘗寄資六十萬某銀行。適其司事者被辱於載振。告御史蔣式惺劾之。令孫家鼐等察復。劾亟令銷簿籍。雖奏上。謂事勿實。而是六十萬金已爲式惺與司事者朋分之。劾無如何。唯日涕泣。幾以身殉。袁世凱勸始止。世凱其門人也。滇臬司沈秉堃入覲。以萬金爲贄。劾告左右。斯瘠缺而贄。豈若此。吾當以殊禮旌之。入

調迎送及門視接閣臣秉堃茫不知措。劾初入樞府取摺紳以硃筆識各缺。優劣於上。遇外省來謁者必詳諮之。故所考甚確。嘗被酒對鹿傳霖論陝西。牧令缺肥瘠指別塙。當傳霖兩任陝撫。凡幾十年。媿勿如也。又其接客必曰。子姑俟行得膏腴地矣。是卽索賄隱語也。其所御案上置篋。纍纍皆銀券鈔票。金條之屬。亘十日則計某賄某人。進某人已放。某缺然後列簿而移券鈔。等入內庫。邸中月用則以袁世凱餽資三萬充之。錫良岑春煊皆面斥其貪庸。誤國。劾無赧色。嘗有以亡國慘狀諷者。之劾徐曰。庚子之變。吾居京師。外兵舉動文明。殊不知慘狀何在也。其頑鈍無恥類。若此。庚戌辛亥間。屢爲資政院所劾。載灃雖惡之。而格於隆裕。無如何也。是年秋。鄂事棘。力舉袁世凱。總帥。干后猶慮其跋扈。劾以百口保。遂起用。果擁兵入京師。逼載灃謝政。嗾諸將兵諫。遜國。清宗皆咎劾。多面讓之。亦無赧色。唯亟亟出資營屋天津。復

與其姻家寶秦孫寶琦。設橡輪車公司。取厚利於清皇室。幾不通慶弔。客有見之。面豐腴。不知爲故國王孫也。及歿。請諡。宣統曰。是喪吾國者。何諡爲。數請。乃諡曰密。

附伯納彥護祐

僧格林沁子。其父載將士傳中。伉直強毅。有父風。而謙退過之。接漢大臣。皆稱先生。性急遽。坐少須。輒立。立少須。輒行。苦有事忙甚者。往往對客寒暄。未竟。已起。蹀躞室中。以是不樂營權要。蓋爲御前大臣。數帶領召見。立上前。久不克自由。頗苦之也。內外盟蒙古王公台吉。歲入覲。慕其父餘威。必先謁祐。乃烹羊煎酪。招爲宴。飲酒罷。諄諄語。語忠愛。若家人。父子焉。

官吏

近代史有宰輔九列封疆諸類之別。而循良酷吏亦各自爲傳。其實皆官吏也。乃彙述之。爲官吏傳。

祁雋藻 翁心存 倭仁 肅順 賈楨 李棠階 王慶雲 沈兆霖

曹毓瑛 譚延襄 瑞麟 寶鋆 文祥 龐鍾澂 單懋謙 毛祖

熙 畢道遠 皂保 董恂 桂良 福錕 崑岡 麟書 沈桂芬

官文 趙光 周祖培 賀壽慈 黃宗漢 黃卓 張之萬 恩承

額勒和布 閻敬銘 許庚身 孫毓汶 徐樹銘 陳學芬 敬信

李鴻藻 潘祖蔭 錢應溥 廖壽衡 薛允升 翁同龢 張蔭桓

李端棻 榮祿 徐桐 啓秀 崇綺 剛毅 趙舒翹 徐會灃 吳

廷芬 張百熙 立山 裕德 崇禮 懷塔布 鹿傳霖 孫家鼐

張之洞 載鴻慈 廷杰 陸寶忠 陳彝 游百川 師曾 崇光

王文韶 徐桐 瞿鴻禨 陸潤庠 黃體芳 夏同善 孫詒經 薛
 煥 寶廷 汪鳴鑾 長萃 劉恩溥 李端遇 王文錦 嵩澐 李
 文田 袁昶 許景澄 聯沅 張亨嘉 張英麟 徐致祥 朱道然
 袁葆恆 龍湛霖 吳樹梅 郭嵩燾 曾紀澤 洪鈞 何如璋
 黎庶昌 楊儒 裕庚 楊樞 崔國因 蔡鈞 汪鳳藻 梁誠 薛
 福成 福保 陳蘭彬 龔照瑗 劉瑞芬 李鳳苞 顧肇新 許珏
 張佩綸 鄧承修 何金壽 安維峻 鍾德祥 楊崇伊 管廷獻
 陳秉和 謝嵩杭 吳可讀 謝維藩 李慈銘 王先謙 樊恭煦
 尹琳基 鄭溥元 陳康祺 王懿榮 盛昱 朱一新 王鵬運 陳
 瑋瑩 丁仁長 于式枚 黃紹基 紹第 文廷式 荆光典 江標
 黃思永 姚丙然 姚文焯 費念慈 葉熾昌 準良 貽穀 高慶

恩 譚宗浚 王仁堪 李希聖 高燮曾 張仲忻 沈恩嘉 王汝

楫 甘大璋 楊銳 劉光第 譚嗣同 林旭 李雲麟 徐致靖 仁

錫 王照 劉長佑 曾國藩 李鴻章 裕祿 楊士驥 端方 沈

葆植 李宗羲 曾國荃 劉坤一 魏光燾 李興銳 周馥 張人

駿 李瀚章 徐宗瀛 張樹聲 毛鴻賓 譚鍾麟 陶模 德壽

卞寶第 邊寶泉 何璟 駱秉章 吳棠 丁寶楨 劉秉章 趙爾

豐 崧蕃 劉嶽昭 岑毓英 毓賢 丁振鐸 崇實 恭鏜 色楞額

金順 長庚 岐元 恩澤 長順 銘安 陳士杰 張曜 李秉

衡 張汝梅 毓賢 文格 胡聘之 張煦 倪文蔚 李鶴年 劉

樹棠 裕長 余蔭霖 丁日昌 吳元炳 陸元鼎 恩壽 譚鈞培

劉郁膏 沈秉成 王之春 鄧華熙 恩銘 喬松年 德馨 馮

汝駸 彭祖賢 譚繼洵 嚴樹森 吳大澂 陳寶箴 俞三之 劉
 崑 王凱泰 張兆棟 劉銘傳 邵友濂 唐景崧 蔣益澧 馬丕
 瑤 許振禕 張聯桂 潘鼎新 柯逢時 馮譽驥 蔣志草 張凱
 嵩 杜瑞聯 徐之銘 裕祥 黃槐森 曾鈺 曾璧光 黎培敬
 韓超 王毓藻 嵩崑 潘蔚 饒應祺 劉錦棠 袁大化 聯魁
 馬新貽 游智開 英翰 惲世臨 劉蓉 易佩紳 方濬益 馮煥
 光 孫衣言 蒯德模 李榕 李鴻裔 金國琛 梅啓照 劉連捷
 席寶田 江忠溶 劉典 袁甲三 松椿 勝保 王德榜 李有
 荼 湯壽銘 彭年 劉張霖 張紹華 胡橘芬 誠勛 聶緝槩
 文海 安成 慶善 裕綱 杜嘎爾 鳳全 史念祖 恭壽 綽哈
 布 穆圖善 希賢 魁玉 富明阿 都興阿 清銳 唐炯 汪鑑

文悌 陶大均 吳重熹 陳兆棠 閻迺珏 許鼎霖 羅度 王
培佑 劉心源 段起 長庚 徐慶陞 沈秉堃 興祿 瑞洵 陳
昭常 瑞澂 盛宣懷

祁雋藻

壽陽人。道光中進士。授編修。累官至侍郎。值南書房。咸豐間。晉尙書。值軍機處。繼拜大學士。雋藻清介。端重。負時望。自甲子迄庚申。七年。皆秉鈞衡。而不通賄賂。門無雜賓。粵撫某。門人也。餽端州石硯。受之。用久。漸露金色。蓋金而漆者也。其人已先死。乃投之。井然性迂闊。好爲識微之論。所議輒廓落。不可行。其救何桂清。抑曾國藩。世頗譏其偏。好許氏學。一時游其門者。如安邱王筠。順德苗夔。皆精於訓詁聲韻。近人所爲筭記。謂其值庚申之變。先逃。文宗嘗其不足爲師傅。然雋藻乞休後。三月。京師始陷。安所用逃。且亦未嘗授帝。

講。讀。固。不。當。稱。師。傳。蓋。附。會。誣。蟻。之。詞。也。湘。綺。先。生。曰。篤。藻。仁。柔。而。肅。順。嚴。峻。同。爲。軍。機。持。論。多。異。同。然。帝。親。順。輒。納。其。請。又。議。京。師。錢。票。案。互。爭。辨。順。議。論。風。發。泉。涌。嶺。藻。格。格。然。勿。能。難。退。而。稱。病。乞。去。及。順。敗。孝。欽。以。耆。臣。優。禮。召。之。始。出。歿。贈。太。保。謚。文。端。

翁心存

翁氏常熟世家。代有聞人。至心存而望益高。當咸同間。學者莫不知有二銘先生者也。二銘心存字道光間翰林。大考屢居優等。擢至內閣學士。值上書房。咸豐初遷正卿。繼贊綸扉。以議京師錢票獄。迨肅順乞病去。穆宗踐位。太后懿命召之。授帝讀而已病篤。未幾遂歿。謚文端。其子同書以皖撫數逃。致陷防地。拿問論死。方繫詔獄。至是乃釋出。令治父喪。心存學問。瞻雅品節。端介事君。接友言無不誠。論政持大體。惡爲苛細。當髮捻事棘。文宗令筮吉凶。

心存對苟能修德愛民雖危亦可轉安若徒爲操切則明末其前車矣何卜爲帝動容嗟歎弗病其戇也道光中吳潘世恩有好士名咸豐朝則心存繼之南士多游其門然淹雅非世恩所及晚歲好宋儒書頗涉獵諸家語錄學遂漸荒所爲文亦少淺俗矣其值弘德殿穆宗偶嘗侍奄雜市井語心存正色誠之同列皆服其直云

倭仁

字良峯蒙古人世駐防河南乾嘉以降東漢之學風靡一時宋五子書人無復過問仁獨穿穴正誼堂集侃侃談身心性命之旨唯唐鑑吳廷棟等與共宗派文宗雖耳其端名而以迂儒視之任爲盛京禮部侍郎蓋遠之也帝崩頒遺詔朝鮮及歸內遷尙書值弘德殿授文宗讀乃輯古今帝王事蹟名臣章疏上之兩宮嘉納賜名啓心金鑑初孝欽欲令其入樞府仁以授讀難兼

願辭而薦李棠階自代。其時翁心存亦好談語錄。朝士遂從而攻程朱王陸之學。然仁慎密不妄薦拔。故門下士恆寥寥。自奉儉素。冬一狐裘。已露革。其表則布也。不通餽遺。有姻家官廣東澄海縣知縣。以卓異覲京師。餽銀千兩。仁峻拒之。堅請納。則曰。姻婭之間。原不廢投贈。特君方述職。予適爲冢宰。雖一錢亦不敢納。況千金乎。無已。則爲君投之粥廠。以供貧民食。庶幾兩全道也。其人愧服。去時值弘德者爲祁倭翁李四人。嵩藻心存早死。唯仁及鴻藻授讀久。其歿也。穆宗哭失聲。欲親臨奠。孝欽尼之。然亦嘉仁操行。贈太保。諡曰文端。仁軀幹短小。而慈祥之氣溢於眉宇。與人語。疊疊若恐不盡。以拒設同文館。頗爲學者所稱。而實膠執。徐桐著尊王論。攘夷論。上之。以爲足挽救瀾。然亦陳腐恆泛之說。村里間老儒所能道者也。素交曾國藩。呼爲畏友。及治天津教案。乃貽書絕交。中有執事媚獻朋輩之羞。卽士林之恥。國藩雖引。

咎自。砭而未嘗不笑其迂也。予聞之。閩中王熙震謂仁家人子。婦儉素勤敬。各有職司。無游惰。自安者是。亦可以爲法矣。

肅順

字裕庭。宗室也。少不學。恆以事詐人。酒食戚鄰。鄙之。而其狀貌魁梧。眉目聳拔。見者亦知其必獵功名。而以亡賴人莫敢近也。同學郎中墨裕閱之時。濟以資。偶嚴冬。順盤辨反披羊皮。鞋牽狗走街頭。裕與值。蹙額問曰。君自視似何等人。順對亡賴耳。曰。亡賴榮乎。順對因亡所賴。斯亡賴耳。曰。然則吾姑舉一事爲君。賴何如。順叩何事。曰。官也。順以爲戲。已掉臂去。裕竟爲營求。遂以閒散宗室官刑部郎。至官之日。張筵召裕。過飲酒三行。起奉觴。踞其前。曰。微子。蔑有今日。苟不改行者。殆類狗彘。自是果日從公。勤敏。遂冠其曹。以其忤。宵人。壽張狀治獄。頻破奸步軍統領額。恆倭調令司。讞且薦其才。召見。曰。請

嚴禁令重法紀。鋤奸宄。皆當上意。遂獲心簡。兩歲間驟遷至侍郎。仍兼右翼總兵。未幾入贊密勿。所言蔑不見聽。順記憶力強。接人一面。終身能道其形貌。治一案牘。經年能舉其詞。廷臣皆謝弗及其初起。亦守介節。後始少少通賄賂。復驕蹇。喜專斷視朝。士蔑如也。嘗以變通被兵省分秋審章程。屬同官周祖擬疏上聞。先以藁示幕客王闔。運曰。此十八科濫墨卷。苟上必貽九列笑。順遂呼爲老八股。凡公牘。祖培已簽行者。則以硃抹之。若紅勒帛。晏見輒戲呼奕。訴爲老六。訐爲老七。柏讓以科場關節拿問。文宗欲貸其一死。順謂非正法不足以儆在位。竟置重典。又以錢票案羅織成大獄。於是朝市飲恨。左右側目。而帝寵愈固。英法以廣州約不就。犯京師。順誘英使夏巴禮囚之。已而僧格林沁敗。敵益逼。遂從帝走熱河。順不知兵。對外素主戰。自經是敗。以爲僧軍天下莫強。亦挫於洋人。疑洋兵通神術。勿可敵。恐還京復爲。

所乘於廷臣之靳回鑾者。皆置不報。迄乎帝崩。奉遺命與載垣等輔政。而孝欽謀垂簾。垣順等咸居之。數爭后前。聲色并厲。后不能堪。乃以密旨畀奕譞。召勝保兵入衛。返京。日立傳垣等。嗣順隨文宗梓宮至。亦就隸。先是議廣州夷務。訢主和。順主戰。退而責訢。非執政不應參機務。訢固銜之。故益助后。朝官亦咸欲死之。竟誅死。然文宗大漸。遺命實以八臣贊襄政務。殊不及后。垂簾順亦實無謀。不軌事。徒以暴致衆怨。又爲其屬曹毓瑛所賣。竟不保首領。而世亦無冤之者。順敬禮漢人。力舉曾國藩。復解左宗棠之獄。治事勤劬。案無留牘。誠亦有足多者。

賈楨

楨雖起家甲科。而庸俗不學。當官閹閹。由編修至大學士。屢司文柄。未嘗蹉跌。既致仕。優游仰望。踰數年始歿。飾終贈卹。一視翁祁。諡曰文端。世皆稱其

福命爲不可及。然楨操行堅潔。陳孚恩撫山東。判以海濱淤地爲賈宗祠產。楨力却之。又門人丁某自粵試差歸。餽一珠爲嵌夏冠用。已納之。越日有見之者。謂珠值可五十金。楨大駭。立遣價歸之。其介如此。光緒末安復。有是人哉。楨黃縣人。子致恩。官蜀。有能名。

李棠階

河內人。少孤。事母以孝。聞以翰林屢遷太常寺卿。官臺諫時數。上書言時事。侃侃不撓。其論耆善當誅。殛宣宗不懌。將罪之。會崩。然棠階恬退。以母喪歸。墓廬不出。曾國藩倭仁等交言其賢。肅順謂迂儒不足用。竟弗見詔。穆宗立。屢詔促之乃出。遂值樞密。破格凡兩遷。至尙書。當咸豐季年。肅順用事。頗探切。至是翁心存。祁寯藻。皆勸行寬大。獨棠階謂法行知恩赦不可頻。故何桂清之獄。持之甚力。以拘謹奕訢不樂與謀。雖居政府。而權不屬也。善醫。孝欽

聞。偶令治疾。自謝勿能。蓋恥以醫進也。執政日。門可羅清。清操冠一時。焉諡文清。

王慶雲

字雁汀。閩人。起甲科。以給事外官監司。擢至四川總督。蒞事廉慎明允。數平反冤獄。接屬吏勤懇若師。弟喜人。規其過失。在其時大吏中頗負賢名。然治兵非所長。又多用鄉人。若翁祖烈之流。皆貪酷吏也。慶雲嘗造戰車。駕以兩馬。中置石礮。屬會望顏用之。禦寇。汚縣馬驚。竄車半脫。其轅全師覆焉。在蜀時。德陽民某以寡母有外遇。羞而逃。母乃誣其子婦不貞。謀害其子。訴之官。數控至節下。慶雲鞠之。知子婦冤。而其子不能釋。婦歸也。禱於諸葛忠武祠。得籤。有藍田日暖。玉生烟語。後果於陝西藍田玉帛寺得其子。蓋已僧矣。獄始解。慶雲有碑紀其事。甚奇。

沈兆霖

當肅順秉鈞威稜懾人朝士莫敢與抗獨兆霖以貳官論事數持異議時寇亂方熾道梗弗通流徒犯莫從起解多死獄中順欲盡數遣之黑龍江兆霖揭曰死減等曰流流減等曰徒皆無死法今盡遣之極邊寒苦何殊治以死罪從古無此酷烈之政順無以難竟罷前議孝欽垂簾知其風采授軍機大臣素負氣不爲人下而奕訢新議政務攬權久遂相左后乃令其督陝甘以兩解之時回亂漸作兆霖至懲驕將治劣弁方將有所振飭適出巡閱至碾伯宿行館山水猝發竟淹死或曰實有回弁故導之宿山谿間而決上渠以貫之則不可知矣事聞后悼惜特謚文忠視一品大員沒於王事者議卹兆霖善爲文檄頃刻千言條理精密人莫能及

曹毓瑛

毓瑛。公孫弘之流。而無其經術。傾險則過之矣。起甲科爲兵曹郎。以工書值軍機處。爲章京。對人恂恂。若不能言。而計事輒中。肅順信之。薦爲領班。恆呼爲曹師耶。北語稱人饒智計者。爲師耶。蓋重之也。然知順暴戾。爲朝士所惡。未可恃。當文宗崩。熱河順華拒后聽政。毓瑛乃日輸密於奕訢。訢以是親之。而順不覺。及垂簾。遂以鴻臚卿授軍機大臣。孝欽之干政。肅順等之誅。毓瑛之謀。爲多云。其人布衣。脫粟而積金。則寄之肆商和泰金店。凡三十餘萬。雖妻子弗知也。故舊向貸一錢者。皆拒不納。而性警敏。嫻故事。同治初。政主於奕訢。輔之者。毓瑛也。屢遷至兵部尙書。加太子少保。歿於官。

譚廷襄

字竹崖。山陰人。以資爲刑部主事。後成進士。外任河南河北道。擢至疆圉。歷官晉魯陝鄂直諸省。禦寇無功。數被譴。以其習例案。且首贊后垂簾。遂內用。

官至刑部尙書。明制重兵部，非由本部司員出身者，不得躋本兵。清制重兵部，刑部官外任，往往擢京堂，仍爲本部尙書。廷裏官法曹，久而其鄉人皆爲牧令。刑幕蒞事，日戒所屬，勿以輕心駸。各省定案，自是紹人益盤踞。各幕院司府縣，互爲鈎結，時有無紹不成衙之諺。廷裏所貽害也。

瑞麟

清制，凡明代奄人所司事，如關權識造之類，皆以內務府官任之。內務府者，帝室奴籍也。故俗稱家裏官。宮廷度支，舉以司之。歲侵年不可紀，而銀庫值堂爲其最。麟以鑄帖式躋銀庫郎中，政鉅富，歷副都統、侍郎。外簡封疆，由廣州將軍移兩廣總督，晉大學士，歿謚文莊。贈太保。孝欽外家，固貧。麟時貸以資，及后聽政，倚界益隆。然麟渾樸無所知，左右用事，公牘至，唯判行而已。嘗以米價貴，諮屬官封以市，僮居奇，麟面詢四暨，何人又謂答爲台同知，宓彥

恒投謁。問曰：爾姓僻，吾弗知爲何字也。人皆掩口，而慷慨重友誼。元和陸世澄宿館其家。後官閩，虧官帑萬金。將察抄，世麟求貸五千金。適方支總督，養廉竟以萬金假之。貧時衣商，余某贈以一裘。後余醫麟，養之終身。且爲其子納粟爲縣丞。精飲饌，今粵酒肆潮州魚翅，卽其家廚所遺也。

寶璽

字佩蘅，滿州旂人。弱冠入翰林，容儀偉麗。善相者許必至公輔。少遷司業，歷講讀詹事官。陟侍郎。同治初，以尙書入值軍機處。晉大學士。至光緒甲申，始爲言路所劾，休致。蓋居政府凡二十有二年。議事一阿奕，訴旨無所建白。頗通賄賂。然重漢人，對湘准諸勳，尤退讓。疆臣交頌其賢。所屬輒不拒。璽益得以薦，廣醫官，取資遂致鉅富。歿諡文靖。璽罷官後，尙著兵書。予所見則火器新論、城防紀要，皆勦說雷同，不足觀也。其弟璋，官道員，有心疾。璽頗畏之。所

蓄資半爲所耗焉。

文祥

清代滿大臣。自阿桂外。鮮賢者。祥獨樸忠。盡直。勞瘁。靡辭。雖以孝飲之。泰侈。恣縱。亦禮重之言。無不從。則其感人深矣。奉天旗人。少好讀經世有用之書。及執政務。慎外交。簡軍實。違賢能。退冗闕。尤持大體。數諫。后帝失德。穆宗以狎戲故。怒奕訴。欲手刃之。祥切諫乃已。安得海之誅。主持尤力。俸值二十餘年。非公事。對近侍。不交一語。曾國荃圍江寧。久不克。衆皆设之。朝右見疑。祥獨謂必克。於國藩尤護持。凡中傷者。皆飭去之。光緒初歿。特謚文忠。節終典禮。倍於諸臣。祥平生無妄語。重實踐。而口不講學。愛才苦命。而未嘗樹黨操守。捐介而不飾。觀聽雖不能止。后垂簾。而其忠鯁亦狄仁傑之流亞也。游朝鮮。黑龍江。知外勢日逼。故主變法圖富強。甚力。著有黑龍江松花江游記。

龐鐘璐 單琳謙

二人並以翰林起家。官吏部尙書。皆享耆年。而鐘璐寬和脫略。琳謙謹飭。自守。嘗同游碧雲寺。歸。鐘璐輕裝策蹇。過小酒肆。復入飲。爲台諫所劾。琳謙則義冠乘輿。若赴朝謁。人亦笑之。琳謙後晉繪圖。

毛昶熙

河南人。道光甲辰進士。歷官至內閣學士。以母喪歸。適其鄉爲捻寇所陷。狼狽出走。遇鄰縣練勇。叩何人。對以官。衆曰。此毛翰林。京朝大官也。不可不護衛之。遂擁之行。比至。寇已去。昶熙乃咨巡撫。謂縣城爲己率練所恢復。巡撫聞於朝。文宗以其知兵也。用爲團練大臣。冀其立功。如曾國藩。然性疑畏。無能。第擁旌麾。竭來河上。以所轄皆殘破賊。亦弗至。故數年無功。亦無過後撤防。觀京師。遂晉尙書。充總理各國事務大臣。頗自負。知兵。視同列。皆書生。鮮

當意者。閩文介與論西城軍事。昶熙謂宜盡逐國內回民。聚之新疆。使自爲一國。而列我藩屬。文介笑其妄。謬不通。臺灣番戕日本難民。日使詰於總署。昶熙對番人猶貴國。蝦夷非服王化者。中朝向不預其內事。今有此貴國。自往問罪。可幸。是時日兵力未強。否則全臺早隨昶熙。敷語去矣。好賄爲之說。合者爲太昇館酒肆。主於某。以顯官罕蒞酒肆。乃令改稱太昇堂。其中日有昶熙蹤跡。張佩綸指爲毛廁。北語廁宅同音也。

畢道遠

淄川世族也。少鈍而劬於學。讀書山寺中。雖令節劇寒暑。不自己。年三十始爲附生。後以翰林。歷擢至尙書。兼管順天府府尹。幾十年。道遠形幹頎。碩立坐。端肅如對大賓。接客發語。頗緩音吐。若甚疑重其歿也。京師人遂謂其官順天城隍。不經甚矣。而其制行端樸。三十五妻死。終身不取。亦無妾媵。偶醉。

後杖一輿人醒而憶之將給資以醫其傷適用已罄乃以所御朝珠質十金
畀焉好爲詩而拙重古體間有佳者有致用堂集

皂保

字蔭方家饒於資庚申所居爲亂兵焚掠遂中落然保好客每食非朋儕驩
譔不快雖貧猶時爲長夜飲侑以雞劇雜伶由翰林屢官至吏部尙書而筭
恆空所儲唯質券尤好書畫瑞麟兼筦粵海關貽以萬金載入琉璃廠半日
遂盡晚歸爐無炭乃折窗櫺代骨樞王毓藻德馨皆所游援保沒負逋甚重
時馨任浙江藩司毓藻任廣東督糧道皆膺仕殊無所賻景其濬爲重廣絕
交論予嘗舉以戒世之好賓客不治生產者

董恂

富陽文恪公誥孫也以庶吉士散館爲戶曹郎幼穎敏博涉羣籍下及小說

稗史。而嗜烟。日吸二兩。晝眠夜作。起居不時。且自負。接人鮮禮意。京師呼爲董太師。擬之董卓。狀其驕也。以戶部尙書兼總理各國事務大臣。羣從子弟。好行不法。恆在倡寮間。捶楚游客。其次子至。爲巡城御史。朱潮所杖。訕謗大作。恂恥之。值議伊犁俄約。遂主戰。冀附清議。而張佩綸拒之。屢被劾。乃乞休去。然晚歲益好學。築時還我書室。排日吟誦。人不知其爲熱中利祿人也。字蘊卿。戊申進士。

桂良

奕訴外舅也。以曹郎歷官卿寺。躋尙侍。外任直督。晉大學士。辛酉以訴故。授軍機大臣。歿贈太傅。謚文端。良狀貌端重。須髯農秀。精衣飾。服用甚都。然無才核。一牘經日不能決。翌日再取核之。仍遲回莫定。及領稿者催促。始簽押。裨之。越時有人進問。是何事。何鄭重。若是則已。瞠目弗能答。其昧如此。嘗筭

總署數與外人議約。平居終日，手一鼻菸壺。京師人呼爲桂大煙壺云。

福錕

宗室。以翰林屢擢至正卿。授東閣大學士兼步軍統領。內務府大臣頗有寵。於孝欽性寬和。提督九門日所司訊盜。恆用嚴刑。以其慘呼。輒令除之。坐是盜益熾。甲午冬有盜取其佩表掛城上而書其下曰此福中堂表也。事上聞罷所掌。以榮祿代之。歿謚文填。

崑崗 麟書

崗字小峯。書字芝舛。皆宗室。皆起翰林。光緒中皆晉端揆。掌翰林院事。崗不學。數典試所拔無佳士。書頗笑之。及書典壬辰會試。闈墨尤譎劣。崗抵以書曰弟耄年。目眊莫辨妍媸。久貽儕輩羞。今君未五十而所鑒別似尙。居鄙人下。是非盲於目。直盲於心矣。恥莫大焉。曩承教益。不敢以不告。書得書憤欲

死。然能詞章。嘗見所爲儷體文。頗異俗製。匪崗所及也。

沈桂芬

字經笙。吳人。以翰林官遷大理卿。副都御史。入值軍機處。兼總理各國事務。大臣官至協辦大學士。歿謚文定。桂芬治事精敏。在上前敢言。能辨同官。咸服其才。光緒初。畿輔水利議如康乾時。設專官治其事。孝欽意已決。奕訴阻之。不聽。桂芬言曰。太后視李鴻章何如。臣寵遇若何。后曰。良臣也。故朝廷待之。亦在諸臣上。對曰。臣亦云。然以鴻章之才。本足辨此。况受恩深。尤當勉爲其難。何煩另命他人哉。后霽顏。稱善前議。遂罷。文祥既歿。總署大臣益乏才。獨桂芬頗考外情。章京起草。輒有所改削焉。然器量褊狹。不能容物。崇厚饒樞。臣石首魚。忘致桂芬。遂怒。厚入覲。不與交一言。又飲翁同龢所。座客稱謂偶不當拂袖。竟去。潘祖蔭規之。弗能改也。

官文

字秀峯。內務府旗人。由侍衛外任荊州副都統。擢將軍。吳文鎔死難。攝湖廣總督。然武漢未復。趨趙莫敢進。嗣胡林翼以兵迎之。乃赴任。顛味不達政體。事皆決於僕。從林翼欲劾之。閤敬銘謂清開國凡二百年。行間無漢臣。獨將者。彈去一文。初無補於事。徒以增朝廷疑。其左右所嗜者。利耳。他安有奢望。不如因而利用之。庶可解政府滿漢畛域。林翼韙之。遂提鹽茶局。羨餘月三千兩。餽之胡母。且收其妾爲女。而約文。但坐鎮無掣。諸軍肘告捷。則推其領銜入奏。自是林翼所言。文無不從。文所請。朝議亦無不從。蓋肅順方枋國文。其弟子也。屢晉大化士。江寧克。封果威伯。自林翼死。文左右益恣。縱不奉約。東曾國荃撫鄂。嚴劾之。且指其爲順黨。遂開缺。部議革職。念其前勞。第罰俸。俸十年。示薄懲。復出督直隸。還朝卒。諡文恭。文蟲通漢文。性柔緩。事皆其妾。

與門丁主之。有庖人爲肅順洊尤驕。時稱爲督府三大妾死。文治喪如喪父。母喜蓄狗。當林翼東下圖皖。一夕漢口被火。光熊能激江表。民驚走。謂髮師潛進。已踞隔江。藩司嚴樹森謁文。斬鎮壓及入。唯文嗟嘆。聲家人哭泣。聲與羣犬吠聲。和樹森語竟不達。歿無子。以猶子榮綵襲爵。

趙光

字穉屏。恩安人。以翰林官至刑部尙書。歿諡文恪。辛酉。孝欽垂簾。漢大臣附之者。周祖培與光爲最力。后頗德之。而祖培庸闇。聽政後。光獨嚮用。行預機務矣。以骸疾弗克入值。乃罷工書。摹趙孟頫當官飭廉隅。死之日。家無餘資。唯設事權要。咸豐間。謁肅順。執禮若屬官。及順敗。又頌奕。訴無虛日。嘗赴朝。適樞臣入值。方大雨。乃立道左迎候。俟其畢過。乃敢行文。祥笑曰。今日唱雨中送官曲矣。蓋楊慎譏方獻夫詞也。

周祖培

祖培以銜肅順故。思假后聽政以傾之。初請垂簾者。其門人董元醇也。當同治初元。凡議大典。事無不與。然闇弱不爲后所重。及歿。謚文勤。贈卹頗薄。祖培商邱人。嘉慶二十二年進士。官至武英殿大學士。所爲制舉文。圓熟浮滑。而聲調協和。頗爲習帖括者所揣摩。晚歲好道。然所考皆俗傳大洞三官經之屬。非史所謂道家也。

賀壽慈

蒲圻人。道光中進士。以翰林遷詹事春坊官。擢卿貳。同治末。晉尙書。歷吏戶工刑四部。當官和平疎闊。簞簞不飭。其掌都察院時。輒納賄反五城所定案。臺官皆恥之。任戶部。其家人子弟。數出入庫吏史松泉家。又有骨董商李某。初啓肄。公服乘輿往道賀。且留飲焉。言官劾之。令闈敬銘察覆。以實上聞。得

旨罷職。壽慈體豐碩。健飲啖。精庖廚。會試後。諸新貢士宴於會館。壽慈獨盡一甕。一雞。觀者詫焉。

黃宗漢 黃卓

宗漢。閩人。起甲科。屢官疆圻。色厲內荏。務爲苛細。時呼爲黃閻羅。文宗寵之。書忠勤正直爲額以旌。後官侍郎。以阻回鑾。孝欽謂其附庸順。視職卓。湘人以翰林屢典文銜。官至侍郎。其試士不設關防。入夜不催完卷。曰是皆有命存者。嚴無益也。時呼黃活佛。四川夙多搶冒代進。一附生須千金。蓋非賄吏胥代者不能入。卓至。出入不稽。人皆爭赴。一秀才僅值錢數十千。槍冒風竟息。

張之萬

字子青。南皮人。以一甲一名授修撰。歷遷至內閣學士。外任河南江蘇巡撫。

漕運總督。復入爲尙書。晉大學士。軍機大臣。上書房總師傅。光緒乙未年八十三，尤其休食。俸如在官日。以重赴鹿鳴宴。加太保。歿贈太傅。諡文和。之萬幼穎敏。及入仕籍治。事精捷舉。重若輕。故剔歷中外。鮮行敗事。唯工迎合。其撫豫以清釐。漕折受上賞。然實加賦也。光緒中值樞密。凡十年。廣通賄賂。凡餽十金者得延見。且答拜。五十金者可斬一游牘。好談鬼神怪異之說。蓋學河間紀昀。自謂能夢卜。凡休咎皆先有夢。以夢決之。輒不爽。予初弗信。甲午季秋。聞其告人曰。吾有夢。行罷政矣。已而果然。雖古者掌夢兆有官。而吉凶人未必皆有夢。即夢亦未必皆驗。抑又何也。善畫秀逸蒼潤。并世無儔。

恩承 額勒和布

承宗室。布滿州。皆光緒朝大學士。布則兼爲軍機大臣也。承健談。對人語媿。媿不可休。而復亂無復意旨。布訥官奉天副都統。都興河與同官。巨二年交

語不及百。輿阿諛爲啞人。然值樞府時。同官世鐸孫毓汝等。皆急賄賂。布獨弗婪索。旂員中尤難得。甲午德宗以其才欠開展。並張之萬罷政。旋予告。家居食俸。歿謚文恪。說者謂才欠開展。乃牧令降教。署考詞而執政。亦蒙之。當時人才可知矣。

閻敬銘

字丹初。朝邑富家子。勤學工書。以庶吉士授主事。供職戶部。少遷員外郎。乞病歸。胡林翼撫鄂。聞其賢。屢書聘之。復疏請調用。久之始出。令總管軍需。是時政府方疑湘軍。乃說林翼交驩。官文京師。始無復掣肘。用成平皖。贛功。其筦軍需。掾曹皆用士人。廳事左右中各設長案。己與諸司環坐。昕夕治事。綜覈精勤。浮冒盡絕。林翼益奇其才。密疏洊之。四遷。遂爲山東巡撫。母喪奪情任事。乃課吏職。稽虧蝕。嚴緝捕。鋤邪教。齊魯久爲捻所蹂躪。財賦甚絀。軍餉

不支。至是度支少裕。且以餘力贍豫軍焉。然敬銘嫉惡嚴。所用多酷吏。張積中之役。或議其果於殺戮云。居二年。求去。愈力。且洊藩司丁寶楨爲代。始得請去。時陝亂方熾。遂家於晉之運城。光緒初。特詔起督振務。以主覈實勿濫放。人方樂曾國荃之寬。遂訾敬銘刻削。然非其過也。事臧屢詔徵之。乃入朝。授戶部侍郎。至之日。朝謁。孝欽諮理財法。條對甚悉。后傾心聽之。未幾擢本部尙書。乃劾罷著名把持之去任司姚覲元等。收庫吏史松泉於獄。舉廉吏季用清等爲各省藩司。刊行所司章奏。使吏胥不克上下其手。治日蒸蒸。而后方務泰侈。多取部帑。復議築頤和園。敬銘欲得君行己志。初未切諫。猶子迺珏言之。始告以故。而后思興修碧雲寺。則以李光昭貢木事阻之。是亦非默爾也。屢奉召按朝官被彈。輒以實聞。言路益發據。尤護持賢彊吏。若丁寶楨張之洞之流。繼入樞府。授東閣大學士。諸奄及內務官嫉其持正。后寵漸

衰。嘗以所劾吏復爲彊臣調用。具疏爭之。嚴旨責其負氣。先已屢乞罷政。至是堅臥不出。遂放之歸。歿諡文介。敬銘強毅廉介。精覈事理。負大志。欲專國柄。有所改革。卒爲宵人中傷。遽乞病歸。賚志以沒。而其筦司農八年政績。爛然咸同以來一人而已。短軀幹而目光四照。衣冠敝陋。人或譏其矯情不足論也。孝貞嘉其不欺。以告廷臣。子迺竹。進士官禮曹。以善康有爲。爲文悌所劾。歸不復出。難進易退。有父風焉。

許庚身

咸豐以降。外侮日逼。廷臣少少言幹濟。庚身官翰林日。以習故事。工語言。人謂其有經濟才。光緒初任江西學政。頗以天算輿地諸學試士。而所援唯黃楸才少淹雅。他亦殊無真士。還朝。晉侍郎。己而授軍機大臣。遷尙書。時樞府唯孫毓汶最有寵。而庚身以應對敏練。孝欽亦親之。人多謂其好賄。予以年

家子。曾聞其緒論。不之信也。後見浙人稽志文。餽以四千金。突破格簡授潼川府知府。始知人言不謬。許氏如乃普。乃釗。皆通顯而莫不好貨。蓋其家居奢侈。非賄用無以給。庚身何責焉。字星叔。仁和人。

孫毓汶

字萊山。濟寧人。故大學士玉廷孫也。以翰林同治初大考一等一名。擢侍講學士。值南書房。督福建安徽學政。考試公明。關說不入。少遷詹事。光緒初始除侍郎。授軍機大臣。晉兵部尚書。毓汶固權奇。饒智略。尤有口。給然守家學。頗勵操行。及入樞府。頓改節。孜孜營財。賄通竿牘。時領樞府者。爲世鐸。懦庸無能。毓汶遂專魁柄。夙值南齋。多識羣奄。恆於后前稱其能。寵以日固。黔藩司王德榜入覲。謂之索門包白金千。德榜起行。聞負氣善罵。怒曰。吾國家官。非孫家官也。不見。何害。安用賄爲。竟去。及還任。黔撫適闕員。毓汶爲后言。德

榜不通文理。不可擬封疆。遂以臬司黃槐森權撫德榜憤死。又聞臬司黃毓恩餽冰敬二日金。却之曰。八年夔州僅足辦此乎。蓋毓恩任夔州守久。撫仕也已而竟調黔臬。懼餽萬金未及黔。遂晉閩藩。其弄權類如此。凡命題書畫。輒摹贋本進。而自留其真。時稱齊天大聖。言如小說中孫悟空之善變化。盜桃竊丹。然縱酒晚歲。屢作楚弗良於行。特准禁城乘輿異數也。甲午日朝事作。遂地半失。提督董福祥晉謁尙屬。爲購關東貂裘。福祥面叱之。言官爭彈其擅權。德宗亦悟其奸。遂准病致仕去。然毓汝固未嘗乞休也。

徐樹銘

清季失政。賞罰不行。臣工循資以進。毫卽大用。罕有起躡。獨樹銘以道光間翰林。不數年開坊。遷卿寺。旋即數千降黜。歷四十餘年。乃晉工部尙書。由其狷傲敢言。然也。長沙人。少讀書城南書院。劬於治史。踰冠入翰林。出督浙江。

學政。以薦舉人材。中列己罷編修俞樾。嚴旨付吏議。降二級調用。既補官。久之以彈李鴻章。詞連樞官。責其失實。罷歸。以左宗棠薦。起爲編修。至光緒己亥。始擢尙書。明年拳禍起。適疾作。遂死。樹銘狀貌整肅。音吐若宏鐘。論事抵掌。慷慨旁若無人。惜不達外情。庚子春。書致湘綺先生。尙以義和團必滅洋爲言。蓋可晒己。

陳學芬

字桂生。安陸人。起家翰林。官京師幾四十年。圓融通脫。凡人以資乞其薦牘者。必予之。而彊吏不盡報諾。亦不以爲迂。嘗告諸門人曰。聞譽吾者。恆言老奸巨滑。然自問滑有之。奸則未逮也。其不持品節類然。然以更事多。頗悉世情。僞明利病。庚子春初。卽爲榮祿言。拳匪不可用。外衅不可開。祿服其議。而卒爲載漪等所格。六月。學芬已晉吏部尙書。謝恩出。爲匪所要。令奉香跪伏。

壇下。時許乃釋令歸。遂病數日卒。諡文愨。

敬信

宗室。字子徵。以乙科爲郎。數遷至戶部尙書。熟於清故。論滿洲舊事。纍纍若貫珠。足爲昭榘。繼當官謹飭。無他長。喜聆村鄙歌曲。恆微服往天橋坐茶棚間聽歌。人不知爲大司農也。一日值給事吳光奎。光奎時方好言事。慮其劾己。歸而憂病。遂卒。

李鴻藻

字蘭孫。高陽人。以翰林。咸豐末入值上書房。授穆宗讀。同治間值弘德殿。五年遷尙書。值軍機。穆宗少年跳盪。好嬉戲。弗能止也。然亦頻婉諫。帝於諸師中最親之。親政授協辦大學士。越二年帝崩。樞臣入問疾。帝獨顧鴻藻言。光緒初執政如故。繼何金壽疏彈樞府。奉旨以經濟非其所長。降內閣學士。後

復躋尙書。甲午日朝事棘。及翁同龢同時被命。再贊軍機。時論交推翁、李。而鴻藻主戰。益力。故譽益隆。乙未後復晉協揆。頗附奕訢。阻帝變法。丁酉歿。贈太子太傅。特謚文正。鴻藻同治初以母憂奪情。七奉溫詔不起。著節一時。當官平直。其鄉人謂嘗與僕婦通。弗可知也。惡倖進。重老成。嘗曰。今新進爲大言者。皆欲獵好官。淡然對之。技無所施矣。同龢好言結訥。而鴻藻退休沐。未嘗接客。世頗傳其剛耿。以予所見。則謹愿若老儒。與人言如恐傷之。弗睹其狷狀也。

潘祖蔭

予嘗論同光間朝士。樸幹推文祥。精毅推閻敬銘。若好賢勤事。表裏不欺。則祖蔭其人也。字伯寅。吳人。故大學士世恩裔。幼好學。涉獵百家。好收藏。儲金石甚富。以賜舉人翰林。遷至卿寺。值南書房。嘗具疏力解左宗棠之獄。且薦

其能。遂擢京堂。督師浙西。蓋祖蔭好事。見義敢爲。初不計禍福也。時張之萬徐桐等爲上書房總師傅。一時上齋翰林皆直魯人。祖蔭值南書房。南齋翰林皆蘇人。有譏其私汲引者。遂薦王文錦張百熙等以補過。治事勤日寅而起。至官署恆在人先。與馬甚敵。同僚多笑。所弗計也。好士重賢。而性坦率。輒爲僞士虛聲所悞。官工部尙書。順天府府尹最久。每飲小酒肆中。酒餘輒爲書聯額。以其賢。言路亦無彈劾之者。時翁同龢領國子監。世稱翁潘。然祖蔭誠篤廉直。同龢不足望也。好辨別板本。於經通公羊春秋。爾雅於史通范曄後漢書。然生平絕少著述。德宗大昏。內務府大臣崇光喻其共爲中飽。祖蔭故爲不省。光更以書致意。答至。光啓觀。則赤箋書弗肯。弗肯四字。其字大逕五寸。予於立山所見之。證文勤。

錢應溥

字子密。嘉興拔貢。世族也。朝考爲小京官。以年家子。從曾國藩戎幕。工爲文。檄詞雖簡潔。而無不盡之懷。且文成甚速。嘗擬奏二咨二檄五。僅一時許。國藩媿爲枚臯焉。以參贊勞。擢郎中。還朝薦充軍機章京。歷遷卿寺。及徐用儀罷政。遂以侍郎授軍機大臣。官至工部尙。請疾歸。應薄慮藻。周密持躬。端慎參政。日以持議數與剛毅相左。故求去甚力。迨歿。賜諡不及。時論惜之。

廖壽衡

嘉定廖氏多文人。壽衡及其兄壽豐。皆起家翰林。壽豐官至浙江巡撫。壽衡官至禮部尙書。其官禮部日。適德宗變法。以翁同龢薦。授軍機大臣。未幾政變。遂出值。以其薦疏弗及。康梁世鐸白其非新黨。故猶得保其官。壽衡初入仕籍。頗自負。敢作爲。任河南學政。剔取甚嚴。不少假借。初陟刑部侍郎。於諸司擬牘。多所削抹。屬官不堪。乃嗾言官論其褊狹。非同龢救。幾落職。自是遂

改。行。爲。尤。闕。不。爲。人。重。矣。字。仲。山。善。奕。

薛允升

字雲階。長安人。以進士爲刑曹郎。幾三十年。歷秋審處。律例館。嫻習例案。爲其曹冠。京蔡優等。外任四川成錦龍茂道。未幾入爲大理寺少卿。遷至刑部尙書。以其從子浚。關說通賄。臺諫交章論之。罷職歸。允升長身瘦削。而意氣勤懇。有關中故家之風。掌秋曹日。所屬多以律書求解。輒爲解導。不憚煩也。然俗學無識。立朝未嘗有建白。復私鄉誼。卒被彈去。甲午淮軍諸將。凡奉旨治罪者。咸輦鉅金求未減。允升皆拒之。於是葉志超。衛汝貴。皆伏刑誅。時論僉以爲快云。

翁同龢

同龢以贊德宗變法罷政。爲拉后所惡。幾不保其首領。當時推爲賢輔。然性

疎闊不達情僞動爲人欺臨事喜納羣言而不能別其是非故持議輒兩歧初以去就阻鐵路繼乃請以大柄假康有爲先後判若二人焉大學士心存子字叔平晚號瓶居士一曰松禪以一甲第一人入翰林同治季年詔值弘德殿光緒初特命授德宗讀值疏慶宮未幾兼軍機大臣以法越事罷諸樞臣同龢其一也帝親政授戶部尙書甲申中東之役復參機務晉協辦大學士恩禮之渥冠諸臣當馬關約簽印帝揮涕向之因慷慨言願求賢士更敝政圖富強期五年復仇適康有爲方數上書皆言變法陳覆亡之慘語頗沈痛張蔭桓薦之同龢以爲不世才密爲帝言及德膠踞澳俄法交乘帝決更國是更力薦有爲初榮祿入值執禮若弟子亦漫受之祿含怒弗言至是乃與剛毅朋比譖於孝欽謂其勸帝游歷外國帝預白其誣后終不信遂令開缺回籍詔中謂其狂悖情形斷勝樞機之任本應行文完責姑念在毓慶宮

行走有年。姑從寬開缺回籍云云。蓋后手筆也。去之日。帝哭失聲。而無如后何。及政變。廢立見格。廷臣疑南中羣議。皆同穌主持。剛毅告后。吳大澂喪師辱國。實同穌薦庇。罪應論死。后信之。以榮祿諫。僅褫職。永不叙用。交地方官嚴加管束。罪大澂亦如之。時啓秀弟彥秀。方官蘇州府知府。武健嚴酷。祿蓋欲暗置之死也。旋值拳亂。獄乃解。甲午大澂以湘撫自請督師。望風逃潰。後復令戴罪回任。同穌力也。而詔書中。謂其棄易就難。故從未減實。亦公論已亥褫職旨。歷舉其從未將經史大義。剴切敷陳。唯時講說怡情適性之古玩書畫。則意在宣帝不學也。歸後時往來山中。不履塵市。以多疾病。不復著述。好讀梵典。及莊周書。歿於家。宣統初。端方爲請恤。乃復厚官。繼謚文端。同穌好學。通羣藝。爲文簡約。有體。工書。以董趙意而參以平原。氣魄足。繼劉墉。善畫。世不多見。執政日。好引私人。通薦牘。甲午十月。予道津沽。聞人翁少丞方

率三營駐防。日宿倡寮。其人本執袴。不知兵。持世家子。舊與同龢通譜。故薦令治兵也。事雖細。而非憂國者所當出也。

張蔭桓

字樵楚。南海人。以資爲縣尉。官山東。數從事河工。薦擢監司。丁寶楨撫東。奇其才。密疏舉之。遂授登萊青道。蔭桓才氣恢張。文詞瞻麗。而熱中求進。好資緣要津。故朝列皆知其賢。己竟簡爲出使美國大臣。時謂粵人通洋務。故使臣多粵籍。歷遷卿寺。還朝。命爲總理各國事務大臣。同列非門蔭。卽甲科。無起下吏者。比蒞事。人皆輕之。乃益交名士。時爲酬唱。所製沈博絕麗。翰詹中鮮其媿衆。始驚之。時奕劻領譯署。大臣中唯蔭桓差諳外交。接賓議事。多以屬之。俄使嘗笑言。初謂貴署僅君一人耳。己而遷侍郎。益貢珍異。交內奄駸駸柄用矣。康有爲固其鄉人。因翁同龢薦。久簡帝心。蔭桓知之。遂納諸幕中。

日與籌變法。及有爲入對。亦謂大臣中爲蔭桓及李端棻二人能任事。因之亦頻召見。且晉戶部尙書。人謂其嘗勸帝異章服。更正朔。舊黨咸疾首。文悌受許。應駭旨。暴其通有爲狀。帝置不問。政變。徐桐進曰。不殺蔭桓者。是舉爲無名。俄使屬榮祿解於后。適孝欽方聯俄。乃謫之新疆。庚子後。再以俄人請釋之。未及還。竟卒。

李端棻

予初見之。丁文誠座上。一恂謹書生耳。及甲午謁於京師。頗論時事。娓娓道東西洋制度。退而諮其所親。蓋彙典試廣東得才士。梁啓超近以女弟妻之。所論皆納。梁議啓超南海聖人弟子。擬之爲顏回者也。戊戌果頻上封事。請汰冗官。刪則例。立學堂。帝皆嘉納。擢禮部尙書。政變。并張蔭桓戍新疆。光緒末釋回家。居數年乃卒。字苾園。貴筑人。在戌日。予餽以資。復書字畫。整潤。勝

於平。昔且言法蘇軾務養生起居皆有節制是誠能處艱困者宜其後蔭桓死矣。

榮祿

字仲華。以蔭爲兵曹郎。數遷侍郎。兼內務府大臣。甲戌。穆宗疾少愈。加恩中外。祿晉太子少保。年僅踰三十。時號爲寵臣。云。光緒初擢工部尙書。以其叔奎俊迴避案。且假大工納木商賄。諫官交章論劾。降調去職。家居數年。用爲西安將軍。西安缺。至瘠。恭壽在官日內。一幕客門可羅雀。祿至。內幕六人。日爲筵啓。猶不給。偶綠營校旂言於巡撫鹿傳霖。往觀焉。以銀鏤荷囊之屬。遍賚諸士。值踰五千金。籊聲雷動。傳霖亦傾心交之。聯爲昆弟。因得爲諸牧令。關說而收其賄。甲午祝嘏入覲。代福錕爲步軍統領。旋授兵部尙書兼總理各國事務大臣。軍機大臣。戊戌出任直隸總督。祿雖亦數陳變法。而惡翁同

穌專柄。其妻入謁慈寧。嘗爲孝欽言同穌無狀。竟被逐去。帝漸知其所爲。故令外任。復欲代以袁世凱。俾衛已行新政。嘗爲譚嗣同等言之。嗣同以爲迂緩。就商世凱。屬其逐祿。以兵諫。后勿干政。世凱陽諾之。而馳告密於祿。祿乃微服赴頤和園告急。乃誣帝欲圍園禁后。后遂囚帝。重出訓政。而祿以樞臣。兼統北洋諸軍。駐京師。若漢之大將軍。后數思廢帝。祿老謀。知未可卒行。乃勸后存帝虛名。庚子拳禍初作。共王文韶數諫阻。載漪等尾之。後匪試技宮中。良驗。因亦漸信。然猶持兩端。數遣人餽使館食物。所統四軍。聶士成已先陣歿。世凱遠在山東。宋慶董福祥。以夙將視祿若敵體。弗承其指揮。中軍皆旂卒。久潰。及敵逼近郊。祿竟束手。而其家亦爲亂兵所掠。妻驚悸死。乃潦倒追駕。行至陝。以家中落。益求財賄。鬻一道缺。不及萬金。爲妻治喪。納賄金幾百萬。後以鴻章請命參和議。而不敢赴也。其武衛軍幕僚。若陳夔龍。桂春。鐵

良樊增祥之流。亦漸嚮用。回鑾踰年卒。后痛悼浹旬。特謚文忠。錫男爵。祿軀等中人。面色黃暗。類抱病趨踰。合度工善。酬酢與人語。不煩而皆如其意。以去。其在樞府。權侔人主。務殖財納貨。門煩如市。類似奕助。而少明敏。嘗告錫良。袁世凱雖告密其人。雄鷲未可信也。是非助所及矣。癸卯至京師。偶飲萬福居。忽隔座一少年來。屈膝向予。視之服飾甚都。蓋舊僕蜀人朱四也。而幾復不識。問之。則曩歲隨恭壽眷入京。恭子榮勳固祿從壻。因得執事祿邸。比亂作。負其妾逃。祿感其忠。令爲主計僕。已踰二年。遙覘其座客。似皆朝貴。滇藩司李紹棻亦在其列。後聞朱富亦三十萬祿之貪。卽此可知矣。袁世凱岑春煊皆其門人。

徐桐

漢軍旗人。故尙書澤醇子。字蔭軒。少承家學。頗崇性理。壯游倭仁門。益究心

濂洛關閩之學道。光間翰林歷事四朝。嘗侍弘德殿。授穆宗讀。值上書房。凡三十餘年。後爲總師傅。官至武英殿大學士。桐學固儉特。藉宋儒說以自文。淺陋非仁。媿也。掌翰林院。日戒所屬毋用洋貨。服洋藥。乙未間亦應詔言事。帝以其迂闊。報聞而已。時士論動稱翁潘。而不及桐。頗羞之。遇博瞻之士。則斥其浮薄。迨戊戌。凡門人言新政者。皆屏不聽。入謁而鑑於許應駉。事亦不敢阻。帝也。政變。孝欽以其耆年碩學。倚之以收士論。尊禮若保傅。朝謁令近侍扶掖。欲使參機務。以耄舉。啓秀自代。時京師市人每桐出。皆佇立候之。以其能崇正學。黜康梁也。桐嘗詆帝蔑祖變法。罪浮於漢昌邑王。宜亟廢。大阿哥溥儀立。桐照料弘德殿。益親載漪。拳匪至京師。桐親逐之。宗室壽富曰。此曹傳會神怪。使程朱在。擯之且恐不及。此舉似背宿學。桐無以難也。敵軍陷都城。桐自經死。年八十有五矣。其子承煜。官刑部侍郎。附拳益甚。被劾擊問。

先已爲洋兵所縛。並啓秀皆伏法。

啓秀

秀官翰林。日端謹。不爲狎邪。游衣冠儉素。徐桐謂足傳己衣鉢。寵冠弟子。行然秀尤不學。並宋五子書。不之知。所誦皆袁了凡功過格。陰鷲文感應篇之屬。己亥桐游以自代。遂以禮部尙書兼軍機大臣。拳匪攻教堂。董兵攻使館。不下。啓游五臺僧禦敵。至之日。俯伏道左。執弟子禮。而僧初出。卽殲於礮。後以廷臣劾論。外人指摘。並徐承煜正法。而秀孝弟。善事其母。及死。戚黨哀之。兄彥秀。以部曹外任。後官蘇州府知府。刻酷無復人道。博者斷其指。額前被髮者髡之。蘇人憚畏。用以警啼兒云。

崇綺

清代滿蒙人。試漢文。爲狀元者。二百六十年間。綺一人而已。字文山。內務府

旂人。孝哲后父。以女貴。擢隸滿洲鑲白旂。由修撰少遷侍讀。册后禮成。封三等承恩公。晉內閣學士。遷都統。署工部尙書。孝哲既殉。穆宗綺亦乞退。家居二十四年。值孝欽訓政。以溥備爲穆宗嗣。遂命綺以尙書候補。授大阿哥讀。旋除吏部。庚子七月。敵師陷京師。兩宮西狩。綺初欲隨駕。然不知蹤止所在。至保定。居蓮池書院。自縊死。遺疏言恢復無力。謹以一死報君父。疏入。贈卹視大學士。謚文貞。綺生平端雅。雖貴若儒。素工詩。善畫。雁追蹤邊。恭授同治間家大人述職。以中表漢軍李氏爲綺姻婭。嘗主其家。謂綺能飲。晝燒春四十觥弗醉云。

剛毅

字子良。滿洲旂人。以繙譯生。取筆帖式。官刑部。歷擢郎中。隨恩承。董華按事四川。外任惠潮嘉道。江蘇臬司。雲南藩司。晉蘇粵三省巡撫。甲午內用侍郎。

爲軍機大臣。晉尙書協辦大學士。以阻變法。數爲德宗所斥。同官亦多譏其弗學。及孝欽再訓政。遂附之以鋤異己。主廢德宗基力。溥備入繼統。毅矜爲己功。初納兌房魯人言。屬東撫毓賢聘異人王尙貞。弗至。津沽匪作。燒鐵道電綫。毅請往撫。后命趙舒翹與偕。至涿州。毅進諸渠魁。告以康有爲用西法變制事。羣匪茫然。第聞其言。則衆呼殺毅以應之。顧渭舒翹曰。拳民知變法當殺可用也。遂招之入禁中。奉旨以毅爲統練。拳諫大臣后屢詔廷臣集議。有詆拳匪者。漪毅厲聲叱辱。無復禮體。毅且面詆德宗。拉后惑信其忠。事敗逃赴晉。知洋人索已急。憂憤死。仍追奪官爵。毅未嘗學問。而剛愎自是。嫻習例案。以爲當官能事。迨任封圻。設館課吏。以爲人材盡在於此。然所課則申呈文結格式。及赴官期限。皆人所盡知者。實不關吏治也。所至唯科房吏書。言是聽。蓋此輩皆熟於成案。毅奉之若神明焉。嘗謂有地營以禦砲。藤牌。

以禦槍則洋兵不足異。若接短兵，彼駭直不能彎，撲之尤易。易行保甲，積穀團練，諸政則憲法不足言。后皆傾心聽之，卒禍中國。家然實不貪，世謂己亥南下，曾搜款自肥。然其歿也，家無餘資，是知操行爲可信矣。又謂其嗜烟亦弗確。

趙舒翹

予素接鳳穎士人，皆言舒翹任監司，治其地有年，廉公有威，吏畏民懷。爲近百年來良吏第一。及入樞府，乃碌碌隨剛毅後，罔有建白。迨奉命撫拳匪，一奉命於毅，不敢持異同。坐此爲外人指摘，竟賜死。人無矜其冤者，是可嘆已。字展如，長安人。進士，授刑部主事。外任鳳陽府。鳳六穎四道遷至江蘇巡撫。丙申，內用刑部侍郎，擢尙書兼順天府府尹。貌赤有威稜，相者謂其睛暴，慮不得良死。後縊，弗死，復飲鴆，仍勿死。以酒噀之，而蒙其面，乃絕。孝欽後亦言

拳禍爲毅主持。舒翹實負奇枉也。

徐會澧 吳廷芬

會澧籍魯廷芬籍皖。皆以卿貳兼總理各國事務大臣。會澧純謹。自翰林至兵部尙書。兼值上書房。垂三十年。未嘗有德色。退朝讀書不輟。然資鈍。雖勤而學囿於俗。廷芬起譯署章京。嘗隨使至歐洲。號通洋務。而淺陋。所著交涉論。徒能勦說。然亦官至左都御史。拳匪亂作。廷芬先事乞休去。會澧旋以病卒。字東甫。有東甫詩鈔。

張百熙

長沙人。兄祖同。淹雅工詞章。百熙字埜秋。少讀書城南書院。習詩甚勤。既成翰林。適其鄉王先謙官京師。頗考古。因從之游。學以日進。書亦腴秀。潘祖蔭重之。洊值南書房。甲午大考一等。遷侍讀。數擢至內閣學士。督廣東學政。丁

戊間。頻上疏論變法。且舉康有爲使才。政變自疏。檢舉飭部嚴議。適榮祿亦以舉陳寶箴干吏議。部臣並二人處分上之。遂得末減。庚子。自粵學任滿。謁行在。陳述時事。慷慨激昂。后帝動容。再擢爲左都御史。將回鑾。先令還京師。乃考核所屬科道官優劣。舉劾之。朝命嘉獎。然所舉以陳璧爲最。其藻鑿可知矣。遷工部尙書。兼學務大臣。自己亥降。新政咸罷。獨大學堂未廢。而所聘總教習美人丁韞良。實非選。百熙蒞事。乃退丁。延吳汝綸承其乏。汝綸夙學。初弗出。造其居。九頓以請。始允。仍先至日本考察。而蔡鈞誣其通革黨。榮祿疑之。乃乞病去。然百熙興學益力。其接學生務。爲獎藉。衆皆頌其賢。而當時大學所造士。如王式通之流。至貧時。名然亦僅工詞章。並政事才。亦無之也。袁世凱知其值兩齋久。習內事。遂與通昏媾。數於孝欽前稱其賢。郵傳部立特移管之。而侍郎則唐紹儀也。百熙欲多用大學學生。紹儀欲用其鄉之豪

商富僑爭持不相下。并稱病不視事。臺諫劾之。皆傳旨嚴行申飭。未幾遂病歿。謚文達。百熙愛才。若命雖所得未必真龍。而當清之季。能降紆尊貴。延接士人者。時皆謂長沙一人而已。蓋亦不可躋矣。

徐用儀

字小雲。海鹽人。父官廣東府佐。家饒於資。以舉人官中書。遷部曹。保送軍機章京。循資領漢頭班。擢太僕卿。甲申。奕訴等罷。遂授軍機大臣。晉侍郎兼譯署事。甲午。孝欽二十壽。加太子少保。馬關約定。德宗以其輕滑。罷諸政事。后。再訓政。復令筦譯署。遷兵部尙書。拳匪禍作。譯署堂官集議。用儀恆言挑衅。非福。載漪久銜之。及袁昶許景澄誅死。用儀獨爲哭歿。剛毅曰。是亦漢奸也。留之。必爲患。竟並立山等縛斬之。後追復其官。謚曰忠愍。用儀徒工小楷。嫻例案。他無一長。當官。烟視媚行。守亦非潔。而竟被極刑。復因是得名於世。

是可異矣。

立山

字豫甫。故姓楊。以漢軍隸內務府。初爲筆帖式。屢擢至總管大臣。兵部尙書。築頤和園。始終與其役。孝欽倚之。旣官總管久。致鉅富。家居侈靡。排日燕樂。觀劇而性坦直。好義。數傾萬金濟人急。未嘗有難色。每隆冬。諸旗員寒素者。輒假其裘裳入春。盡付質庫。第以質券歸山。一笑罷。無後言也。己亥。議爲穆宗立嗣。山主恭親王溥偉。載漪仇之。及拳亂作。廷臣議對御前。山復言神術未可恃。而匪渠皆豔其富。遂說漪勳等殺之。且掠其家。後謚忠貞。山嗜烟。日盡二兩。而儀客俊偉。客光煥發。人無知其有烟霞癖者。諳音律。乙未春。與論藏園曲。頗議蔣心餘北曲簡拍之誤。亦解人也。

裕德

德有潔癖。所居無纖埃微塵。並衣褂摺疊痕無之。而學識疏陋。讀史記封禪書不解其義。謂爲仙書。又嘗問同官孔叢子。生當何代。崇綸子。字壽田。光緒丙子進士。入翰林。提督山東學政。官至大學士。歿謚文慎。

崇禮 懷塔布

皆內務府旗人。禮起微賤。布則大學士瑞麟子也。禮以管粵海關。擁厚資。嘗司普陀峪工。有寵於孝欽。時並榮祿。號兩寵臣。然畏蕙。拘牽與祿異趣。攝步軍統領。戒金吾卒勿多捕盜。懼其報復也。言官論其溺職。而後亦官大學士。予告家居。數年乃卒。謚文勤。布以蔭爲郎。擢京卿。戊戌變法。適掌禮部。屬官王照上疏言事。以舊例格不上聞。照彈其阻撓。德宗震怒。禮部六堂官皆褫職。布妻數出入燕寧。遂言諸孝欽或以政變。布與有力者。以此。庚子以資多弗及逃。德兵強其行汲。筮楚頗苦。遂死。其別墅號愚園。池館甲京師。變爲酒

肆。後歸榮祿。

鹿傳霖

定興世家。父丕宗。官都勻府知府。殉冠雉。謚忠烈。傳霖字芝軒。同治壬戌進士。散館爲廣西知縣。以循良被舉。歷監司。擢至巡撫。官陝西河南巡撫。四川總督。操行清嚴。蒞事勤慎。而昧於知人。所拔如賴鶴年曹穗之流。皆通賄賂。督蜀日。議收川邊地。置流官。爲防藏策。致用兵。恭壽文海交章言其不便。遲賴疏訴於朝。奕訴嘗其多事。竟罷去。戊戌起爲廣東巡撫。移江蘇。庚子率師勤王。入樞府。晉尙書。授大學士。宣統二年卒。贈太保。謚文端。傳霖少頗負氣。有不當意者。輒以冷語加之。及官方面。風裁益著。當光緒中。疆吏弗納門包。唯傳霖陶模張之洞三人。筦軍機十餘年。清操猶昔。中間雖一罷值。孝欽終信其賢。己酉。予謁之京師。則論事和平。無復曩日鋒稜矣。所行政。如川邊。致

士歸流罷牧令候選皆遠識正議也。子溥理。蟲鄙好貨。間假父言招搖而傳。霖弗知。頗累其濟名。

孫家鼐

家鼐與翁同龢同以世族。由一甲一人起家。爲帝師。躋台鼎。而同龢罷斥。憂畏死。家鼐既退。復出。加太子太傅。卒。特謚文正。贈太傅。恩禮苦劉統勳。朱珪。其戊戌所拔士。多膺高位。務酬答師門。故其羣從子弟。亦獵得膺仕。視同龢。若九天而九淵矣。然家鼐不學。變法時。德宗命其筦大學堂官報。皆無所經畫。當官碌碌。光緒李年。恆令按事。而所覆無一實。如載振段芝貴通賄案。卽所覈也。德宗嘗問甲科何稱。對稱進士。曰。然則應殿試者何自稱舉人。又問。自秦後。人主稱帝。故詔書皆曰。皇帝。帝何今疆臣勅命。獨稱王命。而不曰。帝命。竟不能對。故德宗親之弗若同龢也。

張之洞

宋蔡君謨、貢龍圖、茶蘇軾譏之。是人臣無諂事其君之理。宋後猶然也。之洞自戊戌政變，爲剛毅徐桐所排，患失慮禍，遂變節媚事。孝欽貢獻若恐不豐，稱頌若恐不美，甚且通賄奄人，藉爲援引，名節掃地。至斯而極矣。字孝達，一字香濤，南皮世族。父官黔，故之洞產貴陽。少從韓超、胡林翼問學。十六舉於鄉。己亥，以一甲進士授編修。歷督湖北、四川學政。於鄂立心經書院，川立尊經書院，皆以經術造士。所至恤寒、峻屏餽賂，望冠一時。少遷司業，擢至內閣學士。數論時政，言皆詳切。孝欽知其負經濟才，特簡爲山西巡撫。至卽劾罷藩司葆亨，舉廉吏馬丕瑤、錫良等，折貢品，修道路，捕盜通商，政無不舉。頗有詆毀之者，闔敬銘力言其賢，遂令權兩廣總督。蓋法越事棘，時方備戰也。之洞至粵，事皆諮之。彭玉麟而後行。游馮子材、李秉衡而劾罷潘鼎新，賞罰既

肅軍情大奮。是建諒山之績。迨和議就。卽真除。然治事已少倦。且寢。驕蹇倪文蔚撫粵。與持議左。引疾去。己丑移湖廣。務行新政。若鐵礦。紡紗。銀圓。兵工之類。皆舉之。而所用胥滑吏。徒飾外觀。紡紗鐵政。本以日虧。後假盛宣懷力。始改歸商辦。練兵則以其僕廝張彪爲統將。所興武備。學生皆人各一僕。自隨。其學規可知。治鄂踰十七年。吏治不修。徵賦日重。民以大困。戊戌初。偕陳寶箴主變法。甚力。屢有論列。政變乃著。勸學篇以自文。君子譏之。甲午壬寅。兩權江督。甲午練自強軍。編制頗繆。乙未以大學士入贊論。屛兼管學部。適袁世凱亦同銜。命爲軍機。寵信在之。洞上而見世凱。頗通賄遺。延納外吏。乃張聯於門曰。皇王有道。青春好。門館無私。白日間。一以頌聖。一以譏世凱也。德宗崩。后立讓帝。以載灃監國。踰年竟卒。贈太保。謚文襄。之洞雖有廉名。而任封疆時。易幕客爲椽曹。僕從爲材官。私用半取。給公家。其數視曩有。

規費多且二十倍。其後督撫皆效之。及官京師。其邸第從官報生侍弁。仍仰給鄂善後牙釐局。專橫若此。其歿也。遺疏自明其不樹黨。不殖產。卽箴世凱等而言。願之洞非無黨。特其黨皆浮薄文人之流耳。蓋素傲慢。幕僚起草。字畫偶不檢。嚴斥不少貸。而已所書稿。則潦亂不復可識。苟質所疑。益逢其怒。故正士恥及其門。起居無節。對客輒引几睡。錫良以湘藩司勤王過武昌。晏之八旂會館。酒三行。駢聲遽作。久之弗醒。良自起過江去。湘綺先生曰。孝達佳人。惜熱中耳。歿贈太保。謚文襄。

戴鴻慈

南海人。字少懷。丙子進士。入翰林。每試差輒與選。然俗學不通經術。壬卯遺大臣出洋考察政治。以侍郎被簡。歸晉尙書。掌法部。世謂其通新政。然所言皆采之坊售時務策論中。非有特見也。再赴歐充專使。歸晉協辦大學士。授

軍機大臣未幾卒。贈太子少保。謚文誠。鴻慈謹飭和厚。生平未嘗迂人。而數出洋。實無所得。已酉自歐歸。過津。告予東三省墾政當亟舉。予叩其條理。若何。則徒曰移民。以是知其習紙上談。不足言經濟也。

廷杰

字用賓。起刑曹郎。外任監司。擢直隸臬司。時拳禍作。廷雍爲藩司。頗附拳。杰獨持異議。後屢遷爲熱河都統。宣統初代戴鴻慈爲法部尙書。以其嫻例案也。然已病。未久卒。杰當官雖無毀譽。而深思遠慮。嘗爲人言。編制各鎮新軍。而政府無統馭之人。武夫行恣縱。若五代矣。今其言果驗。

陸寶忠

字伯葵。太倉人。以翰林值南書房。官至左都御史。戒煙病死。寶忠體貌疎秀。語言清雋。然亦俗學。且自負江南富人文。對人恆訾邊方無學者。南江岳森。

充感安宮教習。寶忠適爲總裁。森讀書平章平爲便。讀小戴記若夫夫爲孚。則斥其誤。然皆淺近。少習注疏者知之。寶忠竟弗達。其腹儉可想。

陳彝 游百川

彝字六舟。以一甲一名進士授修撰。轉科道。擢卿寺。爲順天府府尹。外任安徽巡撫。官至禮部侍郎。官科道日。負氣敢言。彈劾無所避。及任京兆陟疆寄。以衰疾政竟不舉。百川師郝懿行。頗識名物。訓初以翰林起家。外官監司。擢府尹。晉倉場侍郎。拘謹迂訥。數爲人所弄。其筦倉場日。以各厰夙弊多。思欲振釐。而人字厰突災。自出救火。復焚其冠蓋。奸胥所爲也。言事時受上斥。乞病得請。未及行卒。其操行端潔。任四川臬司。還朝。盡質衣飾爲行旅費。出巡運河。自攜餼糧以行。不受官吏供。張亮節足風。晚近矣。彝江蘇人。百川山東人。

師曾 崇光

皆內務府族人。以總管大臣。兼授侍郎。理部事。曾純謹好學。退食手一編。吟誦不輟。能詩。工鑒別。光和平而重財。鄙奢。歲鏹凡數十萬。昕夕自啓檢之。循環不息。師聞笑曰。何自苦。死後能攜以從耶。光曰。似子所攜書。死亦能復讀耶。曾死。其子僅足自存。後竟窮乏。仕亦不進。光子世續。乃躋揆席。富冠滿洲。

王文韶

字賡虞。一字夔石。仁和人。以翰林授部曹。充軍機章京。外任荆宜施道。屢擢至湖南巡撫。內用侍郎授軍機大臣。甲申罷。再起任湘撫。擢雲貴總督。移直隸。入爲戶部尙書。復贊密勿。官至體仁閣大學士。加太子太保。致仕。在籍食俸。歿謚文勤。文韶少敏練。富才華。奕訴素賞其能。其由湘撫入值軍機。雲貴移督直隸。皆訴所薦。當官鎮密。不爲過舉。而柔媚無風節。罕持正議。時論頗

譏之。然其督滇勸緬甸界務。頗守舊綫。戊戌諫。孝欽宜稱訓政。不當稱聽政。又謂德宗非孩提。不可廢朝。拳亂初作。卽頻切諫。殆亦臨大事不糊塗者。而其洵援人才。第憑賄賂。老益務得。君子羞焉。

徐郟

郟以協揆。年已瀕耄。尙日微服。出宿於倡寮。人多笑之。語頗上聞。值考績。遂休改。郟嘉定人。字頌閣。壬戌狀元。歷翰詹官。躋尙書。光緒二十九年。授協辦大學士。值南書房。凡二十餘年。好財賄。頻歲外官入謁。必納贄。否卽自乞。貸不以爲赧也。倡家亦時爲牽引。通關說焉。然不居權要。雖爲洵牘。疆吏初弗之從也。

瞿鴻禨

予於癸巳。見鴻禨督蜀學。所行皆本功令。御下尤嚴。頗服其正。而時論則交

以卞急詆之矣。辛丑謁於行在。與論變法次第。頗稱予通郡邑利病。而其治事少草率。外交非所長。長外。部數年。事半決於袁世凱也。鴻禩字子玖。善化人。辛未進士。入翰林。光緒初大考一等一名。超擢侍講學士。凡十六年。乃遷詹事。晉內閣學士。刑部侍郎。凡督河南浙江四川江蘇四省學政。典福建廣西鄉試。或謂其貌類穆宗。孝欽對之恆悲。故不令久居京師。然其後值軍機。排日入對。不聞后悲痛。是知其說謊也。庚子由蘇學赴行在。先已密疏言拳亂不可縱。至是后嘉其先見。遂擢正鄉。以所擬諭李鴻章奕劻議和旨。語中覈要。外部立。卽以爲尙書。充會辦大臣。後代徐郃爲協辦大學士。鴻禩素親岑春煊二人。互倚爲援。丁未春煊入朝。劾奕劻等。奏凡四上。雖皆留中。而劾女侍慈寧。已盡洩之。故惡春煊者。兼惡鴻禩。己而御史趙啓霖彈載振。取楊翠喜及納段芝貴賄十歲。啓霖長沙人。舊往來鴻禩所。動疑出所嗾。方圖報

復。適后頗閣外論。漸厭動。一日獨召見。后謂動人亦恂謹。而謗書盈篋。何耶。對訴。讓世鐸。咸值樞府。初不聞被謗。至如此。則言者或非無因。后曰。若然。吾行罷之。乃稱其議和功。乞罷政。勿鐸爵秩。后亦韙之。歸而言於其妻。適是日晏美使夫人。其妻遽道是事。越日竟詰后。貴政府聞將罷慶親王。有諸。后漫應之。而私度必鴻濩洩之外人。怒甚。動探得。嗾翰林官惲毓鼎劾其游引姻家余麟康。及攬權姿縱狀。遂勒回籍。而肇康舊有能名。以贛臬司援教案罷官。非其罪也。及是僅授參議。更非峻擢。后固不察。歸後閉門不出。春煊弟春煊方撫湘。亦未通一刺。入民國遷居滬上。世凱徵爲參政員。亦不起。及歿。清室謚曰文愼。

陸潤庠

字鳳石。元和人。少工書而儉於學。同治甲戌狀元。授修撰。時其鄉先達翁潘

皆稱淹雅。好爲訓詁金石考據之學。潤庠既從之游。始少少向學。然所習僅困學紀聞。日知錄之流。未窺專門也。後潘祖蔭薦值南書房。歷遷至祭酒。甲午日師薄遼陽。潤庠乞歸省親。德宗斥之。庚子隨鑾至西安。孝欽曰。爾知君父義。能患難相從。非他文人空爲大言者。媿自是漸嚮用。擢至尙書。後晉太學士。宣統辛亥夏。懿命授讀。帝讀。越六年歿。清室諡曰文端。潤庠體貌豐重。書法腴潤。人皆知其多厚福也。其官侍讀日。嘗於京師倡療。唯游氓所辱。後官兼尹。左右謂前游氓尙有存者。方設車肆。宜治之。潤庠卒弗應。

黃體芳

字漱蘭。瑞安人。幼賦異秉。讀書目下十行。及入翰林。日探討掌故。慨然有用世之志。而性峭直。往往面折人。非同官擠之。以兵部侍郎乞休歸。竟不復出。然其任江蘇學政。置書菁書院。以經訓試士。搜考藝文。徵敬隱逸。清譽。互三

十年弗少衰。立朝日頻上書言時政得失。亦侃侃不撓。時與張佩徧陳寶琛等主持清議。而體芳誠篤。忠挺表裏。若一佩綸寶琛皆驚聲華不足擬也。唯其性急遽。與人語未終。已顧而之他。故學博而罕有著述。

夏同善 孫詒經

皆杭人。起家詞館。同善大考數前列。孝欽稱其文學。光緒丑丁。遂命與翁同龢值毓慶宮。授德宗書。具毓固辭。謂雖官京師。久而猶操南音。弗便講授。未幾卒。官至內閣學士。兼禮部侍郎銜。詒經官至戶部侍郎。同善字子松。篤實謹飭。有君子風。朱迥然授四川學政。瀕行。以所揭債屬爲料理。而未久迥然歿於任。京俗營官債者。官死則債亦已。同善獨謂不然。乃以朱寄資二千金償諸債。不足者已以千金補之。後朱眷屬歸。以俗例責讓。索所寄資。苦其煩擾。竟質衣舉債。如其數以給。誠信長厚。今無其人矣。詒經明敏開通。不早死。

者。或膺爰立矣。二人子皆出使異國。還朝皆管外交。詒經子寶琦自有傳。

薛煥

字觀唐。興文人。以進士敷歷內外。咸豐季年。官江蘇巡撫。兼理通商事務。時蘇州久陷。巡撫駐上海。外交綦繁。煥一倚道員吳煦主持。寢媚敵。自重。雖多被彈劾。而以其善賚緣。京朝官咸爲解釋。至同治二年始罷。仍以侍郎候補。光緒初。英人馬加里戕於騰越。外人謂巡撫岑毓英主使。朝命偕李翰章按其事。歿謚清惠。煥當官無令望。頗通賄遺。去官日富。致百萬。爲合肥李氏姻家。工鑑別。收藏之富。冠於全蜀。初以媚外不容於鄉評。乃蠲資助張之洞起尊經書院。以開蜀學。而至今里閭仍無頌其賢者。

寶廷

宗室。字竹坡。以進士授編修。少遷司業。歷官至禮部侍郎。其擢內閣學士也。

上書言臣於時事。謬有論列。遂荷超擢。而所言鮮見施行。殊自愧怍。願朝廷多納臣言。勿遷臣官。世以其獵名而廷坦率恬退。吾則知其非飾說也。時與黃體芳張之洞等主持清議。有大政必具疏論其是非焉。壬午典閩試歸。道浙江。見榜人女。俏麗多姿。納爲妾。還朝上奏自劾。遂罷職。築書室西山。間往居之。而家貧。客至。至不能具酒食。之洞等時濟以資。而到手卽沽飲。或以贖其更貧者。未久輒盡。予後見於京師劇館中。已顛頓霜雪盈顛矣。然猶媿媿道其近作。已而同入酒家。飲亦盡十餘斗。後聞其中酒臥道中。冒寒歸。竟病卒。其妾楚楚有林下風。侍廷尤勤懇。先死。吾嘗見其畫象於準良所。方屬其題詞也。子壽富。予篤交也。自有傳。

汪鳴鑾 長萃

乙未春諭旨以侍郎鳴鑾萃於召見時。肆意妄言。語涉離間。皆褫職。永不錄。

用。蓋日戰方已。帝憂惕將圖自強。而阻於孝欽。二人爲帝言。帝入繼文宗。唯當母嫡。后孝欽猶其庶母。非所當敬。適爲后奄聞。歸以告后。怒甚。欲予駢誅。帝爲覆掩。乃從薄譴。而萃後竟附載漪。從拳匪。思以見好於后。乃卒困頓死。鳴鑾字柳門。錢唐人。以翰林官至戶部侍郎。嘗督江蘇廣東學政。操行不嚴。所爲制舉文。堆砌壯麗。頗見推於俗學。然亦少通古學。治許叔重說文。有能自強齋集。駢儷文。亦可誦。

劉恩溥 李端遇 王文錦

恩溥籍吳橋。文錦籍天津。端遇籍安丘。皆北人。光緒中官侍郎。而同以詞臣進用者也。恩溥舊負敢言名。同列鮮當其意。後官倉場。頗譽拳匪能戰。端遇惑於後妻。父子乖離。其督皖學。簠簋不飭。文錦工楷法。精考訂書畫。久值南書房。嘗於廠肆得趙孟頫所爲佳人倚竹圖。適喪妻。每寢。則卷畫置牀頭。伴

已眠更不復聚。孫毓汝聞。願以三千金易之。怒甚。厲詞拒其請。時毓汝勢方炙手而文錦貧甚。是則亦耿介士也。

嵩淮

字犢山。崇實子。由進士官至刑部尙書。歿諡文恪。淮渾穆。不知人世有機械事。其王父麟慶官南河總督十年。當至鉅萬。傳至淮。盡爲僕廝乾沒。已不知也。近食輒流覽書畫。摩娑古金玉器爲樂。一日坐齋頭。偶脫所衣貂褂置榻上。竟爲賊竊去。亦不知也。京師人呼爲嵩癡云。

李文田

文田學問淹雅。博涉羣籍。書法亦直逼北魏。其述作有體不雜浮詞。非張之洞所及也。字芍農。順德人。由編修值南書房。歷典文衡。官至侍郎。歿贈卹如倒時光澤。何願船爲朔方備乘。號稱博淹。而文田所注元遼史。足補所未逮。

操履亦端介。論學旨異。潘祖蔭雖過從密。而初無唱和。又嘗譏翁同龢不當提倡公羊學。以讖召士。雖家法各不倫。而翁潘方居權要。非文田無敢爲是語者。

袁昶 許景澄 聯沅

昶字爽秋。桐鄉人。景澄字叔篋。嘉興人。沅字仙蘅。滿洲人。皆起翰林。昶散館爲主事。充譯署章京。少讀書龍門書院。試輒冠其曹。既入仕籍。學以日博。尤工詞章。外任徽寧池太廣道。故嘗居張之洞幕。遂屢疏洵其才識堪大用。得擢卿寺。己亥。授總理各國事務大臣。景澄工制舉文。數使俄德。官至侍郎。己亥。及昶沅同管總署。沅少而端謹。習宋儒書。及服官。睹國勢阽危。少少爲經世之學。以卿寺擢內閣學士。當拳亂作。昶擬疏極諫其非。聯景澄上之。疏中頗詆漪勛桐毅諸人。凡兩上。迨赴朝議。廷爭尤切。爲漪毅所叱。帝對之泣。二

臣亦泣退。乃奏請先誅毅等以止外兵。更誅已以謝毅等。先是后已惡其附帝。得疏。遂傳旨以其語多離間。有不忍言者。並誅之。沅議總署。數持正論。徐桐詰之曰。子旂籍理學名家。奈何亦附異端。沅對曰。若拳匪者。假裨官家言。託神鬼。愚人則異端矣。吾所言衷諸往訓。不知其異也。拂袖不辭去。又致書榮祿。中有公勿持首鼠禍中國。家公肉寧足含乎。故桐祿咸欲甘心焉。遂與昶景澄等同罹禍。五臣中昶學極博。而疎狂類晉魏間人。景澄謹厚。縝密。若操履則沅爲足法矣。後皆追復原官。昶諡忠肅。景澄諡文肅。沅諡文節。

張亨嘉 張英麟

二張同以文學侍從之臣。屢奉命視學。皆端慎負清望。然英麟學少儉。不足望亨嘉也。亨嘉閩人。值南書房。官至侍郎。當拳禍作。極諫董福祥驕縱不可用。幾罹禍。其督湘浙學。勵節愛士。英麟官奉天府丞。兼奉吉江三省學政。接

羣士教誡諄切。人多感之。後至都御史。

徐致祥

致祥。會試。文剽竊。張之洞作。獲首選。後竟假事。劾之。洞。周內附會。幾無完膚。蓋脊人也。或謂其有狂疾。是弗可知矣。字季和。鄱從子。歷官至侍郎。嘗督浙江學。有嚴名。甲午順天鄉試。放榜。門人晏於會館。酒酣。忽痛哭起。遍揖座客。予親見之。

朱迥然

字肯甫。義烏人。以翰林督湖南四川學政。所至有聲。官至詹事。歿於四川任。迥然少治訓詁。通六書。嘗廣王筠意。爲說文。廣例。繼復博綜名物。治毛詩。周官禮。後亦治穀梁春秋。而文辭非所工。論學與湘綺先生異旨。然其說禮。卒不出王氏範圍也。試士嚴關節。重古學。得槍替。輒繫之。使隨棚。死而後已。制

舉弗及格者可以經古進。俗士苦之。其簡任蜀學也。當左宗棠初入樞府。孝欽令洊詞臣。宗棠以乙科起兵間。素不識翰詹官。念唯迨然官湘學。稱公明而已。子孝威爲所拔士。乃特洊之。然終未一至左氏之門。其剛耿加人一等矣。

袁葆恆

字小午。漕運總督甲三子。官翰林日。好言事。數蒙責讓。歸贊其父淮上軍。初甲三亦欲撫苗沛霖。及納葆恆策。始助湘軍。詆勝保。主勦苗。故葆恆壯卽負能名。屢還春坊官。左宗棠西征。請簡重臣司鑾需。乃命總司西征後路糧臺。以功加頭品頂帶。晉兵部侍郎。歿諡文勤。葆恆樸直敢任事。宗棠稱其壯志可敵萬夫。而偏執自是。又好納左右言。司運州同余峻。以細事觸其從。弁怒譖之。葆恆以其悞限。遽欲斬以徇。幕僚諫阻。乃奏今戍黑龍江。人皆稱其冤。

在陝日西征歲事乃出俸餘及大吏贖金。延中州會館。以一肩行耳還京師。其清操則足繼甲三。或且過之矣。

龍湛霖 吳樹梅

湛霖攸人。字芝生。樹梅歷城人。字移香。皆以翰林數司文柄。晉卿貳。湛霖中歲乞病歸。遂不復出。其眸子含藍色。顧盼有光。生平慎言笑。人謂城府深阻。而實坦直。任蘇學時。皖撫沈秉成被彈。令覆按。聶緝槩爲秉成道意曰。所彈諸貪吏。願自劾治。裨蓋失察咎。湛霖信之。覆疏多寬假詞。而秉成竟食言。用貪吏如故。其受人給類如此。樹梅先世爲人僕。父始讀書入翰林。而弗爲同官所齒。終身不敢與試。差慚憤以終。而其兄弟皆掇巍科。入詞垣。樹梅值南書房。督湖南學政。歸卽乞病去。書法李北海。學非甚博。而行文古約有法。兄樹葵以科道改道員。而學薄不足望樹梅也。

郭嵩燾

字筠仙。湘陰人。幼而神宇清穆。動於問學。及入仕籍。日從曾國藩等問故。博通中外利病。古今治法。以南書房翰林。贊僧格林沁軍。勸其勿撤北塘防。沁不能從。遂舍之去。當國藩初奉詔治軍。以奪情爲疑。乃力贊其出。而獻編練水師議。湘軍蕩寇。與有發縱功焉。被洊授廣東巡撫。適瑞麟督兩廣。貪鄙昏庸。專柄自恣。議事輒相左。嵩燾亦疎於調度。治兵多貽誤。麟密疏劾之。左宗棠方督軍福建。命覈之。遂以嵩燾乖方狀上聞。卽開缺。左郭本姻家。而宗棠阨於官。文實嵩燾王闔運爲求解。肅順始免於難。至是。徒詆嵩燾而不能劾。麟人皆不解。後起兩淮運司。不赴。嚴旨斥謫。迨光緒初元。奕訢李鴻章交涉。其才乃特起。陞見。及入對。敷陳時政。詞旨剴切。孝欽首肯者再。訢復言其洋務精透。遂授兵部侍郎。兼總理各國事務大臣。適岑毓英令弁殺英爵士馬。

加里於騰越。英人幾興戎。乃疏劾毓英。特將弁才不足當疆。寄意在自罷其職。免外人藉口也。而一時士論大譁。謂嵩燾媚外。其鄉人至書天主教大教士郭厲字。貼其楣上。用不自安。鴻章乃力舉其使才。得旨令充英法比義四國出使大臣。其參贊劉鴻者。方希冀使事。知嵩燾見惡朝士。乃爲書詆其徒爲大言。應付乖誤。上之譯署。諸臣不察。屬鴻章告嵩燾自省。時亦方乞病。鴻章知其義不可留。遂告樞臣。以得使館電。嵩燾病甚。上聞。准開缺回籍養疾。自是竟不復出。庚辰。以論伊犁議約上書。后嘉其見確。將再起之。奕訴諮於鴻章。鴻章力言其病狀。始已家居。嘗修省志。義法體例一裁於史。嵩燾識遠。而乖俗。官高而早罷。文詞清剛。而或病其枯。專對弗屈。而不稱於世。嘗咨嗟疾首。謂宋以來。士夫好名不學。致誤人國家。所謂顛賴弗忘。忠愛者。非與中歲納妾有寵。夫妻竟反目。故家居亦鮮樂事也。有郭侍郎集若干卷。

曾紀澤

今西人稱中國使臣。恆曰郭曾。予以二人誠不辱君命。然所學豈外人所能盡。窺嘗問之老友許靜山。靜山謂無他。二人操行嚴。弗私公費。傾所領供酬。酢禮無不備。後使臣率貪劣務爲苟簡。外人鄙之。公晏往還。多屏華使。道蓋在。是是雖細。而二人之廉可知矣。紀澤字詰剛。國藩長子。幼通聲音訓詁之學。精於選理。書兼篆隸。以拔貢襲侯爵。推父恩。予四五品京堂。授大理少卿。代嵩燾使英法比義。數陳法人圖越陰謀。崇厚以擅許俄約治罪。特移任俄使。議凡五閱月。始爭回伊犁南路地七百餘里。嘉峪關張家口內外設官置棧。置緩議約。乃定。是後紀澤身任危難。折服強鄰。觀金輅籌筆。其問答詞。皆似柔實勁。無一失體。視鴻章議馬關約對伊藤諸語。直有天壤之殊。若紀澤者。其外交才足跨父竈矣。使成還。擢戶部侍郎。兼總理海軍兩衙門大臣。孝

欽欲令其參機務。孫毓汶許庚身告世鐸曰：是蓋守其父道學，談弗納門。包至則徒令滿座不驩耳。遂誣紀澤嘗取洋女爲婦，后寵漸衰，未幾死，謚惠敏。

洪鈞 何如濬

鈞字文卿，吳人。以狀元授職修撰，數遷講讀學士，爲出使俄國大臣。還朝遷內閣學士，筦兼總署大臣。嘗補釋西域地志，如璋字子莪，粵人，以侍讀使日本。歸任福建船廠事，法師陷馬尾，先事逃，爲臺諫劾論罷歸。二人並能辭章。鈞攻經史，較爲淹博，而以納吳門倡傳彩雲貽閨房羞，至今有餘臭。焉如璋自日歸，人叩以明治變法事，對其國風景佳，多詩料，若變法則非吾所知也。

黎庶昌

字糾齋，遵義人。幼從鄉先生鄭珍游，能古文詞。以廩生同治元年上書論時政，條舉利病甚悉，其請誅逃將嚴法紀，則爲何桂清、翁同書發，尤有見。兩官

嘉之。命以知縣發曾國藩大營差遺。國藩舊慕鄭氏。接庶昌。知師承有自。頗愛重。且授以古文義法。然庶昌旁及諸家。頗薄視方姚。與國藩旨微異。數擢至道員。充出使日本大臣。供使職數年。猶若寒素。壓裝則所刊古逸叢書也。以賄不至。仍出官川東道道員。居數年。請疾去。庶昌晚年恆自言遇合靡常。若侈言經濟。則徒欺人。吾至今服其言。選有古文辭纂著純齋四種。官川東日興學。愛民羣誦循良。

楊儒 裕庚 楊樞

皆漢軍旂人。庚隸內務府。儒以甲科起家。授出使俄國大臣。擢侍郎。卒。弟樞以乙科屬遷卿寺。初使日本。繼使比利時。庚起鄂府佐。官至兵部侍郎。出使法國大臣。儒使俄。當拳亂日。勢已不可爲。樞使日最久。正學生多事。日俄競戰之時。雖無所補救。而應付縝密。初無過失。庚深險。有城府。治事精覈。在鄂

時。屢。管。沙。市。漢。口。外。交。事。乙。未。馬。關。和。就。擢。內。閣。侍。讀。學。士。使。日。本。任。滿。歸。再。使。法。還。朝。卽。授。侍。郎。且。選。其。女。德。菱。侍。孝。欽。寢。寢。嚮。用。矣。遽。卒。儒。字。子。通。庚。字。朗。西。樞。字。星。垣。

崔國因 蔡鈞 汪鳳藻 梁誠

國。因。字。惠。人。太。平。人。鈞。字。和。甫。仁。和。人。鳳。藻。字。芝。房。吳。人。誠。字。震。東。粵。人。國。因。鳳。藻。皆。以。詞。臣。奉。使。國。因。在。美。鄙。俚。簡。率。騰。笑。諸。邦。而。鴻。章。以。姻。姬。數。稱。洵。之。得。無。事。鈞。官。江。海。關。道。適。甬。人。爭。四。明。公。所。地。幾。肇。大。衅。乃。開。缺。後。贄。榮。祿。門。稱。弟。子。得。使。日。以。假。日。警。力。隸。治。諸。生。羣。起。譏。之。鳳。藻。瞻。雅。甲。午。中。日。失。和。倉。卒。歸。家。居。不。再。出。誠。初。爲。美。使。館。參。贊。公。使。則。張。蔭。桓。也。每。侍。蔭。桓。立。唾。作。則。奉。孟。進。外。人。見。者。以。爲。僮。廝。也。及。其。使。英。益。輕。之。不。任。與。諸。使。同。列。歸。後。充。粵。漢。鐵。路。總。理。濫。支。自。肥。張。鳴。岐。袁。樹。勛。交。劾。之。政。府。亦。不。問。

也。

薛福成 弟福保

學叔耘無錫人。幼而好學。後參會國藩李鴻章戎幕。累官道員。除浙江寧紹台道。授出使英法比義四國大臣。內擢卿寺。歷光祿太常大理。使竣還朝。遷左副都御史。行歿。著有出使日記。庸齋集內外篇。福成好爲古文詞。條達整潔。而宏奧弗逮。紀事殊無曲筆。其人長厚若老儒。肆應非所長。任使事數年。適中外寧謐。邦交甚睦。故得從容游覽。鮮有毀譽。然其爭設南洋各島領事官。固頗持正義。英人終亦從之。弟福保字季懷。爲丁寶楨幕僚。曾從入蜀。予識之。蓋一端雅少年也。亦能文。不逮其兄。而議事有遠識。

陳蘭彬 龔照瑗

蘭彬字荔秋。香山。人。起家甲科。同治間。初派官游歷外洋。以粵籍預選。繼充

使美大臣。歷官至大理卿。照瑗字仰蘧。合肥人。李氏姻家也。以布販從軍。歷保至道員。授津海關。再擢爲四川藩司。許餽李蓮英萬金。已而忘之。譖於孝欽。遂遷太常卿。爲出使英法比義四國大臣。時將開府矣。乃左遷卿寺。遠使異國。非所願也。既歸卒。二人皆鹿鹿無所短長。照瑗官方面日。頗通賄賂。歿後擁資數百萬。子心銘以甲科官主事。商部初立。貽載振千金求調用。振遽劾罷之。後仍夤緣出爲南洋某埠領事官。

劉瑞芬 李鳳苞 顧肇新

自郭曾而降。瑞芬福成。差亦不負職守。而瑞芬尤有遠識。當光緒初。卽上書總理衙門。言朝鮮不能圖強。當監其內政。李鴻章以其自擾。却之。鳳苞數參贊使事。雖未著績。而勤求西學。著述斐然。肇新游俄。考其政法制度。甚詳。爲表數十。朗若列眉。非他游記漫言景物者比也。瑞芬字芝田。在英日卽簡授

廣東巡撫。旋卒。鳳苞字丹崖。

許珏

字靜山。無錫人。光緒壬午舉人。從薛福成使英。繼充駐美參贊。累官道員。授出使義國大臣。還朝。弗賂權要。官不遷。久之。令入對。而操鄉音。所言孝欽。不盡解。遂仍以道員發廣東差委。入民國。卒於家。珏工制峯文。嘗教讀丁文誠諸子。予宿識之。蓋一耿介迂闊士也。生平嫉煙甚。其官山西、廣東。皆督禁煙。局而所陳。輒阻於當路。志不盡行。

張佩綸

字幼樵。晚號篔簹山。豐潤人。儀容俊偉。善辨論。好搏擊。官翰林日。頻上書彈京省官吏。封章多於台諫。其奏流深。文周內。恆以諸臣恣縱。蔑視兩宮。爲言適如孝欽意。故所言無不行。往往劾人不待覆。按卽罪之。舊所鮮有也。言路益

發摠朝士多持清議。輒推佩綸爲主盟。所爲疏雖義旨淺薄。而抑揚得當。工於解譬。都邑亦傳頌焉。歷遷至侍讀學士。特命權左副都御史。振率臺官。法越事作。出會辦福建軍務。時何璟督閩。張兆棟作撫。皆輒滑。佩綸主氣凌其上。二人亦奉之若長官。及法師來侵。以承李鴻章旨。謂中朝主和。戰備盡弛。敵遂薄馬尾。船厥燼焉。佩綸披髮跣足。倉卒奔逃。至鄉村中暫避。而操北音。鄉人弗納。乃曰。我曾辦大臣也。衆農曰。是卽害我閩之張佩綸矣。羣噪逐之。事聞。初僅付嚴議。未幾。閩京官潘炳年等。訐其撤防逃避。乃奉旨拏問。讞定。遣戍。遇赦釋還。入鴻章幕。行贅李氏。佩綸初數彈鴻章。鴻章以五千金將意。且屬吳汝綸爲介。張李遂交驩。及閩事敗。實由於鴻章。至是。乃以女妻之。甲午日戰。作臺諫。劾其把持軍報。命驅逐。遂卜居江寧。竟死秦淮。佩綸色厲而內荏。好言而無識。恆責人而已。不能忘華。靡雖多。劾論權貴。君子終不取其

人也。乙酉福州有兩何莫奈何兩張無主張之諺。即指佩綸如璋環兆棟言。

鄧承脩

光緒己庚間。京師稱承脩及張佩綸陳寶課等爲主持清議領袖。而佩綸等兼言時政。承脩則專主彈劾者也。其論廣東貪吏。推論至六十年前。纍纍凡百餘人。其少近者皆奉旨察辦。罰鍰降責有差。故承脩尤爲人所憚。號曰鐵漢。蓋以其字鐵香也。順德人。以甲科歷官給練。授鴻臚卿。特命爲總理各國事務大臣。後請疾歸。

何金壽

金壽以一編修劾罷奕訢。寶鋆等樞臣六人。直聲震天下。後外任揚州府知府。蒞官殊平謹。無他長。蓋法越事棘。其鄉人黃雲鶴入覲。孝欽頗太息。悞於和議。退乃爲金壽言。而御史劉心源亦聞之。心源方被酒。慨然曰。此機樞臣。

可盡彈也。卽奮筆草奏成。適金壽亦醉。曰。于後輩且勿僭越。其讓予爲之。遂援漢代天災策免三公爲言。乞罷樞臣救旱亢。疏上。越日命下。奕訴等並罷黜。金壽江夏人。子亮標。官滇有幹才。

安維峻

鍾德祥

附光緒中緒台諫

自孫毓汶執政。頗嫉言路。諫官章上。輒不報。而科道敢言。亦祇維峻、德祥二人。然徒好搏擊。弗及政事得失也。德祥所彈尤多。下吏是不能無屬託報復矣。甲午日朝禍作。維峻疏彈李鴻章。並指孝欽暗中牽掣。及李蓮英干預政事。中有曰。皇太后既已歸政。而猶若此。上何以對祖宗。下何以對臣民。疏入。德宗慮爲后知。將置維峻重典。卽日褫職戍軍臺。去之日。傾城祖送。士以一識面爲榮。雖疏中謂鴻章以私財寄頓日本。經芳壻於日皇。語多不經。而敢斥言。后非可謂不畏強禦者矣。德祥爲人言事。許餽五十金。已而賄不至。自

將疏稿登門索之。被訐於理。審實以其爲言路敗類。亦戍軍臺。去之日。人皆唾其面。自後科道師其所爲。鬻一疏。恆五十金。滿御史。攀桂。值尤賤。一摺僅京鈔二百千而已。其疏中至書攀爲攀奉旨詰攀爲何字。蓋並已名。亦不能書也。又給事中吳光奎嘗專疏劾營山縣典史。而覆察竟不實。御史張承纓疏請復張天師名號。其後俾壽奔走奕勛。袁世凱門願爲鷹犬。李灼華懸值鬻奏石長信。受盛宣懷二百金而奏請收鐵路歸官。是皆傳德祥衣鉢者也。維峻字小峯。甘肅人。後釋還。充資政院議員。德祥廣西人。

楊崇伊

字萃伯。金匱人。以翰林考授御史。負氣持儀節。熱中求進。嘗劾文廷式落職。見惡於名流。乃益希權要。意言事。榮祿辟爲武衛中軍幕僚。已而授漢中府知府。擢道員。瀕大用矣。鹿傳霖告榮祿曰。是生最無行。彼方假公名招搖。奈

何。洵。之。祿。悟。崇。伊。晉。謁。拒。焉。知。旨。憂。歸。遂。不。復。出。後。以。爭。取。妾。捶。楚。鄉。人。爲。端。方。劾。罷。交。地。方。官。嚴。管。然。方。實。代。廷。式。修。舊。怨。也。

管廷獻 陳秉和 謝嵩杭

廷獻字士修。莒人。光緒中官御史。嘗疏請清釐度支。頗中時弊。所上封事多論時政。弗爲排擊。後授承德府知府。擢熱河道。當官務飭廉隅。慎庶獄。敏於聽訟。往往出片言。人皆折服。吏莫敢欺。秉和。濰人。官侍讀學士。嘗指劾張汝梅。榮祿交通狀。奉旨申斥。戊戌後。敢彈論祿者。秉和一人而已。嵩杭。黃人。官給事。中外任曲。靖府知府。在臺日頗彈權富。其言海軍覆敗。罪在李鴻章。尤切直。予初以爲其剛耿介特人也。及相見。則樸厚恂謹。類村塾老儒。聞其官雲南日。屏儀從。接士民。傾俸入爲地方善舉。去之士民送諸境外。哭聲動地。三人皆籍山東。皆官台諫。有名。皆端介足表士行。史謂齊魯多賢。信然。

吳可讀

字柳堂。皋蘭人。以進士官吏曹。遷御史。疏論哈什爾提督成祿被罪事。降回原衙門行走。穆宗奉安山陵。斬於堂官寶鋆等。得派隨同行禮。禮成還宿廢寺。自經死於懷中。得遺疏。則請爲穆宗立嗣也。中有皇太后一悞再悞語。衆不敢上。潘祖蔭曰。孰非臣子。此事讓人言之。已媿死。尙忍沒其遺章耶。乃上得旨。以其以死建言。孤忠可閔。視五品官議恤。可讀少好爲狎邪游。官京師。恆宿妓寮。不修品檢。然能急人急。其鄉孫海朝考得官。發蜀病於西安。不能前。可讀乃自京師走二千餘里。赴之。爲治疾。籌資以濟其行。蓋血性男子也。

謝維藩

字麀伯。長沙人。以進士授編修。時湘中人才輩出。維藩雖後起。而文章淹雅。器識深遠。名宿折節下之。官翰林日。師事倭仁。少少爲宋儒之學。同治間張

之洞以瞻博冠翰詹。維藩與同游。交誼頗摯。而論政學則異趣。之洞經術師紀昀。問談經濟。頗以師西法致富強爲事。維藩治經無家法。說雜漢宋。頗師李光第。言治以肅紀綱。求人材爲先。務所爲散體。文條達雄奇。若藍鼎元。唐甄。匪之洞所及也。不遷官。竟卒。

近代名人小傳

沃丘仲子著

官僚

李慈銘

字孟伯。會稽人。納資爲戶部員外郎。成光緒庚辰科進士。遷河南道監察御史。慈銘固世族。幼而穎敏向學。未及冠。文名震越中。及官京師。益延接羣士。儼爲文社主。盟排日爲日記。垂四十年。未嘗一輟。朝士皆尊爲耆宿。在臺日數上封事。主用重典。治貪酷。以齊政令。振綱紀。皆名言深識。而其行與學。則是已非人。務爲辨駁。不勝則濟。以謾罵頗類毛大可。而記問醜薄。尙亞於毛也。復好財賄。假人資。終身不償。有索逋者來。則報以惡聲。其治經。僅習訓詁。漢人家法。絕非所知。治史。徒能方人比事。不識源流體例。嘗觀所爲日記。動

詆人俗學。不知己學。亦非甚雅也。儼體文簡。古淒豔無一言。落宋人窠臼。詩亦溫婉。有越縵掌集。綠蘿庵游志。白華絳跗詩。

王先謙

字益吾。長沙人。初學爲古文詞。法曾國藩。已益泛濫羣籍。頗識訓詁名物。同治間進士。授編修。歷官國子監祭酒。督江蘇學政。踵阮元後。輯刊續清經解。又法姚鼐。輯續古文詞類纂。而經解濫收古文。則以桐城陽湖自封。蓋惑俗論也。自蘇學還朝。卽乞病歸。爲城南書院院長。著述益博。嘗校諸史地志。箋水經。補漢書注。皆師東漢學。重考證。而釋名物。弗能貫通。三代禮制。故徒舉物而不詳。所用則不足望湘綺矣。岑春萱撫湘。上所著書。得旨嘉獎。晉內閣學士。當丁酉戊戌間。陳寶箴徐仁鑄建湘學。引梁啓超爲師。風氣銳開。而非先謙所樂。暗阻撓之。屢書讓仁鑄。其後平江蘇興爲翼教叢編。謂其扶持正

學功不在子輿下。己酉湘饑饉。以乞糶生變。焚官署。瑞激方督湖廣。謂乃先謙等所主持。遂呈吏議。後歿。先謙行檢不飭。予甲辰道長沙。謁之。三飲其廬。皆召雞伶侑酒。予笑謂曰。讀公著述。兼綜儒文。殆皋文謝山之流。觀今日則又似李漁袁枚矣。頗逢其怒。又聞錫良言。會試出先謙門。迨後膺臚。寄每得師書。皆關說請託也。苦無以應之。然則晚遭罷黜。未必非其罪已。

樊恭煦 尹林基 鄭溥元

恭煦字介軒。仁和人。同治間翰林。光緒初擢侍讀。督陝西學政。頗勸名節。緣事降調。一時主持清議者。交誦其冤。至有願以己官讓之者。朝旨乃戒其勿師。明末積習。歸後二十年。張之洞洊爲江蘇提學使。行卒。琳基溥元同籍。日照。琳基官編修。溥元官給事。共飲。醉後互詈。歸而具疏交訐。命寶鋆按之。鋆素得罪清流。且惡琳基狂。雖並劾罷之。而於溥元有恕詞。諸士復。民於廷自

是孝欽。漸疎言事者。二人後皆遜勞山。琳基爲道士。居山頂。溥元爲緇流。居山麓。初不相知也。一日遇於途。復在謾罵。且日馳書詆謫。各以童遞寄之。至死乃已。

陳康祺

鄞人。以資爲刑曹。同治甲戌成進士。仍官郎中。博學多識。尤熟清代掌故。爲郎潛紀聞若干卷。持論平允。文詞雅潔。引據尤翔實。康祺本富室。溫良淵樸。於學師法。錢大昕。俞正燮。丁寶禎。聞其賢。欲奏調俾官山東監司。康祺辭弗就。而以所爲治平策上之。凡十四條。中有治淮水。衛朝鮮。固臺灣。修卅政。皆深切著明。而寶禎適病不及上。迨病蘇。思爲代奏。而原書已爲幕客張佑仁竊之去。遂罷。

王懿榮 盛昱

懿樂字濂生。福山人。父祖源。官居川成錦龍茂道。有能名。懿榮之洞妻弟也。嘗從之游。故學日博。初爲訓詁金石之學。考訂特長。繼頗考諸經異同。補正注疏。以翰林值南書房。甲午。大考擢侍讀。適日本內冠急。威海陷。乃上書請回籍編團練。且欲繫提督王鴻發軍從。朝旨許其回籍。治團衛桑梓。而以鴻發軍已歸。牛師韓節制。勿庸請調。鴻發蓋其族兄也。然日兵自陷榮城。竟不復東。鄉里得無事。母憂服闋。入京補原官。旋擢祭酒。蒞事日。奏定整頓章程。皆俞允。一時國子監幾改觀。無何。拳亂作。與其妻妾投井歿。贈侍郎。太子少保。謚文敏。懿榮坦直好才。聞人賢。終身道之不去口。子漢輔。以蔭起家。官道員。昱字伯熙。宗室。爲肅親王支。亦以翰林官祭酒。博雅好古。藏金石頗富。皆精美。幼承母教。長而接納名流。延攬才俊。若恐不及。家有池館。暇則召客觴詠。而旂籍謫陋者忌之。御史茂豫承徐桐旨。劾其母所選侍集多悖本語。疏

上。德宗曰。詩以言志。無傷也。事雖解。而昱知終當爲人排擠。遂乞休。久之始歿。昱詞華古健。論事有先見。明嘗傷東三省削弱。滿漢畛域。爲洪氏所悞。皆當時旂人所不能言者。有鬱華閣集。膠州柯紹忞訂。

朱一新

字蓉生。義烏人。以御史疏諫築頤和園。語侵孝欽。罷職。爲肇慶端溪書院院長。張之洞督粵。建廣雅書院。延爲主講。一新博極羣書。洞知兩漢及宋明儒者家法。論史亦深明其義例。自湘綺而外。近世學者罕有其匹。而篤好朱熹。學引申回護。詞費理拙。其主廣雅。有無邪堂答問五卷。頗表章宋儒。又不信日本變法之強。皆拘墟之見矣。然操履清嚴。文詞雖少。緩弱而雅正。有體。井研廖平爲予言。一新起居動止。一循禮法。平居未嘗自逸。是其學程朱亦與近之學陽明者有間矣。

王鵬運

字幼遐。臨桂人。以進士官至刑科給事中。當丙申丁酉間。數上書陳新政。言皆透切。學尤瞻雅。初爲左氏春秋學。已而舍去。治毛氏詩。及官京師。乃壹志攻文辭。達雅歌燕樂。南北曲之源流變遷。所爲詞。諧聲協律。而含意綿渺。縱筆無弗如意。光緒間。士夫漸喜治詞曲。而咸推鵬運爲大宗。著有半塘辭。嘗觀所作詩。爲絃歌諷喻之聲說。踰萬言。以聲均證詩。足擴鄭陸所發。凡宜可名家。而其經學。竟不顯。

陳誘瑩 丁仁長

誘瑩。閩人。仁長。粵人。皆起翰林。誘瑩官至戶科掌印給事中。仁長官至侍讀。誘瑩淹雅。法阮元。攻訓詁。天算輿地之學。治詩禮經。注荀子。筮子。皆未成書。尤好考藝文。而所習。乃近世目錄家言。徒足定古籍章卷異同。不克窺班氏。

也。仁長法其鄉陳澧。學兼漢宋。制行甚嚴。平居不苟言笑。文章亦雅飭而恬靜。不求聞達。未有講學名。宣統初溥儀就學。有薦仁長於朝者。以其稱疾不起。遂命陳寶琛授帝讀。

于式枚

字晦若。先世籍四川榮昌。後爲廣西賀縣人。少肄業學海堂。爲詞章之學。儷體。文宗初唐四傑。詩法杜牧。散體文亦約潔。近古。時稱才子。及成進士。入李鴻章幕。司箋啓。嘗隨使歐美。由部曹擢京堂。簡授廣東學政。未官。編檢。卽被命督學者。乾隆後所未有也。未滿任。出洋考察政治。數遷至侍郎。再赴德國。考查憲政。歸具疏陳德憲法。間涉專制。報章或詆譏之。而式枚所言皆據心。得宜淺。夫不能窺也。和謹篤厚。一謝時趣。晚歲陸沈金馬。而冠草衣。布策蹇。尋吟出入東華。人無知爲卿貳者。鴻章官直隸。箋奏博麗者。強半出式枚手。

黃紹基弟紹第

體芳子。皆起進士。紹基字仲弢。紹第字叔頌。紹基累官至侍讀學士。授湖北提學使。未幾卒。紹第以編修官道員。並承家學。通訓詁習史記。前後漢書。而紹基尤瞻雅。舊典四川鄉試。督湖北學政。所拔多樸學士。好飲。盡百觥不醉。自署曰詩狂酒癖。或謂張之洞勸學篇爲紹基代作。而詞殊不類。

文廷式

清文人多宗儒家。其箋釋諸子。亦祇及訓詁音義。獨廷式攻墨莊。探其義旨。動得竅要。故其行狂越。蓋亦非薄儒術之流也。字芸閣。取莊子語。自號純常子。江西人。生於粵。幼慧絕。及長日盡萬言。終身弗忘。以一甲進士。授編修。甲午大考翰詹。閱卷大臣擬第三。德宗特拔第一。超授侍講學士。慈寧侍奄寇聯材者頗讀書。素嫉其儕輩所爲。廷式因與論交。屬其勸后變法。且爲具草。

聯材遽上之。誅死。適廷式方講學松筠庵。所論頗涉官吏黜陟。楊崇伊劾之。遂褫職永不敘用。戊戌後。且令地方官管束。然其蹤跡飄忽。竟流徒江湖。憔悴以死。廷式舊授志銳兄妹讀。珍瑾皆於帝前道其博雅。遂邀特拔。然亦祇賞其文學而已。遽自負有內援。將躋權要。無識者或趨附之。竟爲聲氣主盟。觀其瀕歿所爲詞。有悔心矣。文工駢儷。散體摹莊。雖多奧詞。而氣不足以達之。詞超拔意境尤高。詩備各體。

蒯光典

字理卿。合肥人。德模子。幼學爲古文詞。己而博綜典籍。精研六書。以翰林改官道員。督淮南。擢京堂。爲歐洲留學生監督。歿。光典於書無所不窺。尤熟許叔重說文。陸德明釋文。南北史。文選。及諸史輿地。皆有箋注。筭記考證。異同。張之洞謂其學兼今古。殊當之無媿。而政事非所長。督鹺時之洞欲大革

宿弊。光典徒能爲文告，無綜覈才。屬官蒙之私銷，日多。予聞諸程儀洛

江標

字建霞。元和人。以編修督湖南學政。提倡新學。以龔自珍魏源之說訓士。選刊阮湘校士錄。戊戌以洊擢四品京堂。政變褫職。永不叙用。旋歿。標博學清才。少年高第。人皆期其騰上。而竟顛困以終。世頗惜之。初治小學。後爲今文學。少少治公羊春秋。韓氏詩。小戴禮記。然皆通大略。不及章句也。文學齊梁詩多側豔。有靈繡閣集。標狀貌若好女子。風流自喜。而撫仕非所求。丁酉冬。予見於上海。時方嚮用。乃淒然有謝脫塵網之想。由其師六朝人。且兼學佛。然也。工書。兼篆隸行草。

黃思永 姚丙然 姚文焯

思永字慎之。以狀元授修撰。歷遷至侍讀學士。工書。丁酉間上書請行昭信

股票。爲清室借用民款之始。政變以其數疏請變法。繫詒獄。庚子洋兵據京師。乃釋出。嗣以創立首善工廠。復原官。丙然文焯。皆仁和人。丙然官侍讀。督山東學政。以刊售試牘。爲台諫所劾。罷歸。爲美人李佳白所設尙賢堂主講。頗自負扶翼孔教。文焯以編修督滇學。守不能潔。丁酉拔富商王鴻圖爲貢。而王僅識之無。得廩附皆由槍替。廣西州牧劉雲章。對衆詆文焯通關節。不得已。乃易以他人。而後以王文韶洊。竟授福建提學使。或曰。是蓋重其通新學也。

費念慈 葉熾昌

二人皆吳籍。皆受知翁同龢。以詞館充學政。告歸。念慈字屺懷。工書。涉獵頗博。而務游觀。弗及深造也。熾昌字菊裳。簡淡沈靜。好稽考。目錄辨別。板本有藏。書記事詩。念慈以中書言。羞官京師。然其事終不可掩也。

準良 貽穀

良字孟弼。以翰林歷官至內閣學士。數上封章言事。榮祿惡之。出爲西寧辦事大臣。當官務持儀節。負氣自重。嘗劾西寧道霍勤燁總兵張行志違制。蓋道鎮夙與辦事大臣行敵體儀。而閣學則兼部堂。道員當以屬官見也。升允笑其謬。推奉旨議處。而霍張初不去官。良竟憤卒。穀字藹人。官翰林日。曾爲榮祿幕僚。擢侍郎。外任綏遠城將軍。兼督墾務。所用半貪吏。恣爲侵。年穀亦問以公用名。提取荒價。而不及二十萬也。其處分蒙旂。雖失操切。而當日非嚴厲墾政。亦不能行。副都統文哲琿起侍衛。穀素賤之。哲琿有後言。左右以告。每相見。竟不交一語。適墾局會計成林。以事斥逐。遂以弊告哲琿。具疏劾論。朝命鹿傳霖按之。初穀居祿幕。以清班視樊增祥輩之初官監司者。蔑如也。而增祥自以宿學。亦輕穀。一人故不相能。傳霖則自四川罷歸。嘗挈其二

子游廠肆。適穀與值微言。曰此蠹子也。傳霖聞而銜之。至是遂調增祥。隨按其事。迨鈎考冊籍。罅漏甚繁。據之上聞。附以周內詞。孝欽震怒。穀遂拏問。繫詔獄七年。中外交謫。頻欲論死。後始擬戍。穀固不得爲無罪。而潘効蘇侵蝕百萬。雖譴戍未久。釋還。卽趙爾巽於奉天。程德全於黑龍江。何嘗不提用。荒價數且倍。穀而當時報館稱頌。唯恐不及。甚矣。駐滬運動之不可闕員也。良穀皆工書。能詩。有滿洲才子之稱。良尤善倚聲。

高賡恩

字熙亭。昌黎人。同治辛未進士。授編修。督四川學政。上書房行走。歷遷至洗馬。外任陝安道。溥櫛立。以徐桐洊特擢四品京堂。值弘德殿。授大阿哥讀。儻廢。賡恩亦乞休去。後爲陝西存古學堂堂長。賡恩初游徐桐門。治宋五子書。既被命督川學。至之日。試尊經書院。諸生多湘綺弟子。學皆專門。造詣深博。

覽卷驚曰。不圖邊方多才。乃爾。吾腹儉。且爲所笑矣。遂昕夕攻注疏。四史說文等書。及還朝。同官皆稱其博。桐獨曰。此玩物喪志耳。何足言。己亥初。欲泮王廷相而崇綺。欲求博學者。乃舉賡恩。賡恩踐履篤實。操行嚴潔。唯不能辭。桐泮刻學者。惜之。

譚宗浚

瑩子。字叔裕。同治戊辰一甲進士。授編修。督四川學士。遷司業。洗馬。授雲南督糧道。卒於官。宗浚承家學。讀書學海堂。治經善考據。名物文工。儷體宏博。在吳錫麒上詩尤警拔。寄託高遠。嘗選蜀秀集。皆督學試士作也。所自作爲觀海堂集。官滇風骨甚著。岑毓英欲假鎮雄寇叛。興大獄。陷異己者。宗浚堅持之。謂苟必若此。吾當先具揭達吏科。毓英懼乃止。唐炯嘆曰。少年文士而能不畏強禦若斯人者。吾見誠罕矣。

王仁堪

慶雲孫。字可莊。以一甲一人授修撰。值上書房。外任鎮江府知府。移知蘇州。少慧。慶雲鍾愛之。六歲時。每晚親授毛詩兩章。皆琅琅上口。及入翰林。頗好聲伎。而捐傲。未嘗事權貴。外任監司。務鋤豪強。恤民隱。衆用感悅。卒後。徇民請。事蹟宣付國史館立傳。仁堪初入詞館。尙承俗學。已與李文田等親。始研經。以其敏悟。遇人。遂日淹洽。習南北史。文摹唐人。而少弱。不能成家。

李希聖

字亦元。湘鄉人。以進士授主事。未及補實。遂歿。希聖學貫古今。慨然有經世之志。嘗纂光緒會計錄。以總綜財賦。又草律例損益議。示余。非博通古近治法。郡國利病者。不能道其片詞。視今日摹仿東西法規。不問民俗者。蓋不可全日語矣。當康有爲倡變法議。希聖亦附焉。後乃知其蠹疎不足計事。漸不

與親質素清弱且善病。中年遽殞。予謂天苟相中國者必不奪此才。今若此。運會可卜矣。其學初治訓詁。通周官經。穀梁春秋史。習新舊唐書文法。騷選詩多。淒豔突過玉谿。

高燮曾 張仲忻

光緒丙申。以降翰林敢言者。羣推高張。謂燮曾仲忻也。然所言特屬彈劾。未嘗及朝廷得失時政。是非。予嘗告仲忻。戚雲南孫某曰。子姻婭張君。日彈人而令之。弄柄病國者。莫榮祿若。曷嚴劾之。而仲忻弗敢也。燮曾當戊戌夏。附疏論權川督恭壽。謂其聲名漸劣。請旨戒飭。德宗謂彈劾須有實跡。令明白覆奏。乃託肆商爲介。示意壽子榮勳。將以賄之多少。爲覆奏之重輕。勳不應。遂具疏醜詆之。二人見惡朝官。己亥京察。皆中吏議勒休去。燮曾字理臣。武昌人。官至順天府府丞。仲忻凱嵩子。字友珊。江夏人。官通政司參議。皆負時

名鄂人奉爲祭酒。岑春煊撫晉。特延變會主中西學堂。排日講身。心性命之學。而實未能造一士。仲忻往來江鄂。諸大吏間殆隱而不隱者與。

沈恩嘉 王汝楫 甘大璋

三人皆爲軍機章京。幾二十年。以諳習故事。稱於時者也。中以恩嘉最敏練。慷慨敢任事。大璋工楷法。而每與外吏私通書問。納賄攬權。汝楫獨樸訥。識見深遠。當光緒初。數言北洋海陸軍之不可恃。奕訴以爲多事。不見納也。恩嘉天津人。字鹿萃。大璋字少南。遂寧人。汝楫字子舟。漢軍旂人。

楊銳 劉光第 譚嗣同 林旭

戊戌變法。四人皆晉卿銜。爲軍機章京。專理新政。時百度更張。帝所顧問。輒及四臣。樞臣剛毅等。轉伴食。坐是朝士側目。迨政變。遂並罹極刑。而中唯嗣同。旭宿師事康有爲。楊銳則張之洞弟子中第一人。故洊以見好鄂督。光第

又銳所游。特拔茅及茹耳。銳錦竹人。字叔嶠。嘗肄業尊經書院。文詞淵雅。追蹤六朝古詩。取法謝朓。近體工麗。似晚唐。舉人考取中書。擢內閣侍讀。以富家子。爲之洞所拔。及京官師。凡私事皆以託之。銳亦鎮密。望重。處分輒得當。之洞愈親焉。變法事下。諸彊臣議覆者。皆敷衍奏答。而劉坤一。譚鍾麟等。并隻字不復。獨之洞。頻連陳寶箴。條舉其應行事宜。甚詳。德宗倚畀。甚至。故有爲首游銳。凡以聯之洞也。光第富順人。字裴村。以進士官主事。簡重寡交。游獨與銳善。通周禮。大小戴禮記。詩多奧衍。間成警語。銳又游於有爲。嗣同繼洵子。字復生。少溺於學。而恣肆好爲新論。長益汎濫百家。接納名流。遂由龔自珍學。而合以孔墨佛耶四家。著爲仁學。詩文遍摹古人。蔑不肖者。及其自攄胸臆。則意雜詞繁。罕有善考。以在見惡其父。後乃納資爲知府。分浙江。素善梁啓超。因亦師事有爲。當戊戌六月。有爲密薦諸帝。迹拜新命。旭字噉谷。

閩人。以舉人官中書。幼而能文。詩宗黃庭堅。上窺孟郊。亦師有爲。旭雖少而志氣高邁。有爲愛踰諸弟子。故亦游之。四人雖同被命入值。每召對。嗣同建議獨多。而德宗唯重銳。一日密召四臣入。告以朝臣倚太后。漠視新政。思以袁世凱代榮祿。司北洋兵柄。衛己變法。退而嗣同以爲迂緩。遂走說世凱曰。上欲倚公行新法。公朝逐祿。命夕下以公代之矣。然後聯諸將帥乞太后勿干政事。公或不嫌兵諫乎。世凱慷慨許報。然嗣同方返。已赴天津告密於祿。謂帝旨令其殺祿。圍頤和園。囚后。祿以告后。是生大變。剛毅以四臣爲有爲。內應。不殺之不足絕窺伺。遂縛駢誅。馬銳光第素謹飭。爲尤寃云。

李雲麟

漢軍旂人。字雨蒼。少習宋儒書。刻苦自勵。吳廷棟等言其賢於曾國藩。召參戎幕。由是師事國藩。漸爲古文及經世之學。歷官至郎中。復以駱秉章左宗

棠洵擢四品京堂督陝西漢南軍務。時回勢方熾。興漢皆深山大壑。易藏寇。雲麟欲行清野。而樞府以其迂緩。代以黃鼎。已而授托倫海辦事大臣。屢以更張防地爲請。孝欽疑其規避。後竟假事擊問。戊黑龍江。雲麟居轉兵間。艱苦卓絕。而好先事計利害。自明遠識。竟以是敗。

徐致靖 子仁鑄

康有爲乙未上書。名滿海內。翁同龢雖舉其賢能。而特展陞密陳其露。章洵有爲宜大用者。則致靖也。致靖浙人。入宛平籍。同治乙丑進士。授編修。歷官至侍讀學士。初不交有爲。其子仁鑄以編修督湘學。陳三立方從其父寶箴官湘。黃遵憲陳臬事。梁啓超則主時務學堂。皆當時所謂新黨也。仁鑄爲學。素服膺黃黎洲顧亭林。志在經世。及接諸人。維新益力。乃書告致靖。舉有爲以其久簡帝心。一洵即可邀峻擢。致靖遽論洵而附以張元濟諸人。半隸保

國會政變竟坐長繫，仁鑄革職永不叙用。上書乞代父囚，不允。庚子敵兵入，得出。

王照

戊戌政變成於袁世凱釀之者，則懷塔布。布官內務府二十餘年，得孝欽寵最專。其妻女時出入掖庭。時方兼禮部尙書，照其屬也。嘗應詔陳言，爲疏乞堂上官代奏。檢之則中有請廢跪拜，暨勸帝游歷外洋語。衆以爲癩格不納。照退自爲疏，資宮門投奏事處。疏中極言布等壅遏狀。時方有命，臣民咸得言事。及照疏入，帝怒，立褫禮部六堂職，兼內務大臣。懷塔布其一也。其妻以告孝欽，實釀政變禍。八月后訓政，收照貽獄。庚子外兵陷京師，逸出之日本。及后死，乃還。予初以爲照必傲縱浮躁人也。迨己酉，按於析津，數共游，謙乃知其質原有古人風，是可異也。

楊深秀 宋伯魯

戊戌變法臺諫中唯二人恆上封事言新政便利其時禮部尙書許應駉頗於衆中論變法無益二人合毓彈其阻撓帝令應駉自覆奏奏上微言伯魯與康有爲交通狀帝弗問也未幾文悌劾有爲詞連二人帝以悌代人報復長朋黨攻訐之習斥回原衙門行走於是廷臣益側目謂楊宋實爲帝耳目政變深秀誅死伯魯飭原籍監禁先遁去后歿還深秀幼敦內行長益端重操履清嚴非伯魯所及而中禍獨酷學者悼惜晉人通經術治詩伯魯陝人工詞章

劉長佑

字蔭渠新寧人以貢生從江源源軍積功擢至而廣總督湘軍諸帥曾國藩外膺疆寄者長佑爲最先同治四年移直隸以禦捻無功罷光緒初代劉嶽

昭督雲貴請覲歸卒於家。謚武愷。長佑寬厚爲中外所知。朝旨屢戒其縱容。亦嘗自具疏言。臣仁柔不能嚴切。故當時雖躋崇高而論者輒以庸庸擬之。然法謀越南。長佑言之數年前。且歷疏請備法。皆爲李鴻章所尼。是其臨大事固不少苟。歿之日。家資四萬。尙不逮同時一鎮將。則取予亦必衷於義矣。子永滇。孫鶴慶。皆幹吏。

曾國藩

近世論國藩者。動訾其殺同種不仁。然當時固鮮知此義。且倡天父天兄之說者。彼實甘附異族而淫暴慘酷。至宮童子爲男妾。踰數萬。國藩儒者。其起任誅伐。是何足異。觀其拜爵無喜心。居高位而益危懼。跡其初起。已無殺人獵爵之想矣。治兵重節制。主實戰。凡虛誕之謀。桀驁之材。舉所弗取。動與西人兵學合。故史可法久任南樞。臨戎則爲四鎮所制。一籌不克展。而國藩起。

鄉紳諸將莫不從命效死。靡他專習宋儒說與博通。今古者其相去蓋如此。自念初出治團練。秉義而行動。用重典。然所入不合計事。輒敗。及父喪再起。易以巽順。遂成大功。又見左宗棠沈葆楨之流。名實不盡相副。而駱秉章尤無才。徒以能爲大言。或善交薦紳。或幸逢時會。皆坐享高名。而郭嵩燾劉蓉等清操遠識。徒以孤行己志。致負重謗。益信毀譽之無憑。成敗之由命。故晚歲憂惕。自爲壙銘。至有不信書信運氣之語。故國藩者亦古之傷人心也。總南北師旅十二年。任兼圻十年。及歿。餘錢二萬緡。更非今之偉人志士。頻言利國福民者所可幾其萬一矣。其生平出處及行誼學術。世多知之者。故不並及。唯喜爲文詞。而實囿於韓歐規模。狹隘不足張所學也。

李鴻章

鴻章生時。致衆毀及歿。衆又以辛丑議約功歸之。謂爲立黃再造。然庚子之

和實外人屬赫德。示意其後京榆駐兵。京師畫地賠款。至四百五十兆。且牽及東三省。以利權盡授之俄人。吾誠不知鴻章功何在。當時外報卽有譏之者矣。官直隸二十四年。吏治不修。所任將士。甲午之戰。盡成外無一不望風逃潰者。由其平時待之若僕厮。諸將貪縱。侵冒。鴻章亦絕不過問。致一敗不能復振。其游拔之官吏。如周馥、龔照瑗、盛宣懷之流。非庸碌卽貪劣。創舉實業。則官私糅雜。無復條理。而招商輪船、開平煤礦。皆有鴻章虛股。甚多。及歿。家資踰千萬。其弟兄子銀私財。又千餘萬。生平主練兵製械。而不主戰。蓋兵則以葉志起、丁汝昌輩主之。械則以龔照瑗輩主之。皆其鄉人。皆鄙庸卑濁。鴻章亦知其無能爲役。特藉洋務軍事名。置頓私人。其不欲戰也宜矣。已既不能戰。遇人能戰。則排之。唯恐不力。當甲申間。其祇劉永福若代法人吐氣。馮子材等方大勝。立議和。若懼其續捷者。俗論擬之爲秦檜。予不敢議其

過。刻。也。

裕祿

字壽山。德弟。以門廕爲郎。光緒初擢至安徽巡撫。嘗權江鄂督。年方三十也。應事明敏。羣稱其能。移奉天將軍。甲午所轄地半失。屢議處。至再褫職留任。德宗將罷之。榮祿說於孝欽。強帝調之福州。福州兼關權。歲入四十萬。撫仕也。戊戌授川督。未至任。移直隸。拳亂初作。祿尙通電各省。持正論。已而受后旨。遂附亂民。其迎謁。義和拳紅燈照。近世已有紀載。一日方騰疏報捷。敵師已陷天津。乃走出。至楊村中。斃死。

楊士驤

字蓮甫。泗州人。丙戌進士。入翰林。爲李鴻章募僚。以辛丑和議功。授山東臬司。歷擢至巡撫。袁世凱爲軍機。洊之代爲直督。己酉五月歿。贈太子少保。諡

文敬。後以治獄草率。追奪官銜。士驥敏。活機警。善揣摹人意。孝欽死。世凱被逐。首附戴洵。故得保其位。歲時餽遺。權貴奄寺。視世凱猶豐。當官不修品檢。善爲雅譎。爲觀劇狎女。優其歿。小遺皆血。蓋喪於慾。或傳其能文章。而奕劻辨誣名。疏皆其所爲。然語多紕繆。以是知其不學也。

端方

字牛橋。舉人。官工部郎。以嗜古。時共盛。昱王懿榮游。時亦號通人。外官。朝昌道。以附保國會。受知德宗。晉三品卿銜。督辦農工商局。政變幾得罪。榮祿蓮英。交救乃免。擢陝臬。遷藩司。護撫。庚子。帝后西狩。駐蹕西安。令至豫按事。調鄂撫。署湖廣總督。移江蘇。巡撫。出洋考察政治。晉閩浙總督。還國。移兩江。乃通賄賂。搜羅金石書畫。濫支公款。以賄報館。政客聳聞。大著。宣統初。移直隸。孝欽奉安。宮眷與祭者。方皆攝其影。爲李國杰劾。罷。然劾洵。澤桐。皆納其賄。

者。屢諫。遂爲粵漢川湘四省鐵路大臣。以侍郎候補。及至夏口。川亂已作。岑春煊方授川督。方力詆之。戴澧令其先赴蜀察辦。繼命暫署川督。所部皆鄂軍也。時已聞鄂舉義。至資州。擁方出。將戮之。跽乞免。謂本漢人。姓陶。非旂籍也。願留軍前。以殺滿人。自効。衆不信。亂刃交下。死狀頗慘。清謚忠愍。方佻薄奸險。以新政塗飾朝野而已。乘間取賄。所藏金石書畫。值三百萬。子繼某留學美國。

沈葆楨

字幼丹。侯官人。林則徐壻。以翰林出官江西知府。冠至堅守。一城獨完。曾國藩力洊其賢。兩擢。遂權輿撫。以父老辭。三召乃起。及禽洪福。予世襲輕車都尉喪歸。特旨令督福州船政。日師侵臺。奉命渡澎湖籌防。未幾。授兩江總督。歿於官。謚文肅。葆楨清操絕俗。思慮深長。同治間。卽主用西法。圖富強其治。

船政所親有罪立誅之一廠皆肅西人莫不奉其約束迨渡臺籌防設備周舉日不得逞督兩江日嚴劾貪墨澄肅官方風裁峻整同輩無儔然以爭釐金懟國藩悻悻求去君子譏之其子瑜慶官至貴州巡撫浮靡不實其他四人並官監司皆無能

李宗義

宗義以牧令從曾國藩軍數遷至疆折授兩江總督其人誠樸簡重而才略甚短外人私置淞滬鐵路宗義徬皇不能決彭玉麟笑其畏事休歸家居不出卒宗義官牧令善決獄有大姓爭產案自乾隆末迄咸豐官判皆不服宗義至以其契約屬偽造剖其紙色墨痕證以康熙間丁糧冊籍訟立解國藩適治軍其地聞而賢之遂令治軍精竟躋高位字雨亭開縣人晚歲佞佛不茹葷

曾國荃

國荃晚任江督。輒滑不治事。誠無足稱。然世謂其既克江寧。洪楊軍中鐵貨。盡爲所有。則實誣。蟻不經之詞。其兄弟皆總師。干多歷年。而國荃甲子乞病歸。傾所儲。置田屋。實不過銀三萬而已。其姻婭曹襄。紀爲予言之。最詳。湘綺先生亦謂曾氏昆季皆非富。國荃官鄂。撫至卽劾。官文之提用公款時。文勢方烜赫。使已亦有貪行。安敢爲此。其後文黨佛爾國眷。劾國荃亦不及是。事可知。傳說之誣。孫廣漢襲威毅伯。官至左副都御史。權禮部侍郎。

左宗棠

宗棠晚歲。詆譏曾國藩。遂見憎。士論然其立功萬重。外西北。救平難。漢班超。何以加焉。當初議出關。廷臣什九謂不然。李鴻章阻尤力。而時踰四年。卽奏大功。宜其以勳績誇衆。今蒙藏皆叛。而聖武神文之項城一籌。莫展。然則學。

子。後。生。可。勿。遽。譏。古。人。矣。甚。畏。其。妻。終。身。不。敢。置。姬。妾。初。被。誣。幾。陷。詔。獄。賴。郭。嵩。燾。救。得。免。遂。總。師。干。而。其。後。竟。假。釐。捐。事。劾。罷。嵩。燾。語。亦。非。實。正。士。譏。之。自。西。域。還。朝。後。歸。里。閉。嘗。告。人。湘。綺。不。當。與。執。敵。體。禮。更。不。當。詆。其。過。行。湘。綺。聞。而。貽。之。以。書。曰。閩。運。方。怪。公。不。以。師。禮。見。待。惡。願。自。下。公。又。以。往。者。頗。議。曾。胡。人。以。爲。好。詆。諶。也。而。不。知。人。非。曾。胡。固。不。屑。論。列。也。宗。棠。得。書。甚。愠。遂。不。復。通。緘。札。

劉坤一

字。峴。莊。新。寧。人。江。忠。源。部。屬。也。同。治。中。爲。江。西。巡。撫。時。薦。紳。皆。抗。糧。坤。一。將。揭。其。弊。而。贛。籍。京。官。以。爲。不。便。馳。書。止。之。遽。以。書。上。聞。左。都。御。史。胡。家。玉。斥。罷。自。是。坤。一。有。能。名。然。多。內。寵。嗜。鴉。片。及。督。江。督。粵。治。事。多。懈。臺。諫。交。章。劾。之。屢。罷。仍。起。終。於。兩。江。總。督。卒。贈。太。保。諡。忠。誠。賜。男。爵。坤。一。初。無。令。命。戍。戍。

己亥兩疏言德宗不可廢爲諸疆吏所弗敢言衆論漸歸之庚子結約保東南功績益著然拒拳匪實之洞主謀也晚歲好道所奉亦俗傳純陽寶誥之類官封疆三十餘年歿之日家不過中人產子能襲繼爵仕亦不顯

魏光燾

字午莊邵陽人初爲人司庖廚繼從左宗棠軍征新疆擢至道員歷方面甲午率舊部援遼駐軍牛莊日師將至全軍望風潰逃至析木城方炊聞獵人槍聲誤爲敵軍棄饘具奔一日夜達三百里光燾頻墜馬傷足血涔涔不自知也至錦州魂乃定明年竟擢陝西巡撫庚子勤王授雲貴總督事皆主於巡撫李經羲光燾拱聽而已介王之春通榮祿移兩江鐵良南下閱兵操盡劾罷所用將領乃調簡督閩良還京師力言於孝欽謂光燾闇昧遂開缺辛亥革軍起漢上有旨授湖廣總督未及赴後卒於家光燾精力過人味旦而

興。接納屬吏後。必自出校兵操。然所部不守紀律。徒能擾民。任官唯鄉誼。實爲上湘次之。若屬他籍。雖著循良。亦弗洊拔也。

李興銳

字勉林。瀏陽人。素治湘軍軍需。廉勤爲曾國藩所賞。洊授知府。奏調直隸。差遺勉之爲循吏。後贊日本使事。擢道員。歷桂贛等省藩臬。庚子擢贛。擢移粵。晉閩督。卒於兩江任。興銳當官無赫赫名。而直實。每奉命按事。未嘗代同官。復掩能飲。日盡百觴。予嘗問以變法利弊。興銳曰。此官此人。變猶不變也。至今尙思其言。

周馥

余初不知馥。能己亥。李鴻章出視河工。疏調馥。參贊疏中。舉其學行志節。幾過曾胡。余默識之。未幾。馥任川藩。時與計事。則一昏黯庸下人也。而僕從需。

索幾步。李翰章後塵。余憶鴻章疏。至失笑。後以議和功。撫東。權督兩江。移兩廣。值欽防亂作。而奕劻袁世凱。謀逐岑春煊。交言馥。耄不足治事。遂罷去。人民國。居青島。以與世凱姻婭。子姓皆居津要。子學銘。字位西。以翰林官蓬溪縣知縣。廉惠愛民。學熙自有傳。

張人駿

人駿。佩綸族姪。字安圃。以進士授編修。出典四川鄉試。轉臺諫。少有風骨。操履端潔。其官科道日。適佩綸新敗。遂緘默。鮮言事。及外任監司。察吏頗嚴。累官至河南巡撫。移粵。撫晉。粵督。移兩江。辛亥革軍踞江寧。偕張勳。鐵良。逃入駿守廉。而才絀。當官簡重。亦世凱姻婭。而甚薄其所爲。

李瀚章

鴻章兄也。字筱泉。以優貢知縣。分湖南。因鴻章亦師事曾國藩。嘗管胡林翼

軍需薦擢監司數遷至湖南巡撫湖廣總督調四川總督已至蜀未受事仍調湖廣光緒中調兩廣甲午爲給事中褚成博所劾自乞休去歿于家瀚章魁梧若武人而性柔和臨事縝密所爲公牘簡潔得要唯貪劣當其至蜀猶未蒞官而需素供應縱下騷擾如盜賊然過彭山小邑也索灰鼠帳四頂燕窩若干匣邑令張璩哭乞不能免乃爲歌紀其事至粵通賄尤廣而剛毅作撫任官多自尊瀚章無如何乃盡鬻各武職及水陸防營統將蓋皆總督主任也時有楊某者爲初鴻章庖人冒軍功保至提督瀚章壽餽萬金委充欽防統領而月薪三百楊嫌其少叩於瀚章閤人閤人曰若部下不有數管帶乎購之者衆矣吾主不售皆以畀子也楊恍然遂盡撤之易以新人得賄至萬三千金視所餽金且贏三千故時謂皖籍大吏涂宗瀛偷竊劉秉璋搶掠潘鼎新騙詐獨瀚章取之有道行賄者未嘗有虧耗且任封疆三十年初未

効一貪酷吏時謂之官界佛子云。

涂宗瀛

六安人。師事其鄉吳廷棟。講宋五子之學。布衣脫粟。廷棟曾國藩友也。薦其賢。由牧令拔授監司。授江寧府知府。蘇松太兵備道。屢遷至湖廣總督。以督標城守兵變事爲臺諫所劾。彭玉麟察覆頗嘗其才。絀。遂開缺。宗瀛嗜財若命。而蒙理學名。不敢法李氏昆季所爲。唯時以刊書或代故人求貸。箋乞僚吏資助。又屬官餽節壽敬。必審其銀色及輕重。少差者皆令補足。曰：此我所應得者。猶原息九百之粟也。顧印愚爲予言。宗瀛督鄂日。其書室長案一中。置秤以秤銀。旁皆書籍。則通書西銘太極圖說之類也。

張樹聲

皖人。當官取予類。不可問。獨樹聲自起行間。及任兼圻。未嘗鬻差。缺通賄賂。

雖不能如沈葆楨、丁寶楨之弊絕風清。而在皖、江、南、北間。可爲曙星碩果矣。光緒壬午。鴻章喪母歸葬。樹聲攝其任。值朝鮮大院君亂作。乃破鴻章戒。立檄提督吳長慶將兵赴之。亂遂得定。且慮日人反覆。奏令長靖暫戍朝。及鴻章營葬畢。樹聲還兩廣任。時法越事亦作。鴻章力戒其勿輕用兵。陽諾之。至粵。卽以法人侵逼狀上聞。而是時師船皆隸南北洋。粵中僅砲艇數艘。無從濟師。乞船亦無應者。大憤。自請罷。又以禁賭嚴。賭商以鉅資賄臺諫。連疏劾之。孝欽意動。令開缺。代以張之洞。而樹聲尙欲自赴桂邊前敵。會疾大作。還歿於家。弟樹珊、子華奎。皆有能名。

毛鴻賓

字寄雲。歷城人。以翰林官臺諫。曾國藩仕京師日。結昆弟交。出爲湖北監司。胡林翼游之。屢擢至湖南巡撫。兩廣總督。鴻賓直勤。敢任事。而紉于才。操守。

亦弗可信。撫湘日賴國藩力。羣士助之。故禦寇援隣。皆有功。及涉兩廣。驟驕湘賢。無從之者。左右皆沿京官故習。索門包。通餽遺。屢被彈劾。遂罷去。後國藩治捻。過其家。鴻賓以貧告。乞洊復其官。國藩助以銀二千。而靳弗俱洊。疏蓋知其非疆圻才也。鴻賓大悵怨。爲詩刺國藩語多謬戾。儒者羞之。

譚鍾麟

字文卿。茶陵人。以翰林擢御史。出爲浙江知府。累官至甘肅藩司。時左宗棠方督陝甘。頗稱其才。密疏薦之。遂膺疆寄。歷督陝甘。閩浙兩廣。加太子少保。戊戌抗變。法受知。孝欽寵遇優渥。以衰耄數請休。乃開缺。卒諡文勒。鍾麟才識明爽。條理精密。壯年官監司。頗有能名。及任兼圻。年已就衰。子弟頗用事。罕接賓客。唯知奉行例案。百政叢脞。岑春煊初爲廣東藩司。頗揭劾貪吏。鍾麟厭之。告周開銘曰。此真野人。苗蠻之屬。不可以理喻者也。時粵中盜尤肆。

會垣。劫案日十餘起。有告鍾麟。須整頓者。瞪目叱之曰。此何與我事。而煩爾噪聒耶。其歿。家資百萬。偉人。延闈卽其孫。

陶模

字子方。秀水人。以庶吉士散館。選甘肅文縣知縣。邑界川邊。盜素繁。模至。治以嚴刑。盜皆遠竄。以是爲左宗棠所重。屢拔至道員。擢直隸臬司。陝西藩司。新疆巡撫。乙未。以河州匪亂。繼楊昌濬。移陝甘總督。亂定。真除。庚子。移兩廣。卒。諡勒肅。模清操絕俗。直實不欺。富官日未嘗餽遺。樞要。庚子。疏請廢闈。寺持論尤正。唯晚任封疆。頗法黃老。接客簡略。羣情隔閔。所拔如丁振鐸。之流。皆以渾庸害國事。如模者。使生雍乾時。或亦足爲理學名臣。與善折獄。今洮隴間。有編爲盲詞者。子葆廉自有傳。

德壽

壽以內務府司員。外官監司。擢彊圻。歷湖南江西廣東巡撫。攝兩廣總督。移漕運總督。未之官卒。當官無能名。然亦自飭不敢通賄賂。庚子。后帝狩西安。壽貢頗薄。李蓮英乞貸二萬。亦却之。爲孝欽所惡。竟移漕運。能飲。可盡紹興酒一巨罌。佞佛。通梵典。字靜山。子延年。官延建邵道。

卞寶第

字頌臣。楊州人。以翰林御史外任監司。擢彊圻。終于閩浙總督任。寶第強毅。官臺諫日。彈擊不避貴要。及爲彊吏。頗偏聽執拗。有譖建寧令者。謂其衰頹。屬藩司易人。藩司謂令方壯。人言弗足信。不納。以履歷陳覽。曰。是必捏書者。竟撤之。及至省投謁。則翩翩一少年。寶第大慙沮。而卒。暇他事。劾罷之。其橫若此。故人稱之曰卡牛。頗嫉李鴻章。遇海防事。輒云。此合肥老兒言。何足道。

邊寶泉

漢軍旂人。明米脂令。大綬裔也。以翰林遷臺諫。李鴻章、希孝、欽寵。進瑞、麥寶泉、嚴、疏、彈之。有聲于時。外任監司。亦終于閩浙總督任。當宮鹿鹿。而賄賂不入。故時頗稱其清操。嘗兼署福州將軍。五閱月。私入。至十餘萬寶泉。大驚。將上聞。納之部庫。左右諫曰。是不可。若此。則歷任將軍。皆得罪。徒以結怨。且是蓋太后外府。每年辦貢寶倚此。資與其納部庫。孰若易珍異密貢諸后。寶泉曰。吾讀書人。詎爲是。遂貯其資。俟裕祿至。任盡以畀之。且語之云。或入己。或貢后。聽君所爲。祿告所親曰。邊督誠書癡哉。然今日。若有是人。吾願范金事之矣。

何璟

字小宋。香山。人以翰林院編修。外官知府。擢至江蘇巡撫。閩浙總督。當甲申。閩法越事棘。法人以兵艦窺臺閩。張佩綸銜命會辦閩防軍務。至氣陵督撫。

上環亦以驕子奉之不敢爲異同。及法燬馬尾船廠佩綸逃。環亦被劾罷去。旋卒。其人狀貌端秀言動雍容使爲京曹或正揆席乃出任危疆遂不得以功名終。

駱秉璋

秉璋湘撫。適髮燄方熾。長沙獨不爲敵。陷及督四川石達開。李永和。郭刀刀。皆生獲之。蜀亂救平。其卒也。蜀人白衣家祭如過密。八音然。攝督崇實禁之。父老對曰。他日崇公死。我等斷不爲此。實亦無如何。於是名震海內。莫不擬以諸葛。其實則驕蹇庸碌人也。左宗棠處其幕中。雖操軍權而每計事。秉璋坐聽之。送迎未嘗起立。接屬僚益傲倨。雖起甲科而俗。鯁不能文。臨歿自爲輓聯。出語則由翰詹科道而轉京卿。丁寶楨見而笑之曰。此履歷也。當官不飭吏治軍謀。吏非所長而任將甚專。且果殺戮。遂薙蜀寇。生平廉素。及歿布

帳一。銀百兩。破箆二而已。家無田屋。以處子孫。然好男色。有薙髮匠。其嬖人也。瀕死。執其手。以屬臬司楊重雅焉。字籟門。花人。贈大學士。太子太傅。諡文忠。長子天保。通會匪。秉璋深惡之。

吳棠

字仲軒。盱眙人。孝欽后父。惠徵官徽寧池太廣道。棠居其幕中。徵沒。虧權款。棠爲籌措。家屬乃得行。後以舉人大挑。知縣。數司河工。擢知府。后聽政。感前惠。兩歲間。拔至漕督。督辦清淮軍務。移閩浙。以阻撓造船。爲左宗棠曾國藩所論。而棠亦苦閩缺瘠。后知意。遂調四川。時蜀亂新定。棠至。託言與民休息。百度盡廢。蓄梨園。日演崑劇。其寵婢。爲伶人盜之。去不問也。日食鴨一。魚翅鱈肉各一。簋。體益癡肥。人稱爲一品肉。官蜀九年。富至三百萬。珍異書畫。稱是。穆宗惡之。而尼於后。無如何也。後乞休去。卒諡勤惠。

丁寶楨

字穉璜。平越人。生而嶽崎。及長。惡八股文。甚強而後。習鄉試。竟雋。成進士。選庶吉士。喪母歸。治團練禦寇。數有功。特旨授編修。未及留館也。已禽賊渠楊隆喜。予花翎。服闋。授常德府知府。至。調長沙。超擢陝臬。權山東藩司。時僧格林沁方治軍魯豫間。驕倨甚。見司道官。不設坐。寶楨投謁告材。官啓王設坐。則見。否則罷。僧服其強。竟爲設坐。巡撫闔敬銘聞。大稱異。至之日。親迓於郊。自是事必諮。寶楨乃行。敬銘乞休。密荐繼其任。遂擢東巡。時李鴻章方督辦軍務。皖軍統將潘鼎新駐魯。唯知冒功。寶楨屢彈之。與鴻章交惡。及捻竄近郊。京師戒嚴。率所部星馳至畿甸。始入覲。凡七進見。帝后深褒其忠。捻平。晉太子少保。光緒丙子冬。擢四川總督。時承吳棠之後。文武恬嬉。綱紀廢墮。至卽。彈劾不職吏。幾盡。裁夫馬費。歲爲民間省費二百萬緡。築都江堰爲一勞。

永逸計。改鹽法。官運商銷。歲增公帑百八十萬。盡革總督以下節壽陋規。臬司道府等官。則以官運贏餘津貼之。聘湘潭王闈運主書院。以開蜀學。於是百度皆理。吏治蒸蒸丕變。而猾商貪吏不便所爲。輦巨金賄台諫。連數十疏劾之。以文祥闈敬銘力。至革職。仍給四品頂戴。暫署四川總督。而氣初不沮。益嚴督捕。興積穀。納闈運議。欲經營衛藏。方令黃懋材探路歸。遽歿。方其至蜀郭內。月有盜劫。及歿。鄉村不拾遺。誅匪幾盡矣。歸葬於濟南。謚文誠。贈太子太保。其眷屬去蜀貧不能治裝。僚吏助之。乃成行。平時出巡。未嘗勞地方。官吏供應。僕從不敢受門包。所應得夔關羨餘鹽務津貼。皆革除之。而沈毅具大略。接客默默。有嘉謨。善計聞。卽行。行雖艱。所不憚。狀貌端偉。鬚長秀。威棱懾人。若天神焉。其誅安德海事。世皆知之。不復述。子體常。攝廣西巡撫。

劉秉璋

秉璋繼丁寶楨督四川。一反所爲。納門包勒。供應甚至。賣鬻差缺。治蜀亦九年。兵驕盜肆。吏玩官偷。蜀之君子。至今言之。有餘恨。其鬻官爲司線索者。則署提督錢玉興。秉璋廝養卒也。時稱爲玉興錢店。營務處道員徐椿榮。以相士受知者也。以字杏林。時稱爲杏林藥店。芙蓉書院院長葉某原籍桐城。皖同鄉也。以字雙生。時稱爲雙生書店。凡官吏通此三店者。皆居腴缺。癸巳甲午間。屢爲臺諫所劾。罷去。猶未受代。適有民燬教堂。屬官請彈壓。却之。成都教堂盡焚。喜告諸官曰。彼罷我官。我亦見彼賠款矣。蓋指德宗言也。後外人知其事。指名勒革。秉璋職。給事吳光奎繼劾之。遂永不叙用。去之日。攜資三百萬。後歿於家。周馥督兩江。以姻婭陳其功績。復原官。秉璋粗鄙。好謾罵人。以翰林從李鴻章軍。擢至巡撫。歷江西浙江巡撫。酷好八股文。所作亦警拔。精者。或足繼武明之啓楨諸家焉。

趙爾豐

字季鶴。漢軍旗人。以鹽巡檢分山西。錫良適以知縣官晉。與結昆弟交。後良撫豫。以道員從。復奏調入蜀。權永寧道。屬境界滇黔。時盜匪塞塗。幾斷行旅。爾豐至。盡捕匪。誅之。至數千人。雖不無冤抑。而道路始寧。謐旋除建昌道。令征三瞻叛番。尤果殺戮。一輿夫偶遲誤。亦斃之。屠戶號大著。言其殺人猶屠豕。然良屢密疏荐之。遂加侍郎銜。授川邊邊務大臣。良去。其兄爾巽繼之。資助協濟。未嘗少闕。爾豐益發據。置警興學。修路練兵。政以漸備。爾巽去。乃代督川。初川民拒路款。爾巽頗持正論。電諫勿違民意。爾巽自奉天電戒之。謂中朝意決。不得阻撓。遂變計。又納楊嘉紳王棧言。乃縱兵擊民。世謂周善培主謀者。枉也。迨革命事作。爾豐知朱慶瀾外強中乾。新軍不可恃。與省議會約。已仍赴邊。而實陰有所部署。且密書召所部邊兵。將圖革軍。事洩。被殺于

二。一繼爾巽。爾豐。刻薄寡恩。而勇銳敢任事。操行亦廉。爾巽所不迫也。

崧蕃

字錫侯。滿洲人。兄峻。官浙江巡撫。以廉惠稱。蕃由舉人官部曹。外授四川鹽茶道。歷川湘藩臬。貴州雲南巡撫。雲貴總督。終於陝甘總督。當官一聽僕人。爲政在滇日。臬司興祿與其司閹王者。結昆弟交。在甘日。藩司何福。莖進羨餘。爲主計。張者捐納道員。無子。有女稱五公子。官吏能博五公子驩者。化尤速。取人重應對。趨蹌不合官式者。不與交。一言而篤於故舊。故旗籍頗稱其賢云。

劉嶽昭

嶽昭及弟嶽曙。皆起自抱布者。旣從江忠源軍。嶽昭以功擢監司。隨江忠源入蜀。數擢。竟爲雲貴總督。師事駱秉章。賴其力。率所部駐川叙州。以滇氛惡。

不敢進也。會岑毓英馬如龍反正以兵迎之。乃入滇而兵事皆毓英主持。嶽昭特奏報領銜如官文之於鄂。然湘人之爲幕僚將校者頗思攘權而尼於巡撫。遂變嶽昭營他調。乃乞入覲。還及家。適英人馬加里戕於騰越。朝命促之還任。畏難不敢行。陳廷經劾之。革職。後卒於家。嘗刊滇黔奏議。逢人輒贈讀。曰：是予一生戰績政績也。然中實謝恩到任各疏。郭嵩燾勸其燬板。嶽昭以爲悔。已貽書絕交焉。

岑毓英 弟毓寶

毓英陰鷲沈毅。可謂不世出之奇才。初以諸生納資爲典史。仕雲南司城。防正者爲同知。蜀人朱某同居廢寺中。朱樓上。毓英樓下。夜深朱恆溺其上。告以後勿爾。弗顧也。愈謹事之。荐於藩司。令權宜良典史。至之日。令適歿。攝行其事。有富室兄弟爭產。訟亘十餘年。不能決。既受事。召之至。說之曰：今兵事

急富亦不可保。曷若以之助軍需。則爾兄弟訟弭。而邑境亦安。訟者拒弗從。並收之。勒獻所有。卽以製械募勇。攻路南。復澂江。滇撫徐之銘。遂令攝府事。益搜刮富民募兵。得何友山。蔡標諸士。並驍悍。乘昆明危。率所部入省。之銘卽薦之。爲藩司。中朝尙疑其通。回丁寶楨以東撫入覲。言其官高。必不變。乃真除。然毓英初起。實持兩端。繼聞髮捻皆定。回勢孤。知其無成。乃說馬如龍反正。以兵迎總督劉嶽昭于蜀。之銘曰。然則何以處吾毓英。對公事朝廷久有所聞。若承嚴旨。某亦不敢以私廢公也。之銘大驚。仰藥死。遂代爲巡撫。然其入弔哭之甚哀。且疏爲辨冤。嶽昭至。軍事讓毓英主持。遂克大理。順寧。全滇肅清。晉太子少保銜。輕車都尉。世職。乃遍贖當世顯者。如宗棠。鴻章之流。皆奉以師禮。其微時相從諸將。少不馴者。咸以計誅之。嗣以遣弁戕英人馬加里。調貴州。再移福建。代劉長佑督滇黔。甲申援越。未戰。以大捷聞。德宗親

政。晉太子少保。歿諡襄勤。贈太子太傅。毓英。西林人。字彥卿。貌奇偉。面黧黑。兩眸恆閉。啓則威光射人。耆殺誅將校多手。自刃。喜怒未嘗形于詞色。敬文士而密謀。則幕僚皆不得參預。子六人。春煊有名於世。自有傳。毓寶。字楚卿。以軍功累擢雲南臬司。權總督。兼攝巡撫。其人篤實和厚。當官日故舊來營。置頓者不可却。而滇差缺實無幾。則預爲檄委之。號曰預委。如某缺十月瓜代及期。七月委之。至十月則捧檄之官也。其謬如此。又劾貪酷史八人。八人賄臺諫劾之。革職。時藩司湯壽銘素惡毓寶。將誣其謀變。賴人營救得免。

楊昌濬

字石泉。湘鄉人。以諸生從軍。官至道員。爲左宗棠營務處。擢浙江巡撫。坐葛畢氏案革職。後起官漕運總監。遷閩浙。移陝甘。加太子太保。乙未河州回亂。罷歸。昌濬和巽安詳而務爲姑息。督甘日左右多通回。竟不能制。遂釀禍亂。

能詩善度曲。屬幕客吹笛自歌崑曲。齒舌分明。老伶莫能及也。當官不急貨財。既罷僅足自給。子瀚疆亦謹飭。孫宗熙官滇。

丁振鐸

字巡卿。羅山人。辛未進士。以編修任甘肅知府。陶模薦陟方面。戊戌以新疆藩司擢雲南巡撫。移廣西。再移山西。未至任。遷雲貴總督。移閩浙。以朝官揭劾報紙詆謫開缺。錫良劾其政事不修。革職。袁世凱以鄉誼薦爲禁烟大臣。宣統初以侍郎候補。後充弼德院顧問大臣。入民國爲袁政府審計院長。殁于官。振鐸操行清潔而庸謬無識。用人以愛憎爲是非。有司警察道員韓某條陳警政及撫而不及。督司武備學堂道員柳某則事皆奉總督揮。揮且交通其閹人。巡捕振鐸卽奏揭韓辦警不力。褫去二品銜。稱柳治事得效。予以二品銜。實則韓受事甫十日。柳筭武備至不識。野外要務令爲何書。其舉錯

可想矣。在滇數年，以任事爲多事，以逢迎爲稱職。法人築鐵路，虐待工役，死亡枕籍。各省督撫電請振鐸交涉，並置不理。及川粵皆禁滇招工，振鐸乃勒令滇州縣各送工人若干，逾限參處。一時滇民離亡，困頓狀至慘痛。而振鐸方謂鐵路早就交涉，當日簡迤西畫界，復自割地二千餘里讓英人，予嘗謂振鐸者，亡滇之罪魁也。及去，家已鉅富，乃鬻衣物爲行裝。其詐僞，又若此而也。世凱始終稱其老成，振鐸亦傾心附袁。惜未及洪憲，稱尊已歸泉壤，亦恨事也。

錫良

字清弼，蒙古人。甲戌進士。山西卽用知縣，以廉惠勤樸受知。張之洞薦諸朝。甲午以知府從李秉衡于山東，擢曹兗沂道。山西臬司，湖南藩司，攝湖南巡撫。庚子勤王，除山西巡撫，開缺。李蓮英承拉后，皆向索貢，却之。遂投閒。後以

鹿傳霖力薦始授河道總督。移豫撫熱河都統。四川總督以歲貢薄調雲貴。宣統御極移東三省總督。載澤洵向索賄不納。又以安奉路約詆那桐。請議院內閣同時成立。語侵樞臣。於是劾澤洵。桐世昌交譖之。不自安。乞休去。辛亥南中起義。再授熱河都統。國變辭職歸。袁政府任爲參政。不就。家居歿。良清勤絕俗。律已甚嚴。粹然儒者。仕於輓近。未嘗餽賂權要。清末一人而已。然性卞急無條理。又好詈罵人。故士不附。子斌循。字孟博。孝而好學。雖良舊僚陳宦張錫鑾許士英等勸其出仕。而謹率父命不入政界。亦未嘗附諸遺老。以語言鳴高。尙可謂賢已。

崇實

字樸山。父麟慶。道光間官南河總督。中飽致鉅富。實以翰林起家。工書能詩。數遷至成都將軍。三攝四川總督。初起猶執袴子。左右頗通賄賂。已而幕會。

胡治績漸勳。政事內用刑部尙書。署熱河都統。以治盜受知。孝欽特移奉天將軍。時盛京五部當權。皆旗員。不明事理。政益多門。實至。奏更官制。頗奪五部權。以將軍兼兵尙都御史。行總督事。政令始一。多設漢缺。民官調左。寶貴軍督捕。諸治一新。竟以勞卒。謚文勤。贈太子少保。盛京建立專祠。至今遼人猶懷遺愛。孝欽亦有兄賢弟不肖之語。蓋其弟厚。方以擅簽伊犁約。繫詔獄也。子嵩淮。自有傳。

恭鏗

琦善子。瑞澂父也。以廢子官。至黑龍江將軍。其在黑日。亦如崇實所爲。多設漢官。爲滿蒙籍仕京者。蜚語所中。竟罷去。其人慷慨敢任事。思幹父。盡初官某地。副都統。自督騎。夜出緝捕。爲獵者火槍誤傷。指左右縛獵者。將殺之。鏗謂不足計。竟釋其縛。獵者感甚。曰。匪巢吾知之。乞爲鄉導。將校皆疑鏗欣然。

從之。果盡獲諸盜。以歸。歸時指血濡襟。袖間猶濕也。

銘安

以舉人官部曹。累官至吉林將軍。破積習。用漢官。亦爲蜚語。所中不自安。乞休去。以重赴鹿鳴晏。晉太子少保銜。官吉林日。有衛弁醉擾肆市。通判胡某。方司冬防。遇之。杖於通衢。羣弁聞狀。大譁。訴於安。安不問。幕客進曰。弁固驍騎校。亦官也。何便予杖。是不可不問。安曰。彼醉而擾人。豈驍騎校三字。鑄於額上。孰能辨之。其杖也。宜卒不問。後竟擢胡爲五常廳同知。是亦不可及矣。那桐其從子也。予嘗謂安鏗皆賢。而激桐皆不肖。蓋無激桐則清。不得亡漢族。不得重光是其人。亦應運而生者也。

色楞額

蒙古人。以部曹爲駐藏辦事大臣。遷伊犁將軍。卒于官。謚恭勤。當官敢任事。

生平服膺胡林翼。讀胡全集。至熟。一字不遺。然不喜鐵路。時議築京津路。召對時。頗陳其害。有鐵路。朝成洋兵。夕來之語。孝欽嗤之。嘗致書家大人。論鐵路。指爲亡國妖孽之一端。其頑固。又在彭玉麟翁同龢上矣。

金順

初以佐領從僧格林沁軍。以功擢副都統。繼移軍從多隆河征陝西。授寧夏副都統。晉將軍。爲左宗棠右翼。關外平。授伊犁將軍。順謙謹。事宗棠甚恭。御下有恩。禮不沒人。善而好賄。張曜嘗曰。君如不好貨。宰天下優爲之。順曰。世治則多清官。以其時有真是非。賄無所用也。衰世不然。非賄無以自保。今何時耶。吾能獨潔吾身。哉。曜笑其佞己。而官山東巡撫執政時。有干求。不與。則慮報復。始思順言。

長庚

字少白。以驍騎校從金順軍。善歌。弋黃秦。諸聲皆能之。黃腔摹陳長庚。尤肖。順軍暇輒進庚使謳。以自遣。故獨見親信。久之。遂假軍功擢副都統。遷將軍。及入覲。孝欽見其舉止凝重。器之。令爲兵部尙書。時京官多傾軋。知不可久。居營外。放仍爲伊犁將軍。代升允督陝甘。凡三年。入民國乃去。

岐元 恩澤 長順

元。宗室。字子惠。官盛京將軍。移成都將軍。卒于官。工書。摹鍾王。澤。荊州駐防旗人。從征髮捻。晉將軍。授黑龍江將軍。長順官至吉林將軍。澤順皆貪賄。德宗有所聞。諮樞臣曰。二人操守劣。足任邊要。耶。時世鐸方納順鉅賄。對曰。順守獨潔。帝問從何知之。倉卒應。澤性慳。一毛不拔。順餽不少。吝也。帝笑曰。宜爾信其守矣。時京師人傳以爲笑云。

陳士杰

字篤丞。桂陽人。以進士授主事。歸從劉長佑軍。繼爲曾國藩、胡林翼所薦。由監司擢疆圻。歷廣西、浙江、山東。巡撫屢被彈劾。時起時躡。然其人實勤樸廉。實特御下甚苛。喜面搗人。短遇能吏亦繩以文法。未嘗獎薦。故士不爲用。官山東日。適當丁寶楨後。更難爲繼。寶楨所任如長慶等。皆幹吏。其治曹克得便宜行事。故羣盜斂迹。士杰至。謂酷吏不可用。盡易書生。一時劫掠大作。民怨日滋。其治河務。節費而不能察弊。衆以其易欺。工料益竄短。遂屢決口。故魯人至今訾之。子兆文。官翰林。兆棠。官知府。並有名。兆棠字樹甘。官惠州府知府。治盜甚嚴。光復時。竟爲盜戕。

張曜

曜。錢塘人。生而狀貌若虎。少喜飲博。然饒治事才。戚黨有危難。恆身爲排解。咸豐間。姻婭有官河南者。往就之。爲納粟得縣丞。始改稱順天人。嘗攝嵩邑。

令辦團禦寇有功。大吏信之。屢保至監司。令自領一軍。號嵩武軍。積功授藩司。御史劉楠劾其目不識丁。改官總兵。擒平。晉提督。隨左宗棠征回關內外。平定。予輕車都尉世職。雙眼花翎。授哈什爾提督。法越事作。率所部入衛。宗棠亦薦其才兼文武。遂授山東巡撫。廣徵賢俊。爲幕僚。整飭鹽法。捕政。幾媿美。丁寶楨唯河工主。總濬通海。民頗罹水患。及卒。贈太子太保。諡勤果。其亡以背疽。李鴻章薦西醫治之。遽卒。魯人方悲。矐歿無識者。至謂爲鴻章所毒。欲留西醫。不令行。賴解得免。矐自被劾。改武。壹志向學。遂淹通圖史詩文。皆有古法。書法亦道爽。以目不識丁四字鐫印。佩之以自警。撫東日。幕僚幾二百人。雖延采少。濫而愛賢之篤。並世無儔。喪歸。東民傾城送。有哭失聲者。以兩世職。並爲男爵。子端本襲官。爵南韶連道。

李秉衡

當甲午乙未間。當世論疆吏之賢者。必推秉衡。迨拳亂作。衆又以其頑固。附諸剛毅毓賢之列。然秉衡操行廉峻。勤樸堅毅。今之世。吾未之多覩也。當拳匪初起。方出巡閱長江。予在奎俊幕。見其手札。有匪類不可重用。外衅不可遍開。語繼則南中疆吏聯銜電阻。秉衡亦列名。而中朝不省。迨津戰既作。倉卒勤王。其時外衅已啓。卽秉衡不戰亦莫從。弭兵在狡黠者。正可延宕觀望。乃不出此。卒以身殉。觀其臨歿。致各將領書。述諸軍畏敵狀。可爲太息。已字鑑堂。海城人。以縣佐官直隸。受知曾國藩。拔知縣。歷官監司。爲北直廉吏。第一緣案降調。張之洞調赴山西。數疏密薦。擢至廣西臬司。當法越戰。作楊玉科陣亡。諸將解體。關內教民漢奸蠢蠢思動。秉衡代潘鼎新攝巡撫。策塞之。鎮南關。盡節浮費。以資前敵。兵食任幹吏張秉銓等搜捕奸民。與馮子材分任戰守事。凡軍士食米。日監斗。級攤曬之。恐少。霉變預儲藥料。以備中瘴者。

下。及。末。并。亦。殷。勤。延。接。垂。涕。獎。勸。其。殺。敵。報。國。羣。士。大。奮。是。奏。諒。山。之。捷。子。材。奏。歸。功。秉。衡。非。虛。讓。也。越。事。定。卽。乞。病。歸。迨。甲。午。事。棘。特。召。爲。東。撫。晉。四。川。總。督。未。之。官。以。教。案。降。調。卒。後。仍。追。奪。原。官。家。資。不。及。二。千。金。子。可。庭。固。江。蘇。倅。父。死。終。身。不。仕。家。彭。德。賴。以。醫。爲。活。

張汝梅

汝梅工善酬應。其撫山東日。李鴻章適銜命治河。供應豐盛。日費至萬金。爲陳秉和所劾。以與榮祿昆弟交。賴其力得解。歷官藩司。豐于資。廣營商業。爲兩淮。離商巨擘。當官無他能。嘗覲京師。晏客會館。御史宋伯魯被酒。斥其貪劣。時汝梅爲陝藩。伯魯籍陝也。不以爲迂。笑謝之。越日復登門。親餽三百金。榮祿聞之。曰。是真宰相度量也。

毓賢

字佐臣。蘭洲人。初官山東知府。務鋤豪強。捕盜匪。有能名。受知張曜。李秉衡。擢至藩司。戊戌授江寧將軍。至卽釐別營地中飽。孝欽鑿書褒美。移山東巡撫。惑于奸人王尙貞。倡滅洋說。徐桐剛毅力薦其賢。而榮祿慮其開外衅。特移撫山西。庚子京師亂作。賢卽大招諸拳。縛教士男婦皆斬之。京津陷。帝后后西。遂令開缺。後以禍首斬之。蘭州賢素孝。且通文學。而拳禍實爲罪魁。施均父謂其睛暴。有赤紋。不得良死。言竟驗。子景觀。官奉天。

文格

字式岩。以部曹仕至湖南巡撫。降調授四川藩司。復擢山東巡撫。以河決革職。再起。終於山海關副都統。格色厲內荏。好指摘人過。失漁色。多與僕婦通。在湘日。竟爲僕趙誠所縛。予以銀五千始釋之。誠卽偕婦逃去。人傳以爲笑。然任藩司。頓清釐度支。屬吏有虧公帑者。雖所親亦必揭劾。吳棠戚某任金。

堂令虧公至萬金格詳揭之棠爲緩頰格拂袖起曰此國帑非用情地若願全戚誼可代彌補之棠慙沮後皖人糾資代償事乃解

胡聘之 張煦

字蘄生。天門人。以翰林屢司文柄。晉光祿卿。出爲山西藩司。擢巡撫。戊戌。頗拾時務。策論陳言。條奏新政。孝欽惡之。政變罷去。聘之輒滑。當官多用鄉人。政皆不舉。嘗論督撫任吏之法。甲科二。京官薦牘三。私親四。老吏一。若此。則人無間言矣。其繆可知。與英人福公司定晉鑛合同者。卽聘之。主政。任劉鐵雲所爲。鐵雲卽著老殘游記者也。至今晉人言之。有餘痛。煦甘肅人。先聘之。撫晉。頗木訥。而拘墟無識。甲午日朝事棘。煦亟乞休。左右諮其故。曰。吾恐日人窺三晉。曰。中尙隔直隸。何便。及晉。曰。洋兵駕火車。日馳二千里。苟入榆關。兩日至太原矣。蓋不知火車有軌道。以爲猶飛艇之類。其味若此。

倪文蔚

字豹岑。望江人。以甲科主事。從曾國藩戎幕。官至巡撫。歷河南廣西東等省。學問淹雅。通經治今文。尙書儷體。學初唐。猶之毛大。可詩亦雋逸。爲政一循故事。無所短長。而負氣不爲人下。至汴。欲調宋慶軍治盜。慶弗應。文蔚牒李鴻章曰。豫省歲協濟宋軍餉五十萬。豈今其士飽馬騰。徒爲北洋壯觀。瞻耶。及官廣東。張之洞方作督事。皆專決。視巡撫若屬吏。文蔚不能堪。恆於廣坐中抗顏斥之。且曰。論官吾敵。體論學則若之。以抄纂爲博。洽勦襲爲創。獲亦吾之所不取。蓋之洞輜軒語。多襲江藩經學入門也。之洞忸怩。遂密疏訾其短。文蔚竟開缺。

李鶴年

鶴年起翰林。有雅望。外任封疆。適當寇亂。頻以軍事獲咎。然善逢迎。事奕訢。

謙終賴爲保全。數任河南巡撫。擢閩浙總督。卒于官。初至汴。頗拔才俊。所向有功。而實恆怯。始終不敢臨前敵。後捻平。奕訢擬獎以太子少保銜。而鴻章捷疏叙戰績。鶴年初未出。開封一步。孝欽尼之。僅閉復。歷次處分。能長外交。在閩日。爭鼓浪嶼界。阻英人於南台。設工廠。所論皆中。覈要外人。亦傾服之。好諷刺。嘗過保定。李鴻章留飲。酒酣。鴻章笑曰。吾二人可稱南李北李。鶴年曰。不然。公御園李。若鶴年。井上李耳。蓋用蔡君謨語。而其時京師倡有名御園李者。鴻章弗省。後爲寶釐。聞頗笑。鶴年輕薄云。字子利。奉天人。

劉樹棠

字景韓。故滇人。其服官則稱皖宣城籍。以軍功起家。官道員。李鴻章調歸北洋差遣。歷官至河南巡撫。移浙江。庚子以衢州教案革職。永不叙用。樹棠雖早入仕籍。而好學。嘗從湘綺先生問故。亦頗談經濟。然淺狹。撫河南日。嘗以

爭委釐稅權限。不憚藩司額勒精額。遽以納妾事劾之。德宗斥其不知大體。雖薦自鴻章而不盡奉其指揮。乙未疏主戰。鴻章覽之曰。景韓亦逐人後難我耶。

余蔭霖

蔭霖以翰林外官山西知府。清剛勤果。不畏強禦。張之洞薦其能。數擢至藩司。以越職言事弗實。褫職。甲午戰事棘。以剛毅薦。特起爲福建藩司。擢湖北巡撫。至劾貪酷吏三十餘人。之洞久任湖廣。鄂中吏治不修。至是貪吏始少。之有戒心。已而移河南。時蔭霖已老。耄且素驕。雖嫉惡而舉錯輒乖。誤外人以河北教案亦疑蔭霖。頑固。李鴻章言於朝。遂開缺。予嘗以年家子謁於武昌。寒暄旣突。曰。似聞子亦師康有爲者。少年入歧途。誠可惜。予辨其誤。曰。有爲不當主四川書院耶。予曰。此乃湘潭王壬秋。非南海康有爲也。蔭霖始

悟亦自笑其老悖。

丁日昌

字禹生。番禺人。以牧令起家。受知曾國藩。拔至道員。歷官終江蘇巡撫。日昌慷慨敢任。事操守。耿介嫉惡。若仇。當官課吏治。嚴緝捕釐度支。唯外交主和平。頗附李鴻章。國藩之建船造器。日昌贊助之力爲多。歿之日。藏書萬卷。家無餘資。當同治間。世有疑日昌奉天主教者。亦笑不辨。尤惡淫書。禁之甚力。而終弗能絕。

吳元炳

固始人。以甲科外任監司。官至江蘇巡撫。明敏通達。初從李鴻章。好談洋務。多讀瀛寰誌略之屬。每有問。輒詳答。鴻章稱其淹博。繼爲沈葆楨屬。頗勵操行。清望著。一時迨葆楨歿。竟通賄賂。有皖人行賂五千金。令權南匯。未幾以

車。撤任其人。向索賄。世始知其貪云。

陸元鼎

以庶吉士館散館江蘇。調上海縣知縣。聽訟明決。遇外交。尤持正論。民用大說。薦擢至江蘇巡撫。已衰老。且謹飭。非封疆才。以上海英租界罷市事。周馥密警其拘囿。遂開缺。後以三品京堂用。籌備資政院事。以開缺巡撫。爲三品京堂。實降官。王文韶欲爲營侍郎。元鼎謝之。會卒。

恩壽

以繙譯進士官曹郎。選嘉定府知府。調成都。唯日縱酒狎優。後以女妻。載振奕勳。援之。數歲遷江蘇巡撫。適族兄景星以福州將軍乞病。厲吳門。壽日往問疾。竟通其妾。近世小說已多載之者。又所蓄犬亡。以軍令飭中軍參將覓之。南人大譁。乃移漕督。旋調山西。再調陝西。壽家本貧。歷官皆瘠苦。遂益索

賄鬻官。在陝日。上中下缺。皆有定價。王廷佐許重賂。調長安。而金竟不至。壽促之。謂再延宕。行以白簡從事。無何。衙參廷佐。前啓曰。職以資勞。調首色質。苦賂累。而人謂爲行賄。且謂長官將見劾。誠所不喻。時多官在座。壽無如何。轉以溫語諭之。乃已。又一婢已妻材官馬玉田。壽復私之一夕。材官張某妻飯於馬所。壽適至。見其有姿首。將並污之。張驚呼。衆集。壽遁去。越日爲衆所聞。藩司許涵度面斥爲衣冠禽獸。壽遂假阻撓新政。劾罷涵度。然以佻謬爲屬官所輕。亦不自安。疏乞休。載灃慰留之。屢請乃開缺去。未幾革命事起。竟免於難。惡其妻禁之幽室。憤死。字益堂。滿洲人。

譚鈞培

鈞培。世之酷吏也。以翰林外官江蘇知府。歷知蘇常江寧諸府。時微服出巡。尤惡倡博。並以重法繩之。髮亂初定。請禁妓船。曾國藩出觀於秦淮。則畫舫

盈河喜曰。不圖復見太平景象。鈞培議竟罷。後擢至江蘇巡撫。曾國荃疏言其操切移雲南。卒於官。鈞培儉樸廉潔而偏執喜用鄉人在滇日。諸子少少通賄賂。皆知府陳燦爲介。字序初。鎮遠人。

劉郁膏

以上海縣知縣。歷官至江蘇巡撫。其任知縣廉惠果決。民愛若父母。至今滬人祀之。然官蘇藩司時頗阻撓減糧事。是非真能愛民者矣。馮桂芬惡之。媿之。盧杞云。

英翰

字西林。滿洲人。以知州官安徽。權亳州牧。以禽張洛彤功。擢道員。後晉安徽巡撫。太子少保。遷閩浙總督。翰開爽明敏。善折獄。雖官封疆。猶時鞠訟。偶微服遊安慶市。上一縞衣婦倚門位。頗含蕩意。叩其鄰曰。是新寡者。問其夫死。

何病衆笑。謝不知。益疑。後探得死者楊姓。設肆蕪湖。今歸。以暴疾亡。翰乃以人僞爲自蕪來。弔者媿媿問病狀。故與婦閔。謂其殺夫。將扭控之。官請檢驗。婦竟脫金脫條爲賄。屬勿言。立命役禽之一訊。而服蓋所私。則縣役呂貴鄰家畏其勢。故不敢言。遂並置於法。翰幕中多才士。金國梁。史念祖。周炳等皆其僚佐也。

陳啓泰

字伯平。長沙人。以翰林官臺諫。嘗以賄不入。劾滇省報銷案。至罷。內外多官有聲於時。外任直隸知府。雲南道員。擢至江蘇巡撫。爲屬官蔡乃煌所詆劾。之不能去。憤卒。啓泰從政無他能。每接客必詳詢其先世。有何顯官。媿媿不已。在滇日。一吏目董姓者請謁。詢以董誥董邦達。豈子遠祖耶。董對職蜀人。文恭文達皆浙籍。非同族。然啓泰猶舉多人。詰之。董若其煩。卽曰。漢時有董。

賢。董。卓。皆。官。三。公。借。非。正。人。不。敢。附。爲。華。胄。猶。之。長。官。亦。不。能。自。承。爲。陳。恆。後。裔。也。啓。泰。第。怒。之。目。而。已。

沈秉成

字仲復。歸安人。以翰林外官監司。授蘇松太道。遷廣西巡撫。移安徽。攝兩江總督。以臺諫劾罷去。秉成好道。書自言。先世爲一鶴。喜扶乩。當官。鹿鹿。務聯絡巨室。時皖籍多大吏。遇廬江合肥各令。晉謁必諄諄。以和巽爲訓。蓋恐得罪。世族也。孫葆田不從。鴻章猶子。懋軒有罪。縛治之。秉成大駭。假事劾罷。其無風骨。若此。歿後甚富。蘇湖皆設質庫。在桂日。頗教民紡織種桑。是其善政。

王之春

之春。舊爲彭玉麟啓事吏。以其貌厚重。令從軍事。拔至道員。甲申法越之戰。之春聯鄭官應。將往說暹羅夾攻法。未及行。留總玉麟營務。防欽連。授廣東

督糧道。屢擢至藩司。獲兩廣總督。移湖北四川藩司。充出使俄國大臣。安徽廣西巡撫。以游匪亂爲桂霖岑春煊劾罷去。之春嘗倩桂人潘乃光著通商始末記。使俄草諸書。當時謂其通洋務而實闇昧。無一能。惟日演劇狎優。厯官皆膏腴。以銀十萬贖榮祿。故剛毅屢譖之不能動。其由皖撫開缺。客京師。已踰六十矣。猶日走倡僚。人皆笑之。字芍棠。衡山人。

鄧華熙

字小赤。南海人。起甲科。官大理府知府。調雲貴。岑毓英初起頗貧。其子弟羣從。皆華熙資助之。遂結契若通家。密薦其賢。擢至安徽巡撫。調貴州山西。乞休歸。及歿。已逾九十矣。華熙寬厚。官皖日。時督撫多務彈劾。獨無所甄別。左右勸之曰。我自問才德不能過人。若劾人必先劾己。雖其言不達。治體而視。恩壽李經羲之流。有誠僞之別矣。在粵籍。見岑春煊彈劾疏。至數百人。笑曰。

是真官屠。

恩銘

字新甫。以部曹外任監司。擢至兩淮鹽運使。安徽巡撫。爲徐錫麟擊死。贈總督諡忠愍。銘嗜煙和平。當時旂員中。有開通號。或謂其少好騎獵。嘗夢一麻衣媪告曰。若傷吾子孫多。吾竢若三十年。亦以是報汝。視之獵時所用火槍也。後竟歿於錫麟手槍。然語實無稽。特銘服官。因賴其友崇勳力。勳卒。其子往索逋。銘惡之。竟絕往還。衆頗詆其負友。端方謂錫麟受銘知。而擊之。其負銘猶銘之負勳。亦天道也。或信然。與。

喬松年

字鶴儕。晉人。以庶吉士散館。爲部曹。有博雅名。蓋祁篤藻弟子也。累官至漕運總督。安徽巡撫。東河河道總督。當捻事棘。松年駐淮上。莫能籌一策。賴湘。

軍力寇不敢窺。頻爲言官及鄰封所論。孝欽卒原之。蓋松年夙爲奕訢友。多酬唱。故得其內援。及丁寶楨治河。侯家林松年適任東河。竟置不問。且戒河官勿干預。寶楨劾之。朝旨爲兩解。亦訢力也。家固富。居官日深。居簡出。時花養魚所處。精潔無纖塵。治饌皆京師名廚。然非至契。不能與其謙飲。公牘至。輒蹙額曰。此猶僧道符籙。明知無用。姑習之而已。

德馨

馨以浙江臬司受知彭玉麟。薦擢江西巡撫。廣通賄賂。畜家伶。其衣飾皆屬吏所獻壽日。適日侵遼左。而馨不顧。以兵輪載滬上。優伶至南昌演劇。而月所收貨貝珍異。值五十萬。爲台諫所劾。張之洞察覆得實。德宗將戍之。軍台賴世鐸救。僅褫職。戊戌政變。復賁緣榮祿。起爲某地副部統。遽卒。傳其寵妾多穢行。所私則其嬖童也。一日馨適遇之。憤極一蹶。遂殂。

馮汝駉

字星岩。河南人。以甲科官部曹。充軍機章京。爲袁世凱姻家。由大順廣道。數遷至浙江巡撫。前官爲張曾敷頗裁陋規。革門包。汝駉笑其沽名盡復之。移江西。辛亥鄂中革命軍作。南昌勢將踵起。藩司劉春霖進曰。吾曹受國厚恩。必以身殉。有逃者衆。殛之。汝駉曰。諾。迨事起。尙欲出匿。一材官啓曰。聞革軍方搜殺諸官。恐不可免。遂自盡。而春霖卒逃。雖薦自世凱。而汝駉實守舊。嘗告人立憲救國之效。緩而亡國之速。效速又曰。議院搗亂。離衆叛。對客驕倨。屬官唐某面詆之。卒不能改。

譚繼洵

嗣同父也。由翰林外任甘肅道員。譚鐘麟薦於左宗棠。屢保。遂擢疆寄。任湖北巡撫。適張之洞作督。事多專決。繼洵不敢與抗。謹飭自保而已。間亦委任。

鄉人。或私親。故舊。在任十年。吏治益壞。素寵妾。嗣同以適出。固不得。父驩。戊戌初變法。繼洵不敢附從。每之洞約。聯銜條陳新政。皆謝不敏。及嗣同晉卿銜。值軍機。始知言新政。遷官之速。乃爲疏舉。未育仁等使才。奏入。已政變。坐嗣同父裁缺。竟不復詔。憂懼歿於家。字信甫。瀏陽人。

嚴樹森

字渭春。新繁人。以進士。計令受知胡林翼。薦擢湖北藩司。歷湖北河南廣西巡撫。樹森綜覈精詳。勤政愛士。閭敬銘。卽其所薦。初起潔身自好。故林翼絕愛重之。後任疆圻。頗納賄賂。晚節不終。士論惜焉。然直果敢言。任事亦不避艱險。每令按事。皆直陳其是非。不代同僚覆掩也。以是爲人所惡。屢起屢蹶。自桂還里。自書門聯曰。兩朝寵眷。三持節。五嶺歸來。再讀書。鄉人輕薄者。易持節。爲革職。讀書爲買田焉。

吳大澂

大澂官翰林日數上封章論時事。猶好金石探討。訓故書法亦道。麗文采風流。焜耀一時。潘祖蔭翁同龢交稱其賢。屢遷至副都御史。庚辰以伊犁議約。俄事棘。出治軍吉林。甲申法越禍作。會辦北洋軍務。駐天津。已而出爲湖南巡撫。益著書畫碑版泉幣鍾鼎之屬。甲午日寇朝鮮。自請督師赴前敵。德宗壯其志。授幫辦北洋軍務。所傳檄有云。迨彼軍三戰三北之時。本大臣自有七縱七擒之計。贊我幕者。則曾廣鈞黃自元之流。皆湘中文士。前部方及田莊台。遽與敵遇。甫交綏。卽奔潰。大澂乘騾車馳至溝幫子。魂始定。輜重盡爲敵有。自劾。部議革職。加恩改爲革職留任。已而令還湘任。朝旨謂大澂以現任巡撫。自請從戎。舍難就易。故仍令回任。以示朝廷賞罰之公。蓋同龢力然。言官猶爭起彈之。始開缺。己亥拉后追思同龢罪。並及大澂。謂其誇詐無恥。

居心難問。革職永不叙用。交地方官嚴加管束。後卒於家。后久欲以失律罪誅之。賴榮祿救得免。蓋大激袁世凱姻家。世凱爲解於碌也。字清卿。吳人。

陳寶箴

寶箴少負志節。好爲古文詞。爲曾國藩所器。以舉人歷仕。至直隸藩司。擢湖南巡撫。時撫幕任某者。久攬權樹黨。至卽重治之。直藩王廉電爲營救。並以。上聞。廉亦罷命。按史念祖參案盡發。念祖任用非人。事權旁落。諸狀念祖遂褫職。自是直聲大著。時政府方講求富強策。寶箴于湘中行新政。尤力其同官學政。江標。徐仁鑄。臬司黃遵憲。並通達敢任事。於是立保衛局。聘梁啟超。主湘學。而荐紳王先謙。葉德輝等。尼之。謠誣紛乘。德宗乃特詔以褒寶箴。張之洞條陳新法。皆與寶箴聯銜。鄂撫不與也。未幾政變。並其子主事三立。均革職。永不叙用。卒于家。寶箴忠愛憂時。而操行廉峻。清末所罕見。卒因阨以。

死。字佑民。義寧人。三立自有傳。

俞廉三

字屢軒。山陰人。以縣佐官分山西。工楷書。善治公牘。歷爲巡撫幕僚。張之洞尤親之。荐拔至冀寧道。三遷授湖南巡撫。移山西。未至。乞病去。起爲倉場侍郎。國變。卒于家。廉三起俗吏。和平謹慎。當官無所建樹。而潔身自好。不取非義。接士以誠。不持儀節。官倉場日。輒步至廠肆。流覽書畫。藏畫甚多。端方以其有同好。過從漸密。而廉三恆遠之。左右請故曰。是皆假金石書畫求聲聞。通賄賂者。吾則衰年事任簡。藉此悅目怡情。好雖同。而所好則不同也。况若固若巧取豪奪。與近必無幸人服。爲知言。

劉岷

字韞齋。景東人。起翰林官。至湖南巡撫。曾國荃師也。內用爲侍郎。坐肅順黨

革職永不叙用。然崑直實初不阿順。唯言垂簾非家法。嘗御史董元醇不當妄論。周祖培告奕訢曰。是順悍黨。遂罷。

王有齡

有齡受知何桂清。以一鹽大使。十歲間官至疆圻。年方四十也。負才氣。工結納。官杭州府知府。日凡長官諮浙中利病。答無不詳。下至某邑地丁若干。漕米若干。民若干。戶訟訴若干。件皆條舉。無譌。人莫不稱其才。而智術自矜。頗奢。縱驕。妄任蘇藩。視巡撫徐有壬蔑如也。遷浙撫。城爲髮軍所陷。自經死。謚壯愍。後有訾其防守疎乖。請撤銷卹典者。不果行。有齡好結才士。蓄聲伎。城圍急。尙置酒會幕。客令家伶奏崑曲。酒酣自起。搬張巡。嬰士劇。聲情激越。坐客皆失色。翌日城陷。

王凱泰

字補帆。吳人。以翰林外官道員。擢福建巡撫。光緒初。日人假土番戕其商民。窺臺灣。凱泰自請率兵渡澎湖備日。朝旨壯之。既至臺。日事解。卽秘疏言臺孤懸海外。爲南洋屏蔽。宜早經營規畫。駐重兵防守。庶免爲人窺伺。拉后睦之。方令其暫駐臺籌備善後。遽以中瘴卒。遺疏聞。謚文勤。贈太子少保。凱泰。恂恂書生。而慷慨敢任事。喜談經濟。然亦易爲人欺。撫閩日。幕客有通醫者。貧甚。乃乞他人言於凱泰曰。今庸妄子。無職業。輒托醫爲活。實草菅生命。閩爲尤甚。曷官爲考試而汰其不及格者。凱泰曰。善。借己不知醫。孰爲校試。曰。今幕中某君。非熟讀仲景書者乎。凱泰大稱善。如法行之。幕客則已預伏線索。廣通賄賂。所得逾萬圓。辭館去。而閩人則詆凱泰貪。予聞諸曲園。其姻家也。

張兆棟

兆棟自知府官至福建巡撫。當法師燬馬尾船廠。省會戒嚴。總督何璟以巨砲布官署。自衛兆棟與爭。砲不可得。微服懷金逃。值通判某甲于途中。固素被辱於兆棟者。將執而鳴。諸衆角崩求饒。不聽。盡獻。懷金亦不聽。方爭持間。有邏卒過其旁。見金疑爲盜。並繫之。說以故而卒。閩人弗解也。牽以面其長。乃識爲巡撫。亟解縛。請罪。兆棟曰。爾卒若此。非正法不足示警。甲攘臂上曰。汝以疆吏私逃。朝廷方將殺汝。汝欲殺誰者。直前毆之。羣卒皆和。復逃爲寺僧所留。數日事定。復出任事。驕如故。望日拈香文昌廟。方屬臬司嚴治。造謠誣己爲逃者。一材官進與耳語。竟垂涕默默去。衆不解。後始知所報者乃革職電。

劉銘傳

皖人。談銘傳者。若其志節。事功。幾在李鴻章上。予聞而信之。及游臺灣。歸始

少。少。疑。更。訪。之。武。人。曾。與。髮。捻。戰。事。者。然。後。知。銘。傳。特。一。貪。忌。宵。人。第。富。胆。勇。耳。其。洛。河。之。戰。誤。時。陷。軍。冒。功。薛。福。成。庸。查。筆。記。言。之。頗。詳。薛。固。李。黨。非。仇。劉。者。說。當。可。信。禦。寇。山。東。日。以。其。黨。潘。鼎。新。爲。丁。寶。楨。所。劾。下。令。所。部。凡。魯。軍。敗。弗。得。救。其。不。顧。大。局。至。若。至。至。臺。灣。治。績。則。赴。任。後。南。洋。三。百。餘。萬。協。濟。之。款。九。年。間。全。臺。徵。入。之。帑。僅。造。成。不。及。百。里。鐵。道。一。而。其。私。家。之。富。在。皖。北。僅。亞。於。鴻。章。取。予。之。道。更。可。知。矣。近。世。稗。官。家。頗。紀。其。事。類。非。信。史。中。歲。忽。能。文。有。詩。文。奏。議。集。雖。淺。率。而。出。諸。武。人。固。亦。不。易。歿。諡。壯。肅。男。爵。字。省。三。合。肥。人。

邵友濂

字筱村。杭州人。嘗隨曾紀澤使節至英俄。薦擢道員。歷官至臺灣巡撫。乙未。命偕張蔭桓行成於日。日人拒之。移湖南未至任。乞休歸卒。友濂精密爲紀。

澤所稱。而實無才。官台灣日。頗受制武弁。故台防軍士之驕。爲各省所未有。一夕方演劇。晏客突有人登台。摔一伶下。亟問此何人。左右對曰。省防某領統子也。伶爲所墮。而中道事他人。久欲殺之。不可得。令聞在此。特摔之。去不取。汚撫署地也。友濂默然。越日是伶死。通衢間。身分爲五矣。予在台日。聞諸胡緝之。蓋所目睹也。

唐景崧

字徵卿。桂林人。以進士授吏部主事。法越變作。自請出關。招致劉永福。永福果內附。晉五品卿銜。爲張之洞所薦。官至台灣藩司。乙未割台。和日。景崧被推爲台灣獨立國大總統。建藍地虎旗。仍奉清正朔。時台南北。永福與景崧分守之。永福知兵。籌防務甚備。景崧特能爲大言。茫無所措手。以時官吏逃避。爲民所遮。防營至。彈壓戕其管帶兵民。既相仇。撫標兵又與城防兵相仇。

秩序大亂。景崧先遁去。時立國方七日。有人賂以詩曰。可憐後庭。妾七日。學宮粧。謔而虐矣。景崧至滬。頗向人道。南洋許援弗至。至潰敗之洞。方攝兩江。聞而惡之。密電言其狂謬。遂不復召用。當官不通賄賂。且奢靡。歸之日。僅足自給。乃起園。建歌樓。日演劇。譙客衆。驚其富。粵人聞之多假以資。晚歲益豪。縱庚子聞北亂作。至滬。或謂爲康有爲所使。謀富有票事。是不可知。未幾卒。故學部尙書景崇昆弟也。而一端謹。一放誕。絕不相侔。景崇字春卿。清長學部。入民國卒。

蔣益澧

益澧從劉長佑軍。征髮。改隸左宗棠。積功至巡撫。歷浙江廣東廣西等省。同治間。彊吏大半。湘人皆起。自軍功而率不修。吏治獨益澧廉明。果決。課吏愛士。師胡林翼。遴鄉士之樸誠者。予以厚資。令微服赴郡縣。密考牧令政績。復

察得實即甄別之。沈勇皆遣歸。願留浙者給以資。使爲虞漁。或諸工藝。故一時浙境寧謐。及去。虧公帑至二十餘萬。浙民集資補之。蓋胥爲公用。而部吏持長短。不准報銷者也。至粵。瑞麟方作督。贓私狼籍。益澧將劾之。爲幕客山陰沈某所洩。麟乃先彈益澧。恣縱拉后。微時嘗得麟資助。深德之。竟罷益澧。後起爲廣西巡撫。行卒。身後蕭然。浙粵人皆致重贈。蓋遺愛入人深也。

馬丕瑤

字玉山。安陽人。編修授山西知府。馭吏嚴切。張之洞薦其廉公。擢封疆。歷廣西、貴州等省。甲午授廣東巡撫。受事未久。卒於官。或謂丕瑤志在禁賭。賭商餌以重賄。不納。懼而行。昧庖人進毒。以斃之。云。又聞之。俞戾軒謂丕瑤好名。而實多慾。撫廣西。日將劾梧州守事洩。適出校。旂過其地。守飾姜女二爲童。廝進之。果得丕瑤寵事以解。然其不事權貴。晚近固不易賭。方撫粵。知府蔭

銜將世鐸榮祿手書乞潮州丕瑤召之至。扯原書燒之。而以干進資緣。罔顧廉恥。劾銜落職。以藩司入覲。孫毓汶置酒招之。不赴。曰。吾不能具犒。從費也。剛耿若此。子吉樟。以翰林外任監司。擢湖北臬司。革命事作。朝衣冠坐堂上。將俟敵至。罵之。乃殉。坐竟日。殊無人過。問氣餒。遂還汴。今仍家居。官京曹日。好彈劾。嘗疏參載振。唐紹儀。陳昭常諸人。

許振禕

字仙屏。鉛山人。曾國藩弟子。嘗參其戎幕。後入翰林。爲陝西學政。置味經書院。以古學課士。外官監司。辛巳。汴河決。特授河道總督。至屏。驕從。親巡各工。盡革中飽。奏定整頓章程二十條。未幾工就。德宗詔書褒之。再叙菱防勞。晉太子少保。乙未。代馬丕瑤爲廣東巡撫。以病。發。從政漸怠。後告歸。歿於家。同光間。河臣多庸。庸獨振禕以勤廉著。工爲制舉文。才氣橫溢。旣從國藩。少少

習古文詞。而間參排偶。同學者笑其近俗。然如壬辰豫工紀事碑之類。雄健奔放。實非桐城諸家所有。固傑作也。

張聯桂

聯桂以太常博士。選廣西同知。歷官至巡撫。不出一省。光緒甲午始稱疾歸。字丹叔。丹徒人。以諸生納粟爲京曹。工吟咏。有句曰。淚如秋雨絲。絲密愁似春潮夜。夜生爲一粵人所賞。遂訂交。助資乃改外吏。善折獄。鈎距甚奇。循聲大著。陟監司。聯桂好滑稽。和易。近人邊蠻皆感之。爲建生祠。多所上官。聞益稱其賢。數保。遂綰疆寄。後亦循職。無所舍施。或謂其守不潔。歸後頗富。然翻言不足信也。

潘鼎新

以貢生從李鴻章軍。征髮捻。擢至藩司。爲人貪刻。猜忌。以冒功數爲下賢。積

所劾。疑出魯將王心安揭。屢以瑣事譖心安於鴻章。幾陷大辟。賴寶楨疏救。始得免。同治九年。所部隨鴻章駐津。置烟肆。倡寮人稱潘家窰。云。光緒初任湖南巡撫。至之日。諮藩司皖籍服官湘省。聞居者若干人。藩司不能對。鼎新怫然曰。吾皖人。大有功於國。不可忽視也。踰月。遂盡得位置。法人假越事寇邊。徐廷旭以退守拿問。移撫廣西。朝旨催促。乃赴鎮南關提督馮子材入謁。視若屬官。子材曰。吾會辦江南軍務。曾侯以敵體處我。若何人敢爾。第今方禦敵。我亦不與若計。特對他人。勿然。鼎新亦不知。慙日責屬吏。供應而已。無何。楊玉科戰歿。教民焚龍州。大駭。踉蹌遁。至南寧。彭玉麟張之洞會劾之。罷去。李鴻章尙疏薦其才。兼文武。廉正公忠。孝欽不納。竟卒于家。弟貽新官四川彭縣知縣。貪鄙慳嗇。值縣試。前列者多以賄得。瞿鴻禨方督學。廉得其實。將劾之。爲劉秉璋所尼。後罷官去。之日。民爭以穢物逐之。

柯逢時

逢時官翰林日。並張仲忻、高燮、曾等稱鄂籍端人。嘗任陝西學政。外任雲南迤南道。未之官。遷兩淮鹽運司。再遷。遂爲江西巡撫。工心計。善揣摩。上意多參劾屬吏。條舉新政。有能名。遊匪事棘。移廣西巡撫。時岑春煊以桂人督兩粵。治寇。西省用吏。皆專決。侵撫臣權。逢時不能堪。聞春煊演劇。卽以時值用。兵宜禁。戲劇勒諸伶。還春煊益銜之。密疏言其執拗不達軍情。開缺去。未幾授侍郎。爲八省膏捐督辦。大臣駐漢口。凡川滇黔湘等省。權煙員皆所委任。歲得公費羨餘甚巨。竟以致富。湘綺老人戲爲聯貽之曰。逢君之惡。罪不容於死。時日曷喪。予及汝偕亡。額曰。伐柯伐柯。逢時大憤。而無如何。入民國乃歿。字遜齋。武昌人。

馮譽驥

字展雲。粵人。以翰林起家。歷廣西等省學政。擢至巡撫。才思橫溢。決事明敏。而好賄。凡有以古書畫進者。則酬以差缺。鑒別精膺者。莫能欺也。嘗有一州判貢李東陽。隸書冊頁文徵明。空山兩齋卷。大喜。立令權某縣丞已而覺其紙絹僞。進其人詰之。踞對曰。實已所爲。今既不能逃法。鑒敢請死。譽驥大笑。掖之起曰。子有此才。曷弗早言。遂假案保之。擢知縣。

蔣志章

志章。歿于陝西。巡撫任貧。無以爲斂。僚友賻之。始得還葬。江西諡文恪。贈太子少保。初以編修授知府。羣從有喜色。志章戒之曰。若曹以爲外官富。故喜不知。亦視人何如耳。後官四川藩司。至之日。行李蕭條。從者僅三人。駱秉章任總督。壹志軍事。吏治皆倚志章。將軍崇實嘗以私人屬託。志章謝之曰。今方需材。有一長者必用之。勿俟公屬。今以公屬知爲私人。此中介介。轉不能。

界以事矣。實歎曰：蜀有二章，何憂賊乎？而太寬貪酷者，往往幸脫法網，人亦以是訾之。然其清則非人所及矣。

張凱嵩

字鉞卿，江夏人。以甲科自牧，令起家。授廣西巡撫，雲貴總督。時回渠杜文秀方距大理，昆明岌岌。凱嵩延不敢赴，爲臺諫所劾，褫職。光緒初，授四川臬司。遷雲南巡撫。凱嵩儀容偉麗，工語言，而守不能潔。凡屬僚經其委用者，後必假事稱貸，如索逋然。時稱爲張朝奉。子仲忻，自有傳。

杜瑞聯

晉人。以翰林外官監司，擢四川臬司，雲南藩司，雲南巡撫。好書畫古玩，尤急賄賂。京師賈杜雨田，數出入瑞聯家，已老矣。忽得密藏，納知縣。分河南餽，巨金乞贖。瑞徵箋致汴藩曰：此堂叔，敢斬青睞，竟得權扶溝。時稱三千金買一

叔撫滇日僚友獻金皆藏大理石屏中進之去日棄石塞官廨

徐之銘

黔人。久官雲南。擢至巡撫。時回氣熾。而中原亦阻兵。之銘乃陰通款。杜文秀授南詔公藩司。鄧爾恆知狀。會擢陝撫。告人曰。吾必暴之。銘非於朝聞而大懼。嗾回弁殺之。曲靖道中總督潘鐸悟其奸。亦嗾參將馬榮戕於五華書院。阿奉回教教主也馬德榮入城。朝服迓之。適岑毓英馬如龍反正。將以兵迎總督。劉昭獄於四川。之銘以毓英已所薦。拔叩之曰。劉至。何以處我。毓英曰。吾知奉法而已。大駭。仰藥死。

裕祥

字吉臣。包衣旗人。以甲科任部曹。外官陝西道員。擢甘肅臬司。時河州回亂。作總督楊昌濬左右將弁多通回。祥諫不能去。自約藩司至督署。按名逐之。

蘭州得安。擢雲南藩司。遷巡撫。戊戌。裁缺。授成都將軍。至之日。布衣乘二人輿。人不知爲將軍也。不直王之春所爲。而尼於奎俊。不能劾。三疏乞休去。家於陝。帝后西巡。聞上闕衣飾。進貂褂狐裘。榮祿告曰。慈聖以子忠行顯擢矣。辭之曰。吾豈以是求進耶。竟避去。後歿於同州。祥短小安詳。與人言若恐傷而操行堅卓。志尤恬退。有君子風。

黃槐森

字植庭。香山人。少貧。美丰儀。館鄉人唐氏所。唐婦新寡。慕槐森英俊。數遺婢致殷勤。拒之一夕。婦自來。就啓戶。逃去。婦詈曰。是真無情鬼耳。會鄉試。衆扶扈叩孰得雋。判曰。中無情鬼。衆不解。已而槐森獨捷。唐僕洩其事。人乃知之。值寇亂。方試粵垣。其妻負姑匿水竇中。得免。故終身敬其妻。妻固禿悍甚。後頗通賄賂。不敢制也。官臺諫日數。上封章而皆腐儒論。外官大廣順道。母喪。

服闋。授川北道。歷雲南貴州藩臬。雲南廣西巡撫。柔懦。因循。卒釀桂亂。岑春煊、馮仁錫聯疏劾之。罷去。卒於家。

曾蘇

旗人。以進士。歷曹部外官監司。蘇嘗告人。例案者。禁人不法。而實驅人舞弊者也。故不責屬官。以文法。戊戌政變。簡鄂撫。蘇適條陳新政。中請廢跪拜。拉后大怒。將重懲之。賴榮祿解。革職。永不叙用。

韓超

昌黎人。以知縣發黔。數治團練禦寇。擢至巡撫。張之洞其弟子也。超廉毅。喜談經濟。而木強。好與人。迂言官。爭劾之。罷去。左右曰。公數摧敵。今言者謂老師無功。曷弗自辨。曰。卽辨明。亦不過爲巡撫。何有於我。行歿。諡靖毅。

曾璧光

字樞垣。洪雅人。以拔貢官訓導。後成進士。入翰林。值上書房。授奔訢。讀督貴州學政。任未滿。授安順府知府。數率鄉兵禦寇有功。擢至巡撫。黔亂平。晉太子少保。騎都尉。世職。卒。贈太子太保。諡文誠。壁光儉樸。誠懇軍事。非所長。而卒。雍黔亂。蓋其勤廉。爲諸將所推服。又好獎拔人。每騰捷疏。附保者恆數百人。四方之士皆趨之。蜀人尤爭投黔軍。時稱爲川主。蜀俗奉二郎神。號曰川主也。

黎培敬

培敬以學政蒞黔。擢至巡撫。繼壁光。後樸城亦與相似。唯嘗直則非壁光所及。字簡堂。湘潭人。以言事罷黔撫。授四川臬司。時丁寶楨督蜀。值積疲。後課吏嚴。羣詫其不近人情。司道官皆阻撓之。培敬至。廉類寶楨。方謹。且過。至是德乃不孤。以巡撫降官。絕無愠意。孜孜治事。寶楨密游其賢。擢漕運總督。移

江蘇巡撫卒於官。諡文簡。子承禮。以進士官崇寧縣知縣。廉惠有父風。

王毓藻

字魯薌。黃岡人。進士。由部曹授廣東督糧道。官至貴州巡撫。毓藻色厲內荏。爲剛毅所賞。接屬僚頗驕倨。好用鄉人。輿夫長其族。叔也。官吏奉差委者。瀕去則以帚代掃。所乘輿。知旨者亟前稱謝。餽以白金八兩。否則阻不令行。曰。若長官乃我姪。若敢輕我。鹿傳霖聞以詰。毓藻大慙沮。退欲遣其人還鄂。懟甚。曰。爾初貧。我方負販。頻以資助。讀乃有今日。何便見遣。毓藻無如何。鄉人黃道榮以八百金畀之。乃已。其官廨左右屋皆屬楚人。書楚北某某寓者。比比然也。撫黔日苦其瘠。聞拉后有排外意。乃書告剛毅。粵人多通洋。已官粵久。知其底蘊。苟任粵事。康梁何足道。毅得書大喜。告諸樞臣。曰。吾今得人。制奸臣。奸民矣。奸臣指鴻章。時方督粵。奸民謂有爲也。榮祿笑問何人。對以毓

藻。祿。急。告。李。蓮。英。蓮。英。告。后。曰。聞。毅。納。統。重。金。將。爲。營。粵。后。不。信。翌。日。召。見。毅。果。申。是。請。后。喝。令。退。毅。不。解。其。故。數。日。駭。懼。弗。能。食。統。藻。歿。其。子。以。道。員。報。効。銀。六。萬。得。一。儘。先。補。用。傳。霖。所。爲。也。

嵩崑

崑。善。飲。精。音。律。官。山。西。臬。司。日。剛。毅。作。撫。方。置。課。吏。館。課。吏。一。日。告。崑。曰。子。陳。臬。事。律。例。所。專。司。宜。法。醫。者。湯。頭。歌。訣。之。類。編。律。爲。歌。以。便。諸。官。諷。習。崑。退。告。刑。席。屬。撰。謝。不。諳。韻。誠。以。屬。記。室。某。某。取。律。目。奮。筆。爲。之。記。其。中。有。良。賤。相。姦。月。二。更。失。火。空。濛。月。滿。庭。文。不。封。公。老。不。侯。語。蓋。以。律。目。有。良。賤。相。姦。失。火。文。官。不。得。封。公。侯。諸。類。而。以。詩。詞。恆。用。字。附。益。之。崑。以。陳。毅。竟。刊。發。館。員。讀。其。顛。蒙。至。若。此。後。官。貴。州。巡。撫。以。建。池。館。爲。臺。諫。効。罷。起。爲。伯。都。納。副。都。統。行。卒。

潘蔚

蔚光緒初官貴州巡撫屬僚進謁必曰存好心做好人每刑人必素食一教職投見見蔚吸菸遽出所攜菸筒蔚笑爲送火未嘗有愠色以仁柔政多廢弛罷歸精鑒別藏書畫甚富予於鄉人景氏所見之。

劉錦棠

提督松山猶子也。以松山死於賊誓復仇。遂從左宗棠軍。率卒千五百人戰涼州。破回三萬。復其城。宗棠驚曰。此飛將也。令盡領松山所部。稱老湘營。西郵肅清。以功授男爵。三品京堂。未幾除新疆巡撫。當官無所建樹。以疾乞休。歸卒於家。贈太子太傅。諡襄武。錦棠少壯從軍。數臨前敵。爲賊所傷。然銳進不少。退故回中。呼爲劉大闖。撫邊疆十餘年。且總師干。歿之日。家僅中資。子戴襲爵。官至臬司。

饒應祺

字子維。恩施人。以諸生從湘軍征甘肅。新疆官至知府。歷新疆監司。擢至藩司。乞未河州回叛。陶模入關。權新撫。亂平。德宗褒其勤辦關外。大勳卓著。卽真除焉。應祺質實勤奮。嘗籌辦新疆煤小蠶桑諸政。以資絀無功。卒於官。而家則富於錦棠矣。子鳳璜等。皆捐納道員。師事趙爾巽。

袁大化 聯魁 潘效蘇

字行南。皖人。起家牧令。官河南道員。好談實業。歷遷至新疆巡撫。魁字星喬。滿洲人。部曹外任知府。亦官至新疆巡撫。新撫關。已建置郡縣者。凡三十一處。餘皆荒區也。其中有沙漠。有礪田。亦有膏腴地。礦產尤富。特風烈。再北至伊犁。則風定。時和不殊。內地矣。出嘉峪關三十餘日。乃至迪化。以駕遠。督其地者。自劉錦棠陶模去後。率侵牟公帑。潘效蘇巡撫官中飽尤鉅。爲

總督崧蕃所劾。褫職戍邊。度支始有範圍。而財絀政益不舉。大化初欲擴張實業。竟不果行。魁亦有五難九不便之奏。請築鐵道。然非政府財力所逮也。效蘇湘人。從劉錦出關。以同知官至巡撫。未出本省。既以墨敗。後趙爾巽督東。聘爲顧問。余嘗一見於瀋陽。已憔悴欲死矣。

馬新貽

荷澤人。以進士爲浙江知縣。數宰大邑。治尙武健。王有齡賞之。保擢監司。遂躋浙撫。兩江總督。新貽當官頗嚴。保甲詰姦究。治事精敏。嘗接客手判事。口問答。俄頃事畢。無一誤者。疆吏公牘煩重者。莫若兩江。新貽治事暇。且與姬妾博奕。奏疏軍事函牘。未嘗假手。幕客也。後爲張汝祥劾死。謚端敏。是獄窮究不得主謀。予嘗詢之魁玉。對與薛氏庸齋文集同終。莫知其實。玉魁時爲江寧將軍。曾數鞠汝祥者也。

惲世臨

武進人以翰林。同治初官至湖南巡撫。禮巨室。幕中多聘薦紳。湘人稱之。然務和異。爲屬官所輕。會匪亦乘間恣縱。後爲臺諫所論罷去。時黃冕等以豪商頗出入官廨。世臨亦數招諸人。讌飲。時謂撫衙爲酒館云。

劉蓉

字霞仙。湘鄉人。少從羅澤南講學。年四十始爲諸生。乃治古文詞。究康濟之術。不以宋五子之說自封矣。數從曾國藩軍。以功由訓導授同知。胡林翼濳其堪勝封擢督巡之任。擢候選知府。賂秉章聘之入蜀。至卽攝藩司。未幾真除陝事棘。令督防漢南。晉陝撫。先是浙人蔡壽祺以編修至蜀。招搖滋事。自刊關防。稱幫辦軍務。蓉飭屬逐之。至是乃奏。認蓉以夤緣而外任。封疆朝旨令蓉覆奏。遂具疏言其進身本末。謂朝廷以壽祺一言。遽令自陳。是有疑之。

之。心。乞。卽。放。歸。田。里。以。全。晚。節。國。藩。稱。爲。名。作。而。御。史。陳。廷。經。疏。詆。其。驕。恣。無。人。臣。禮。遂。降。調。然。猶。守。陝。九。閱。月。始。受。代。去。容。好。謀。寡。斷。治。軍。非。所。長。而。忠。誠。不。欺。好。持。公。論。馬。德。昭。有。保。陝。功。爲。多。隆。阿。所。誣。蓉。力。爭。之。中。朝。弗。信。也。官。川。藩。日。行。李。一。肩。仍。守。寒。素。及。去。應。得。羨。餘。公。費。貯。之。司。庫。毫。釐。不。取。好。才。愛。士。贛。人。陳。錫。鬯。方。貧。困。一。見。許。其。賢。招。入。幕。且。以。女。妻。之。晚。好。談。禮。然。所。法。者。馬。端。臨。秦。蕙。田。之。流。非。真。知。制。作。意。者。子。麟。祥。官。蘇。松。大。道。奢。縱。工。酬。應。務。用。私。親。方。管。江。南。製。造。局。人。稱。爲。湖。南。會。館。家。學。逆。墮。

松壽

字鶴儕。滿洲人。以部曹外任陝西督糧道。擢膺疆寄。歷河南熱河閩浙等省。入爲兵部尙書。辛亥民軍起。壽適爲閩浙總督。遂仰藥死。歎歷中外三十餘年。清勤謹慎。旂員中之賢者也。

陸鍾琦

字申甫。先世浙之蕭山人。祖心鑑。以相人術游京師。遂家焉。父某入翰林。鍾琦亦以繡修外任監司。擢至江蘇藩司。山西巡撫。民軍起。自出宣諭。衆不從。然無戕官意。鍾琦曰。非我死。必不任。若曹叛。乃有人擊之斃。其子侍讀。林勳。殉父死。清室旌焉。鍾琦清剛。端果。任封疆未久。遽及於難。衆論悼之。弟鍾岱。字天池。善綜覈。官道員。

易佩紳

字笏山。龍陽人。少從軍川陝間。積功授知府。官至江寧四川藩司。佩紳負氣。敢任事而不達。治體多私。鄉人官蜀日。與丁寶楨不相能。賴湘綺爲解。甲申。以援臺灣去。其僕廝胥嬖人。一陳僮爲同官。丁士彬誘去佩紳。偵知挾刃詣丁。索之時。傳以爲笑。嘗從郭嵩燾及湘綺游。而學不進。子順鼎自有傳。

方濬益

字子箴。定遠人。翰林外任廣東督糧道。鹽運使。移兩淮。擢四川臬司。丁寶楨至蜀。革屬官年壽規費。以鹽款津貼之。然臬司規費歲四萬餘。明定津貼不及二萬。濬益大怨。懟撰錦城新咏。以刺寶楨。仍向屬官索餽。遺寶楨劾之。去。歷官皆膏腴。而罷官後不能自給。則以奢縱害之也。藏古玩書畫多不可紀。著有夢園書畫錄。其眷屬饜履皆用珍珠。每食必供魚翅。元夕大譙幕僚。器具皆官密定製者。一僕誤損其盞碟。至百餘件。竟弗問。好吟咏。有二知軒詩集。五十餘卷。然不甚工。

馮煥光

燦光。官蘇松太道。日以父戍新疆。值回亂。弗知存歿。乞開缺赴邊尋父。沈葆楨以其孝。疏請勿開缺。予假二年以成其志。朝命報可。異數也。時傳爲美談。

然父已早死。乃負其骨歸。以哀瘁。未幾卒。以孝行。宣付國史館立傳。煥光負志節。毅堅敢。爲丁日昌。游於曾國藩。擢至監司。然以父故。痛心。旋卽病歿。未發所蘊。君子惜之。字竹儒。南海人。子啓鈞。爲張之洞所拔。久官夏口同知。授湖北巡警道。貪鄙工資。綠當官日。以姦胥爲爪牙。多置私產。爲梁鼎芬姻婭。之洞終信其賢。後瑞徵劾罷。

孫衣言

衣言受知曾國藩。馬新貽。擢至江南鹽巡道。遷臬司。晉太僕卿。乞休歸。衣言端雅。好學。搜輯其鄉文獻。甚勤。慕葉水心之爲人。喜談經濟。而執拗。張汝祥之獄。欲窮究主使。以報馬新貽。卒不可得。語侵按事大臣鄭敦謹。敦謹曰。斐度武元衡。似賢於馬公。當被人擊時。亦未得主名。子何悻悻。字琴西。瑞安人。

蒯德模

合肥人。以翰林同治間授四川夔州府知府。慈惠愛民。累官擢江寧藩司。德模工詞章。天資穎銳。幼時讀禮經。聘禮數遍。卽能背誦。長爲駢文。古近體詩。詞曲聯句之屬。皆工。在官頗盡心訟獄。任夔州日。屬邑有爭地案。歷官弗能決。德模以甲所陳契書嘉慶四年二月。是時方在高宗百日喪內。官書皆蓋藍印。茲印及簽日。皆用硃。其僞可知。判田歸乙。一時頌神明焉。

李榕

字申甫。劍州人。進士授禮部主事。以鄉試出曾國藩門。遂贊其戎幕。累官至湖南藩司。以狎優爲言官劾罷。榕任事敢言。交友尤誠。擊國藩幕僚有爭。恆倚爲排解。稱今仲連。當祁門危急。羣從多去。留者客則湘綺。屬則榕也。故雖好狎游。而國藩終器之。特非任事才。平居條理甚密。及蒞事。覺頭頭是道。莫所適從。往往爲宵人所窺。遂被其欺。又好爲微言遠論。每不切。亦事情嘗以。

自笑。後食貧自安。歿於家。

李鴻裔

字眉生。中江人。亦進士主事。因李榕入會國藩幕。官江蘇臬司。鴻裔勤樸廉儉。綜覈精密。嘗管國藩軍需。年餘出納至三百餘萬。去之日。舊筭一錢百緡而已。在事。昕夕端坐。持籌握算。若市賈然。故條理分明。諸弊盡絕。唯好爲制舉文。謂習八股。可漸通理學。以挾經心。執聖權。榕爲詩譏之。不省也。

金國琛

字眉生。嘉善人。先世多顯官。國琛生於淮上。適當道光間。河工官吏侵牟奢靡之日。耳濡目染。遂習爲豪。縱然才氣恢張。議論雋邁。旣仕上官。皆賞之。拔至道員。勝保治軍。穎上調充營務處。保固放縱。得國琛恨相見。晚遂畜優伶。招游妓於軍中。爲桑中之樂。若乾隆間之福康安。和琳。邊兩淮運司。屢被彈

視職。後復入曾國荃軍。疏舉其才。朝旨斥之。竟佗條。終國琛下筆萬言。漢思華敏對人論辨。時事口若懸河。國荃愛重之。國藩斥爲宵人。國荃書報其兄。曰。見此才而不知欲賞。是無目者也。當遣至大營。兄面試之。已而謁安慶行館。語竟。兩日夜。皆江南北軍事。利病輒中。竅要國藩自媿弗如。瀕別。誠之曰。以子高才。奈何好爲狎游。且不謹。取予敗度。敗德。徒負所學耳。國琛退告人曰。此僞道學。吾悔與語。

梅啓照

啓照從曾國藩軍。以功授道員。擢至浙江巡撫。年未及五十也。通敏敢任事。嘗出勘海塘。乘小舟爲潮所卷。幾覆隣船。救之得免。而啓照殊不驚。賦詩曰。天水本相接。入水卽登天。人稱其量。宇筱巖。

劉連捷

湘鄉人。從張運蘭會國荃軍。至官江寧藩司。甲子。髮平。予輕車都尉世職。後晉太子少保。方面官。晉宮銜者。康熙後。共席寶田二人而已。以疾乞休。偕散伍軍士歸卒於家。連捷。恂謹。若村學究。國藩謂其不宜官武。故以文。堦薦。然樸野。不喜持儀節。故亦終不樂官。嘗夏日短衣草笠策蹇入城。突邑令前。騶爲所執。叱令跪。連捷不顧。逃去。諸役追之。見者曰。此劉宮保也。役大駭。去。越日。令叩其居。謝罪。連捷羞不可仰。弟曰。是吾過。乞勿爲外人道。時湘紳驕甚。若連捷者。蓋不多覩。

彭玉麟

字雪琴。衡陽人。以諸生從征新寧。教匪有功。叙保者誤以爲武也。獎以把總。棄去。爲質庫執事。曾國藩治水師。其地數至。商肆募資。見玉麟。賢收爲弟子。令共楊岳斌分領師船。自是歷湘鄂。下九江。會於皖吳。克湖口。解太平圍。績

尤著。髮平。予輕軍都尉世職。太子少保銜。初起以不要官。不要錢。不要命。三者自誓。後被簡爲皖撫。漕督。兩江總督。皆堅辭不起。改水師提督。國藩言其起由文階。乃以待郎候補。歷兵部侍郎。尙書。胥未之官。唯銜命巡閱長江水師。上游起衡州。下游至杭州。兩地皆築退省庵。歲時爲休憩地。卒贈太子太傅。謚剛直。玉麟。血性男子。不畏艱苦。每奉詔禦敵。朝徵夕赴。必爲人先。而卒。辭撫仕甲申。防粵。法不敢逞。論禦夷。與李鴻章相左。以秦檜擬之。巡閱長江。日布衣草履。人莫能識。故所至得除強暴。誅悍卒。江鄂里巷間。編爲歌謠。稱彭打餓。夫妻不睦。子亡然。亦未嘗納妾。書法奇峭。畫梅饒實力。惜少清疎氣。文頗綿麗。而繁複無裁。判世傳畫梅。其多摹屬黎某代筆。

楊岳斌

字厚庵。原名載福。以避穆宗名。易岳斌。湘潭人。以外委從曾國藩。治水師。時

共玉麟稱彭楊髮平予輕車都尉世職太子少保後以提督改官陝甘總督
征回無功開缺以母老乞歸養光緒甲申法越戰作令以兵部尙書銜督師
防敵朝旨方嘉其奉詔治軍不違將母行卒贈太子太保謚勇愨岳斌仁厚
敦篤寡言語治水師十餘年指揮應敵優於玉麟既歸家僅中產怡然奉親
初起末弁晚漸通文學能詩江寧捷後還鄉口號曰藉問歸來何所有半帆
明月半帆風時諸將預擁厚資歸蓋以此自明也

席寶田

寶田初治軍江西禽洪福有功予輕騎都尉世職已復督湘西防務平鎮遠
黎平亂晉輕車都尉世官太子少保時亦官藩司也歿准建專祠寶田禦寇
多得敵中鎡貨家以驟富乃出資行齎生業益饒固富智計工交納鄉人皆
樂就之以家居逸樂遂不復仕子匯湘襲職官部曹

江忠濬

忠源弟也。累官至四川臬司。後遷黔撫。未之官卒。謚武勤。贈總督。忠濬業販布。識字甚鮮。以兄功得官。性執拗。官蜀日不直。成都守楊雅重所爲。而駱秉章寵之。無如何也。一日諸官譙集。突問。重雅曰。子豈楊貴妃裔耶。貴妃以女子得寵於明皇子。以廢員得寵於駱公。其媚人一也。衆皆失笑。

李續宜

字厚菴。續賓弟也。師事羅澤南。續賓既殉三河。代領其衆。征贛皖有功。繼胡林翼撫湖北。移安徽時。苗沛霖假團練名。據潁州。數出剽掠。仇殺勝保。信其誑詞。招爲己部。保至布政使銜。川北道。沛霖陽從之。陰益勒收各縣邑糧捐。潛通諸捻。督師袁甲三前撫賈臻不能制。續宜至。以所部逼壽春。乃上言。沛霖無狀。保護撫誤。曾國藩功之。遂有旨。褫沛霖職。令向機勦辦。苗欲大舉叛。

而憚續宜兵威。乃以金賂僧格林沁。左右乞撫。僧亦信之。頻揭湘軍之短。續宜大憤。堅請開缺。歸。同治癸亥卒。贈總督。諡勇毅。李氏昆季齋名續賓。篤實。不知人間有機械事。第長治兵。續宜精敏。沈毅。兼通政事。惜其早卒。續宜子光玖。襲男爵。官至臬司。甲午禦日。遼左甫交綏。全軍皆潰。湘綺老人責之曰。其足見而父地下乎。媿謝而已。

劉典

典以諸生從左宗棠。平浙有功。授臬司。移防漢南。權陝西巡撫。宗棠征甘肅。司後路。晉三品京堂。卒。諡端勤。典樸實無華。始終儒素。而好談兵。信孤虛。壬遁之說。師事華山一道士。能演八陣。試以鼠果。不能出。宗棠不信。再試。竟驗。復試。犬不待生門。塞闔。然已去。豈能制小。不能大耶。理不可解。

袁甲三

字午樵。項城人。世凱叔祖也。以甲科官部曹。遷台諫。文宗立。數上疏言。帝過失。直聲震內外。晉京堂。左副都御史。喪歸。治鄉兵。禦寇有功。命督臨淮軍務。擢漕運總督。已授爲欽差大臣。而爲勝保所制。守淮。穎數載。無功。臺諫交劾。之屢。干嚴旨。不自安。乞休。去。卒於家。謚端敏。甲三樸。訥勤苦。而絀於才。初知苗沛。霖反覆。畏勝保。不敢言。迨李續賓至。方欣有同志。欲張其軍。已奉旨。允其去。瀕歿。致書曾國藩。屬勿以譖謗墮初志。治軍頗飭紀律。淮民愛之。子葆恆。自有傳。

勝保

保少好縱酒。爛詞章。文宗初元。以直言極諫。受帝知。擢至光祿卿。拉后微時。嘗從保。女兄文殊。保習詩畫。後以后厄於肅順。保方銜命治兵近郊。瀕行走。別照祥曰。師旋當清君側。惡意指順也。祥告后。乃刺荷囊爲精忠報國字。錫

之。及垂簾議起。益附后以兵逼順等。兩宮既聽政。以欽差大臣出總豫魯淮。穎帥干初以撫李兆壽功。蒙上賞。遂壹意主撫。所部皆降賊。無復紀律。復結苗沛霖以自固。日唯縱博酣飲。其左右雖多才士。而皆不顧行檢者。聲色狗馬無所不畜。與皖豫疆吏及湘淮諸將師。並齟齬。京朝官亦合數十疏攻之。拉后意動。屬奕訴密書告保。如願謝兵柄。當以內務府大臣兵部尙書處之。保怒其給己報。以書曰。欲縛保者可。卽執付司。敗何庸。以言爲餌。唯紀辛酉間事。非保則諸公何以有今日。蓋指垂簾事也。訴告后。大愠。陽命保督辦陝西軍務。而預遣多隆阿軍防函關。嚴樹森撫豫。保至卽縛之。至京師。法司屢鞫。不自承罪狀。后意亦漸解。會有奄得保賄。張揭帖代辨冤。乃賜令自盡。髮捻大酉陳玉成張洛形妻妾皆爲保所得。其在軍中姬妾至三十餘人云。

王德榜

德榜初從左宗棠軍。積功至方面。入覲奏對。不中節。雜以市井語。改總兵。擢提督。甲申。率所部出鎮南關。防法。屢爲敵挫。潘鼎新檄責其戰不力。德榜報之曰。若淮軍將領。逃者何以處之。鼎新不能難已。而李秉衡代撫。曾諸將關門。謂德榜曰。子部精銳。奈何甘敗挫。德榜曰。吾自改武。覺神志恍恍。故爾秉衡笑曰。子何弗早言。及今能破敵。不佞願溱公自代。德榜大喜。去踰六日。馮軍勝於中路。王軍自右翼出。以衰兵誘之。法軍果右趨。方過河灌莽中。伏盡起。短兵相接。斃敵踰千。乘勝會子材。追之。復諒山。太原。秉衡言于彭玉麟。張之洞等。密疏請改德榜文階。遂授貴州布政使。再入覲。謁孫敏汝。不具門包。刺弗得通。德榜辱其閹人去。及還任。黔撫關員例當攝行。毓汝言於德宗。是武人不宜任封疆。遂令臬司護撫。德榜憤卒。字閔青。湘人。

李有棻

萍江人。以牧令起家。官至陝西藩司。魏光燾作撫。任官強半湘人。有蔡牒之
曰。曾胡用湘軍而平寇。亂公用湘軍而有牛莊之覆。說者少。少疑湘軍暮氣
難鼓。職謂不然。曾胡用之以公。故膚公奏公用之以私。故軍律弛。今關中牧
令公鄉人過半矣。有一足當循良之選者乎。職固知其無有也。無他。曾胡食
功。公則食志也。光燾得牒。怒甚。適年終上密考。謂有蔡迂緩。遂開缺。

湯壽銘

鵬子也。字小秋。益陽人。從曾國荃軍。擢至道員。光緒中權蘇松太道。授臨安
開廣道。官至廣西藩司。岑春煊劾罷之。壽銘刻薄貪忌。官滇日。以懟岑毓寶。
誣其以罷黜怨望謀變。將興大獄。賴署臬司曹津持正得解。湘綺撰湘軍志。
壽銘謂中謗曾軍語。獻議國荃曰。王某可殺也。曾紀澤適在坐。叱之乃退。

黃彭年

字子壽。貴筑人。幼而穎悟絕倫。年十六。撰選將論。累七千言。曾國藩見之。曰。宿學弗如也。後以翰林外任監司。擢至江蘇藩司。攝巡撫。移湘。未幾卒。當官。頗興文學。刊書籍。禁淫書。尤嚴。在蘇日。嘗設學古堂。以古學教士。唯晚而囿于理學家言。頗爲宵人所誑。一教職。固訟師。以所箸聖諭條解。獻彭年。大稱賞。密疏荐之。擢知縣。適分貴州。攝任懷令。奇貪異酷。蔑惡不作。人皆謂彭年貽害桑梓云。

劉春霖

字禹三。安順人。少貧。入翰林。卽改官雲南知府。擢藩司。晚得嘉興人李廷棟爲記室。春霖驚爲奇士。謂其天文與地。聲光化電。無一不通。蓋廷棟記憶力強。能背誦時務。通攷而春霖鄙陋。宜其奉爲通儒矣。後任江西藩司。民軍將起。約撫臣共効死。及舉義。先遁去。其繼子樹域。少業屠。已假軍功官監司。頗

欲其父重任事。乃出萬金助團練費。于是鄉人果推春霖爲司令。有荐其爲鎮遠鎮守使者。袁世凱拒之曰。吾婚媾馮星岩。爲彼高論。誤死。吾不敢用彼。春霖聞。忽忽不樂。踰月死。

張紹華

字筱泉。桐城人。官至湖南藩司。署巡撫。當其時。長沙城內外。日有操皖音者。數百輩。或貨筆墨。或賣陶器。日晷秋食之。屬謁來街衢間。筱泉二爺聲不輟于耳。湘人大駭。或曰。此張氏戚鄰也。一日有老人眇一目者。紹華叔曾祖也。率其子孫六人來。非三日內。皆得位置。不可。紹華笑曰。詰朝。卽報命。何待三日。適武崗釐員某在省屬巡捕。告之曰。子若思留差。當挈此六人去。使爲司事。事卽諧。某喜過望。竟延六人入幕。至局。大張威福。委員不敢詰。一辭後。虧帑至萬金。紹華詳劾。參處。左右曰。是宜少用情。曰。吾知執國法而已。

胡橘棻

橘棻。兄籍浙。自籍皖。終莫知爲何省人。以翰林外官監司。擢至廣西臬司。甲午。視嘏入京師。留管北洋軍餉。乙未。應詔條陳新政。當上意。遷順天府府尹。旋兼管關內鐵路。總理各國事務大臣。屢擢至侍郎。庚子。爲拳匪所劫。憤卒。余初讀橘棻變法自強疏。亦服其才。後觀其從政治績。殊無一長。異之。叩其所親。始知平居多置鈔。胥鈔纂中外報章分類爲冊。故時事獨熟。非有他能也。字芸楣。

誠勳

光緒末。疆吏貪鄙者。端方誠勳恩壽鼎足。而三皆滿人也。方巧取。壽豪奪。勳直乞丐而已。勳字果泉。自浙撫移皖。屬官晉謁。垂涕求贖。官熱阿都統一佐領某。突中鄂頭彩。治筵召之。某知旨。餽以萬金。勳不足。曰。吾二人宜不論堂。

屬視昆弟交可耳。某媿不敢當。且曰：傾所有獻公，不敢惜。特卑官薄俸，後將何以為活動？曰：是何難！剋日以捕盜功，荐擢協領，令統建昌防軍。某果更獻二萬金，勳雖貪，以柔巽故人，惡之弗如。恩壽。

聶緝槩

字仲芳，衡山人。曾國藩壻也。官蘇松太道，擢至安徽巡撫，移浙江。被彈開缺，家於滬上。近人所爲二十年，目睹怪相傳，詆緝槩甚醜。然皆實事，其任封疆政頗叢脞。在浙日，忽欲變鹽法，運司黃祖絡佯附之，誘以私利。緝槩不覺，嘗以書提羨餘四千。祖絡卽執爲據，要挾恟惕。緝槩俯首聽之，不敢示異。同湘綺嘗言：滌翁有知人鑒，而館甥乃若是才，殊令人失解。張兩珊曰：是何足異？婦欲莊壻，欲和宋人格言也。聶仲芳至，拜妓女，其和豈人所及哉。

文海

字仲瀛。滿洲人。以貴州臬司授駐藏辦事大臣。苦其邊遠。至成都。趑趄不進。鹿傳霖方督川。促之。海告將軍恩壽曰。彼用兵三。瞻對地是奪子權也。何弗効之。吾當爲助。壽信之。遂彈傳霖去。海至藏任。乃疏言。叛番餘孽猶存。兵不可罷。願自任勤辦。然時並無餘寇。亦未用兵。踰時。騰疏告捷。拉后褒其忠。晉尙書銜。幕客入賀。海曰。吾不至此。循序亦膺疆寄矣。何足賀。差可喜者。則年來困於貧。今而後涸。餉其少。蘇乎。蓋報銷軍需二十萬。盡以入己也。歿於官。贈太子少保。諡忠勤。

慶善 裕綱 安成

清代駐藏辦事大臣。初用乾清門侍衛。繼則以卿寺或翰詹官之敏幹者充任。皆旂籍也。後納丁寶楨言。始少少以蜀吏遷。除善綱。成胥以四川監司任藏事。三人皆不才。成貪姦尤甚。在拉里日。納一番姬。其妹來省。姊欲污之。番

婦固有力成且老病。遂被傷頰。左右忌器亦莫敢進救。婦竟從容去。翌日事聞於衆。商上故請謁。謂有要公成不能卻。及出面上斑斑然傷也。自是藏人益輕都護矣。鋼善歿於藏。善以教案追奪原官。成任滿授錫倫領隊大臣。固不學。當官判牘皆別字。凡牒至伊犁將軍志銳恆批其後。曰來文不甚了了。月終彙燒可也。

杜嘎爾

蒙古世族以蔭爲侍衛。歷京旂副都統。光緒中授定邊左副將軍。拉后誤納人說。謂其缺腴。索賄十萬。杜曰若有十萬者吾且終老都門矣。越半年后意解乃之官。至則會典館方修事例。咨將軍攷道光後中俄界址遠近。杜策騎自歷邊地。勘諸奧博卡倫故界。卒不可得一老卒進曰自盛豐迄今勘界者數矣。每一勘界我卡倫輒內縮俄卡倫輒外逼。故界烏可復識。杜沮喪歸。遂

乞罷。其謝任疏有邊疆久爲蠶食。藩屬漸啓狼心。後患方長。隱憂靡已。南宮溫夢錫筆也。

鳳全

字福堂。舉人。歷官四川牧令。以強毅稱。荐擢道員。授駐藏大臣。全好護罵人。入邊境。番人方迎候。叱其長曰。爾儕通甲。霸謀叛天朝。予審之久矣。會當盡殲之。諸番大懼。翌晨伏人紅亭子。俟全至。叢起攻擊。立斃。割其首去。事聞。贈卹有加。謚威愍。全當官初無善政。而操守甚潔。且不畏長官。故鹿傳霖岑春煊錫良皆荐其賢。吾見其聽訟。原被干證十餘人。同喚進。略詰數語。卽揮令退。具結不服者。呼杖矣。其暴繆可想。

史念祖

字繩之。漂陽人。踰冠以捐納通判。從英翰軍。數保至道員。後授直隸臬司。年

未及三十也。臺諫彈其不堪方面。令總督曾國藩察覆。稱念祖明爽。唯尙少
懋練。宜暫緩任事。後竟開缺。光緒初授甘肅臬司。頗見賞于左宗棠。未幾遷
藩司。復被劾去。再起爲貴州雲南藩臬。廣西巡撫。以其妻弟司閤通賄賂。革
職。趙爾巽官貴州知府。受知念祖。及爲奉天將軍。疏荐加副都統銜督奉天
墾務。以中飽財政局帑。爲徐世昌劾罷。歿於揚州。念祖少負才氣。騰上最早。
及後。歷官四省。簠簋不飭。愛憎自私。屢望彈章。皆坐貪墨。著有俞俞齋集。或
謂出金華襲藕田手。

穆圖善 綽哈布 希賢

穆綽籍黑龍江。賢籍吉林。皆官福州將軍。綽後歿於成都將軍。穆初從多隆
阿軍。數輕騎襲敵。人亦樸實。綽字勝亭。狀貌魁肅而貪鄙。當官日。至盡貨公
廨。花竹。賢任福州。行賄四十萬。預約三年受代。拉后所爲也。任滿入覲。后笑。

曰爾今可溫飽矣對曰臣之官費四十萬在任三年逋且未償何言溫飽御前官皆掩耳后呵令退世鐸告之曰子何輕率乃爾行不免矣越夕暴卒或曰是懼而自戕者

魁玉 富明河 都興阿

玉以荊州駐防旗人從征鄂皖官至將軍歷任江寧成都富都皆以頌索倫兵入關南征富官江寧將軍都官奉天將軍富亢厲嘗移文皖撫唐訓方中有貴撫調度乖方語時以爲笑柄都柔和生平未嘗近人防搶近郊偶策騎出一弁從有淮軍卒其長方失馬令覓之見都騎類似謂爲盜也逕前阻不令行從弁告曰此都帥也不解乃自降騎令牽之偕面其長始知都果鄰軍帥衆大驚角崩求恕殊不怒弟曰爾兵爲爾覓騎勤勞可嘉勿罪之其量淵矣歿謚清惠富謚誠勇

清銳

字秋浦。蒙古人。繙譯進士。官至兵部尙書。嘗以都御史按事山東。納賄五萬。歸而臺諫方日劾。奕劻貪。劾乞銳爲解。於所屬謝不敏。劾恚曰。予貪孰若子。貪山東一行。納金壓馬背。且腫銳懼。謀於榮慶。慶曰。曷先劾之。箝其口。銳卽具疏言。劾辜恩。語多糾牽。后覽之。留中。未幾。卽授江寧將軍。後乞休去。

文悌

字仲恭。費揚古裔也。以進士官部曹。擢臺諫。戊戌疏彈康有爲。交通內外。狀德宗責以代人報復。降回原衙門行走。已復上書自請使俄。乞歸我旅順地。不報。政變復官。授河南府知府。擢貴西道。以耆烟被劾。罷歸。悌好譽。沾直固非賢者。然所劾有爲。請託奔競。諸端則非虛造。且亦不出許應駉指。而世以是惡之。有謂其通李蓮英者。有撰爲俚詩。託名悌作者。實胥黨見也。悌在滿。

人中尚非不學。詩尤饒意致。丁酉春同讌陶然亭。曾和其長歌。辛丑冬見於洛陽。猶成誦一字不遺。蓋亦癖於吟者也。

唐炯

炯。訓方子。以舉人試令四川。嘗募勇拒賊。擢監司。令自統一軍。所部臨敵有進無退。賊中呼爲唐拚命。然炯實不知兵。以攻堅強襲精銳。漸亡。自禽黃浩。後遂無戰功。丁寶楨督川。納其議。改革鹽務。事咸以建昌道超擢雲南藩司。遷巡撫。甲申。令至保勝。防法。炯固執。褲行時。以庖廚雜具。自隨。嫌保勝水土惡。置馬百匹。至省。運黑龍潭水。馳驛輪運。以供茗飲。無何。誤聞將議和。遽振隊歸。拉后大怒。立褫職。拏問寶楨。鴻章等繼疏救。皆獲處分。刑部定讞。斬監後。秋後處決。已而后意解。三厯秋番。遂赦還。復給巡撫銜。督辦雲南礦務。經營幾十五年。僅歲解京銅百萬斤。視舊額大減。他無成效。乞病歸。行之日計。

虧公帑百萬餘。皆奉旨豁免。以鄉舉重逢。晉太子少保銜。歿復原官。炯早歲。勇敢好事。唯性執拗。且重私誼。故助丁寶楨有功。而獨立輒敗。晚歲日縱博。治饌左右。皆卜相之流。日爲談休咎。耆書畫而不工。鑒別往往爲人欺。其甥某無行。倩人繪五溪雲山圖。署王叔明款。索三千金。炯立如其值。畀之以屬。曹鴻勳題。鴻勳曰。此在廠肆。間值銀四兩而已。予曰。使在成都。青羊宮市上。尙不值一緡也。

陶大均

字杏南。會稽人。同文館學生。通東文。嘗從那桐使日。徐世昌督東。荐授交涉使。然大均闇弱。實不通外交。聞錫良將至。送之京師。良叩以安奉路約利害。茫不能對。遂乞援桐。調江西臬司。行卒。大均畏其妻事之如母。同學者戲呼爲陶孝子。

吳重熹

字仲怡。海豐人。以翰林出守陳州。值府試。拔袁世凱前列。世凱既貴。援之力。遂擢侍郎。代盛宣懷管電政。後授河南巡撫。重熹固庸碌。復已衰老。雖任疆。寄若木偶。然其子對告曰。今風尚督撫。皆以劾吏顯風骨。父奈何默默。重熹曰。孰賢孰不肖。吾何從知之。而以爲激揚。對曰。是不難。取履歷驗其年力。衰邁者。劾之。可。重熹怫然曰。然則我亦非壯當先自罷矣。對不能答。已而計於幕客。乃以道府考語較之。彈去至少劣者數員。而所謂至少劣者。則供應道府。不豐彼之所謂劣也。

閻迺珪

敬銘猶子。字良蓀。生而穎敏。及長。博通文史。書摹平原。詩似陸務觀。然以耆煙學。竟日荒。敬銘戒之。遂回居里。開設肆。經商十年。大富。以諸生納粟爲道。

員。嘗權河東鹽法道。卒於官。年甫四十也。敬銘不能陳阻築頤和園。迺汪諍之。漸與其叔不相能。好狎侮人。故親疎不嫌其所行。實則一血性男子也。康某其兄。同榜進士也。面麻多髯。迺汪恆謔之。康不能堪。擊以菸管。傷眉。梁創痕。終身不脫。遂絕交。後康死。河南乃資迎其柩歸。復助其子讀。是詎今之人所能爲者。

許鼎霖

字九香。在江南名亞於張謇。前清以道員趙爾巽荐爲奉天交涉使。當官殊。鹿鹿無所短長。然聲氣頗廣。南中政客報館等時通書問。入民國爲省會議長。袁政府參政。行卒。

羅度

字濟川。南海人。試令四川。丁寶楨稱其能。任內江七年。喪母去。瀕行。送者塞。

途有泣不可仰者。時推爲川中循吏第一。服闋不起。鹿傳霖聘爲幕僚。後納資爲主爭。遂家成都。奎俊、岑春煊、錫良皆就諮利弊。以辨賑功。特晉三品銜。卒不復仕。度幼未嘗學。問旣服官。乃以暇博涉羣書。學以大進。爲文駸駸。窺古作者之室。爲章疏文檄。尤簡潔中。殿論事。思慮深長。洞達治本。初迎謁寶楨小舟中。告以子材。歷試愈信。將荐諸朝。自以荏弱。無遠志。乞勿污薦剡。故晚歲督撫交荐之。不起。曰。吾弗欺。丁文誠也。子述稷。清知府。亦能文。而人差浮薄矣。

劉心源

心源。張裕釗弟子。書法足繩師武。亦工詞章。以翰林御史出爲夔州府知府。移成都。擢至廣西臬司。爲岑春煊所惡。開缺去。入民國。爲湖北民政長。湖南巡按使。心源初官監司。勤奮勇敢。頻日微服出巡。治會匪尤嚴。頗盡心水道。

隄防能名卓著。以荐自柯逢時。春煊遷怒。竟罷第好用鄉人。無賢不肖。皆昇
人。以事尤好博。公餘則招募客屬。吏共博。所爲詩有沈鬱蒼涼者。殊不似其爲

段起

起以監司從沈葆楨。臺諫累數十疏劾之。葆楨保以百口。反唇譏言。官不應
彈。正人予聞。羅伯敷言起實精銳勇邁。才亦深穩。官兩淮運司。日頗剔釐夙
弊。諸不便者。乃賂臺諫。交論其短。實快報復。唯吸烟則非誣。自被劾。奉察卽
隻身宿葆楨所。日侍左右。踰旬乃行。初無困頓狀。知論者爲譎言。益信之。而
葆楨侍童楊福。日以烟泡授起。更衣時服之。葆楨不覺也。竟爲所欺。

長廣 徐廣陞

光緒初。廣官山東曹州。廣陞以候補倅權廣東南海。皆有能名。酷亦相似。文

小農有南北虎吏歌。卽指二人。事賡獲盜。恆生瘞之。賡陞則與人偶索賄。亦生瘞。以儆衆。唯賡樸實。賡陞則頗沽譽望。予光緒中謁丁文誠。墓於濟南。暇游曹州。時毓賢方蒞任。民雖稱其能。而亦訾其聽斷草率。不若賡之精細。蓋賡雖戮盜多。而布衣輕騎。對良民煦煦若老嫗。故踰十餘年。民猶思之。賡陞官粵。其鄉人沈某方爲巡撫幕客。勢可炙手。竟爲書醜詆之。沈亦無如何。後緣事遣戍。釋歸。擢道員。改官山東。賡蒙古人。賡陞山陰人。

興祿

字荷田。初從浮梁者。日詐倡寮。間酒食爲活。以筆帖式議叙。擢主事。改官州牧。選雲南武定。擢知府。崧蕃作督。乃遍交其僕人。復善伺五公子喜怒。大爲蕃契。荐遷臬司。五公子者。蕃女也。文悌劾其目不識丁。黔撫察復以識字不多落職。然是時祿方管滇洋務。機器電報路鑛諸政。雖褫革。仍蟠踞弗去。所

爲交涉蔑一不失敗者。以其輒滑。魏光燾丁振鐸皆倚如左右。手中飽機器。電報款數十萬。巡撫林紹年將劾之。振鐸憤曰。彼劾祿是劾我也。事果行。我將盡劾渠所舉吏。以報之。紹年竟懾罷。後任貴川藩司。爲提學使。陳榮昌劾罷。擁資百萬歸京師。宣統初。予猶與共譏飲。年踰七十。北鴨重六斤者。能盡食之。宜其壯矣。

瑞洵

字景蘇。澂兒也。以編修擢至侍讀學士。頗上疏言時政。德宗賞其才。授烏里雅蘇台左參贊大臣。以侵蝕公帑。被劾褫職遣戍。光緒甲午。予識於京師。日戰棘時。嘗屬予與趙芝珊代草疏言戰守。趙謝不敏。予竟爲起草。比就渠乞教於準良。良爲改竄之。予草語多觸忌。良易以巽順。初亦不乖體制。洵乃大書批其上曰。原稿欠通。改作亦復如是。鼓二搗矣。云云。予適見之。遂爲書醜。

詆其妄。過從乃絕。吳移香告予曰：是患心疾者，何足共言。辛丑再至京師，見之隆祖寺，將避去，已趨就執手，殷殷問別後狀，且曰：聞子方贊康梁謀奪門，此不世勳弟，願附驥當不見絕。予奪袖竟行，去數十步，尙聞其詈罵聲也。

陳昭常

昭常，少工詩，他無一能，而狀貌都麗。工逢迎，以一道員三年，卽擢吉林巡撫。在任一舉唐紹儀所爲，建廣廈，獎勵遊戲事業，一時吉林亦改觀，稱文明焉。昭常字簡墀，香山人。甲午翰林，改官廣西道員，避岑春煊之直隸。唐紹儀援之入郵部，嘗出入奄寺家，爲馬吉樟所知，假事劾之，適徐世昌督東，荐加副都統銜，爲延吉邊務督辦。吳祿貞副之，每與日官談判，昭常中坐不能置一辭，而祿貞辨論滔滔，日官頗亦折服，益不自安。會朱家寶調安徽，奕勛已納昭常賄，授意世昌荐之，權吉撫錫良至，慮被論，益賂權要，竟得真除，國變

後仍爲吉林都督。後歸歿於滬。當世凱組織內閣。逼載灃謝政。昭常不知旨。電奏諫阻。頗頌灃功德。世凱惡之。故仕不進。然家資已二百萬。奢縱而短於語言。對人恆默默。錫良巡吉林。諮以政要。徒唯唯。不能定可否。良竟叱之。

沈秉堃

字幼嵐。長沙人。以資選江安縣知縣。治稱明幹。移成都。遷資州。益究心貧緣。摹揣之術。數被保荐。擢成都守。歷雲南藩臬司。攝雲貴總督。晉廣西巡撫。民軍起。遁去。及還鄉。見東南皆叛。清知大勢已去。遂自願率師北伐。次金口。適和議定。及隨黃興至南京。秉堃當清代治革命。素嚴。一旦洗心親炙。民黨若恐不及言。必稱克老。如對父兄。然臨時政府功人多。於鄉卒不得置頓。更飾其妾貢之。某偉人當孫黃北上。交荐於袁。遂任爲浦口開埠督辦。而非秉堃志也。時民黨多初入政界。或不嫻公牘。或並酬酢。亦不習。獨宋教仁穩和秉

莛諳諫。皆有組閣望。秉莛入覲。世凱見其儀容俊偉。目光炯炯。退告人曰。是或稱爲閣員。趙秉鈞聞之。越日而秉莛暴斃矣。秉莛深中勢利。反覆無恥。死何足惜。然其不死於疾。則人皆知之。徒以後進新附無人爲發覆視教。仁一死。五省起兵。秉莛之亡。其猶鴻毛乎。

瑞澂

字莘儒。官兵曹郎。庚子有外兵過其居。澂盛款之。且出家姬侑酒。兵官皆曰。不圖野蠻國中。亦有開通若子者。因共荐之。遂推爲臨時地方審判官。卽外人於順天府所組之法庭也。回鑾。留守功。授九江道。頗興學。置警。移上海道。乃任其子國璋。日設讌妓。寮招諸新聞記者。飲於是。報紙皆頌澂賢能。某報有論曰。滿人賢愚不齊。道光間有琦善之媚外。而今日竟有瑞觀察之持正。不知善卽澂王父也。後擢蘇藩司。率師船捕梟匪。燄益張。遂遷巡撫。晉湖

廣總督至鄂日劾罷馮啓鈞。張彪懼餽銀五萬。時名流如張謇鄭孝胥之流。皆友激而主政府實權之載澤。則其姻婭聲勢駸駸出南北洋上。嘗納孝胥議請大假款築路。又承澤旨彈唐紹儀。未幾武昌事起。避之楚材兵艦。通電各省。謂當共楚爲存亡。實則已由漢口而九江。九江而蕪湖。蕪湖而上海矣。在漢口時。猶冒領軍餉八十萬。並攜至滬。家居不出。民國四年死。子國璋。日從諸亡賴游。家庭勃谿。屢致訟端。末路當可逆睹。激侏儒也。耆雅片日吸三兩。色厲內荏。在宣統間。載澧等以其幹濟才爲一時冠。孰知清之不祚。微斯人。尙無此速也。

盛宣懷

宣懷。趨炎附勢。寡廉鮮恥。跡其生平。唯知冒利。可謂白日之魑魅。亡國之妖孽矣。字杏孫。武進人。父康。受知胡林翼。官湖北浙江道員。宣懷以諸生納官。

從李鴻章少卽柔媚善事人或謂其有醜行嘗贊置輪船招商局官商電報開平煤礦中皆虛股若干以餽鴻章故鴻章倚之若左右手遂授登萊青道初通諸奄嘗進假海軍復圓明園議於孝欽閣敬銘阻之然頤和園之築實發軔宣懷議世不知也時李蓮英勢猶未盛宣懷獨以津商王某爲介紹贊稱弟子蓮英喜過望屢於后前稱其忠乃移津海關道孫毓汶謂若是優缺而軍機莫名一錢吾必有以處盛某聞而懼又以鉅金投毓汶門下事乃解其妻恆至京出入諸邸人亦有微言當甲午李鴻章以覆師罷北洋言官爭彈宣懷謂如嚴嵩之趙文華朝旨令王文韶張之洞按之文韶已入其賄而之洞不能賂乃乞瞿廷韶解之曰苟寬宣懷願出資彌漢冶鐵廠紡紗織布局各虧耗之洞喜遂覆稱其才大心細堪備緩急竟以一開缺道員擢四品京堂令籌蘆漢鐵路然鐵政自改商辦事皆宣懷把持廣布私人年私鉅

利而務假日債公司卽不破產亦當轉入日人範圍其他實業亦無不公私
糅雜竄敗弊溷蓋自乙未迄今已二十四年實業終不發掘皆宣懷之腐敗
模型所波及也庚子貢拉后餽榮祿蓮英費踰百萬遂晉官銜然扼於袁世
凱屢進不得柄用乃願供載澤邸中私用又結岑春煊爲外援復收名流鄭
孝胥等爲幕客遂代唐紹儀爲郵部尙書宣懷數訂京漢諸路借款回扣逾
千萬自是更以利誘澧澤等收鐵路爲國有以行其大假款之志而清社竟
坐此墟矣當辛亥九月己革職水不叙用初避至日本繼避滬匿某猶太人
園墅二次革命實聳岑黃發難無何事敗後假政府發還其田典各業託沈
雲霽申謝世凱謂願出効力世凱謝之曰七年前盛欲師事我我不敢僭前
輩今猶此志望勿復言沈慙退而五月九日之約日人干涉漢萍鐵政曠招
商局執事人毆辱溫宗堯皆宣懷暗中主動故曰跡其生平唯知冒利也卒

於滬。諸子貪鄙。足紹箕裘。而才則不逮其父。中菁穢聲。世所行小說。言之者頗多。人皆知之。

將士

魏源有言。清代武功盛於蒙滿。自川楚亂平。漢將漸進。烏乎是其謬也。退鄭成功之梁化鳳。略臺灣之施琅。平吳三桂之王進寶。趙良棟。孰一而非漢人哉。耿孔庸。庸一降清室。遂躡王封。故知滿實無材。龍驤虎騰。特炫國牒而已。洪楊事起。唯烏蘭泰。塔齊布。多隆阿。僧格林沁。戰績爲著。其他檣沐風雨。皆吾漢人。今傳將士。且正源譌。

劉松山	李成謀	多隆阿	鮑超	陳國瑞	李世忠	胡中和	周
達武	唐友珩	田興恕	蔡標	馬如龍	僧格林沁	熊登武	朱
鴻章	成大吉	譚碧理	黃翼升	陳際清	鄧榮陞	楊歧珍	宋

慶 董福祥 張俊 王心安 明耀光 方耀 何長清 周盛波
 丁汝昌 衛汝貴 葉志超 黃仕琳 呂本元 章高元 王孝祺
 馮子材 劉永福 夏辛酉 馬玉崑 曹克忠 婁雲慶 宋國永
 陳湜 余虎恩 楊金龍 吳長靖 馬維騏 白金柱 蘇元春 伊
 克唐阿 孫開華 馬德昭 雷正綰 唐定奎 歐陽利見 吳祿貞
 鍾麟同 王英楷 劉永慶 周國祥 良弼

劉松山

字壽卿。湘鄉人。初從曾國藩軍。碌碌無短長。一日破敵。諸將爭逐之。松山獨
 謂殘寇不足追。山途險設。遇伏。先自喪師。得不償失。唯當乘勝攻其正軍。國
 藩降執其手曰。此至理名言。他將不能道。吾愧知子。晚遂令自統一軍。號壽
 字營。自是謀定乃戰。戰無不克。當日湘軍中多其前輩而勇略必首推松山。

征擒駐軍光汝間。與劉銘傳不相能。左宗棠亦三疏乞其軍。得旨令從征陝甘。關中平。晉輕車都尉世職。出攻洮隴。一日迷途。爲回所乘。力戰死。事聞。贈太子少保。謚忠壯。時曾左不睦。而宗棠復有虛矯名。諸將皆不願隸其下。唯松山慷慨赴之。曰。帥不同而殺賊捍國則同也。其歿也。宗棠悼泣成疾。郭崑燾聞之。告黎杏南云。季高天性涼薄而卒。爲壽卿至誠所感。始知古人所謂大愚格大姦。言非謬已。

李成謀

成典。成謀兄弟也。成典以克江寧功封男爵。未幾歿。時成謀方任總兵。後擢長江水師性督。歿謚壯武。成謀初不知書。既貴。延師授讀。或告之曰。三國演義。水滸皆古兵也。法遂熟誦之。戰事已。乃並燒二書。幕客叩。故曰。吾身經大小百餘戰。頗諳兵事。書中所紀。孔明吳用之計。實無一合於事情。必出僞託。

後將誤人。故以當薪時笑其拘獨。彭玉麟謂爲知言。以兵法本實學。若專恃詭謀異計。則一市奸優爲之曷待將材哉。其治長江。專任訓練。調遣詰奸。攷勤則讓之。彭玉麟當同治辛壬間。自鄂以下水道寧謐。船舶安駛。皆彭李力也。

多隆阿

初以馬甲從索倫隊入關南征。臨敵奮不顧身。擢至協領。鄂境肅清。功績獨著。胡林翼愛重之。令自領一軍。厚其餉糈。東下攻皖。克安慶。遷副都統。未幾晉都統。時稱多鮑。謂超與隆阿也。唯隆阿卞急忌刻。故恆與人齟齬。賴林翼解之。自林翼歿。國藩不欲以異語長諸將。驕每指斥其過失。遂鬱鬱有去志。值拉后思治勝保罪。乃授隆阿西安將軍。欽差大臣督陝西軍務。果執保就司敗。當回匪圍西安。提督馬德昭數出却敵。城賴得完。乃以其爲鮑超鄉人。

遷怒。劾之。去。而川匪蓋大順。已自漢中北竄。自出省禦之。轉戰皆捷。一日攻城。爲敵礮所中。面目皆傷。猶擊鼓督戰。衆掖之。始退。踰夕歿。賜男爵。諡忠勇。贈太子少保。隆阿。猛鷲。亞於鮑超。而軍紀甚肅。所過無犯。既死。家無餘資。其廉威足。媲美額勒登保。唯驕忌。亦每每不承節制。視塔齊布。有愧色矣。卜奎旗人。

鮑超

字春霆。奉節人。以戰兵從征湘。立功授守備。援鄂擢至游擊。受知胡林翼。令自立一軍。號霆軍。東征解會國藩祁門圍。名遂大著。超軍無復紀律。而戰則將校先進。士卒隨之。驟銳馳驟。各奮死鬥。髮軍憚甚。他人被圍。有醫霆軍幟得脫者。江寧平。封子爵。未幾撤兵。議起。所部潰變。時超方臥病。乃以婁雲慶。宋國永分領其軍。征捻屢勝。而功爲淮軍所冒。益憤。七疏請罷。允回籍就醫。

庚辰廢伊犁約。俄人揚言將窺津沽。詔令集舊部防山海關。事解。仍還蜀。甲申出雲南備法。所部多觸瘴厲。旋師未久遂歿。謚忠壯。贈太子少保。超目不知書。而忠勇奮發。御士有恩。其防越南。未戰而還。報銷百萬家。以致富。劉秉璋固與有宿怨。督川日將假是事籍沒之。賴李鴻章救得免。嘗於賊中得董思白書。江賦海賦屏。蓋奉勅作者。款署臣董其昌。幕客給之曰。是無上款。不便張壁間。超曰。諸君補之可乎。客乃奮筆題其上。爲春霆軍門屬。見者無不掩口。甲午後吾尙見之。

陳國瑞

應城人。以鄉勇禦賊鄂豫間。勇邁衆稱。陳鐵桿。後爲僧格林沁翼長。洊擢至提督。其部下將校皆養子。偶有逃者。人謂匿漕督吳棠廨中。國瑞往搜之。棠懼遁。以是疆臣皆側目。僧戰死。從將多獲罪。國瑞以驍果獨留軍。曾國藩至。

爲檄數其罪凡數千言。陽謝而實不能改。益嗜烟。多置姬妾。所部復與劉銘傳軍鬥。亦不知約束。國藩乃具疏劾降爲都司。罷軍後卽家居淮陽間。日共李世忠爭。民慮變。多遷避之。再劾。遂革職。交地方官管束。後以奕譞薦起爲二等待衛。仍罷歸。坐詹啓綸案。沈葆楨奏參戍黑龍江。後釋還。復侍衛。行卒。國瑞驕橫恣肆。若明劉策清之流。初起勇往奮不顧身。旣貴嗜好煩多。暮氣不可復振。近人筆記有紀其戰功者。大抵皆委巷談。子澤霖以山西知府從榮祿將武衛中軍。擢至江西臬司。遇外兵。乃易裝遁去。後有指其通拳者。竟免官。

李世忠

初名兆壽。爲髮軍北帥。守句容。後受勝保招降清。更名世忠。官以總兵。令守六合諸地。凡錢糧鹽權皆歸世忠。猶明末之四鎮。而江寧洪楊軍終不能與。

皖合者其功亦實在世忠及保移陝西李續宜作撫少少懼乃獻各城請置官徵權已遷提督以仇陳國瑞數滋擾淮陽間降都司復坐詹啓綸案褫職乃召舊部益以臬匪將謀復舉以南中湘軍多百戰卒知豫備疎遂走河南固置產汴中人亦弗以爲疑巡撫裕寬密偵得其狀聞於朝令相機拏辦乃設晏召世忠飲卽席上執而戮之當其存日曹克穎壽之匪淮揚海通之臬皆出入其家聲勢煊赫人稱之爲壽王云

胡中和

字元迪。湘人。初從江忠源爲掌旂弁。改從黃子春。累官至副將。駱秉章入蜀。挈之從。子春中伏死。代領其衆。解綿州潼川圍。晉總兵。未幾禽賊渠李永和。擢授四川提督。光緒初移雲南。以與道員沈壽榕互訐罷去。中和樸勇坦直。雖貴不習禮節。官蜀提軍日。偶出救火。先騰身上屋。諸將不得已從之。時制

營官皆疲墮。吸烟及進。輒墜。不能起。督左守備王者化。竟焚死。

周達武

寧鄉人以平新寧教匪。官把總。數禦寇寶慶桂楊間。擢至游擊。隨賂秉章入蜀。論禽石達開功。遷總兵。時陝賊郭刀刀挾衆三萬寇川。達武方駐保寧。所部僅先鋒一營。郡人大震。達武固言無害。卽分兵五隊。以其二從大道進。迎敵其二。自率之由官亭山縋險入。其一分紮諸山。司鼓角。多布旌旗。爲疑兵。至土門鋪。果遇賊。時方晚。炊夕陽在山。周軍皆衣紅。映之一逕皆赤。而四山胥官軍。旂幟鼓角。怒號。賊大驚。而達武突引銳卒自嶺上下擊之。土門鋪地固狹。賊適飲博。不設備。先自踐踏。至夜。竟禽郭刀刀。餘賊萬餘降者亦萬餘。翌日凱旋。郡人慶更生焉。旋授貴州提督。全黔肅清。予騎都尉世職。達武矯捷悍銳。擊賊恆出不備。且以身爲先。故士卒莫不效死。然無紀律。頗事虜掠。

黔人惡之。至毀其專祠。

唐友畊

友畊二十而爲負販。三十而爲盜魁。四十降官軍。五十而專閩。寄敬禮士夫。愛恤兵卒。爲西南良將。冠其歿也。丁寶楨哭之。至失聲。字澤波。大關人。初販茶爲活。已而從李永和叛。號順天王。駱秉章至。招之降。授游擊。禽石達開。擢總兵。歷官四川雲南提督。所至之地。盜潛賊徙。兵民安和。中和達武。皆弗能及。晚歲以嗜血吸烟。然行尤及。奔馬川蜀。俗呼賊渠。爲冒頂。時婦孺皆稱唐冒頂。友畊不以爲迂也。

田興恕

興恕十八應童子試。以違式。學使者撲責之。憤而投軍中。爲號弁。從征湘桂黔。所向克捷。擢至貴州提督。兼署巡撫。授欽差大臣。年方二十七也。嫉惡嚴。

尤惡天主教。教士晉謁者輒囚之。又上書論夷務。歸功肅順。拉后愠甚。而與恕少壯。驟躋予奪。任意往往。事行後。乃具疏請朝旨。又好飾報虛捷。言官交論其非。竟褫職。遣戍去黔。日不名一錢。父老垂涕送焉。湘人美風儀。眉目英武。副將某舊同伍也。一日共飲醉。忽起挽輿。恕手語多狎邪。遽拔材官刃。卽席上殺之。翌日乃以其通賊上聞。亦異事也。

蔡標

字錦堂。黔西人。少流落滇中。設湯餅肆。宜良以膽略爲人所稱。從岑毓英軍。積功至提督。授開化鎮總兵。數權雲南提督。庚子勤王以所部疲弱。遺歸。未幾歿。標初起爲毓英部下。良將第一。及貴嗜煙。縱博。銳氣消磨。能畫梅。著有地營圖說。其守富良江。遍掘地營。法炮不能中。岑軍駐河內者。遂不爲敵所窺。

馬如龍

如龍。滇中回民。初實遙應杜文秀。雖清室。任爲提督。未嘗冠翎頂也。已而岑毓英說之反正。遂迎劉嶽昭於四川。滇亂既定。毓英頗聳士民訴。如龍奮事。漸不自安。復奪其軍權。畀蔣宗漢何友山。知害將及。乃乞病去。後爲王文韶薦起爲湖南提督。既歿。贈卹如例。准建專祠。後以言官彈劾。罷祀典。如龍晚爲毓英所扼。不敢還滇。家於四川重慶。每晏客。招妓侑酒。琵琶聲中。道少年縱橫時事。老淚輒數行下也。

僧格林沁

內蒙古科爾沁人。父額駙。幼扈衛京師。以樸勇爲宣宗所喜。封僧親王。文宗朝。數出禦寇。庚申。治軍津沽。防英法。大勝而驕。撤北塘防。誘敵。郭嵩燾諫之不從。遂覆敗。後授欽差大臣。征捻魯豫。廉勇愛士而不禮。士大夫與各省疆

吏。隣軍將帥皆不睦。納苗沛霖言。尤嫉楚軍。故曾國藩。胡林翼。每言及僧。輒閉目蹙額。後追寇曹州。遇伏戰死。謚曰忠。配享太廟。以親王世襲罔替僧面。若傅赭。身頤。且有威光。俗以爲關壯繆。後身惡南人。一營官烹鼈。爲所睹。曰。此南食也。汝遼瀋舊家。奈何效之。鞭撲四十。初見司道官。皆不設坐。後丁寶楨。諍之。乃如禮制。聲威頗著。至今內蒙人猶畏服之。

態登武

湘人。從鮑超曾國荃軍。授提督。克江寧。予雲騎尉世職。登武好謀。計事輒中。諸將稱爲軍師。嘗率所部五營守大通。陳玉成將騎萬餘。猛撲之。乃歛軍。憑險自守。而乘夜出奇兵四圍。縱火。時方冬。草木枯焦。風尤猛烈。敵騎自蹂躪。更起痛擊。玉成以數騎逃。官文等不察。遽疏歸功。多隆阿非實也。

朱鴻章

黔人曾國荃圍攻江寧久不能克。鴻章乃募掘地道者得煤礦工某亦黔人。卽前代洪楊置地雷轟城者大喜。獻諸國荃。遂挖道置火藥。然之城崩。朱軍先從闕處入江寧。遂克。然臣典孚泗俱躡五等。鴻章僅一騎都尉而已。憤辭去。未幾起爲瓜洲鎮總兵。光緒中乃歿。愛賢重儒。廉惠好義。文人來投者。適館授餐款。接有加。御下多恩。歿之日。全軍皆泣。

成大吉

左宗棠既出關。風雪亘道。諸軍往往失塗。士卒有怨言。一弁大吉。妻弟也。方率隊行。騎陷雪中。咨嗟乃起。大吉遽前。手刃之。擲其頭告所部。曰。風雪與鋒鏑孰利。士當冒鋒鏑。何不能當風雪。後有然者。其視此弁。自下騎以矛撥雪。步行進。一軍驚感發奮。以從前茅。既銳進。中後隨之。罔敢愆期。左軍出關。迅捷。世皆稱之。而不知微大吉功不逮此也。後伊犁平。擢提督。輕車都尉。世職。

譚碧理

亦以湘人隸左宗棠軍。自束髮從戎。至於功成。未嘗小挫。軍中稱福將焉。碧理善飲。日吸燒春至三十盞。醉而彌勇。嘗宿慶陽白雀寺。夜午獨酌帳中。一痢卒縱火焚屋。且呼賊至。衆自夢中驚起。莫知所措。碧理挾刀立營門。禁士卒出入。全軍得安。復寢。將曉。賊果大至。圍寺數匝。時所部僅中軍千人。而賊數十倍之。衆有難色。乃下令真焚寺。火光熊熊。賊不敢逼。自擊旂。率所部衝火出。遂穿隙。馳至合水。適右後軍皆聞警。來援。值於途。曰。兩軍皆生力。賊疲不足攻矣。還擊。果大捷。宗棠嘉其轉敗爲勝。碧理曰。我軍冒火出。寺弗傷。一卒固未嘗敗也。後終於江南陸路提督。

近代名人小傳

將士

黃翼升

翼升繼李成謀提督長江水師。乃漸飾居處。崇體制。繁文縟節。興而彭楊朝氣。於是盡矣。翼升初管長龍船。從玉麟攻湖口。功第一。既貴。延師授書。頗摹文吏所爲。一日玉麟微服坐岳州茶肆中。翼升擁八騶過其前。鼓吹前導。忽睹玉麟。亟降輿。請候執禮甚恭。玉麟嘆曰。楊厚菴官總督。尙草笠策蹇。子竟若此。何以對前輩。翼升唯頰首謝罪而已。後以玉麟言。開缺卒於家。謚壯勤。

陳際清

湘鄉人。初爲會國藩材官。捷足善行。能日馳四百里。數傳送機要文檄。漸擢。

主都司。授爲營官。遂以功晉提督。歷川北。處州。鎮總兵。浙江。提督。際清。蠲率。初入覲。召見時。數言。曾中堂。拉后。笑頷之。官浙提日。突商巡撫。廖壽衡。謂臺人思叛。日乞密練兵二萬。願率之攻臺。壽衡大駭。戒勿啓。此際清歸寧波。告人曰。文官徒食祿而已。自是鬱鬱。竟歿於官。嘗覓一衣。不得。疑從弁所竊。傳令正法。已就縛矣。忽憶衣尙在身。特爲袍掩耳。乃釋之。予以銀十兩。壓驚焉。

鄧榮陞

字金階。永州人。以鄉勇從江忠源軍。積功至參將。劉長佑調令征滇。漸擢提督。授昭通鎮總兵。辛巳。再薦其忠誠勇敢。乞令率師駐越防法。不報。移川北鎮。卒於官。榮陞廉介樸勇。生平不取非義。川北缺至瘠。有張某者。欲爲子營官。以千金爲贄。令子投門下。榮陞收爲弟子。而却其金。令日從。諸弁習操。未踰月。以勞頓辭去矣。瀕歿。立碑廨中。謂所屬官兵皆苦累。後來者如索賄。拊

饜必爲厲鬼擊之。適繼任爲皖人何乘鰲。貪鄙慳吝。至卽摧碑。日營財賄。無何大病幾死。懼復起碑立堂下。病遂瘳。予嘗與同官。欽其廉公。歿後。靳湘綺爲立傳。而善化唐穉雲謂予言非實。遂罷。民國二年。侍湘綺漢皋。踰二十年矣。余已忘之。先生忽謂鄧君誠賢。吾當言於清史館。予叩師胡從知之。曰。去年一同舟鄧姓客。榮陞族弟也。嘗爲其記室。是人謂鄉人外任提鎮者。匪特家富卽族鄰亦富。獨榮陞乖僻私親。不准干事故。從伊十年。家仍四壁。言之若有餘恨者。是其人可傳矣。予笑對曰。然則穉雲言不可信。而弟子所友實端人。師爲堯爾。

楊岐珍

字西園。壽州人。以回籍自練鄉兵禦苗沛霖有功。授都司。從李鴻章征捻。擢至提督。除福建陸路提督。加尙書銜。岐珍長身鶴立。長髯及腹。威儀甚整。性

坦直。生平未嘗欺人。而晚歲恇怯。甲午聞日將薄臺。竟不敢出視事。從弁皆其鄉人。多不奉法。以族弟爲材官。其人卽設烟肆。靡旁弗及知也。廈人有竹枝譏之。

宋慶

慶晚歲遇敵輒敗。而寵以日。固如唐之劉仁軌。宋之張浚焉。初爲萊州人。後作僕厮。遂稱籍歷城。咸豐間所主任睢州牧。髮軍來犯。左右皆逃。獨慶留弗去。謂之曰。爾能爲我守城者。吾將保爾。一官慶曰。是何難。特守城。不若拒敵。願得千人。擊之境上。所主壯其志。署爲州練長。令率練丁禦賊東王鎮。時方大雨。道並沮洳。乃益決歸河水灌之。敵適營鎮外。並陷於水。逃起者。成就縛。城遂得完。且以捷告。遂薦授千總。踰三年擢至總兵。所統軍號嵩武軍。捻平。予輕車都尉世職。光緒中授四川提督。仍率嵩武軍留防北洋。始終未嘗之。

官甲午充幫辦北洋軍務大臣。而自旅順內逃。無役不敗。雖屢干嚴議。仍總師干。政變領榮祿左翼。庚子所部遇敵復潰。唯馬玉崑獨強。後卒。予男爵。謚忠勤。慶赤面霜鬚。狀貌清整。而侵饜甚。乙未間。所部三十營。實祇二十五營。餘五營盡以入己。字祝三。

董福祥

余甲午居京師。無賢愚皆稱福祥威勇。無何河州回叛。還督師旅。寇平。晉太子少保。寵過與宋慶埒。德攘膠澳。令率所部入衛。駐南苑。政變。領榮祿右翼。所部多馬隊。福祥謂騎兵利器。莫若矛。矛當以白蠟木爲桿。木產川黔山中。祿咨令督撫采辦。費至數十萬。實不可用。蓋其性軟。特便演劇。不足臨陣也。己亥。頗預廢立謀。以其惡帝。后眷漸隆。於慶。庚子首以兵殺德使。日書記復圍攻使館。計攻館兵萬二千人。而守者僅及四百。互二十餘日。終不能破。帝

后西狩。開始議和。外人堅欲誅福祥。李鴻章婉釋之曰。政府非無此意。特彼久。管西郵軍。寄回民。又皆其黨羽。未可卒縛。當緩圖之。衆鑒其誠。乃許。於是革福祥職。罷其軍事。令赴邊効力。然已富踰千萬。亟思還籍。乃蜜言于拉后。願招其鄉人子弟二十萬。備議和不成。剪寇用。后亦知其妄。放還。後歿。家屬獻銀四十萬。槍八千枝。富可知矣。福祥偉軀。幹長面隆。隼負氣。好爲大言。而戰略尙不足。望宋慶也。字星五。寧夏人。

張俊

福祥都屬也。卽代爲哈什爾提督。當戊己間。董軍悍將。推俊與鄧增。時稱張鄧。俊少業薙髮。數出入湘軍中。福祥投誠。遂入其軍。爲隊長。積功至總兵。旣代統董軍。仍爲外人指摘。乃飭還任。未幾卒。俊善舞刀。所部衣幟皆白。時稱雪張。每醉。銀刀挾馬。往來軍中。騎馳若飛。福祥曰。此三國之馬超也。

王心安

初曾國藩奉命征捻。所部湘四淮六。及鴻章至。鮑超病歸。劉松山入秦。於是豫魯間皆淮軍。勢燄甚張。心安時以記名總兵統魯軍防運河。不直。潘鼎新所爲。數責讓之。鼎新譖於鴻章。中以危言奉旨。卽正軍法。賴丁寶楨以百口保之。乃革職令帶罪圖功。後卒復官。諡壯勇。心安慷慨磊落。遇齷齪者。恆面折之。而感激好義。初落自閩。敬銘光緒初有誤傳。閩死者一慟。幾絕。安德海就隸。猶爲大言。心安直前批之。始不敢肆。

明耀光

字亮甫。江北人。初從向榮征髮。爲敵所俘。強之降。受副檢點。後逃還蜀。以在賊中久。頗習攻守事。遂練鄉勇。拒敵其解眉州圍。所部二百人。賊數萬也。以功擢總兵。除四川軍標副將。耀光善製地雷。臨陣擊暇。大敵當前。未失常度。

丁寶楨許爲良將才。以家富不欲遠仕。故終身留蜀。

方耀

耀少從亡賴游。數掠人勒贖。已而悔之。投官自首。總督瑞麟將斬。以殉衆知府陳恕曰。不能捕賊。是不武。賊來歸。乃執之。是不義。職竊恥焉。麟乃令恕率之至惠州。惠固匪鄉。皆耀所習。按其居緝之。十得八九。遂拔爲管帶。征主客各匪。且援閩疆。皆著功績。屢遷至總兵。喜食海錯。皆生啖之。尤好博。身矯捷。履山險若平地。粵中諸匪皆憚之。張之洞督粵。特落授陸路提督。時率隊出。搗盜穴。廣惠安謐。耀狀貌聳奇。眼有異光。能暮夜辨物。嘗置鷄卵百步外。昏夜以鎗擊之。蔑弗中者。粵人。

何長清

亦粵人。籍香山。業漁。偶爲盜劫。喪其船。大憤。乃合羣備械。察盜所向。捕之。若

漁團然數有功。郭嵩燾、蔣益澧皆落擢至提督。甲申間，署水師提督。時耀總陸路，長清、總河、海捕盜皆嚴粵。以大寧至光緒末乃卒。晚猶強健，多置姬妾。武勇亞於耀而臨事差詳慎焉。

周盛波 弟盛傳

盛波、盛傳，昆弟也。皖人。從程學啟軍，定蘇州、嘉湖，繼隨鴻章征捻，均以功擢至提督。盛波先卒，謚剛勇。二人並樸實，在淮軍將領中不可謂非賢者。特慳吝。盛波嘗困賊中，傷骸不能騎，一夜有卒負之逃，許以重賞，後竟負之卒憤辭去。投左宗棠軍西征，亦保至提督，歸特以書啓諸官，詆盛波卽余上達也。

丁汝昌

甲午之役，汝昌爲敵所困，乃獻船砲，降行卽自經死。外論至今許爲貞臣。國人亦有援此爲汝昌解者。然其任海軍提督幾十年，費帑萬萬，乃不堪一戰。

且。敗。於。力。不。逮。我。之。日。本。是。則。非。汝。昌。孰。執。其。咎。者。治。軍。日。奢。侈。淫。縱。自。蓄。家。伶。費。至。三。十。萬。犒。優。萬。盞。燈。一。夕。至。八。千。金。將。士。和。之。故。戰。備。不。修。一。擊。並。燼。雖。死。有。餘。辜。矣。然。猶。在。二。十。年。前。使。今。日。而。有。人。如。汝。昌。者。吾。知。必。安。居。三。島。以。終。斷。不。矜。溝。瀆。小。節。是。其。死。亦。難。能。足。矜。式。今。之。名。將。偉。人。矣。而。吾。于。是。亦。不。禁。世。風。厚。薄。之。感。焉。字。禹。庭。淮。軍。舊。將。也。

衛汝貴

字。達。三。合。肥。人。從。李。鴻。章。征。髮。捻。拔。至。總。兵。援。河。州。鎮。總。兵。鴻。章。蔭。其。樸。誠。忠。勇。緩。急。足。恃。留。統。北。洋。防。軍。領。領。軍。糈。三。十。萬。先。以。一。半。寄。家。爲。女。公。子。嫁。粧。其。貪。若。此。所。部。號。萬。人。實。僅。六。千。餘。皆。中。飽。甲。午。命。爲。葉。志。超。後。路。志。超。敗。歸。汝。貴。隨。之。時。鴻。章。猶。據。志。超。牒。奏。捷。未。幾。安。東。鳳。凰。皆。陷。汝。貴。跟。蹠。走。岫。巖。岫。巖。陷。復。走。奉。天。時。朝。官。爭。彈。之。奉。旨。拏。問。鴻。章。初。尙。代。辨。誣。德。宗。

嚴斥不允。及解刑部。以十萬賄尙書薛允升。允升不爲動。竟論死。棄市。日汝貴呼號。謂實秉鴻章戒退兵。何彼巍然爲使相而罪。獨坐我。余親聞之。

葉志超

志超爲鴻章心膂。劉銘傳外第一人也。以末弁起。光緒中代吳長靖爲直隸提督。兼北洋防軍翼長。而晉謁鴻章。遇之若僕。廝志超亦自忘爲專閫。日朝事作。命援朝鮮。志超不欲行。乞周馥言於鴻章。鴻章曰。亦未必便。戰何怯。若是乃勉強赴敵。及與商務委員袁世凱遇。世凱叩作戰計畫。志超第曰。特來察動靜。戰否當請命相傳。世凱頓足嘆曰。日已備戰。我軍尙若此。朝其休矣。志超哂之。無何日兵來攻。甫交綏。管帶江某先逃。衆兵隨之。志超乃納幕客。洪述祖議。豎白幟止戰。猶電達鴻章。稱大捷。卽爲聞於朝。奉旨獎擢。有差。而日人進兵如故。遂自平壤遁至九連城。臺諫爭彈其棄師捏勝狀。乃革職。拏

問。而鴻章尙奏稱志超功過相抵。乞留營効力。是真絕無人心者矣。後亦定罪爲斬監候。秋後處決。甲午之戰。海軍則丁汝昌。陸軍則志超。汝貴。其兵士皆經北洋十餘年之訓練。鴻章倚爲長城者。洹旬之間。或燼或逃。遼亦隨失。而彼皖人。動稱文忠武略。欲以北洋派耀世。不亦重可羞乎。

黃仕琳

亦甲午淮軍逃將之一。旅順淪陷。以仕琳之力爲最。而龔照璵亞焉。當日守旅者。統領八人。唯徐邦道爲蜀人。餘皆籍合肥廬江。邦道乃言於鴻章。謂八人不相統屬。恐誤戎機。鴻章電覆可暫歸仕琳節制。無何日艦來攻。仕琳招諸將議。謂枯守無益。蓋已有逃意。是晚照璵乘小輪先遁。越日聞敵陸軍已入金州。於是仕琳假迎敵。逃其六人。則縱兵盡掠船塢。存帑烏獸散。邦道先已出防青泥窪。尙與敵軍戰。聞請將皆去。知事不可爲。乃潰圍出。仕琳後擊

問亦斬監候。辛丑。以銀三萬餽榮祿。竟釋出。復原銜。爲武衛軍統領。行卒。

呂本元

本元在淮軍後起諸將中有能名。以記名提督。簡授川東鎮總兵。仍留防畿甸。擢浙江提督。卒於官。庚子之戰。本元初隸宋慶戲下。後移歸李秉衡節制。及遇敵。前鋒遽潰。本元自執麾阻之。不能止。乃啓秉衡暫退。收殘卒營於河西。時秉衡轄四軍。獨本元少富謀略。而士氣已墮。亦終覆敗。後官浙提兼領新軍。殊無成績。

章高元

近有署繕鎧者。著筭記述淮軍三將戰績。語皆失實。吾讀之至失笑。中一人。卽高元也。當丁酉冬。德人攘青島。高元適官青州鎮總兵。聞德船至。卽備防守。而敵已登岸。高元遂爲所禁。後約定膠圍解。乃得脫出。不但膠之人知之。

卽登萊青人無不知之。乃鋪張揚厲。謂其拒德守膠。或曰。是亦皖人所爲。勿怪其然矣。

王孝祺

淮軍將士若孝祺者。其沙中金。斌中玉。雞中鶴矣。顧不爲鴻章所重。始終從張樹聲而已。甲申。官高州鎮總兵。樹聲檄令督欽連防務。潘鼎新來乞師。遂援桂邊。方其至時。楊玉科新歿。鼎新已遁。龍南岌岌。李移衡集諸將議戰守。舉前敵主將孝祺起曰。今無論湘粵淮軍。宜並聽馮公指揮。馮公謂子材也。秉衡稱善。於是定議以王德榜司右路。孝祺司左路。子材自出中路。蘇元春爲後應。謀成。開關迎敵。中路捷。乘勝追擊。而敵援大至。馮軍幾困。孝祺乃自赴援。而張疑兵山巔中路。果再勝。乃辭子材。抄出黃渡河。卒襲法軍。敵遂棄營逃。是役獲輜重無算。孝祺功亞於子材。非他將此也。遂會兵收諒山。復太

原事聞加雙眼花翎騎都尉世職。孝祺端重無赳赳氣。治兵二十年未嘗私一錢。故士卒愛之。嘗太息爲秉衡言。凡武將起自巡捕戈什者皆不可用以其習爲奴隸也。予親聞之。秉衡。

馮子材

目同治戡亂迄乎清亡。凡五十年。我中國良將殆無踰子材者矣。字萃亭。欽州人。以鄉勇從張國樑軍。嘗一日間平賊壘七十餘。國樑拊其背曰。子勇。余媿弗如。遂以千總授中軍。歷擢至總兵。國樑戰歿。代領其衆。盡復溧金各邑。晉提督。令會理江南軍務。駐防鎮江。時江北各將多自置卡權釐稅。子材曰。是何與我武人事。牒國藩派官司之所部三十餘營。幾二萬人。月軍十三萬。恆領不足額。而士卒無怨言。蓋其布衣草履食則將卒皆會。精糲共之以精。室處病卒日三省。視同時將師更無人能若此者。守鎮江六年。洪軍猛攻百。

餘次卒堅不可拔。於是江南北聲援弗達。國荃之克江寧。鴻章之克蘇常。子材與有力焉。事平。予黃馬褂。騎都尉世職。乃乞病。挈其士卒歸。傾欠餉給之。俾爲農工。無一人失業者。後起爲廣東陸路提督。不就會游匪起。廣西與越南匪合。巡撫蘇鳳文疏言。非子材不能治。乃令督理廣西軍務。踰年平定。晉輕車都尉。世職。再乞病歸。自是總軍符者幾十五年矣。乃餘銀七千兩以之。起屋。置由自課。叻法。越事作。張樹聲斬其治團練。遣材官往。速駕至。則子材方短衣赤足。攜童叱犢歸。啓來意。且獻關防。却之。已而聞樹聲賢。非鴻章比。乃自赴廣州。籌欵。連軍防。會張之洞至。以前輩禮奉之。謂團練何足盡公才。武乞總前敵師。干以衛粵。桂遂集舊部。不半月。已至鎮南。謁潘鼎新。以屬官處。子材乃誠之曰。吾曩襄江南軍務。曾侯以敵體遇我。若何人敢爾。今軍事急。吾不爭。此第弗可施之他人耳。鼎新殊不慙。已而罷去。李秉衡代之。乃會

諸將議以子材爲帥開關迎敵及關告父老與諸將士曰不勝而生入此關者願共擊之遂率二子短衣手槍先馳出三軍隨之呼聲搖山敵方然砲前鋒已接子材先以槍擊其指揮官立斃越降卒先潰法兵繼之追逐至七十里乃收隊是役斃法軍官五法卒千餘越降卒及教民五千餘海通以來華歐爭戰斯爲第一大捷子材居首功自是排日戰皆勝遂復諒山大原越人爭立團豎華幟逐法越東法人皆遁去事傳法廷大震罷首相乃以美使爲介乞和而出師攻臺閩時張佩綸劉銘傳皆秉鴻章戒不設防馬尾雞籠並陷拉后感於奕訴鴻章說竟允其議和以越歸法盡撤諒山諸軍子材憤請戰不報乃挈軍還去之日越人臥轍攀轅哭聲動地子材亦揮涕不能已後論功晉太子少保加一雲騎尉世職仍家居爲農光緒中乃起爲雲南提督欣然赴之左右叩故曰雲南近英法用武地也將以酬晉素志焉用辭甲午

晉尙書銜已亥。令代總督大閱。所過地方。官供應維謹。事畢。則傾公費。購粵中珍錯。報之。各值數十金。曰。供應已備。而不受。是矯情也。然私誼非公事故。如其量。以爲酬焉。庚子。入省籌防。有法人突其前。驅執而箠楚之。又數請恢復緬甸。未幾。帝后西幸。慮其仇洋。納李經羲請。移貴州提督。乞休歸。甲辰。岑春煊乞其出治團防。未幾。卒。年八十有三矣。贈卹如倒。謚武惠。子材。軀幹不踰中人。朱顏鶴髮。步履健捷。少壯者弗如。生平不解作欺人語。發餉必自監之。短一釐。卽罪。司軍需者。故自威豐間。任專閩。及光緒季年。卒。家不過萬金。長子相榮。以軍功授道員。餘八人。或爲教職。或爲諸生。終身不置姬妾。不解博奕。言及張忠武。輒淚下。濡襟。吾嘗謂如子材者。實聖賢中人。不僅爲血性男子也。而世之士夫學子。徒稱拿破侖及惠林吞。鼐爾孫。毛奇。習舊事者。亦不過拾前人筆記陳說。知有曾胡多鮑而已。而於首摧大敵。揚我國光之子。

材曾無人道。及鳥庫是可羞也。亦可哀也。予別有甲申戰法記言之尤詳。子材晚歲好爲詩。然俚俗。官大理日。喜兩詩。有大雨下在大田邊。小雨下在菜花園之句。遍屬諸官和之人。皆失笑。

劉永福

永福少亡賴。從諸博徒至越南。以任俠爲衆所稱。推爲銀鑛團首。蓋鑛工皆華人。治內事者曰理首。禦外侮者曰團首。後李揚才亂。平越人議逐華工。永福首起抗之。越總督與約曰。子能保東邊無盜。則吾弭前議。永福曰。苟假我以名義。是何難。於是授以都司。盜警果息。越王徵之入朝。晉都指揮使。未幾法事作。越臣有主和者。永福拒之。乃編各廠丁。及越民之壯者爲團。七自稱總團。法巡兵至太原。大創之。而越亦主戰。遂晉三宣提督。自是屢戰。互有勝負。封男爵。已而爲教民所賣。敗歸。加廉時。永福名聞中外。唐景崧請說其來。

歸爲我用。朝旨允之。而李鴻章始終謂永福乃亡賴。足欺中原士大夫。不足欺洋人。然法人實懸金五萬購永福。非畏之。而何後景崧疏劾鴻章。亦有葉志超衛汝貴之流。足欺李鴻章。不足欺天下。語鴻章。佯不解。越事解。永福留粵。以副將用。未幾。晉總兵。授南澳鎮總兵。皆張之洞力也。乙未。割臺灣。和日。永福與景崧分守臺南北。永福守固。日不得逞。而景崧已潰逃。乃附德船歸。後治廣西團練。然終身不復召用矣。永福瘦骨柴立。狀若野獸。嗜烟好博。而膽氣過人。重信愛士。故所部皆盡死力。

夏辛酉

辛酉。予舊識。以其謹飭。重紀律。不若他武人之恣縱。方謂其可自成一節制之師。爲時名將。孰意戊戌。後投入榮祿軍。頓改舊操。日共朝官酒食。徵逐狎優。比頑。庚子。從李秉衡禦敵。不戰潰逃。予自陝貽書讓之。遂絕音訊。後授雲

南提督。未至任歿。然攷究輿地。暇輒取古兵法。與諸將講貫。固亦將材也。所乘馬得之秦州。日馳五百里。值外兵通州。非是馬。辛酉亦不得脫。予有詩紀之。

馬玉崑

玉崑。儀表魁偉。望而有威。庚子後。爲淮軍大將。名滿中外。其在北洋。與世凱持敵體儀。不承節制也。加太子少保。歿賜輕車尉世職。諡壯武。玉崑漁色嗜殺。守亦弗潔。凡士卒出滋事。市間若鬪而勝。雖爲人控訴。弗問也。負則重刑懲之。不少貸。故所部最強。亦最無紀律。與人語。直捷了當。不爲世故周旋。嘗共聯軍戰。雖挫。而外人稱其勇。故后令隨扈。晚與世凱不相能。以日俄戰出防錦州。備中立。行卒。

曹克忠

克忠志忠昆弟也。皆湘軍後起悍將。當甲午。克忠將兵守天津。後擢湖南提督。雖無他能。而操行頗嚴。弗侵餉。冒功。軍中有曹聖人之號。

婁雲慶 宋國永

皆鮑超部將。湘人也。雲慶仕至湖南提督。國永仕至福建陸路提督。當超征捻。劉銘傳冒其功。曾國藩不察。疏上頗抑超。憤而疾大作。國藩乃檄令分統其衆。然超部多驍將。不爲人下。國永素寬和。固易視之。未幾。後軍譁變。遂褫二人職。令招撫。事定。左宗棠調其防陝。未及行。國永歸葬母。雲慶留防常德。備黔寇。固不知書。而嗜鮑超數爲文人所侮。乃各向學。後並能自擬公牘。國永書法亦端腴。

陳湜

湘鄉人。字舫仙。曾國荃姻家也。以諸生入軍中爲記室。一夕遇賊道中。營官

適病甚。湜代傳令。謂今當赴援。全軍爲上。宜避賊。勿浪戰。遂達大營。人以告國荃。重之。使爲幫帶。嘗出迷路。宿廢寺中。從三弁突有人。貿貿來視之。黃衣紅巾。洪軍將士也。共起禽之。搜其身。得洪下陳玉成檄。中頗言江寧防守狀。以上國荃大喜。落授同知。擢幫統。積功。晉臬司。以勦捻防山西。湜素漁色。軍紀不飭。至晉久無功。乃飾捷以聞。論罪遣戍。後釋還。再贊左宗棠軍。授江寧藩司。乞病歸。甲午特起防遼。卒於軍。視巡撫例。議卹。湜開爽。長於應敵。向機立斷。以荒於色。晚歲政廢。疾不良於行。

余虎恩 楊金龍

二人皆湘諸中之奢侈者。虎恩以武。騰從左宗棠。征回并兩世職。封三等男爵。授漢中鎮總兵。以獲賊中窖金。致鉅富。告歸。甲午從吳大澂禦日。無功。後以萬金贄榮祿。留武衛中軍。令統十營。庚子拳禍作。諸武人咸信之。虎恩獨

不謂然。嘗與董福祥論事。祿前虎恩言遍觀諸軍。實不足敵外人。福祥大恚。語侵虎恩。亦報以惡聲。福祥拔從弁刀起。祿障以身得免。走出卽調隊邀董軍戰。祿乃令虎恩出防。獲鹿。後外兵入保定。所部潰散。乃收殘卒擊之。還湘。金龍以狼山鎮鎮兵。擢江南陸路畏督。統防軍駐江寧。劉坤一倚爲長城。卽文吏亦爭資緣之。日徵逐。秦淮納妓爲妾。至十人。日午始起。自是湘軍留江南者日益疲弱。將校唯習酬應。金龍所作甬也。富亦百餘萬。

吳長靖

壬午朝鮮之亂。徵張樹聲先事籌備。吳長靖赴機。神速則三韓之亡不待甲午矣。故長靖者亦淮將之錚錚。足以媲美王孝祺焉。廬江人。李鴻章部屬。積功授直隸提督。儒雅重士。而軍中紀律森嚴。士莫敢犯。既赴朝。亂立執大院君撲滅餘匪。日師後至。熟視無如何。事定仍戍朝。後歸。蔣袁世凱於鴻章謂

其沈毅精銳。非常才。張謩等皆長靖幕客也。治軍二十年。歿之日。僅足自給。謚曰壯武。子君叙能文。自有傳。

馬維騏 白金柱

皆滇臨安回人也。維騏字介堂。少從岑毓英軍。以功授參將。官於廣東。捕盜嚴。有能名。擢潮州鎮總兵。勤王至陝西。晉四川提督。適春煊督川軍事。一倚維騏。後鳳全爲番人所戕。錫良奏令討番亂平。予黃馬褂。得諸喇嘛寺金貨甚多。遂富。歿謚壯肅。金柱字載亭。以末弁後起。禦廣西游匪有功。三年間擢開化鎮總兵。革軍起河口。金柱已病篤。猶起赴敵。論功予黃馬褂。晉提督。旋歿。謚壯勤。維騏機警。工應酬。治軍實非所長。金柱所部皆回人。頗劫掠害民。而臨陣殊舍死。故亦往往摧敵。

蘇元春

字子溪。鬱林人。以綠營千總爲勞。崇光巡捕。歷征粵桂兩省匪。擢至提督。光緒初授廣西提督。元春以材官起家。擅資緣通聲氣。統桂邊三十餘營。半皆缺額。以供餽遺京朝官。暨招納文士。用時幕客多至百餘人。甲申備馮軍後路。論功晉三等輕車都尉。每拉后壽武職貢品。無優於元春者。以是蒙殊眷。加太子少保。尙書銜。初亦講求兵操。已而律益弛。盜共兵合。而爲一遍地。皆匪。桂霖劾之。令岑春煊按復。盡以其實上聞。革職。挈問。賴張勳營救。后亦念其厚貢。乃得不死。

伊克唐阿

字堯圃。黑龍江旗人也。素從穆圖善軍。累官副都統。擢黑龍江將軍。甲午冬防遼陽。所部嘗敗敵張臺子。而遼陽亦未爲日陷。伊名漸著。亂已移盛京。將軍時已衰老矣。政事不修。己亥歿。諡清惠。

孫開華

湘人。鮑超部下。驍將第一。從軍時年方十八。姣好若女子。軍中呼孫美人。然善戰。可二日弗食而鬪不懈。髮亂平。擢總兵。捻平。擢提督。光緒初日人窺臺。沈葆楨調開華防臺。蓋官江西日。親見其勇邁過人也。未幾授福建陸路提督。在任十餘年。及歿。開華未冠從軍。驍果邁衆。而深沈喜怒未嘗形於辭色。好客。輕財。平居無疾言遽色。子道仁自有傳。

馬德昭 雷正綰

字子明。閩中人。以武生從向榮軍。積功至參將。病歸。後起防黃河。數却敵陝豫間。擢授固原提督。署僧格林沁右翼長。關中事棘。還救。所部多留豫。僅挈三千人從。而回圍西安者衆。至五六萬。德昭曰。敵雖衆。皆烏合。可挈也。自是數夜出襲敵。回軍輒不敢臥。益疲。乃約雷正綰軍夾擊之。回果披靡。而當在

城圍日。外郡多失。勝保言於朝。令多隆阿察覆。隆阿固仇鮑超。以德昭乃超鄉人。遷怒。誣其坐守省城不援。同蒲遂降。總兵英綦。劉蓉。交言其冤。拉后重違隆阿意。置不問也。憤求去。責其悻悻。竟奪職。正綰亦向榮部屬。咸豐間。已官總兵。以執拗。每爲人彈劾。躡而復起。助左宗棠平洮隴。晉甘州提督。歷加太子少保。尙書銜。輕車都尉世職。在任二十年。以乙未河州回叛。罷歸。歿後。鹿傳霖奏復其官。德昭忠勇勁直。其保西安功。秦人至今稱之。正綰清鯁。有威。晚以衰病。遂失戎機。

唐定奎

定奎以父蔭從戎。歷保至提督。數立功。江西受知沈葆楨。光緒初調防臺灣。歿謚勤武。謀勇兼備。而好雌黃。時流論人。鮮當其意者。以是爲衆所憎。至拾其閨房事。屬言官揭劾。雖賴葆楨疏辨得解。以是忽忽不樂。嘗告左右曰。武

夫。徒。爲。人。輕。不。可。爲。也。已。而。感。瘴。竟。死。防。地。

歐陽利見

湘鄉人。從曾國藩軍。復隸左宗棠麾下。以功授提督。家居復治團練。備曾匪。果於殺戮。四境以寧。光緒初授浙江提督。甲申之役。浙撫劉秉璋承鴻章旨。戒勿輕戰。利見下令所屬軍事提督爲政勿從。巡撫命浙提固駐寧波。親督諸將防守。衆不敢違。一日見有敵艦衝浪來。立命砲臺發砲擊之。竟中後艦。不敢進駛去。法帥孤拔實死其役。利見之功懋矣。

吳祿貞

字綬卿。雲夢諸生。肄業湖北武備學堂。庚子。從唐才常謀。富有票。事發。走江西得脫。後留學日本士官學校。歸國。徐士昌督東。以良弼荐。調充東三省督練處參議。已而充延吉邊務幫辦。加副都統銜。擢督辦。祿貞強毅。不爲日屈。

交涉多持正論。錫良重之。事竣，密薄其才。遂授廂紅旗蒙古副都統。充第七鎮統制。武昌起義，初避嫌辭兵柄。良弼力言其忠，載濤信之，竟不疑。乃潛約張紹曾、藍天尉謀內應，事爲潘築楹所洩。遂陽授爲山西巡撫，以奪其兵柄。袁世凱更密屬周麟符殺之。碌貞瘦小而健，談口若懸河，音響徹四座。富於膽略，事喜專斷，不爲人下，而奢縱淫靡，其治延吉立公署，多用冗員，至偶爲詩歌，亦以長電分達朋輩，靡費所不惜也。又納奉天倡尤鑫培，費至萬金，亦莫知其財所從出。活潑善遊戲，清末諸親貴感樂就之。

鍾麟同

初以道員分河南，共一同官爭變童，被劾褫職。乃走北洋習武備，學成以袁世凱落復原官。後加副都統銜。第十九鎮統制，駐雲南。革軍起，麟同兩手攜短槍，率馬弁十餘人至五華山，諭其部下勿叛清室。衆不從，乃發槍擊斃數

人從奔。皆亡。乃自擊死。民軍梟其首。懸馬市口。示衆。外人過而譏之。乃已。

王英楷 劉永慶

皆北洋武備學生前輩也。英楷奉天人。永慶河南人。並從袁世凱於小站。英楷後晉副都統銜。練兵處提調。充近畿陸軍統制。永慶亦由練兵處出爲第一任江北提督。二人軍事學遜於段祺瑞。而皆質實無僂。薄習與王士珍相類。

周國祥

字燮臣。羅山人。己酉予識之瀋陽。方爲三十九。協統領。其人眉目英聳。簡默寡言。予頗重之。未幾遂死。蓋好作狎邪游。以是自隕。年方三十也。初從其父官崇明都司。遂家上海。肄業北洋武備學堂。嘗隨皖軍戍晉。已而從岑春煊。自蜀之粵。以征匪有功。授知縣。錫良調入滇。河口功。署第一。超擢知府。予勇

號充統帶。更調至奉。充統領。其在廣西。日驍勇。善戰。羣匪憚之。嗜殺。馭下威。惠兼著。人樂爲用。平居不聞語聲。及傳令。或演說。則音震梁塵。言絜得要。亦異材也。

良弼

字賚臣。荊州駐防旗人。以諸生留學日本士官學校。端重勤敏。日人交稱之。既還。供職練兵處。歷遷至軍諮使。禁衛軍統領。載濤奉之若師。保事必諮。而後行。清季諸親貴。濤獨好賢。却賄。弼所教也。陳宦。吳祿貞。哈漢章之流。皆由弼進。頗思以立憲弭革命。故推轂漢人甚力。及武漢起義。知漢族終無心向滿。乃結合禁衛軍。聯王士珍。張懷芝。張勳等。冀抗民軍。時徐士昌雖爲軍諮大臣。而弼事皆專斷。弗承其指揮也。已爲人炸歿。弼守潔。學優。爲清末滿人第一流。惜丁未造賚志。以卒。彼自忠其主。雖背共和而忠。則可敬矣。

忠烈

自洪楊亂作。世所傳忠烈夥矣。君子曰。是皆爲異族盡節者。愚則有之。惡所云忠。故夫櫻陣自誓之將。斷脰絕膺之士。吾未嘗不心敬其人。而欲拾其聲聞。以昭來世。則種族之義。以濟今茲。所錄死皆禦外庶幾芳馨奕禩矣。作忠烈者。

楊玉科 左寶貴 鄧世昌 戴宗騫 聶士成 壽富 康廣仁 唐

才常 羅榮光 王廷相 志鈞 壽山 段國英 祝書 葛爾濟旺

楊玉科

字雲階。湘人。父以開鑛入滇。遂家鶴慶。杜文秀稱號大理。聞其武勇。徵爲左衛副招討。略蒙化順寧。晉龍威將軍。已而收鶴慶麗江。時文秀漸驕。封賞不至。遂去之昆明。岑毓英聞。親往訪之。奉以殊禮。乃傾告賊情。毓英立以己冠。

冠之。乞總督洵之爲游擊。畀以六營。令爲先鋒。左右曰：是新至者。心叵測。惡可使爲導。且資之重兵。玉科亦不自安。乞以偏裨從大軍。進毓英曰：吾恨不能以吾座讓子。是區區者何足言。更戒其下有言玉科長短者。殺勿赦。於是感激誓死。浹旬而破楚雄。盡收姚趙諸邑。圍大理。文秀仰藥死。僞都遂克。全滇肅清。晉提督。輕車都尉。世職。時岑楊交誼。若昆弟也。未幾亂定。覺毓英有圖已意。乃乞疾還居湖南。後起爲右江鎮總兵。出關防。法數救黃桂蘭等軍。所部精銳漸喪。乃入駐鎮南關。法以重兵攻關。教民應之於內。乞師巡撫潘鼎新不應。慨然曰：吾百戰餘生。今得死所矣。開關躍馬出搗。戰竟中砲亡。鼎新已先逃至南寧。至無人收玉科尸。李秉衡蒞關。乃歸其喪。謚愍烈。晉封男爵。

左寶貴

光緒初內蒙馬賊猖披其縱飄忽官軍不能制李鴻章乃特調總兵左寶貴將兵捕之已而爲鴻章戚趙某所譖頗干責讓鬱鬱求去都統崇實適移奉天將軍極知寶貴能入覲言於拉后謂治遼莫重捕盜捕盜非有驍將不可總兵寶貴則其選也願挈之往報可遂署爲奉天防軍翼長清代以民軍至關東自此始既至奉親歷法庫昌圖沙河及內蒙諸地禽盜魁白凌阿李四肱膝等踰年道路寧謐奏獎予頭品頂戴駐防瀋陽者凡十六年紀律嚴明民皆稱頌甲午日朝事起寶貴請自籌防將軍裕祿曰北洋已遣衛葉大軍至前敵我何亟亟寶貴曰此儕皆舊同伍者李門廝養庸足一戰我備不可緩乃自出屯雞冠山已而志超汝貴相繼潰逃敵師銳進寶貴軍僅四成洋鎗隊器械遠遜北洋然猶自督陣禦敵戰兩日夜軍覆自馳馬陷陣以死而敵軍前鋒傷亡亦衆視北洋軍之望風卽逃者有人與畜之別矣事聞贈太

子少保。謚忠烈。其招魂日。傾城皆哭。

鄧世昌

李鴻章創置海軍。以私親丁汝昌爲提督。德國陸軍上校漢納根爲副提督。其左右翼總兵則閩學生林泰曾。劉步蟾也。汝昌固不學。軍權皆林劉操之。二人復徇私。諛廣置鄉人。獨世昌以粵人任管駕。不飲博。不觀劇。非時未嘗登岸。衆以其立異。益嫉視之。甲午夏。有謔其鞭卒至死者。屍不可得。汝昌欲原之。步蟾持不可。會宣戰。命下。始已。當世昌殉日。實戰旅順口。西以一艦爲敵。四艦圍攻。然猶發砲擊沈敵艦。一他船泊旅順口者。熟視不救。升旗若無睹者。遂及於難。德宗悼惜。追贈總兵。謚忠壯。是役海軍全覆。見危授命者。祇世昌一人而已。

聶士成

字功亭。合肥人。初在淮軍中。名位不顯。甲午日朝之役。淮軍覆敗。有敵在百
里外。卽掩磨。急遁者。獨士成。以孤軍守磨天嶺。踰旬不退。且潛師復連山關。
日之軍官死焉。德宗知其能。卽令代葉志超爲直隸提督。後以和戰策。令劉
坤一。王文韶。覆決。文韶亦言。唯士成一軍。犒有把握。他不足恃。自是中外皆
欽其名。戰罷。卽統軍防津沽。武衛軍成立。編爲前軍。時武衛四軍。宋慶。董福
祥。袁世凱。與士成也。宋董皆以舊法訓練。袁則全摹日式。第士成軍半法德
意志。然亦未完備。拳亂初作。奉命彈壓。頗縛渠毀壇。匪皆銜之。言於剛毅。毅
以告拉后。遂戒其勿妄殺。士成知旨。卽斂兵避拳。無何。明詔宣戰。拳益張。
頻尋。聶軍。衅大憤。乃迎擊。聯軍以自明。非媚外者。而拳更乘其後。致首尾不
能顧。師潰。竟戰死。后尙責其妄習洋操。爲人所乘。蓋可哀矣。士成狀貌魁肅。
勇敢。公廉。足爲吳長靖。王孝祺。繼。子汝魁。自有傳。

戴宗騫

威海衛之陷。世頗歸咎宗騫。謂其遲誤戎機。而不知其非事實也。李鴻章之編海軍。並無所謂陸戰隊。亦無要塞與艦隊之統一聯絡法。故水自水。陸自陸。二者不相繫屬。宗騫初自烟台發相從。僅五營至威海。惟砲臺聽其指揮。若水師若他北洋防軍。皆敵體也。及丁汝昌以劉公島降。勢已不可守。而宗騫不法龔照璉等之所爲。卒以身殉。亦可謂艾叢之芝蘭矣。故特表而出之。

壽富

字伯莠。清宗室。侍郎寶廷子也。幼卽端重好學。及長。遍通藝文。尤熟於周官禮太史公書。所爲文辭詩歌。博大昌明。而言必法古。戊戌成進士。選庶吉士。時廷罷久官。家綦貧。富匱乏。自安兄弟怡怡。吾嘗謂其足以希顏子。己亥冬。爲書致予。中有妖言間作。宵人乘隙。禍不旋踵。語踰年。其語果驗。富素不謁。

權貴。至是獨上書榮祿。勸其假故。遣董軍離畿甸。然後解散。拳匪謂董乃禍根。拳其枝葉耳。祿不省。內閣學士聯沅富外舅也。以諫諍被難。有勸其他適者。曰。吾宗親也。有去理乎。外兵陷京師。從容爲絕命詩。自經死。後追贈侍光祿卿。其詩當日報章皆載之。富天性醇厚而識慮精遠。言事輒中。後殺德使。日書記者果福祥軍。迨回鑾善耆謂榮祿尙記富語。不祿慙媿而已。

康廣仁

戊戌之禍。原於變法。然當時外患日迫。財用日匱。非變法固無以圖強。有爲幸結主知。欲發其所學。以起衰振廢。此亦學者素志。不足病也。特其心高。識短。復欲以奇行耀世。故所就亦如王叔文之流。廣仁偕楊銳等血濺西市。皆德宗之貞臣。其殺軀也實以國家可謂烈矣。字幼博。有爲弟也。余戊戌春尙見於京師。頗重其勤樸。又聞龍積之言。廣仁學不足望其兄。而富膽識不畏。

艱險故當政變未嘗逃避對簿侃侃不爲懼詞蓋非乃兄所能矣。

唐才常

瀏陽字鞠滕少友譚詞同以學相期許。丁酉戊戌間梁啓超主湘學引共講席其所教授遠則公羊改制近則劉逢祿龔自珍之學。後少參西學而非有專門深造也。然湘士已大駭王先謙葉德輝等羣起攻擊。然先謙德輝徒知狎比優童湘人亦知非正士。俞三廉代陳寶箴作撫乃兩解之。然自是學堂停辦。康梁已先出亡。才常亦走之日本。時孫文主排滿有爲主保皇保皇黨爲國內士夫所信而文人不能實行。才常獨慨然以恢復自任。頗周游皖漢間。招致豪士。聯絡會匪。庚子乘拳亂作將大舉。爲匪黨所洩。被捕於夏口。才常夙肄業兩湖書院。張之洞知其才名。欲令誘致。有爲自贖。才常笑却之。且曰。恨公不足望。張柬之徒成曲學耳。竟被害湘中。自曾胡定變。學者喜談經。

濟沿及輓近而佞者卽假此梯榮如熊希齡之流吾竊羞之獨才常志節清挺忠愛憂時繼楊銳等以死清室誠達禮者當配享德宗矣

羅榮光

榮光從曾國藩至直隸。數治河工。勤勞冠其曹。擢至總兵。乙未王文韶檄管大沽砲臺。洊陟提督。而其服食若一老兵。見人侈靡者輒面斥之。庚子外兵攻沽。初英艦爲我砲所中。已敵礮大至。且書告榮光。讓砲臺。否則大攻擊。榮光不應。還擊益厲。無何了彈罄。臺燬。遂及於難。世有訾榮光不當擊敵者。坐以啓衅罪。然則拱手奉敵。身自他適。卽足止聯軍之攻耶。故論庚子之戰。聶羅致果。衛國直與日月爭光。世有祇祺並皆。舊說君子所當痛絕者也。

王廷相

廷相當己亥庚子間。以編修徐桐數洊其學行。駸駸嚮用。己而拳亂作。贊李

秉衡戎幕。出禦敵。未及臨陣。所部半潰。逃。司饜需。陳汝樸謂廷相曰。似此能一戰乎。廷相曰。吾固知不能戰也。曰。然則盍逃乎。笑不答。及交綏。全軍盡墨。秉衡乃作書致諸將。廷相則爲家書。既竟。進毒。互飲。遂死。

志鈞

庚子之役。外兵踞京。蒙滿人死難者爲多。然皆不堪德軍之辱者。若從容就義。固無多人。而志鈞死事。獨烈足光國牒。已鈞襲三等承恩公。充乾清門侍衛。委散秩大臣。聞敵師至。以上賜品。畀諸奴護其幼子。走匿鄉村。間然後設醴祭其先世。並妻妾長子。皆衣冠對縊於中堂。事聞。贈卹如例。諡貞愍。

壽山

庚子。山官黑龍江將軍。既奉朝命。宣戰。遂令諸軍備俄。而所部不盡用命。未幾。俄兵至。以書達山。乞假道。赴奉天。山拒之。其兵官來謁。重申前請。山曰。如

守。舊。約。得。各。相。安。吾。何。他。求。若。必。入。吾。疆。圍。則。唯。以。干。戈。從。事。吾。邊。師。拒。敵。分。也。他。非。所。知。俄。將。怒。去。翌。日。戰。諸。軍。鳥。獸。散。敵。陷。昂。昂。溪。逼。下。奎。城。揚。言。將。以。大。砲。轟。擊。山。乃。遣。程。德。全。往。商。和。議。而。自。仰。藥。死。有。遺。書。至。銘。安。者。中。曰。不。戰。無。以。衛。陪。京。不。和。無。以。全。民。命。進。退。皆。難。謹。死。自。明。是。不。媿。丈。夫。矣。世。有。議。其。擅。開。邊。衅。者。亦。奴。隸。言。不。足。信。

段國英

宜黃人以縣丞官吉林。權鹽河什河。俄軍至。令讓所處屯兵。嚴詞拒之。登州楊某。適爲俄譯。甚其詞以激敵怒。遂縛國英。至則有德教士在座。頗解華語。國英謂所處乃公局。非奉朝命。不敢讓入。若志在必得。則先殺我官。亡局自屬爾。俄人笑釋之。返則紅袴騎兵。已佔其地。且懸俄徽。乃大哭曰。中國亡矣。觸石頭裂死。俄兵觀者皆嘆息。

祝書

字重君。固始人。父官廣西。甲申之役。嘗贊王孝祺戎幕。書幼聞父訓。知越南亡國始末。乃習粵語。至馴熟。從諸皖人。販竹絲席。往來河內。太原。海防。間交越人。多頗識其志。士時以華越一體之義。曉之。衆皆傾信。結廣南社。未幾。社友阮成。暹爲法人所捕。酷刑以窮。黨羽堅不吐。竟死刑。下乃並收其兄弟。子。姓咸鎗斃之。死者六人。書大憤。曰。是不可復耐矣。夜率所部。刼法警署。殺其警。官方攻稅局。法兵麇至。被禽。時方擾攘。未及搜檢。卽牽之至司令部。見其司令。突出手槍。擊之不中。大聲曰。吾中國烈士。爲越嗚不平者。勿關越人也。回槍自擊。死。無子。祇一女。適予表姪吳詩林。詩林爲予言。

葛爾濟旺

濟旺。西藏拉里人也。幼慧。年二十一而掌商上。時達賴方拒英聯戰。諫曰。是

皆虎狼也。遠之且。不暇可引。以自衛乎。不納。辭官去。江孜居之。已而英藏啓。衅。藏敗。互結約。濟旺聞之。復至拉里。叩達賴。居告之。曰。中國遇我厚。且不干我內事。我當遙奉之。徐圖自立。若廓爾喀。今乃背中國而開外衅。又擅與外人結約。終當爲人所夷。不觀印度。緬甸乎。彼之酋長。能如我佛尊貴耶。卒不納。乃於元夕。誦經大集時。先以外禍泣告衆人。語已。聳身墜崖死。今我五族共和。若濟旺者。其義烈足爲國輝矣。外蒙之附俄。藏之附英。是皆引狼自衛者。烏乎。何濟旺之不作乎。

文苑

當同治間。曾國藩以文章召後進。一時韓歐方姚之集。幾家誦而戶絃。然其以古文著者。大率從軍中獵得。撫仕去。至張裕釗之倫。雖辭簪組。而又研求經術。不當以文人目之矣。光緒中。翁潘在內。之洞在外。亦標文學。然

所。晉。接。皆。拖。青。紫。其。大。半。咸。見。諸。官。吏。傳。中。若。或。僅。能。小。詩。或。略。工。倚。聲。或。標。榜。勲。襲。而。作。爲。詩。話。之。類。是。固。不。得。稱。學。者。抑。且。不。足。爲。文。人。矣。今。傳。文。苑。特。從。其。約。而。望。漏。所。不。免。倘。亦。有。程。晉。芳。者。流。遍。識。天。下。名。士。誌。之。以。告。賤。子。者。乎。是。所。企。望。矣。

鄧輔綸 高心湄 吳嘉賓 吳敏樹 周壽昌 江維恕 黃燮清
譚瑩 蔣敦復 薛時雨 譚昭咏 歐聽兆熊 譚獻綸 廖廷相
楊峴 趙之謙 陸心源 施補華 施山 張肅 曹馴 毛翰豐
孔廣翼 王韜 江開 趙經畚 邱逢甲 陳觀濤 徐錫祉 陳澹
然 孫雄 鄭崇敬 范當世

鄧輔綸

字彌之。新化人。以貢生從戎。歷洊至道員。初貧困。讀於邨塾。喜爲均語。邵陽

陶孟樂見而器之。昇以唐宋諸家集。期年而學大進。及讀梁文選。嘆曰。文章厚薄之判。在是矣。自晉魏以上。雖擒藻雕辭。而意味樸厚。自唐而降。雖散行而意漸佻薄矣。若夫方姚之流。祖震川而祧歐陽。乃自謂爲文章正宗。抑何陋也。又謂詩者子衿。據志之作。至村嫗走卒。皆能解之。詩之道。或幾乎息。故其文參駢散。可躋范蔚宗。詩古體兼法。曹子連。左太冲。近體似劉文房。杜牧之。蔚然爲一代。大宗。輔綸。湘綺。姻家也。少同學城南書院。湘綺遍研羣學。輔綸唯及文史。而交若飲醇。嘗歲暮同走衡陽。風雪中宿廢寺。或逆旅酌酒談。故以爲樂。村人皆識之。有就問字者。湘綺縱橫有大略。而計事謀生。皆疎闊。輔綸則精幹。縝密。每行事必預計。其程序壯而兼爲商。遂致温飽。然慷慨能急人。急。偶自武崗索逋。得銀五十。中二十則代會某收者。過同學晏生家。晏方喪母。卽解銀三十贈之。翌晨行已十里。復返曰。君以授讀爲活。而百日喪。

中不能出。昨者爲贈。今以二十貨君供日食。他時償我可也。歸家無以報。曾則質衣以完之。人稱其義。著有白香亭詩文集。李慈銘頗誦之。然慈銘文僅足窺齊梁。宜其以蟬虻撼樹矣。

高心湄

字伯夔。湖口人。幼而敏。瞻爽邁。十八舉於鄉。會試制藝。篇至千五百言。違式被黜。鄉人楊重雅僞讀其文曰。縱辨若蘇子。瞻奧折若王介甫。時文有此二百年中數人而已。遂爲延譽。肅順聞而納之幕中。獨與湘綺契。時復諧謔。後成進士。覆試以詩出。均列四等。罰停科。殿試。順適爲監。知心湄。敏捷度必早。完卷踰申。卽勒與試者皆納卷出場。而心湄是日忽腕作楚書。頗緩。聞催促。乃草繕成。以投置三甲。末順曰。無傷也。朝考好爲之。吾當爲君地。而詩復出。均仍四等。以知縣歸班用。兩詩均限十三元。故湘綺調之詩。有平生兩四等。

該死十三元。句順敗。試令江蘇曾國藩重其才。歷任劇邑。後宰上元。適六安。涂宗瀛任藩司。高論程朱心湄。恆致譏訕。固以好譏。詆見惡於同官。至是乃。聳宗瀛揭之。竟褫職去。當官日。片言折獄。判詞敏妙。而淫刑以逞。民多不堪。故毀多於譽。晚歲憔悴以終。爲文高視闊步。精者間法莊列。非桐城賭家所。及儷體鏗鏘典雅。唯詞餘於意。詩獨喜戴叔倫陸龜蒙之流。亦足與抗乎。

吳嘉賓

字子序。南城人。翰林院編修。宋代古文家。若永叔介甫子固。皆產江西。故豫章文人。恆自爲一派。然自明季及清中葉。若艾周章羅之流。皆王制舉文。以其艱澁。世亦以古文家目之。今之所謂西江文派。則斯類也。獨嘉賓薄八比。由方姚以窺歐王。雖未能博瞻縱橫。而別裁僞體。言皆雅正。視姚奠無多讓也。素見重曾國藩。而澹於仕進。既歸自京師。唯以文史自娛。未嘗若他名士。

或冒軍功也。後死寇難。嘉賓儀容簡古。雖早掇巍料而終身布素。所居在建昌城西。小屋五楹。環以槿籬。屋後臨水。雜植榆柳。每客至。留醵飲。菜略具。食餘倚樹清談。若晉魏間人。

吳敏樹

曾國藩文學班固而自謂啓于姚鼐。其時士爭號桐城派。獨敏樹以草野之士。瓣香柳子厚。謂桐城派名稱不當。國藩亦服其論。視爲畏友。評所爲文。謂其字字若履危石而下。力足舉百鈞。吾讀其游記。覺此身當秋夜臥船。櫂游岳陽湖畔。聽蛙看月矣。古所稱能發山川之奧。寫草木之神者。非與。字南屏。巴陵人。貢生。官教諭。以文譽動時。從學者衆。晚而漸富。然當壯歲。數來往國藩軍中。唯論文章。未嘗一營仕擢。故終于一校。是真能以豐草長林爲樂者矣。詩不多作。而皆精潔。有文集行世。

周壽昌

長沙人。官編修。記名中允。深思積學。好爲古文。而詞少緩弱。請益。上元梅曾亮。曾亮曰。文之剛健者。莫若韓愈。子熟讀昌黎集。有餘師矣。乃誦韓文。胥能成誦。湘綺告之曰。愈前非無文章。史記前漢書猶多。鉅製奈何。封于此。遂遍讀漢魏諸家集。而終不能堅蒼其精者。間窺歐陽永叔。非劉蓉。薛福成之流。所及詩婉約。得風人之旨。有思益堂詩文集。

汪維恕

字心如。定遠廩貢生。幼而穎敏。年十三。讀六朝文。絜卽能摹。所爲賦。楚楚有致。十六。以擬草。應物聰鶩。歌受知。聶銑敏。入縣庠。弱冠。游京師。館尙書。皂保所。時江寧告捷。保屬擬賀表。謝不能爲鴻篇。保強之。且遺以諸駢體文集。而旬讀竟。奮筆起草。凡五千言。雄麗若表。枚以示潘祖蔭。疑出張之洞手。後乃

知爲維恕作說嚴。挹芬以女妻之。挹芬固精文選學。盡以授維恕。文日樸茂。而好爲狎邪游。以其翩翩優妓爭迎納。踰年疾大作。乃資之還鄉。妻死去。凌雲寺爲僧。已而復歸。卒於家。年方三十也。著有楠園文集。皆儷體。秋心館詩集。又詞一卷。古賦攷證。春明冷夢錄。若干卷。

黃燮清

字韻牲。海鹽人。舉人。官湖北權恩施縣知縣。乞病歸。築倚晴樓。賦詩按曲。以自娛。燮清駢散文詩賦詞曲。無所不習。而以詩詞爲最工。駢文次之。古文又次之。若曲則徒工擒藻。多未協律。亦不知南北曲分套之法。故帝女花。桃溪雪。居官鑑等七種。祇足取說於時流而已。少以貧游幕四方。王有齡守杭州。賞其才。招爲記室。數助金以資其著書。故終身感之所爲。居官鑑卽爲有齡發也。詩古近體並精。駢文在吳錫麒劉嗣綰之間。富於風情。客京師日。恆品

第明。僅優劣。同游者。稱爲黃評事。近人筆記。謂變清豐才陋貌。艷一女。往求昏。爲女所拒。絕似湯若士。然吾嘗觀其畫象。亦清疎得山林氣。陋於何有哉。

譚瑩

清代駢文冠宋以後。然若袁枚王曇之屬。句累八九字。強嵌成語。固是宋人流派。郭頻伽則篇幅狹貌。雖似古神。則離焉。劉芙初諸人。雖整麗矣。而卒不能忘情。後世誥敕之體。求能昌博道麗。若初唐四傑者。乾嘉以後。斷推玉笙矣。玉笙瑩字。卽以名其集者也。南海人。以拔貢舉於鄉。少肄樂海學堂。年方十八。阮元時督兩廣。試荔支佛手兩賦。曰工細妥帖。而能不囿近體。從此嚮學。何有齊梁。自是課試輒冠其曹。有聲於時。爲齋長。凡二十餘年。選教職不就。同初卒於家。年八十有九。有詩文集。廣語鄂。爲文長篇鉅製。意義不窮。而語皆錘鍊。唯小品不多作。詩若吳偉業。有嫌其虛字太少者。瑩和謹謙厚。

雖文辭妍儷而操履篤實。飲於妓筵。面輒發頰。晚歲喪偶。一室獨處。沈淫典籍。有勸其學佛養心者。曰。吾心不放。何待養哉。又曰。佛法未入中國。人其以何者娛老。故終不窺梵夾。八十後。偶論時事。輒能預道成敗。尤善相人。有京師優初至粵。富商潘某挾赴讌。指告座客曰。此將軍公子也。優固善酬酢。進止合度。人皆弗疑。獨瑩微笑。客散有叩其故者。曰。是有賤骨。後當爲人。嬖童潘聞之。乃大笑道。其實衆服其神。窮所師承。曰。是可有秘術。閱人旣矮。心不爲蔽。則吾日猶鑒矣。

蔣敦復

字劍人。以字行。江南人。少工爲詩辭。慕魏叔子之爲人。喜談大略。嘗以策干楊秀清。不能用。乃遍歷南朔。晚歸憔悴死。嘗爲近體詩十章。上曾國藩。李榕謂較何栻何若。國藩曰。是有雅鄭之分矣。蓋詞雖雄放。而詩律未細。間雜俚

俗也。而其晚蓋作蒼涼悲壯。幾闌杜室。儷體有奇麗語。而不入格。著有文鈔詩鈔。

薛時雨

字慰農。全椒人。以甲科官知縣。擢至道員。乞休歸。曾國藩聘主尊經。惜陰諸院講席。一時吳下文人。多其弟子。時雨和厚曠達。不持儀節。士皆親之。初以科舉文鳴於世。時稱其文足繼武方苞。然實則淺薄。所爲詞章。機趣橫生。不落巢臼。國藩謂宜少習古人義法。時雨謝無傳世想。取自達意而已。然其近體詩。若黃山谷。亦未嘗無法。特文非所長耳。偶爲聯語箴銘。皆有精思。而詞不晦奧。如其爲人。

譚咏昭

字仲回。一字雲生。武威人。幼溺於學。嘗仿其鄉張樹蜀典意。爲洮隴談故二

十卷。一顯者藉觀竟以己人名刊之。咏昭大憤。訟之不能勝。乃走居陝西三原。主於焦氏。盡讀其藏書。舉同治甲子科順天鄉試。年已五十矣。以修書議叙江西知縣。夙短於觀。及謁藩司。誤觸几。茶盃翻濕長官衣。怒而詈之。歸卽牒請改教職。選洮州廳訓導。卒於官。咏昭爲同光間關隴文人第一。而制行堅潔亦足矜式。士夫著有看雲書屋詩文集。詩清新刻露。略近趙執信。而五言古體之樸雅過之。文駢儷爲長。巧思雋詞。絡繹行間。又有十七史拾遺未就。

歐陽兆熊

兆熊。豪邁若燕趙間人。嘗乞爲曾國藩幕僚。國藩曰。君天馬不當受我羈勒。乃令司後路軍需。而兆熊好方人。時以書道諸將吏優劣。國藩厭之。禮意漸疎。乃舍去。後復佐黃冕理鹺。非所樂也。時已保官至道員。喜延攬。遇士之貧

者必助以資。且爲揄揚。黠者亦往往欺之。弗校也。字曉岑。湘人。詩文皆法唐人。郭嵩燾病其摹仿有跡。曰然則楊雄之摹易國策之摹左氏班之摹馬歐之摹韓皆無跡耶。卽君詩摹李東陽亦可於楮葉間辨之也。嵩燾不能難。凡詞曲聯句之屬皆工之書亦險勁而世不恆見。詩多奇語。善醫人。擬爲薛生白。徐靈胎之流。詩集行世。文集未及刊。予於陳麓賓處見其數文。若杜牧之罪言。又有筭記。記咸同間事於國藩不能無微詞。蓋曠達勤謹道不同也。

譚獻綸

獻綸。浙仁和人。以詞名。然詩文均得古法。詩錦麗略似西昆。文簡峭蕭疏。若晉魏人。小說體特弗工。鉅篇嘗游蕪。趙齊魯。迄乎嶺嶠。遍交當世詞客。家藏前人詞曲甚富。搜殘訂墜。孜孜以老。自爲篋中詞。較龔自珍爲協律。蓋亦信萬紅友者。

廖廷相

學海堂經生。登光緒丙子會試。成翰林。初學經訓。通訓詁名物。已而舍去。專爲詞章。一以漢魏六代爲法。偶以箋啓致友生。詞頗簡晦。衆不能解。時寶鑒掌院納人言。一日謂李文田曰。君鄉人廖某。已入詞館。而吾聞人謂其不通文理。何耶。退以告廷相。大憤。乞省墓還。遂不復出。其後駢文少摹初唐。弗識者覺。章句鈎棘。實則整散相間。西漢已然。予見其銅圭軒詩。闊大若明之信陽。北地而不依人門戶。真拔地倚天之作也。粵南海人。

楊峴

字見山。一字藐翁。歸安人。官知府。以迂長官罷歸。峴喜金石。書法蒼古。初友俞樾。頗究小學。然僅通門徑。中乃好爲詩文。文散體不硜硜。守派別恣縱。如意亦間有綴數套語爲篇。若絕不經意者。殊不可解。儷體腴整似阮元。詩有

至佳者可方楊大年。亦有至劣者。則似袁枚。趙翼。頽唐之作。晚好謾罵人。朋輩避之。家大人於孫汝綺所見其手札八十餘通。皆論詩學。謂其論音調。強弱。隸事法則。多發人所未發。丙申。予往假觀。則其孫已售之僧峨峯矣。

趙之謙

字搗叔。歸安人。官江西知府。多識金石文字。工書畫。詩宗陶蘇。間法溫李。畫兼花木人物。筆意簡傲。尤勝。其書。惜世鮮觀耳。散體文不能工。儷體唯擅長小品。有齊梁間風範。之謙早歲狂放。游京師日。盛夏輒裸衣坐海王村書畫肆。揮扇縱談。人皆以狂士遠之。及服官。遇極坎坷。乃推剛爲柔。晚益和易。能刻石。奏刀奇古。嘗飲如松館。醉後諸友出印。勦其刻。踰時而就。然刃傷指。血流被袖。時姚瑜伯亦與其列。越數日。姚以科場事。遺戍歿於西域。故之謙終身不浣此衣。自爲詩題其袂。詞頗悲楚。是亦篤於友誼者矣。

陸心源

如心源者可謂博而寡要著而失體者笑然其多識佚文廣收秘籍要不得不謂之文人也。字存齋歸安人以軍功官至道員。歷廣東南韶連福建鹽法。缺皆優裕。家致鉅富。既罷歸。乃築十萬卷樓。搜求圖史。攷證板本。所交皆知名士。一時以學者奉之。然初不知文史義例訓詁名物。觀其叢書所收。經則金履祥尙書注。餘多不經之醫書。可以知其學矣。殆亦鮑廷博伍崇曜之流。亞與詩整潔。文法南宋人。雖繁緩而氣度從容。問亦推本經義。俞樾弗如也。弟樹藩。江蘇道員。工資緣。其藏書並賣之。日本人。所藏畫則獻之。端方。

施補華

字均父。烏程舉人。官山東道員。補華淹貫文史。博識深思。類章學誠。而文之淵雅過之。早歲習梁文選。太史公書。前後漢志。皆有笱記。或攷證異同。或疏

釋義訓。後益汜濫。百家信顏李之說。思以實用經世。故最契戴望。然對客恆默。默顏色冷傲。人疑其驕。多毀之。初張石蓀言於祁雋藻。謂補華奇士。宜落達數招與共語。唯唯而已。退乃以書論事。輒中肯綮。雋藻初謂其訥。譖之者曰。書蓋倩人所爲也。遽信其說。過從遂輟。復有落之曾國藩者。而幕客方張。劉姚緒餘補華。則並姬傳子居。皆輕之。或曰。此狂士也。會以疾就醫濟南。國藩亦不再召。時已踰四十矣。後從西北軍。保官至知府。張曜撫山東。令治河工。晉道員。曜固欽其學行。方將密落。乞顯擢。竟病死。其卒。曜哭之哀。蠲萬金歸其喪。爲刊其澤雅堂集。補華文詞簡潔。而氣象雄闊。遠非桐城諸家所及。詩亦深秀。

施山

會稽人。初名學宜。更名山。字子山。少游幕鄂中。敏悟過人。年十八。擬昌黎南

山詩。吳敏樹見之曰。是又一韓矣。已博覽羣書。力不能致者。則展轉假抄之。其手抄冊積至三百餘。學遂大進。時袁枚餘燄猶張。山獨鄙之。詩初法昌黎。繼乃遍歷唐宋諸家。自運精思。發于歌咏。往往得比興遺意。張蔭桓樊增祥皆與論學。文亦博雅。而弗逮其詩。著有薑露庵詩集。又雜記四卷。坊間有刊本。雅約得體。近世筆記中之碩果矣。

張肅

字魯儀。清苑人。同治中進士。以知縣分四川。代同官擬吳棠壽文。儷體萬言。典重雅麗。冠其儕輩。得權渠縣。然肅迂闊。第知文學。錢穀兵刑。舉非所習。長官交劾之。棠猶不忍。乃撤其任。代者揭其多虧公帑。藩司文格惡之。遂降教職。曾國藩聘入江南書局。以嗜酒南中卑濕。患骸疾。乃還居京師。歿肅邊幅不修。兩眸子光弗及寸。聽鼓衙參。恆攜書自隨。人與語未終已。誦聲作矣。自

延客亦若是。往往客去，尙弗覺。入夜則孤燈、酒盞、蔬脯，數事坐長椅上。一卷且飲，且讀，漏三下，陶然拋書臥矣。故經年未解衣寢，蠅虱叢生，人皆遠之。然性固謙，卽有人面詈之，亦不校。俄頃並其事忘之矣。古書多成誦，史漢某語出某傳在某冊某頁，皆能言之。文不多作，儼體爲勝。詩長五言，近體若宋之問、杜審言。

曹馴

桂林人。辛未進士，入翰林。初私淑其鄉王錫拯，喜爲古文，而祇能摹其篇幅，以喪歸。主講書院，乃研究羣籍，學以日博，著粵雅。數與試試，差弗入選，遂歸。不復出家，有池館，恆招明童侑酒宴客，蓋亦放浪之士也。晚而詩學黃庭堅，得其神，似文如舊唐書，往往簡不中理，然精者亦非同輩所及。子穗，字仲穗，進士官四川道員，權臬司，亦能文，工心計，時稱幹吏。

毛翰豐

字鶴西仁壽人。以諸生受知譚宗浚。選優貢生。後成進士。授內閣中書。外官雲南同知。擢普洱府知府。卒於官。翰豐富家子。幼而好學。師同縣王萍洲。才士也。教之。遍擬古人名作。然後自命題爲之。乃獨工詩歌。駢儷散文則繁複無法。後肄業尊經書院。乃少少治訓詁之學。文益典雅。詩五言學謝靈運。七言近綿麗。若吳偉業。古體幽奇。類李長吉。初爲摩訶詩話。質張之洞。之洞曰。猶之袁枚所爲。不作可。乃毀之。踰十年成龜牀詩考二十四卷。達於之洞。覆書崇獎。謂詩之有此考。庶幾史之劉知幾矣。又有龜牀駢體文十四卷。詩四卷。南詔雜識四卷。晚嗜煙。多蓄俊僕。故當官無能名。

孔廣翼

清代古文不競。若方姚之倫。第能伯仲熙甫。視荆川。猶有媿色。其後定盦。默

深。少。精。奧。滌。生。均。父。少。翔。賓。而。尙。不。足。躋。宋。人。也。廣。翼。以。布。衣。攻。學。三。十。年。乃。爲。文。章。其。法。賈。董。班。范。者。媿。美。湘。綺。若。師。左。國。摹。列。莊。則。並。世。無。儔。矣。晚。益。宏。肆。不。屑。以。虛。字。挑。剔。如。近。世。學。史。記。者。之。所。爲。紀。事。之。文。如。黃。河。九。派。一。折。入。海。精。者。往。往。掩。過。秦。若。夫。方。物。紀。游。又。恢。詭。奧。折。直。似。禦。冠。烏。乎。文。之。能。事。盡。矣。顧。不。求。聞。達。以。富。室。避。冠。家。於。臨。羌。山。中。旣。冠。出。資。遍。市。書。史。掩。關。講。誦。至。於。五。十。乃。事。著。作。歿。年。七。十。三。當。光。緒。庚。辰。也。以。足。未。出。里。閭。適。京。邑。交。士。大。夫。故。名。不。彰。有。文。集。百。卷。皆。手。錄。細。楷。精。楷。爲。冊。而。遺。言。不。得。刊。行。子。昭。儉。乙。酉。拔。貢。生。設。典。肆。於。蜀。歲。恆。往。來。川。中。亦。博。雅。予。兄。事。之。每。入。陝。必。造。其。居。得。讀。遺。集。一。展。卷。疑。身。在。玉。山。上。行。矣。字。乙。之。昭。儉。字。約。生。家。嘉。陵。江。湄。有。依。園。植。柳。甚。繁。昭。儉。謂。其。父。生。平。未。嘗。爲。詩。將。歿。時。乃。作。五。言。古。體。曰。著。述。藏。名。山。尙。可。貽。孫。昌。以。之。災。黎。棗。適。爲。世。所。憎。當。薪。與。覆。

哉。感慨徒憤膺。其速扁。吾笥藏之閣上層。始皇或不作。吾書終如恆。是亦可謂異想矣。

王韜

韜。不過李漁之流。所謂浮薄輕士。而其詩與儷體文。固多佳製。未可全沒也。字紫詮。晚號天南遯叟。吳人。少避亂居粵東。少通西學。又歷洪楊軍中。所投不合。老而主上海格致書院。狎游徵透。足爲報館名士之先進矣。詩古近體。皆可誦勝於袁枚。駢文雖不盡能拔俗。而峭麗流暢。亦足傳世。

江開

字龍門。廬江人。家於西安。好談經濟。口若懸河。壯而試令。則殊無建樹。然偉貌。霜髯。聲可震瓦。固畸士也。論文不滿於桐城陽湖兩派。獨心折侯魏唐藍諸家之作。雖所爲傳記。不免墜小說家巢臼。而奇傲之氣。終不可掩。詩雄放。

類。其爲人。有龍門自定詩三卷。名山詩一卷。

趙經畬

字新田。宜陽人。以進士授主事。分戶部河南司行走。乞休歸。黃槐森聘主錦屏書院。歿年猶未五十也。精於校讎之學。嘗爲通志商權十卷。頗申鄭樵。然其疎乖亦多。訂正。又爲南北史拾遺。皆據諸家集及金石文字以補之。經畬遽於史學。二十四史皆有笱記。歿後無嗣。爲其弟子盡攫之去。未知歸誰氏予矣。嘗三宿院中。頗質疑問難。謂陳承祚三國志。徒有人物。而鑿齒春秋。更鮮宏旨。斬其更作。己欣然命筆。且屬予志輿地。未幾。聞其病。酒己而竟死。經畬魁梧若武夫。樸訥渾原。雖仕猶如寒儒。能飲。日盡酒三壺。皆產自陝西郃陽。燒春而參之。以藥者香冽而烈。醉人。至數日。不能醒。

邱逢甲

字仙根。台灣人。進士。授主事。清室以台讓日。大憤。歸主潮州韓山書院。復游海外。歷南洋各埠。傾其家助康。有爲營保皇黨。終不得當。後卒。逢甲慷慨有大志。而坦直。易爲人愚。所爲詩。才思橫溢。空送如意。尤精對仗。雖恢詭。不如黃遵憲。而齷齪。亦往往勝之。唯乙未諸詩。則沈鬱蒼涼。如伊州之曲。讀者輒墜淚。後來所不及也。

陳觀溥

字友生。成都人。舉人。納資爲郎中。少爲張之洞所拔。肄業尊經書院。湘綺手題通經術能文章六字贈之。嘗入劉秉璋幕。後主芙蓉書院。觀溥家本富有。以好學。喜延納文士。搜采圖書。復不知出內。家遂中落。困頓以終。當在湘綺門下。治詩禮甚專。已而棄之。壹志攻史。諸史皆彙其事蹟。人物爲表。而又各從其類。朗若列眉。爲今水經以體大不及。卒業善爲賦。抗蹤士衡。駢文亦雅。

飭

徐錫祉

字小齋。仁和人。進士。嘉興知縣。工詩。清刻。婉切。直與查初白把臂入林。尤精世所謂目錄之學。嘗續阮雲臺四庫未收書總目。又有榕陰讀書志十六卷。皆論古書卷帙及文字異同。亦足資考證。當官威惠並著。士民愛戴。有防營兵強姦鄉人婦。更牽其牛割而烹之。鄉人憤訴於錫祉。時臺兵驕甚。每犯事。地方官不敢過問也。錫祉竟按名索之。悍卒大譁。勢將興變。乃陽謝過。演劇招諸兵飲。暗集民壯圍之。時飲者手無寸鐵。圍者則嚴裝持槍。遂不敢肆。且獻罪人。卽其地戮之。比解圍。衆兵歸。方欲取械來攻。而械庫而已爲鄉勇所守矣。管帶不能堪。砌詞誣其規械戮兵。會朝日亂作。臺戒嚴。管帶他調。事乃解。

陳澹然

桐城人。近世古文家之一。張其鄉姚鼐之學者也。當戊戌後。已少有名京師。而吳汝綸謂其意境淺狹。弗爲延譽。遂不爲鄉士所重。自汝綸歿。治古文者益寡。而林紓之流。徒能爲評點。或小說傳記。澹然名乃大彰。然其文亦失之繁衍。特較紆等爲能免俗耳。喜傳伶人。故京師名伶皆乞爲立傳。不能無餽遺。惑頗訾其放利。然賢於報館以賄賂爲劇評者矣。

孫雄

雄。文人之無恥者也。張之洞獨信其賢。聘爲大學文科教員。蓋之洞以頌聖固寵。雄以頌聖獵官。皆拉后忠僕宜臭味相投矣。雄初名同康。字師鄭。意謂學鄭立而初不通經術。繼慮恐人疑其希康。有爲遂更名雄。昭文人進士吏部主事。工駢儷。能詩。箸有詩文集。又嘗纂詩史。乃藉以宣上德。並表揚達官。

貴人故詩史成而雄之月俸以增然清室既亡彼固不能如梁鼎芬之所爲徒奔走督軍省長間營爲諮議顧問然則頌聖者特爲拉后之洞而發耳散體文塵俗拉雜一字不可通好博喜冶游有謂其已亡則輕薄文人又弱一個矣。

鄭崇敬

字子壽。鄞人。陳康祺弟子。舉人。大挑雲南知縣。以乖戾爲上官所嫉。乞休歸。襄慈豁學務。未久卒。崇敬方面巨目。鬚髯甚偉。顧性堅僻。獨身之官。其妻令子往省。至則坐堂皇。勒其子伏地受杖。荷校示衆。其表弟朱某爲司出內言。論偶齟齬。立以錙銖之收入獄。其紕繆至如此。而操行甚潔。學尤瞻博。於書無所不窺。慕餞大昕。俞正燮。全祖望之學。總治經史。並及百家。爲文博辨。若羅泌詩好砌故實。頗煩重無意致。尤習清代掌故。足傳康祺之學。有文稿十

卷多書。時事翔實。足以助修清史者。辛亥冬。余遇其子道懷。滬市上問其父。書茫然不知所對。或已付之一炬矣。

范當世

字肯堂。南通州人。工爲詩。菲薄唐賢。而思力深銳。發爲篇章。兀傲健舉。沈鬱悲涼。匪第超越近世學。宋諸家其精者。直掩涪翁。清末詩人。歸然靈光。文亦簡奧蒼堅。臺隸相城。不善治生。終身困匱。中年流徙江湖。客死旅邸。張謇陳三立。鄭孝胥。皆與篤交。錫良端方等。交致幣聘。卒不一應。標格清峻。唯天際孤雲。絕嶺喬松。差足擬之。自其既歿。而浮薄文人。競作肥遯堅貞之誼。遂不復見於國中矣。嗚呼。

藝術

史傳方技。皆醫卜之流。然卜筮實渺茫不可窮究。今之習其術者。又古之

冠垂須者也。故不之志而補以疇人。李華之倫前無作者矣。醫之良庸人之生死繫焉。詎不甚重而精者千百中二三而已。故所紀祇八人。又書畫之藝至清同光而後日益陋塞。蓋習書畫者愈多而工書畫者益少。然乃文事之旌徽風雅之梯逕。何可廢也。特傳其至者十四人。而殿以善雕鐫者二人。善治器者四。人工奕者一人。

李善蘭 華衡芳 蕭開泰 馬文植 薛福辰 李德元 李仲元

陳蓮舫 賴嵩蘭 石康 陳獻之 張態祥 費丹旭 任渭 周棠

胡石查 鍾肇立 顧子遠 吳讓之 彭聚星 僧明基 范金鏞

張祖翼 謝晉涵 榮綢 徐汝舟 譚衡 曾昭吉 羅毓珉 朱鶴

年 沈燕 火神廟道士

李善蘭

字壬叔。海鹽諸生。深思好學。踰冠讀甄鸞九經算術。以多錯亂。少習。卽能正其誤。後更冥思潛索。術益精進。西教士見所釋算。說理透闢。而用法簡捷。嘆曰。數學能事。畢於此矣。吾國人弗如也。繼避髮亂。攜家游京師。納資爲郎中。曾國藩慕其學。招之教其二子。乃南還。復以碩學異材。聘充同文館教習。晉卿銜。光緒初歿。所著如幾何學等行世者。凡十餘種。聞其成書未刊。屬稿未成書者。尙二十種。要皆窮極數理。詞多奧衍。足以專門名家。而非今科學之所急也。善蘭天性敦篤。操行狷潔。其在國藩幕。竟日危坐著書。未嘗妄交一人。予友壺隱。其通家也。見其自署聯曰。小學略通。書數大隱。不在山林草法。奇險勁峭。若黃瘦瓢。而世鮮知其能書者。

華蘅芳

字若汀。金匱人。精算數。足繼李蘭善。張之洞聘主武昌算學館。著述之富。婉

于善蘭而文差平易。聞其弟子蘇星舫言。蘅芳謹厚。在鄂挈一僕自隨。僕恆盜其物質。賤而仍納質券笥中。弗覺也。冬初欲取皮衣禦寒。啓笥已烏有矣。詰其僕曰。蠶者主人闕用。命我投之質庫。何便忘都耶。怒斥其妄。乃從容自笥檢質券。出且笑曰。自藏之而自忘之。妄何在。我蘅芳憤極。第揮之去。無如何也。又有西人令其女從學算。女固綺年玉貌。弟子皆爲顛倒。每西女至。諸生醜態百出。一日突爲蘅芳見。驚問故。衆不能答。俯仰久之曰。我知之矣。是亦一人耳。奈何學鄉鄙。蚩蚩者。遇洋人輒驚畏也。蓋不知有調笑事。可謂盛德也已。

蕭開泰

初名汝偕。雅安人。幼而好數學。苦無指導者。乃購舊算書。習籌算。已乃游湖湘間。多讀數學新籍。學日貫通。歸而著句股解。比例說。自強齋數學。瞿鴻禨

提學四川。稱其博學。咨送總理各國事務衙門。試冠其曹。充同文館編書官。時中日戰作。閉秦條陳戰守策。中有以鏡引火燒敵船法。說出衆大譁。謂其襲小說家言。憤還蜀。造木鳶可翔空中。爲人傳信。而不能踰遠。及十餘里而已。又造木機。以汲井鹽。靈提省工。庚子衆訾其爲天主教。愚氓聚衆毀其機。井工失職者。竟欲得而甘心。乃還雅安山中。未幾卒。著算數書十餘種。堅謂其火鏡策不誣。特術猶未精。竟賚志歿。余見其以鏡引火烤鴨。一鏡日可熟百鴨。雖燬艦禦敵。不可必。而卽此探索。終可發明。爲實用。乃言甬出口。衆毀隨之。予嘗謂。使西國創製新器之士。而生於中國。亦決無一成。蓋殫究未終。癡人號已大著矣。開泰一人。更何惜乎。

馬文植

字培之。武進諸生。祖以醫名。故幼卽習其家學。及壯爲人治疾。詳慎精審。弗

少草率。名漸著。俞樾病瀉幾怠。以牛羹飲之。而愈。樾方爲南士主盟。乃爲延譽。望以日隆。光緒庚辰。江蘇巡撫薦其治拉后疾。藥投而效。寵遇越衆。以寺人索賄急。厭之。且無求仕進心。假昏眩舊疾辭歸。后瘥。仍賜額以旌其廬。年七十餘卒。文植以醫起家。致鉅富。和厚愷悌。好濟人困難。歿後。其門人輯馬氏醫案。洞達本原。唯用劑甚輕。至今遂傳爲孟河派。俗所譽爲果子藥也。

薛福辰

福辰以舉人官道員。乃假醫進。擢至左副都御史。不死者。且晉正卿矣。然其醫實精深。非俗流所及。丁寶楨省墓還任。腸悶不能耐。醫者雜投以滑潤瀉利之劑。病密劇。福辰視之曰。此溼暑處舟中夜臥喜涼致寒中腸冒而便久不行。復乾結。其中以麻黃桂枝湯輕劑加五仁散爲引。一服便通。疾以霍然。其弟福保病腫。醫者競用車前薏苡之屬。小解淋漓弗止。復進補劑而腫愈。

甚。福。辰。方。用。胡。椒。蒼。求。雄。黃。草。果。之。屬。兩。服。腫。退。庚。辰。以。李。鴻。章。薦。治。拉。后。疾。及。馬。文。植。歸。福。辰。竟。全。功。遂。蒙。顯。擢。著。有。醫。學。發。微。於。薛。葉。諸。家。皆。有。微。詞。獨。信。俞。嘉。言。然。治。病。則。神。明。變。化。未。嘗。爲。嘉。言。所。困。也。又。著。臨。證。一。得。推。同。光。間。南。中。名。醫。第。一。

李德元

順天人。久任太醫院判。以治穆宗疾獲咎。爲言官所論。幾蒙禍。拉后知其枉。僅予薄犯。後卒於官。賜卹頗厚。德元兼治內外諸疾。且善針灸。頗能斷人生死。特役于天家。或奔走王公邸第。投劑務取平和。其名遂掩。然醫學在馬文植上。乙未吾友蒲荇之館裕德所。一日共德元飲。突問荇之曰。君有疾乎。對無有。默視弗知。此予所目擊者。越而日而蒲死。德頓足謂悔不聽李君言。或叩之曰。前晚酒罷。李曾告予。蒲咳聲甚異。自己失神。三日內死矣。曷早爲之。

所。予。以。其。妄。故。置。之。孰。知。竟。驗。予。以。告。諸。友。衆。皆。信。之。每。有。疾。輒。轉。託。顯。者。道。意。而。乞。之。治。無。不。應。手。愈。者。

李仲元

字。筱。乾。一。字。蒙。石。三。原。人。隨。父。宦。鄂。生。于。施。南。光。緒。乙。亥。舉。順。天。鄉。試。大。挑。教。職。不。就。游。於。楚。蜀。間。抱。布。買。絲。終。于。商。嘗。病。困。宜。昌。誤。延。庸。醫。飲。藥。幾。死。曰。好。爲。遠。游。者。而。弗。通。方。書。必。爲。庸。醫。殺。矣。遂。習。醫。盡。讀。諸。家。書。然。病。情。不。盡。與。書。相。合。卽。合。而。立。方。又。有。出。入。莫。所。適。從。一。日。游。梁。山。雙。桂。堂。爲。一。僧。治。疾。書。方。既。有。老。衲。過。其。前。索。方。觀。之。曰。方。是。而。病。則。非。也。問。能。醫。乎。答。習。此。五。十。年。特。不。敢。問。世。奇。之。招。與。共。語。仲。元。引。證。古。籍。辨。論。不。窮。僧。笑。曰。君。誤。矣。古。來。著。書。者。多。文。人。非。必。良。醫。也。故。議。論。娓娓。臨。證。則。左。君。不。觀。熱。症。熱。治。寒。症。寒。治。之。說。乎。其。爲。遁。辭。明。矣。分。人。身。爲。三。焦。而。曰。某。藥。達。某。焦。是。

則入口之後不必先納之于胃矣。其繆更甚。以其如此。故辨論愈工。而殺人愈衆。世知讀藥性賦者。之殺人而不知著方書刊醫案者。亦殺人也。故治一病。必任其始終。然復以所得失。詳摺記之。然一人一日診及三症。可以止矣。由是積累歲月。所記既多。得失之數了然於胸。持此應世。庶幾起其什七耳。仲元驚服。欲奉爲師。堅辭不受。歸依法行之。後果爲良醫。俗以其時救垂危。稱曰李半仙。蓋謂老僧爲佛。下世而仲元則承其學也。

陳蓮舫 賴嵩蘭

皆青浦人。蓮舫宗葉天士。嵩蘭宗陳修園。海通後。南中名醫。恆來滬上。而負虛名者多。鮮有能及二人者。唯蓮舫少精銳氣魄。力不逮嵩蘭。戊戌後。江督蘇撫薦蓮舫治德宗疾。然帝實不病也。未幾遂放歸。

石康

不知何許人。同治末。賣藥京師市上。藥囊書石。康瘦弱。似南人。而行甚矯捷。操淮徐音。亦能爲京語。頂已禿矣。恆來往于西四牌樓。以達乎宣武門外。折至梁家園而止。他處弗至也。市兒皆識之。每逐相嬉戲。然無知其能醫者。朝邑閻迺竹。以會試留京師。嘗馳馬西城。墜而傷顛。血流不能已。康適過其傍。出藥傅之。血立止。僕從卽邀與偕返。復書一方。令留服。酬以四金。欣然稱謝。家大人適共迺竹居。見其書。迺麗若。張黑女碑。氣韻清疎。異之。留與飲。叩其身世。曰。湘人。舊館保定某令所。後主者死。貧不能歸。故賣藥春明。問藥頗靈。妙。當得厚值。而觀君狀。甚清寒。何耶。則以運蹇對。自是日。恆來旅邸。言辭甚簡。一日。僕人曾福。腹痛欲烈。康過爲診視。以加重。達源引投之。立愈。始知其善醫。問何弗應世。曰。初亦嘗欲爲此。而恐其誤殺人。且亦無爲引薦者。無何。尙書萬青藜病。招醫。乃蘄贛人楊子俊薦之。服其藥。竟瘥。遂題額贈之。是時

始知所居在宣武門大街東。由是譽鵲起。達官貴人皆乞其治疾。踰月快車出入矣。明年忽至告別。謂婦病甚。須歸視行。且復來。然五閱月猶弗至。家大人亦還蜀。後迺竹書來。謂康去竟如黃鶴。故至今莫能測其身世。

陳樹周

字獻之。簡州人。廩貢生。家富於資。少而好學。通經史。明故訓。然不治生產。尤喜接客。晚竟盡鬻其產。至成都以醫爲活。然日診不過五人。重症則一人而止。嘗疑本草之弗實。如黑色入腎。赤色入心。通草通氣之類。皆不足信。又言藥類不能治病者。多不當以僞言欺人。且草木品居什之八。而金石血肉品。僅及什二。亦弗可解。著藥性論。上中下三篇。時江人孫子干。方以醫雄於蜀。而所主方。則茯苓蘆根之屬。佐以藕藜。不特大黃細辛爲禁品。卽柴胡防風之類。亦屏不用。樹周乃著醫學卮言四卷。其言曰。今之所謂良醫者。知其術。

不足活人則選藥之無氣味無力量者凡數十種而佐以果品花蕊之類人有乞治者乃由此種類選其與病近似者書一方畀之其人苟生則以輕愈重醫之功也其人苟死則是數品者斷非殺人之藥亦非醫過也况婦女兒童飾病者多飲如是藥適與病符而名醫之名於是彰彰詎不可痛吾觀古人用藥唯出於長沙者其性皆效而世醫避之若恐不及蓋承氣桂枝四物之屬用誤禍且立見彼既無術以審其當用不當用途竟棄之而不用然則何貴有此醫哉夫人之臟腑血脈本有部位治病次叙自有不可易者而世人惑於醫者意也一語劍爲種種奇方實皆不中理解故有心疾食豕心肺疾食豕肺者又有菊花去蒂竹葉抽筋桑枝取東向河水用逆流自矜精細以炫俗流而醫學晦盲故世之病而弗死者皆疾有轉機自能霍然非醫藥之力也不服藥爲中醫之說顧未可厚非哉是真有慨乎其言之矣樹周寬

衣博冠長身鶴立望之君。古人恆宿青羊宮中。喜眠能數日不起。飲食人稱爲陳搏。

張熊祥

字子祥。浙人。少避冠亂。家於上海。工詩畫。畫以花鳥爲最。初學惲南田。參以孫漢陽。秀均天成。間爲山水小幀。亦綿麗可觀。巨幅則力弗逮。同治中奉宸苑徵畫士。潘祖蔭以熊祥薦。辭不赴。以鬻畫終其身。亦高逸之士也。著有銀藤花館詩鈔及題畫集。

費丹旭

字小樓。烏程人。亦避冠亂。居上海。善爲士女。娟雅不墜院本。巢白。畫柳及佛像。亦有古法。嘗見其摹金農秋夜禮佛圖卷。雖濃湛精古。而步趨謹守。無餘意矣。

任伯年 阜長

伯年名渭。阜長名阜。並工畫。皆以字行。紹興人。同光間。海上推爲大家。伯年。蒼古。阜長。奇創。各極所長。山水。花木。人物。禽魚。走獸。諸體。並工。唯山。永氣韻。不足。耳。其花鳥。用重色者。類圖異種。傳至今。稱海派。然世之摹擬者。惡俗。不可耐矣。人物學。陳洪綬。面目奇特。二任繪事。魄力在張熊。祥上。足爲一大宗。

周棠

字少白。山陰諸生。官光祿寺署正。以畫石名。朝鮮人來者。恆買其畫去。居京師日。乞畫者戶限爲穿。輒草率應之。故世所傳畫。強半率略。而經意之作。則奇傑。雄偉。而珍瓏。內蘊。張之萬許。爲清代畫石第一。間作山水。摹小米。多用溼筆。蒼潤。欲滴。絕不類其畫石。知名家無所不能也。性高潔。不游顯者門。以鬻畫自給。屋後貯西山煤極多。皆取方圓有致者。醉則令僕疊之。爲假山。以

究其態。

卓椿

字春木。華陽人。大學士秉恬季子也。父蔭官工部員外郎。京察優等。賜召對。以軀幹短小。若十歲童。孝欽笑曰。此亦足外簡爲監司耶。自是弗得遷。除鬱鬱以歿。初學畫於司馬鍾已。而嫌其悍霸無均。乃遍摹古人。春父官元輔。兄爲少宰。宸賜旣多。所藏皆名蹟。形摹神取。學以日進。其中年以後。作一非鍾所及矣。花本禽魚皆佳。活潑簡雅。視華岳不多讓也。爲家大人舊友。余家藏其畫多。蔑一不工。題跋尤雅。能詩。著有全馬陸沈集。

胡恭壽

字石查。光山人。舉人。官河工同知。好爲金石之學。潘伯寅。陳壽卿。吳清卿。皆服其審定。著有叢古錄。多考證。篆籀篆工。山水惜墨如金。而氣均欲流。足以

媿美黃小朽。己丑余尙見之京師。乞其畫扇。爲作岳陽秋眺圖。城樓一角。湖水漣漪。覺大千秋色盡在筆頭。才人之筆。信奪造化矣。以名重不輕應人。尤足寶貴。好諧謔。徐頌閣不學而好淫。一日聚論史。徐謂武后天人。未可厚非。石查謂其置控鶴督。選男妃亦自豪縱。可喜奈何。拘拘以文章取士。至今婉兒以玉尺量才。張野秋知其諷徐。亟上之以目。而徐殊不覺。又康有爲廣包世臣藝舟雙楫。而祇論書。石查曰。是當易名單。橫衆爲捧腹。

鍾肇立

字蘧菴。海寧諸生。嘗參英桂戎幕。以軍功擢至道員。吳棠調之入蜀。嘗權川東北南成綿龍茂諸道家于成都。築一弓園。留有山莊。工畫梅及山水。蒼古深厚。可並駕金農奚崗。惜罕見巨畫耳。間作花鳥。著色簡澹。而相栩欲活。乃得蔣廷錫真法者。偶過滬上。與任渭較畫。渭謂花鳥我不如君。畫梅君不如。

我。乃。乞。其。雪。後。園。林。橫。軸。歸。果。搖。落。半。樹。神。韻。魄。力。均。臻。絕。頂。而。滑。畫。梅。世。終。鮮。靚。也。能。詩。摹。范。大。成。

顧子遠

名復初。字子遠。字幼庚。元利人。以字行。翰林元熙子也。拔貢生。以州判仕蜀。入崇實幕。改官光祿寺署正。歷爲吳棠丁寶楨劉秉璋幕客。卒年九十。通辭章。工書。學鍾繇兼爲漢隸。光緒中推蜀中第一書家。間作山水。用乾筆焦墨。以簡馭繁。皆合宋元人法。日食飯半盂。蔬菜少許。而竟享修齡。

吳熙載

字讓之。工書。自平原入而摹隋反及初。各碑力亦包舉。細大皆工。傳世者過多。故率意作。亦居其半焉。

彭聚星

字雲石。奉節人。進士。授內閣中書。工書。初摹何紹基。直可亂真。已而腕力益強。自爲瘦硬。然無杈枒纖率之習。嘗論書。謂有肉而骨者爲墨。豬有骨無神者爲墨。犬又謂歐趙雖時尙。而通其源。卽達六朝。翁同龢重其言。時招與論書。顧聚星恆不遜翁。書謂其雖名貴。大雅而頗法。古人敗筆。尤頗率。湊故卒不執弟子禮。蓋亦介特之士也。善畫竹。酒酣下筆如飛。時許十餘幅就矣。風枝兩葉。墨韻撲人。予嘆爲盡畫竹能事。聚星曰。此何足觀。乃啓筭出錦袱。解之中。藏畫冊紙本。直尺有八。橫少約。皆畫竹。首尾數頁已殘闕矣。中則完好。覺其一枝一葉。意態各不相蒙。用墨或乾或濕。不專蒼潤也。至此覺聚星作直小兒并筆耳。顧無款識印章。然非文與可恐無人能辨者。

僧明基

少歷高明定慧相國諸寺。晚主京師松筠庵。精鑒別。善書畫。山水竹石。摹石

濤。花。木。摹。李。竹。嬾。氣。韻。疎。寫。筆。有。靈。機。光。緒。中。名。動。公。卿。間。而。對。客。唯。論。書。畫。無。一。語。及。請。託。故。人。皆。重。之。有。乞。其。審。別。真。贋。者。啓。軸。觀。未。及。半。卽。曰。是。真。者。乃。某。人。中。年。或。晚。少。作。或。曰。是。贋。者。但。爲。何。時。人。仿。某。人。作。者。百。不。一。爽。近。時。世。大。夫。言。鑒。藏。者。無。人。能。望。其。肩。背。儲。古。玉。猶。多。有。玦。爲。奕。訢。所。愛。然。終。不。獻。亦。方。外。之。重。節。者。

范金鏞

字。漚。舫。廬。陵。人。進。士。授。主。事。改。官。雲。南。知。縣。綠。事。褫。職。工。畫。花。鳥。士。女。精。濃。湛。中。而。生。氣。勃。發。足。爲。任。伯。年。亞。繪。女。絕。美。雖。爲。雙。成。蘭。香。亦。妖。媚。有。蕩。意。人。亦。以。此。少。之。金。鏞。短。身。叢。髯。貌。甚。奇。古。而。落。筆。妍。麗。亦。可。異。已。有。漚。舫。詩。鈔。漚。道。人。題。畫。詩。

張祖翼

字述先。相城人。拔貢生。官至知府。嘗遊歷日本歸。爲端方幕僚。工書。隸爲最。天骨開張。力韻並擅。行楷次之。偶作篆。不能工也。數見其所臨孔宙碑。皆精絕。晚以鬻書爲活。名動海上。並汪洵、吳昌碩、高邕號四大家。然祖翼其首出矣。

謝晉涵

字虛齋。南城人。官廣西知縣。同治中冠亂。死於難。書學柳誠縣。鋒銳骨秀。已復習隸篆。爲書旨十二篇。於鄧石如、張廷濟諸家。皆有微詞。獨重翟文泉、桂未谷。謂其不乖於古。在京師日。於碧雲寺見其隸書屏十六巨幀。古味盎然而筆無率。溱後爲鄉人景劍虹所得。復獻之奕訴。而晉涵名初不顯。迨後潘祖蔭欲致其書。已不可復得矣。

榮綱

蒙古人。隨父宦滇中。避寇亂居貴陽。後還京師。以舉人仕爲戶部主事。踰年而歿。工書。網書無所規摹。或腴或瘦。莫不神采奕然。細楷少似趙孟頫。生平不爲人書楹聯。畫專山水。皆狀滇黔道中危壑削巖之狀。若化工肖物。人在境中。初還京師。人無知其能繪事者。後爲明基畫水因圖。爲翁同龢所賞。於是畫名漸著。惜年三十而殞。署款或作網。或作危道人。或作雞足山民。或作雨生。唯署雨生者。人往往誤爲湯貽汾。

徐汝舟

名楫。以字行。山陰籍。生於黔之平越。頗天鄉試副榜。四川州判。緣事褫職。爲人記室以終。工篆刻。幾跨陳鴻壽。刻玉亦工。有一瓊齋印譜。六書通砭。誤善詩。風致楚楚。若閨秀作。

譚衡

字壽仙。衡山人。少從父至鄂。書摹張裕釗。得其神似。湖北初置武備學堂。入肄業。父喪歸葬。遂遊遼瀋燕趙間。鬻紙筆爲活。後入粵。長壽寺僧恆一。授以刻石法。能閉目以手捫石而刻。初不甚工。未幾遂精。甲辰卒于九江。書細篆。若蠅頭鐵絲。剛健。嬰娜。並世無兩。

曾昭吉

丁寶楨撫山東。創製械局於濼口。人有薦昭吉善造新器者。招致之。人殊樸。訥。問其通西學不對。不通。出後膛槍。問能仿製。不把玩。久之。對曰。是亦無難。遂令興工。所造者。果無殊。歐製。薦授通判。復調至四川。仍啓局製器。擢同知。劉秉璋督川。昭吉晉謁。閣者索門包弗與。曰。若一候選官。來此何爲。再至者。且以鞭箠逐之。笑。不堪其辱。退卽假病辭還湘。行卒。

羅毓珉

字奇珍。嘉應人。以都司官臺灣。爲軍械厥巡綽。日與諸工習。漸能製器。劉銘傳嘉其才。咨送馬尾船厥學習。乙未還臺。圖戰守器具陳之。唐景崧令爲製造廠總辦。未幾景崧逃。城陷。遂還粵。許應駮以奇材異能薦。總理各國事務衙門咨調。未及赴。政變移居閩之永春山中。開非力農。後應駮督閩。松之終不出。甲辰卒。製小車。答二人能飛。馳於山間。曾製汽球。功未竟。當庚子上書。應駮已繪具氣船。西特未知視。今飛艇何如耳。張之洞檄令赴鄂。亦不應。

朱鶴年

鶴年善製銅器。若鐙。鑪。鏡。壺之類。或嵌以銀絲。或嵌古泉。或以黃銅爲底。而上鏤白銅花。或雕鑄花鳥人物。殊形異製。玲瓏古雅。同治初名動齊魯。後至京師。廠肆爭迎之。今京師琉璃廠所售銅製文具酒器。及山東濰膠菸筒書鐙。其佳式皆傳自鶴年。

沈燕

台灣嘉義人。善製漆器。視閩侯沈氏爲尤精。兼能雕漆。余嘗于胡緝之所見。所製器甚多。疑出鬼工。緝之曾令嘉義也。後臺爲日有聞燕名。徵其入廠授日人技。不應。強之飲鴉片死。是又忠烈矣。所製器下畫飛燕。燕下一篆書沈字。

火神廟道士

道士操楚音。丙申遊京師。望之若七十許人。假宿火神廟。攜杯匱自隨。人始知其能奕。時奎煥稱國手。無人能敵。一日偶遊廟。見道士奕。枰精雅。拉與共奕。煥竟負。再戰再敗。自是禮爲上賓。日使館書記某者。聞來與角。亦負。道士下子絕迅。若不假思索者。初對若無奇著。已則爲所困矣。適盛夏。謂京師炎蒸不可居。遂去。亦不復至。瞿止翁爲予言。尙能道其名。今忘之矣。其貌偉麗。

若俗所狀鍾離權。

貨殖

自漢有輕商之律。學者亦以舍本逐末訾之。輒曰。持籌握術於市廛者。皆棄廉信之誼。競錐刀之末者。其在四民不足望士農也。又國家租賦之入。類仰給農田。市權特居什一。中唯鹽法頗勞整齊。故鹺商間有傑才。傳之人口。其他則無人焉。自海通以來。五口行權。湘軍平亂。挹饒釐金。於是商稅半入帑。而大軍西征。實賴胡光墉洋債。商漸興。官家爲一氣矣。及商戰說興。爭談實業。勢日騰茂。朝有專官。郡縣有會國。爲置律興學於戲。何其盛也。然求如陶朱之知計。卜武之助邊。蓋亦寥寥。而淫縱奢侈。或有甘心助外人以自朘削者。亦有倚官府勢。要以龍斷居奇者。所曰公德公益。吾唯聞其言而已。魏徵不云乎。豪商鉅賈。多而餓寒亦多。是猶今日社會黨。

之言矣。吾爲貨殖傳而因一發其墳焉。

何棫 黃冕 胡光墉 唐廷樞 華國光 王余照 曹憲 王熾

李正華 鄒靜齋 王存善 張恆澄 葉亮卿 喬世傑 林維垣

唐廣峯 曾少卿 夏粹芳 馮霖沛 馬義源 田子興 溫恆益

章丘孟氏 京師四恆 南洋及美洲諸商

何棫

字廉昉。江陰人。官知府。以事降黜。乃走淮揚行鹺。而以松滬之布。貨之江北諸郡。時洪楊初平。民漸復業。所至利市三倍。不數年致鉅富。亂久。淮上田土弗治。半爲草萊。方將以資盡收而墾之。遽歿。棫天資類敏。少工詞章。所爲詩。悲歌慷慨。而不掩其纏綿之致。儷體綴兆。抑揚不爲堆砌。素爲曾國藩所重。相與酬唱。然獨不附國藩整理票鹽之策。謂當乘亂事新。定當取舊法。盡更。

張之。爲淮鹽變法議上下篇上之。而國藩已北上征捻。事竟寢。枳初至十二圩。僅有資四萬。時海呂各場存鹽山積。無人過問。蓋湘楚方仰食川粵也。乃以至賤之值得之。未幾江寧告捷。漸復原銷。所獲倍蓰。藉是買遷。投無不中。然性闊大。好延納。座客常滿。置酒放歌。若不知有塵俗事者。藏書尤富。

黃冕

字南坡。長沙人。才華敏瞻。長於肆應。里黨皆稱其能。胡林翼東征。置鹽茶局。權稅。卽納其議也。是時冕方運粵鹽行湘。先自輸巨捐。故衆不能不應。而心銜之甚矣。於是蜚語日聞。乃去之。曾國荃軍中。巡撫毛鴻賓強邀。乃還。益多領票營淮鹺。且販茶至漢口。鬻於俄商家。以益饒。喜接納官吏。間亦干政事。故名之所至。毀亦隨之。而其時湖南腹背受敵。卒能固圍。援隣。雖楚材之多。而度支之裕。則冕實首功矣。官布政使銜。記名鹽運使。孫希尙不肖。家中落。

官雲南。以避土匪逃。城陷。褫職。

胡光墉

同治間。足以操縱江浙商業。爲外人所信服者。光墉一人而已。浙人字雪岩。初學買錢肆中。一日突有人來。謂爲湘軍營官。饒弗繼欲假二千元。適主事者咸外出。唯光墉留。貿然許之。約翌日至取資。踰時衆歸。問而大譁。主者立逐之出。然亦不敢毀約。越日其人來。如數以貨未浹旬。竟攜資來償。本息弗絀。唯問前慨允假我資者。乃一少年。今何不在。肆人詭以病對。時光墉已潦倒甚。偶踽踽行河上。忽值是人。問子病當瘥。對不病。曰不病何狀。若是對無業。故憔悴。其人大詫。語以肆人語。光墉亦傾告前事。曰是則我害子矣。遂延致軍中。爲易衣進餐。謂自得資給諸卒。皆踴躍赴敵。遂克近邑。今我有資十萬。皆得自賊中者。固不足告外人。欽子誠實。且坐吾案。願以資貸子。設肆可。

乎欣然承之。自是左軍所至，勢若破竹。浙東西及八閩皆定。諸將既得賊中，鎡貨多而克城，皆置局權稅，饒入亦豐。莫不儲之光。墉所及宗棠北伐，回捻又檄令購運軍食。其時肆中湘人存資過千萬，乃並治絲茶藥諸業。當大亂，新平舊商零落，乃以豐財捷足，百業並舉。迨同治壬申，私財亦二千萬。乃假洋債助宗棠出關。時已官道員，遂晉頭品頂戴。黃馬褂。然光墉特幸。逢時會，非真有奇計雄略。既富顯，唯知奢縱用人。第取先意承志者。老成羞之。肆漸中虧。對洋商屢言信譽日墮。不十年所營皆敗。且虧軍需帑。至褫職監追賓客盡散。姬妾潛逃。祇堂上一衰母耳。憤死。餘一藥肆。爲人所得。仍其舊名。歲給資千餘。以贍光墉家而已。從來成敗無若其速者。

唐廷樞

香山人。素商於香港。捐納同知。同治末上書李鴻章。請招商置輪。未果行。後

盛宣懷伍廷芳沈秉成皆言其利。始立招商局。卽檄廷樞司招股事。故商輪初多粵股。然是時中國無所謂公司。故必仰賴官力。宣懷實總其成。中有虛股若干。皆以報効。鴻章又以承運糴米。歲百萬石。皆官中事故。名官督商辦。其用人一徇私情。視官場積習。廷樞數有爭持。宣懷不從也。後欲推廣海輪。以乏材而輟。

華國光

黔人。字村五。以諸生習商。設鏝肆遵義。時川粵滇皆大亂。黔中竟淡食。獨國光冒艱難。行綦江。重慶間。運川鹽。至且弗居。奇取其什二爲息而已。以是人爭頌之。未幾亂平。諸商競運時。管鹺者皆貪墨。交通豪商。一引恆數。四用之。國光不能與爭憤。甚。丁丑。丁寶楨督川。議改鹽法。乃爲唐炯草二綱。九目。擬盡收滇黔楚及川東南各引。改官運督商銷。寶楨韙之。立奏行。果效。歲增公

帑百餘萬。乃專疏薦其才能。志節授知府。然終不仕。其弟國英。則助炯理鹺。亦官至道員。國光初欲報復諸商。然官運久行。官商皆利。則由寶楨行法之善也。今猶稱黔東富商第一。

王余照

字朗雲。富順人。以鑿井煎鹽爲自流井。繼賈魁。助軍需。屢獎道員。五十後爲諸子析產。五子各二百萬。自留養金三百萬。富冠全蜀。爲人外樸。內華。衣冠儼陋。對客默默。而智慮深沈。接人一面。卽能別其賢愚。駱秉章、吳棠皆引與謀軍食。丁寶楨初至。亦慕其能。延議改革鹽法。余照力阻撓。歸而通書各岸。約共抗官運。又曠井竈。停煎。寶楨知出其謀。奏參拏辦。乃逃之京師。以重金賄言官。彈寶楨。蜀則自將軍至司道。皆納其資。不直改革議。又以萬金聘鄉人趙樹吉爲畫策。樹吉固久官臺諫。有聲者也。更賂寶楨鄉人宋兆奎。刺其

陰私終以望重弗能去。余照至老不得歸。後以助征法軍饑。乃免拏辦。諸子皆不肖。遂從之吸烟。困頓家居。不能爲惡。終得保其當以歿。

曹憲

富平人。咸豐間販布走陝鄂間。軍興衆皆裹足。憲獨冒險行。凡十餘年。弗與賊遇。家漸富。乃啓質庫蜀鄂各地。迨光緒初。有質庫二十六。富平固多富家。而憲爲其冠。肆規皆手創。戒吸煙狎博。以勤樸爲鵠。雖其子弟來學者。遇之若衆人。勞有功者。或病或老。皆有養。死則贍其家。拔其嗣。且延儒生授諸徒。書故其肆人皆精書算。守規矩。嘗見其子至川肆中。察帳籍時。已以拔貢朝考得小京官。而呼諸執事者爲伯叔。執後輩禮甚恭。然其舅李某。以病腹瀉。偶吸烟爲所聞。訪之事實。立令出肆。衆求免。皆不納。其嚴又若是。蓋古法家之流也。治國者苟師此意。何有於富強哉。

王熾

字心齋。雲南廣西州人。少爲馬足。嘗爲客販鴉片四十箱至蜀。客中道歿。熾自運至重慶市之。得萬金。遂營商業。未幾富至十萬。時以滇亂作。京銅停運。熾乃以賤價盡購官廠銅。而轉鬻之漢上。時外人方向我國購銅。頗得善值。其家益殷。遂設肆號同慶豐。理匯兌借貸。自是執滇商牛耳。提督吳永安其姻家也。從岑毓英討回。多得賊中鎡貨。皆貯熾所。永安死。盡爲所有。且屬藩司湯壽銘誣其子謀叛。時大吏若興祿。全懋績。皆與結昆弟。交武弁末吏多其乾兒。唐炯督辦擴務。倚之如左右手。熾總肆名同慶豐。分肆名天順祥。滇礦公司卽以天順祥代辦。勢燄赫。官商爭奉之。呼曰四爹。後被彈褫職。然驕肆猶昔。後以助賑復原官。滇人皆嫉之。無稱其賢者。子鴻圖。屢輸資。由道員晉京堂。以納稅最多數。爲資政院議員。

李正華

字耀亭。昭通人。武庠生。與王熾同起。光緒初唐炯創川鹽官運。招各岸商承銷。首認滇邊東昭各岸。炯優獎之。進與論鹺務。條理精密。蓋微時。曾販私。故知利弊。獨悉。自是遂爲炯顧問。後熾議設分肆重慶。正華乃與合資營之。其資則炯方任川東道。以關釐兩款儲肆中。供挹注。而官運匯款。皆任天順祥。業以日盛。遂啓京滬諸肆。蓋同慶豐爲熾業。天順祥則王李合資。而李勢尤大於王。及光緒末。川之計邊滇。黔。楚。五岸。皆有正華。鹺店。富至數百萬。子湛陽。廣東道員。端方廉和。遠非鴻圖所及。交岑春煊甚篤。

鄒靜齋

平遙人。以字行。幼習賈於天成亨。及壯。歷成都沙市漢口北京諸肆。當光緒甲午。後漢口匯兌業以天成亨爲最。歲致鉅萬。其肆繁盛過於今之銀行。卽

靜齋主其地時晉人業票莊者類奢縱狎邪困溺於煙獨能盡謝諸習出未嘗乘輿春秋一繭綯袍對人語煦煦若老嫗有託以事者無論交深淺人貴賤必報命始已生平未嘗食言嘗謂晉商庸闇無智識而各自爲肆力以日薄擬聯合爲銀行抗外人復擬設商學於鄉非卒業者不得供職各肆人笑其迂及民國票莊大敗衆始思前論舉其姻家趙鴻獻爲總理組織匯業銀行而仍無以救日升昌等肆之閉歇庚子間張之洞銳意鑄銅元利其贏餘靜齋乞余蔭霖諫之謂利小害大之洞不納後銅元充斥銀值日昂東南商業卒爲所困

王存善

存善盛宣懷之心膂把持招商局事幾二十年心計甚深而智慮甚闇徒知私利而已字子展浙人以知縣仕粵見賞於張之洞歷權南海潮陽諸劇邑

後擢知府。以理財爲長官所喜。戊戌管廣州釐。創爲水火雞鴨諸捐。無一物能免於稅者。至補抽法。則尤足病商。衆皆疾首。岑春煊爲藩司。至卽三牒請劾。譚鐘麟置不問。後亦不自安。辭歸。春煊督粵。猶欲理前事。賴宣懷解得免。其營招商局。徒炫浮名。所估股票價。皆虛數。用人不論勤墮。浮實。唯向情面。董事方欲改革。存善遽嗾執事人擁溫宗溫而痛扶之。亦承宣懷意也。子克敏自有傳。

張恒澄

字樂東。棲霞人。父授讀安東。隨之習書。已而學於木商肆。父歿歸葬。有富室見其穎慧。資以千金。令販木至天津烟台。頗有贏餘。時亂作。南木不至。凡京津所用。唯仰給於沙河木商也。三年歸。以本及子金共銀四千餘。納之所主。益欽。其不欺。以女妻之。兼厚其資。使販參於寬甸。高麗。販豆於遼瀋。更收絲。

至烟臺而織爲綢。凡十年間富至百萬。時當同治中。東三省商業本操之客籍。而山東人爲最。東邊諸地又以恆澄爲最。以其明爽精敏。又好濟人危難。而思慮深長。每論事必直窮其是非。成敗不喜作騎牆語。故人皆信之。時雖無商會而恆澄儼然總理矣。已復擴其肆踰長白。至吉林。越鴨綠。至朝鮮。當光緒初。大連尙名青泥窪。以其地形佳。甚於營口。上書崇實。請自濬海築城。通商賈。以費鉅。且無人諳工程。不果行。恆澄壯而向學。朝章國敬。爛熟胸中。有所論辨。感具真。見頽瘦好鶴。而目有碧光。嗜煙。卒年方五十也。

葉亮卿

奧人少經商。往來港滬。後至營口。爲雜糧販。億中漸富。嗣日俄戰作。他商多避。獨留不去。且以資購他商麻袋雞卵麵粉之屬。皆軍中需用品。後皆以善值鬻之。俄人踰年贏三百餘萬。所啓肆號東盛和。復自置輪通往來。業日擴。

張亮卿富膽略。敢冒艱險。意所爲可者。終必踐之。人言莫能阻其興也。以此敗亦以此。自日俄事已。營人知其富厚。貯資者恆至東盛和。雖負販勞力。亦有存款其肆者。其肆中所出銀票。與銀行鈔券等。乃益務買空賣空。若金磅橡皮之類。皆爲之。遂中空。人弗覺也。戊申冬敗。肆閉。奉天各埠大震。營口工商業幾停頓。除抵補外。實虧五百萬。被拘入獄。久追不能償。晉商惡其狡展。咸欲死之。訴於大理院。後判爲終身徒刑。衆仍不服。入民國始已。

喬世傑

字英甫。徐溝人。少習商。京師恆裕金店。出爲成都分肆副。乃啓肆號寶豐隆。時適庚子開秦晉捐輸。納資者皆就寶豐。踰年贏二十萬。岑春煊督川。盡收本省鹽岸改官運。更兼營計岸商。舊蜀官富者。輒置產。自庚子後。田值大昂。乃盡以貯之寶豐。於是寶豐爲蜀商冠。商會開。被舉爲總理。後兼官銀號總

辦。趙爾豐管邊務。日世傑又設分肆。巴安建康諸地。營匯兌。甲辰後。富已數百萬。乃遍立各省埠肆。以其多交顯官。有嫉之者。嗾言官彈之。革去知府。後以提倡實業復官。行卒。

林維垣

維垣爲台灣富室冠。產既饒沃。商業亦盛。有糖鹽肆。質庫。漁業。輪舶。礦產。初以台灣署省。報効百萬元。予三品京堂。行除太僕寺卿。加頭品頂帶。乙未後乞休歸。遂爲日本人。

唐廣峰

歸安人。業絲。中國絲以湖州產爲最。而廣峯製者。又爲湖產最。其牌標祥順。當甲午前。滬上尙鮮縲絲廠。洋商購絲。必選祥順牌。後廣峯死。人有願出資。祥順萬購其牌者。不從。今猶爲菱湖富室。

葉澄衷

寧波人。初爲筭師黃浦江中。有西人遺革囊於其船。乃自坐江。濟俟其人至。以囊歸之。是固洋行巨賈。重其廉信。卽延掌帳籍。已而遷華經理。十餘年致鉅富。乃自營錢業。啓紗廠。遂爲滬商巨擘。且獨以資創澄衷學堂。規模頗備。澄衷篤實好義。非近之豪商所及。歿後諸子不肖。家途中落。乃分入外國籍。以抗追捕者。

曾少卿

當清光緒季。以華工事。國人抵制美貨。勢頗激昂。倡之者卽少卿也。閩人設行滬上。販鬻海錯。果敢精銳。閩商奉爲司命。自倡阻美貨。衆望益隆。聞商務印書館中。多日資。乃自招股。另闢書局。卒中陰謀。事敗垂成。自是銳氣漸沮。然猶以餘力創孤兒院。成績昭然。少卿血性男子。不若今以發起公益團體。

者。非。思。染。指。其。中。卽。別。有。所。希。冀。惜。思。力。雖。銳。而。綿。密。不。足。又。喜。納。人。言。而。罔。能。抉。擇。其。鄉。人。梁。少。梯。爲。余。言。

夏粹芳

執吾國書賈中耳者。必推商務印書館。然十五年前。猶一小肆。且股本大半。出日人所以得有今日者。粹芳之功。懋矣。而其深阻機警。善排異己。固亦世之陰謀家也。當曾少卿招股自關書局。以其隆望。投資者如水之就壑。果成。則商務一勍敵矣。乃開會議。股東惶惶。粹芳曰。是無傷。能蠲五千金。敵立摧。衆曰。果得當。萬金奚辭。乃授計湖人王某。未幾。有登報端。願認口口股者。照原值八扣。越二日。再登願六扣。凡與口口股者。皆奇駭。停付資。未來者亦裹足。少卿謀果敗。癸丑二次革命作。陳其美強據湖州會館。立司令部。竟爲西人驅之去。說者謂出粹芳謀。一日方出館。卒爲人擊斃。雖罪人爲御者所執。

究莫得主謀。實則其美所使也。又南商習爲驕惰。客來落落對之。衣冠敝陋。者益加白眼。獨商務不然。入其肆。雖三尺童子。應客亦彬彬有禮貌。條理秩然。皆粹芳教也。國中安復得有此才哉。

馮霖沛

字潤田。順天人。業恆裕金店。京師金店者。名換易金銀。實則代人捐納實官。虛銜封典。或有交部議處。或參案屆期。須鑄級。皆可疏通於部吏。蓋商也。而專以官爲業者。霖沛慷慨有俠士風。予戚吳幼農。以編修困京。始終賴其接濟。後簡登州守。負其萬金。以缺瘠絕不索逋。及丁艱。更貸以三千金。人皆服其義。故春明金店林立。而恆裕業獨盛。互三十餘年。猶昔。又陳璧官台諫。日亦時貸以資。因訂昆弟交。及掌郵傳。公私各款。皆貯其肆。於是彙營諸業。遂魁京商。舉爲商會總理。袁世凱好假託民意。已之所欲。則屬商民爲請。籲霖

沛應命恐後。寵遇竟等北洋派官僚。授參政院參政。人以是少之。

馬義源

義源。其肆之號也。若其名字。莫得而知之矣。通州人。咸豐間。即走關隴間。販京師雜貨。如荷囊。韓帽之屬。易寧夏羊皮。莊浪牛尾。纓。新疆玉石。鬻之京市。自回亂作。他商弗敢行。獨義源。託言主者。亦回教。厚交諸賊。渠所過無阻。利遂專擅。及同治末。甘亂平。已富踰二百萬。以京商踵起者多。利漸分。遂設肆蘭秦西安。漢興。同鳳。甘涼。寧夏。西寧等地。鬻綢緞。絲。布。匹。皆購自四川。值廉運輕。歲獲不資。又由陝蜀。販鴉片。售之京師。己卯。新疆底定。遂出關。於迪化。伊犁。溫宿。莎車。英吉沙爾。皆設肆。竟以勞瘁歿。其子繼業。時關外商業。首京貨。京貨。首馬。義源。義源。一語。回人視之。重踰。兼金。不必楮券也。湘軍領餽者。不願現銀。願得義源錢票。光緒中。亦歿。業始少。少替矣。然猶爲秦隴西域。

第一富商

田子興

臨潼人。子興。其字也。以方略館供事。議叙得河南巡檢。有薦紳誣其僕爲盜。屬嚴鞠之。子興曰。吾官卑。弗足抗巨室。然可徇情。失出不可。徇情失入也。縱其僕。令逃。紳聞。恚甚。譖於長官。遂以緝捕不力。劾罷之。時駐藏大臣景安。其舊識也。調爲隨員。居年餘。見安庸懦。受制達賴。乃辭去。糾資啓肆。販茶布鹽。至邊藏。而易其黃金藥材璫玉之屬。歸藏中。用銀錢。以錢計。吾兩數。每錢參枚。可贏銀二星。然甲霸塞塗。人無敢販錢來往者。甲霸番語盜也子興乃創爲包運法。遴其強有力者。與立契約。吾銀錢若干。包運至某處。運資若干。至則憑契取資。更賄裏塘糧員。自聘匠置鑪。鑄成而運之。藏數年。大富。藏人已覺。達賴乃下令禁銀錢出入口。子興則託言閉肆。歸打箭壠。傾資盡收諸

商茶布鹽貯不運行。是三者皆邊藏人日用所必需。一旦斷絕。衆皆嗟怨。明正土司及三瞻對長。先約其衆曰。吾儕久屬川。不當從達賴命。遂爭出錢購貨。子興曰。錢來自藏。今藏有禁。令君輩儲錢。幾何久將弗支。苟能變用銀錠。則我方鑄銀裏塘。可以源源資注矣。僉曰。善。日以生銀致之。於是邊地錢幣商業。權皆子興操之。達賴惡邊人之違其令也。數出師來侵子興。乃以資募勇。造鎗與藏兵戰。大勝。更上書駱秉章。謂秦寧三瞻。本川屬地。今幸與藏交惡。宜乘勢改土歸流。苟得湘兵六營。守察木多。則事集矣。軍饟願捐助。而蘄畀以開鑛權。秉章尙疑不能決。崇實以爲不便。遂止。而駐藏大臣已疏劾子興。達賴亦咨理藩院。謂其私募兵。多殺藏人。奉旨田某以革職佐雜。膽敢逗留藏地。即使鑄錢招兵。非實。亦應驅逐。以免滋生事端。臬司楊重稚重其雄略。特寬之。令自回籍。子興嘆曰。吾恨不得與鄂爾泰共世。反爲蠶番所中。

雖然。印度。接壤。外侮。憑陵。後當。思吾。言。還居。西安。爲子。納資。官道員。頤養。自得。迨丁。寶楨。督川。湘綺。與籌。藏。聞子。興能。書幣。聘之。已先。歿矣。時光。緒辛。己也。後錫。良督。川。遂盡。收邊。地爲。郡縣。予嘗。舉子。興往。事告。之。錫嘆。安得。今有。是人。予曰。苟有。之。公亦。不能。用。微不。能用。且恐。在。誅鋤。之列。錫問。故。予曰。令。試有。一商。人私。鑄錢。幕兵。且開。邊。衅。公能。容之。乎。錫笑。稱。予言。當然。則。輓近。之。世。在位。者。皆庸。材。欲行。子。興策。城未。易言。也。

溫恒益

恆益亦其肆名。太谷人。世居京師。以販茶往來庫倫烏理雅蘇台間。乾隆後蒙古茶商多皖人。自咸豐初南亂作。皖茶銳減。溫氏乃走漢口。運湘茶。晉商入蒙古。自此始。及同治初。恆益遂爲諸茶商冠。時各邊市物皆用茶票。一票計茶若干。準物若干。迨髮亂作。茶日少。票漸不行。市上皆俄鈔矣。恆益乃

於是價外每票增小茶博一蒙人好小利羣爭行恆益票他商仿之茶票復夙狀俄鈔日絀定邊左副將軍杜曼爾旌之謂其能奪外利吾友字夢錫者南宮人其先世亦太谷也爲社幕客嘗爲代草防俄十策拉后不用

章邱孟氏

孟氏世居章邱舊郡鎮設肆於京津粵漢齊魯奉天鬻綢緞紗羅洒繡之屬近益以皮呢洋布其肆皆曰瑞某祥若福若林若升若生京師肆中盛時可三百人爲緞商第一自光緒中其家計皆一孀婦主之用人理財有條不紊故經改革而所營不敗可稱才婦

京師四恆

皆錢肆也其肆名胥冠以一恆字京市自清初卽通行錢票其票紙陳舊字尤草率弗可辨而人皆信之無貴賤出時必攜錢票各錢肆舉可出票而近

百餘年來。則爲四恆出票爲最多。信譽亦最著。京師人稱曰四大恆。予嘗叩其肆人。建置在何時。曰康熙四十二年。迨乾隆間。征金川。會司京兵養家餼。恆墊資踰百萬。自是見重於戶部及內務府。貿易日盛。迨咸豐鈔票案作。獨四恆無牽望。而南亂部庫先絀。一時政府信譽。遂不如四恆。庚子爲拳匪及董兵所掠。雖奉旨保護。終焚其肆。迄清亡。銀銅元充斥。而錢票行如故。特四恆不復興矣。

南洋及美諸僑商

吾國無兵力海權。運送輪舶。雖僑民濟濟於南洋及美洲。皆以工謀食。偶營商業。非酒肆則備雜物爲華人所需者。其能以華貨輸之外洋。或爲匯兌。通有無。若銀行之類者。實無其人也。其初開。亦易起家。閩粵人之處馬來羣島者。若粵之黃張黎何。閩之林鄭謝等。咸以卜致富。各擁資千百萬。不等。而卽

生。死。其。地。雖。子。孫。不。遷。近。入。外。籍。者。日。多。非。復。國。民。矣。光。緒。末。張。振。勛。還。以。助。饟。授。太。僕。卿。創。張。裕。饟。酒。公。司。此。外。則。張。鴻。南。兄。弟。亦。有。名。其。在。美。洲。及。太。平。洋。者。唯。居。檀。香。山。者。商。業。差。盛。餘。皆。櫛。工。浣。衣。之。流。耳。左。秉。隆。有。言。僑。商。富。無。過。六。十。年。者。豈。其。地。氣。薄。與。

任俠

今之志游俠者。恆稱其騰距技擊。而不知俠之不必皆武也。又自唐人小說。有劍仙之目。今益附會之。吞丸吐芒。神怪離奇。降而某躍重城。某舉千鈞。強半人生。不可能之事。以爲不若。是不名爲俠。而世之論俠客。特藉資談助。等於神僊。狐鬼於戲。吾讀太史公書。初不聞朱家郭解之武力爲何如也。故不待道學家興游俠。已漸絕迹矣。又元人小說。有水滸傳。實主崇任俠。其書中第一人宋江。亦不言其武力。然乃以俠爲盜。近今哥老會之

流。蓋承其毒者而俠益不爲人所重。予飢驅南朔垂三十年。劍俠技擊之說。苟聞而必錄。當可充筭。然私以爲不可信。每操管爲小說。著其一二。人而已。茲之所傳。雖其行誼不同。要皆氣蓋關中之季心也。而僅得八人。可覘吾民之孱而弗俠矣。可勝慨哉。

張大烈 周培之 蕭仲侯 楊郁文 大刀王五 錫嘏石 玉田

馬聯海

張大烈

字景武。徐州人。少貧業農。慷慨有大志。及壯從戎。未幾服賈。往來齊魯。時值捻匪正熾。屢瀕於阨。未嘗少挫。迨匪氛淨肅。復轉輸江淮。滬濱事業漸隆。卒以起家。徒手置數百萬。其才智過人如此。生平見義勇爲。嘗設校養士。建築道路。重葺古蹟。資賓興以勵寒畯。創水龍局以防火患。凡濟貧拯危慈善之

舉無不勇躍從事。鄰里鄉黨懿行卓著。婦孺悉知。晚年益好博施。當光緒戊戌己亥兩年。本邑迭遭饑饉。哀鴻遍野。獨輸數萬金助振。親赴揚鎮一帶採辦米糧。躬自散放。不辭勞瘁。全活數萬人。父老心感稱快。嗣因振務積勞而卒。卒之日。里悲巷哭。痛失仁人。遠邇赴弔者。途爲之塞。並見碑碣林立。所在皆是。聞各大吏屢旌其門。淮徐之間。仁聲載道。念餘年迄今弗衰。徐州民氣樸厚。人心尙古。地連沛碭。頗有漢高遺風。欲求其人。殊不多見也。聞張氏奕業繁滋。未識克振家聲否耶。

周培之

銅山人。培之其字也。當咸豐末。被舉爲西鄉團總。有皖人黃得才。北通苗沛霖。南陰納款髮軍。恃有強援。蔑惡不作。自稱客練。駐徐弗行。時鄉鎮盜案纍纍。皆得才黨所爲。官吏熟視無如何。培之以富家爲團總。年方踰冠。旣受事。

卑辭厚幣以致得才。一日復招其飲。西鄉既至。椎牛進酒。飲方驩。突起立視左右。已有健男子數人。進縛得才。卽席前戮之。而告其從者曰。彼多行不法。吾故殺之。爾曹特爲所逼。我當資爾還鄉里。衆方駭懼。聞言少安。乃載錢七千緡至徐。上地方官。請資遣之。而盡率西鄉團入衛。備反抗。果皆帖耳攜資去。自是鄉人旅客。走相告。謂培之一。紈袴少年。何膽略。若是而里閭桀悍之徒。亦畏之。不敢犯。治團數年。家遂中落。叙勞得巡檢。不樂就也。安於畎畝。然有不平事。人咸赴質。乞判直曲。曰。得周公一言。勝於法司。爰書而官吏嫉之。乃以把持武斷。不安本分。揭之上官。果咨部斥革。光緒初歿。

蕭仲侯

字功亭。長沙諸生。從李恩元爲書記。恩元以臨陣潰逃。誅死。獨仲侯護其喪歸。以己資爲營葬。衆欽其義。再出入蕭孚泗軍中。一日偵有敵援師。將半夜

至。命仲侯傳令左營。如時伏擊之。寇至。諸軍臥林內。眠已酣。不及覺也。孚泗聞狀。謂士卒臨陣睡夢。且貽笑各軍。言欲盡坑左營。卒仲侯進曰。非諸卒過。乃某傳令遲誤。及至。則寇已過矣。孚泗大怒。先鞭之五百。然後令出就戮。適劉連捷至。問故。孚泗告之。則爲道其枉。謂適方獲敵。言夜來過林際。尙聞中有鼾聲。知伏在。恐驚大軍。故潛過之。是咎不在傳令者。孚泗怒亦解。遂釋之。自是人咸稱仲侯爲義士。以功擢候選知縣。未嘗謁選。終其身爲防軍文案。鄉人從軍。或退伍。或病。或死。仲侯必倡爲資助。故江南湘軍。無不知有蕭胡子者。晚多髯。故俗稱胡子。

楊郁文

字頌周。通江廩生。以制藝舉。啓禎被黜。乃爲訟師。且先告於衆曰。言不實者。富家索人。逋者吾弗應。訴官吏役胥貪橫者。吾樂應。且不取資。以是見惡吏。

胥每助人訟。輒不勝。後邑王氏子。父歿。資爲其戚某乾沒。訴之理。不得直。王退矢必報仇。未幾某爲人殺道上。遂傳主鞠之。不承。嚴拷之。竟誣服。郁文乃助其妻訴於上官。並却之。且謂出郁文。指令拏辦。將同婦北上叩閭。適丁寶楨入蜀。遇於廣元。乃申前狀。道府官方迎謁。寶楨諮之。僉曰。此劣生楊郁文所爲。而郁文亦屬婦丁如。問爾當乞其召我。至我自代爾言。後果傳詢婦如所言對。寶楨大怒。謂劣生敢挺身干訟。宜有以懲之。令材官縛之。來及來。乃侃侃直陳。謂公爲疆吏。第當問民之冤不冤。不當問訟牒出誰手。寶楨爲霽顏。乃隨節至成都。郁文爲陳其始末。且曰。某之乾沒王資。而實也。殺之情可原。乞先究其沒資事。從其言。察之鄂沙市。始得實。某實吞王金六萬。至盡其產。寶楨復遴幹吏偵某被殺狀。未幾獲犯忠州。乃兄弟二人。共某息逆旅。見其囊金。翌日行道上。故殺之。而擄其財。乃省王出。置犯者於犯。寶楨告通江。

令曰。吾觀楊生。任俠而精密。若爲吏。必循良。王子當有以酬其德。宜代之納粟爲牧。令卽指吾黔以福桑梓。王子如命。酬萬金。郁文曰。此亦訴官吏貪橫之一類。吾可受酬以食前言乎。避之山中。一夕劇飲。醉死。寶楨題其墓曰。義士拔其子爲材官。擢至都司。而營進甚澹。終日醪醕。有父風焉。

大刀王五

王五有聲河朔間。垂二十年。然自甲午資助安維峻。且護之行。士大夫始知其人。譚嗣同等乃與論交。其助嗣同謀奪門。及其死事。世皆知之。光緒丙申。予見之通州。爲予言河南官吏貪恣狀。髮指眦裂。予勸其飛擊之。嘆曰。黑夜飛行殺人。無跡。特文子快論耳。世安有是術哉。然吾終當傾其貪囊。無何聞河南北多盜。然行旅非官中人。無失資者。

錫嘏

滿洲人。官兵曹郡。父歿。貽資三十萬。曰。諸親多茹貧。吾一人安用多資。出十萬分給之。父老太息曰。是癡兒家行破矣。嘏不顧。庚子。京師被兵。禍嘏所居遠。免於焚掠。然以助諸親。拯困氓。費至十餘萬。後京市洋貨肆。有虧衆資。其主者某。嘏友也。商會議定。以其肆爲彩。售票。以票價完債。凡得數與鄂頭彩同者。肆卽爲所有。迨得電。則嘏中彩。有人願出銀十萬購其肆。謝曰。彼吾友。吾可據其肆爲己有哉。乃驅車訪某。告之曰。肆乃君家物。何與於我。今幸債已償。願努力經營。勿墜覆轍。老友有榮施矣。出票焚之。某不自安。堅請受。肆竟避之西山。故肆卒爲某有。

石玉田

玉田。總兵楊福同從弁也。福同庚子間爲拳匪所戕。玉田負其屍歸。身中刃矛無算。至則氣息僅屬。衆勸其息曰。仇未報。豈息時。乃裹創從福同子。逐賊。

霸州。至於保定。果得罪人。乃鬱之。以祭福。同衆以是義。玉田推爲營官。而敵騎已遍畿甸。華軍苟如其指。勦賊則免。攻擊玉田。嘆曰。吾不能受異族指揮。殄同類也。謝去之。而所從多貧。不能歸。乃至長蘆。販私鹽爲活。後爲河北緝私兵所獲。錫良知其賢。釋令去。復入天津。有誣其通盜者。趙秉鈞適司巡警。竟斬以狗。

馬聯海

字翥亭。漢中回人。生而奇偉。高顴深目。中咸豐間武鄉試。時關中回漢相仇。釀大亂。聯海謂同是中國人。特所奉教不同。奈何自相殘殺。遂爲調解。故其初。漢南得無事。時總兵汪殿魁強納屬弁女爲妾。一日出謁廟。突有人擲刀中其腕。大索不得。左右謂聯海所爲。遂屬南鄭令縛之。時黃鼎方奉命督漢南軍防。至乃劾罷殿魁。釋之出。使爲後營營官。無何鼎爲人狙擊死。聯海大

慟。盡鬻其產。資鼎妻子歸葬。遂辭軍事。後知刺鼎者爲回人趙炳。誘而手刃之。教中大譁。適復謀亂。遂指聯海爲漢奸。焚其居處。竟死火中。以其生平多助善舉。如恤嫠育嬰。養疾諸院。舉其手創歿之日。邑人走哭相告。回平贈卹如例。祀昭忠祠。

民黨

民黨者。顛清室。復漢族之元勳。亦□□□□□□□□也。故其人強半□□□□。以爲一樹幟。爲□□□□。亦無傷盛德。至飲博□□。則類有同好。殆無□□□□者。故夫官僚之失德。民黨詆之。□□之失德。言論家亦詆之。究其實。則詐索放浪。言論家又無一不然。以五十步笑百步者。匪唯不差。且將反唇而國民。道德遂淪喪無餘。是固不得爲賢者。諱也。然其奮不顧軀。義烈之概。足起懦夫矣。今紀其著者十三人。及夫武昌

三烈。黃花崗諸忠。

史堅如 鄒鎔 吳樾 徐錫麟 楊正鴻 趙聲 宋教仁 張振武

黃興 張榕 熊成基 王鐘聲 口口口 武昌三烈 黃花崗諸

忠

史堅如

堅如粵人。孫文初革命廣州。時在光緒二十四年。埋火藥巡撫署旁轟擊之。而外援弗至。事遂敗。是役也。埋藥引火。皆堅如承其乏。竟自炸死。而年方踰冠也。勇烈可冠儕輩矣。吾觀其遺象。翩翩然若冠玉。然眉目聳拔。英爽氣。卒不可掩。

鄒鎔

字蔚丹。巴人。少遊學日本。歸著革命軍。復共章炳麟撰蘇報。清室延律師控

于租界會審廨。判監禁二年。竟死于獄中。然鎔膽壯而不學。志大而多慾。好爲口口遊。唯以文字提倡革命。共炳麟爲國人先導矣。除辯亦最早。故炳麟贈詩。有快剪刀除辯。乾牛肉作餽語。

吳樾

桐城人。載澤等奉命出洋考察政治。將以立憲。樾慮立憲成。清祚或不可拔。乃俟澤等登車。擲彈轟之。不中。自斃焉。夫清室立憲。本無誠意。即使有意。改革而以其時。人材亦斷無富強之望。是舉不得不笑。樾愚而其排鋤異族之志。可以光日月矣。

徐錫麟

山陰人。家富於資。既就學日本。遂主排滿。歸以資爲道員。指安徽屬姻家俞廉三。札乞皖撫恩銘拂拭。錫麟志在資緣縮軍隊。便聯同志。故謁銘日。侃侃

論兵事。口若懸河。而竟任爲巡警學堂會辦。故舉事倉卒。羽翼無人。徒爲困獸。蓋可哀矣。然錫麟有霸者氣。其謀革命。未嘗依附孫黃。唯發難。輕率孤其壯志。同被殺者二人。皆其同志。錫麟與鎔樾。專主種族革命者。尤可敬。

楊正鴻

騰越人。卒業日本振武學校。時丁振鐸督滇。留學生醜詆之。獨正鴻投謁。有禮。願効用。振鐸大悅。令充迤西防軍管帶。乃以革命義宣之。諸軍附從。漸衆。永昌守謝宇雋。密揭其將謀叛。飭令拏辦。正鴻聞耗。逃去。竟死蠻中。爲雲南革命第一人。才亦深穩。而在今日滇人。已數典忘其祖矣。

趙聲

字伯先。吳人。以拔貢生習武備。徐紹楨重其才。薦授統帶。已而端方聞其通黨。遂卸軍事。再走粵中。迄無所成。聲工書能文。好交名士。竟憔悴資志以歿。

世皆惜之。

宋教仁

字漁父。桃源人。留學日本。速成法政。入同盟會。謀革命。往來遼瀋。冀聯絡草澤。以不修細行。留日時亦頗招譏訕。然其深穩通達。終爲黨中第一流人。辛亥還國。任農林總長。與異黨亦無忤。世凱頗重之。未幾隨唐紹儀返。時同盟已改國民黨。在國會及政黨中力最強。皆推宋教仁。欲舉之爲總理。世凱以爲將不利於己。屬趙秉鈞以人狙擊之。竟死滬上。而第二革命以作。至今無寧日。其死不綦重哉。

張振武

振武。武昌小學堂教員也。素通黨人。辛亥奔走尤勤。革命事起。被舉爲軍務部副部長。其正爲孫武。適彼炸受重傷。調疴醫院。而黎元洪以強迫作督。置

諸。務。不。問。事。皆。決。於。軍。務。部。振。武。遂。總。大。權。後。元。洪。陰。附。北。振。武。權。頗。爲。所。奪。憤。而。起。改。進。會。意。將。謀。二。次。革。命。嘗。至。滬。購。軍。械。浮。開。至。鉅。萬。儲。之。以。待。舉。事。元。洪。聞。之。乃。勸。令。入。京。振。武。亦。將。覘。袁。派。內。容。遂。共。方。維。北。上。而。元。洪。已。電。世。凱。隸。治。二。人。皆。槍。決。爲。黎。主。謀。者。則。參。謀。次。長。陳。宦。世。凱。亦。欲。藉。此。挑。鄂。黨。與。元。洪。惡。感。故。殺。振。武。之。日。卽。暴。黎。電。於。衆。明。非。己。意。也。

黃興

字克強。長沙人。嘗肄業兩湖書院。後乃留學日本。倡革命最勤。衆推共孫文主同盟會事。丁未四月。舉事雲南河口。以兵單無援。爲趙金鑑周國祥所破。逃入越南。辛亥三月。攻廣州督署。復敗於李準。僅以身免。是兩役皆興親臨指揮。辛亥還援鄂。與軍務部諸人相左。大敗於漢陽。恐過江爲人所執。乃東下。始舉爲正元帥。元洪與通書。唯稱黃司令。不自安。乃改就臨時政府參謀。

總長袁世凱就職。又授爲江寧留守。後宋教仁被擊。強程德全獨立。自起討袁。無何前軍挫敗。乃逃去。或謂是行攜資甚多。皆軍帑。事定。世凱以銀十萬購之。乃避之日本。已而與孫文議岐。各自爲派。遂去居南洋。帝制敗歸。行卒。

張榕

黃復生等謀炸載灃。榕以北洋學生預謀。事破判監禁。辛亥秋釋出。榕固奉天人。乃還瀋。逼趙爾巽謀獨立。將自爲保安會副會長。而藍天蔚已爲聶汝欽所制。張作霖行至。謀遂敗。時有革員柳大年。優人木鐸等。日假革命招搖。皆託榕名。竟爲張作霖所殺。榕關東革命第一人。

熊成基

江都人。戊申冬以馬營隊官舉事安慶。江南大震。以無援敗之。日本嗣復來往東三省。庚戌將竣。載洵過哈爾濱。時伏擊之。爲同黨賣。被禽於長春。斬決。

予嘗觀其對簿侃侃不撓視死若歸真烈士也。

王鐘聲

其父廉昉自謂爲上虞人。遊幕滇中。治律例。兄槐蔭承其業。而籍則易爲湖北。然其父子弟兄皆操滇音。終不知爲何省人。習新戲於上海。起春陽社。陳其美得督滬軍。鐘聲力最多。復走天津。謀北舉。爲張懷芝所殺。常還滇。自署銜德國留學生。分部主事。時謁丁振鐸。奉之若上賓。辛亥春。予客京師。與共旅邸。見其穢行甚多。以其死事甚烈。故不具書名。槐清。

□□□

歸安人。初習賈質。庫不成。復習於絲肆。亦不成。乃去之日本。習速成警察。歸共鐘聲等。稱革命黨。上海光復。自謂有說。張楚寶功。遂□□軍。受事。日先出三千金。購汽車一。既得。車乘之。遍走北里。以炫衆妓。所轄則有劉福標之。薙。

髮。隊。李顯謨之車夫隊。又有某某之女學生隊。日日募餉。勸捐。言北伐未幾。所部多染穢瘡。不良於行。或謂□□亦患□□故稱□□都督云。袁世凱任爲□□總長。不赴□軍府取消。益出所得。獵豔平康。每夜至。置妓筵數十次。以誇豪縱。二次革命。集舊部攻江南。□□所部半死亡。而□□方高坐一枝。香左擁。右抱琵琶胡琴。其樂陶陶也。既敗。則往來申日間。爲青山機關部總理。帝制禍作。欲號召舉事。而人無信之者。乃令□□賄日人。聚胡匪。擾□□搶掠焚殺。東民至今言之猶蹙額痛心。後爲張宗昌令人狙擊死。

武昌三烈

無三烈。鄂軍不得起義。鄂軍不起義。吾儕至今猶滿人僕也。一彭楚藩。一劉復基。一楊宏勝。皆第八鎮兵士之實行排滿者。世傳有就鞫時與鐵忠對答詞。乃□□足信。

黃花岡諸烈

辛亥春之攻廣州卽是秋舉義武昌之張本以軍隊不附從辜遂敗凡死難者叢葬之黃花岡至七十二人嗚呼可謂烈矣宣統間孚琦鳳山皆死廣州蓋以表示排滿故謂滿運之終終於黃花岡諸忠之手亦無不可吾以之殿近代名人所以示來者以弗忘也其姓氏已有專書茲不更舉